



2. 5. 247



56

32

XXXVII

BACCET.

Hist. Mozart.

Scrim. Ed.

DINGVIMS

2-5242

N I C O L A I
B A C C E T I I
F L O R E N T I N I

Ex Ordine Cisterciensi Abbatis

SEPTIMIANÆ HISTORIÆ
L I B R I V I I.

Hanc Notis, variis Observationibus, & Præfatione illustravit, necnon à temporis ludibriis vindicavit Editor

FRATER MALACHIAS D'INGUIMBERT
CARPENTORACTENSIS

Ejusdem Ordinis Monachus, Sac. Theol. Doctor, MAGNI
HETRURIÆ DUCIS Theologus, necnon primum
in Universitate Pisana, tum in Lyceo Florentino publicus Theologiæ Professor.



R O M Æ,

Ex Typographiâ Rocchi Bernabò, MDCCXXIV.
SUPERIORUM PERMISSU.

Ex Legato D: Equitij Antonij Francijci DesMarnij

Sanctissimo Domino Noſtro
INNOCENTIO XIII.
PONTIFICI MAXIMO.

F. MALACHIAS D'INGUIMBERT
Perennem, & continuatam Felicitatem.



HISTORIAM *Septimianam Domni Nicolai Baccetii in lucem proferens, BEATISSIME PATER, à Religioſi Viri mentis ſenſibus me recedere non arbitror, illam SANCTITATI TUÆ consecrando. Nam ſi Vir, quem in primis eruditum Græcia* Archimedes. *mirata eſt, ac ſuſpexit, opera ſua inſcribenda non cenſebat, niſi ei, qui tali-*
3 2 *lium*

litum rerum intelligens, ac peritus fuisset; cuius ad res omnes sapiens Baccetius inscriptum voluisset Opus hoc suum potius, quàm tibi, qui ingenium illustre altioribus studiis, præsertim Historiæ vitæ magistræ, juvenis admodum dedisti: quò firmior adversus fortuita Rempublicam capefferes?

Sed si hac una Baccetium causa posset impellere, ut honori, ac meritis *SANCTITATIS TUÆ* Opus dedicaret, *BEATISSIME PATER*; quot, & quanta mihi occurrunt incitamenta, ad ea, quæ attexui, augustissimi nominis tui, virtutisque perpetuâ constantiâ roboratæ submissiùs tutelæ commendanda! Ut enim de iis fileam, quæ abundantissimè suggererent ortus in Pontificio solo, & cooptatio in Cisterciensem familiam à *SANCTITATE TUÀ*, & ab agnatis Pontificibus, quorum placita studiosè colis, exquisitis beneficiis ornatam. Quippe quæ mihi
necef-

necessariæ consecrationis causæ cum plurimis sunt communes. Una, quam mihi præcipuam puto, cuique maximè locum dedi, inevitabilis ratio fuit
SANCTITATI TUÆ *Operis nuncupandi. Quòd nimirum peculiarem in modum me tibi obstrictum debeam demonstrare ob adhibitam ardentissimam sollicitudinem in vindicandis, ac roborandis Decessoris tui, cui addictus sum memoriâ beneficiorum sempiternâ, æquissimis Constitutionibus, in quibus momenta erant maxima ad sacrosanctum Christianæ pietatis, ejusdemque fidei Catholicæ depositum robustâ mole solidandum. Utpotè cum res eò tandem perducta sit, ut utilissimo, brevissimoque bonarum, malarumque rerum utens delectu, cogitare quid aut nolueris sub alio Principe, aut volueris; ac sensus induens, aptansque tibi Innocentii III. quod ille aliorum protulerat, tu ad propositum nostrum accommodatissimè,*

*De transl.
Episcop. cap.
quando.*

de

Epist. 18. quæ
est ad Inno-
cent. 11. pro
Alberone Ar-
chiepiscopo
Trevirensi.

*declaraveris, non hominem, sed Deum
id solvere, quod Summus Pontifex non
humanâ, sed Divinâ autoritate dis-
solveret. Quem in modum, evanescente
falsitate, luce veritatis obortâ, extremis
hisce Reipublicæ Christianæ temporibus
mirabiliter renovatam perspeximus,
quam celebrabat Bernardus, rem ple-
nam æquitate, & laude dignam, ut
de mendacio nemo lucretur, præsertim
apud sanctam, & summam Sedem.*

*Nescio, an mirum, & ingra-
tum id iis acciderit, qui Ecclesiam
Romanam vigorem suum tam profanâ
facilitate dimittere, & nervos severita-
tis, eversâ fidei majestâte, dissolvere
voluissent. At tibi promitto, in meque
recipio, BEATISSIME PATER, vi-
ris rectè sentientibus, & semel super
Petram solidâ stabilitate fundatis val-
de probatam fuisse summæ sapientiæ,
ac gravitatis plenissimam agendi ra-
tionem, quâ luculentissimè demonstra-*

bas

bas , te perspexisse , & penitius introspexisse Divinae veritatis altitudinem , quam Cyprianus ad unum è potissimis Decessoribus tuis scribens sapienter expromsit .

Epist. edition.
Oxonienf. 159.
ad Pam. num.
Epist. 55. ad
Erasim. lib. 1.
Epist. 3. quæ
est ad Corneli-
um Romanum
Pontificem .

Sed si certatim omnes verè Catholici hæc comprobârunt , BEATISSIME PATER ; quam mihi fuisse mentem existimas , quem omnia tua delectant ? Utpote cui perspectum erat , & exploratum , te nec degenerem , nec minorem esse posse , quem domesticis exemplis virtutis , eruditionis , ac fidei provocabat Familiæ dignitas , & generosa nobilitas ? Quamquam quid est cur intempestivè Familiæ dignitatem , ac generosam nobilitatem commemorem Viro Summo , qui , pro nativâ morum modestiâ , à teneris annis Doctores Sapientiæ secutus est , qui sola bona , quæ honesta , mala tantum , quæ turpia ; potentiam , nobilitatem , ceteraque extra animum neque bonis , neque malis an-

Tacit. lib. hist.
4. loquens de
Helvidio Pri-
sco .

nu-

Idem lib. hist.
loquens de
Biefo.

*numerant : seque semper placidum , in-
turbidum , nullius repentini honoris ,
adeò non supremi Principatûs appe-
tentem exhibuit ; ut parum effugeret ,
ne dignus crederetur ? Hinc vel etiam
necessariò prædicanda , quia omnium
sermonibus celebrata , alto involvam ,
obruamque silentio ; ne fortè importuna
narrare contingat tibi , cui egregiis fa-
cinoribus sueto , inania fœtent verba :
cui unâ in virtute laude positâ , satis est.*

- Eminere inter illustres Viros ,
- Consulere Patriæ ; parcere afflictis : fera
- Cæde abstinere ; tempus atque iræ dare ,
- Orbi quietem , seculo pacem tuo .

*Præclarè quidem . Verumenimverò , ut
optimè visum est Sapientibus :*

Hæc summa virtus est ; petitur hac Cœ-
lum via .

PRÆ-



PRÆFATIO
FRATRIS MALACHIÆ
D'INGUIMBERT
Historiæ Septimianæ Editoris.



SILUM non sumere, & nullum planè
librum posthàc divulgare jam olim
statueram; consiliiue mei rationem
omnibus æquis rerum æstimatoribus
probandam iri confidebam; iis præ-
fertim, qui quidvis perpeti mallent;
quàm æquo animo in dies ingrave-
scens videre malum, de quo rectissimè dictum est:

tenet insanabile multos.

Journali Sat. 7.

Scribendi Cacoëthes.

In eâ mente pertinacissimè diù perstiti. Ex eo enim tem-
pore, quo Romæ, & Parisiis lucubratiunculas quasdam
meas edidi; eam, quam in scribendo nonnulli gloriam
aucupantur, ego in non scribendo studiosissimè quæsi:
ac diutius in eâdem perstitissem. Non jam quòd vel mi-
nimùm quidem caperatâ fronte Catones timeam, qui me
b altum

*Matthias Poser
in vitâ suâ à se
scriptâ pag. 58.*

altum stertere , cucurbitasve pingere mallent, quàm exilis ingenii angustam mediocritatem ad utilitatem, quandam adducere ; aut quòd me terreant vitilitigatores, quorum seges in hoc seculo densa est, homines, ut Plinius ait, ad venena nati, qui nullum aliud abominati spiritus præmium noverunt, quàm odisse omnia. Sed quòd, præter allatam initio causam, mihi metuendum semper arbitratus fuerim, quod sibi quondam metuebat Vir eruditus, nimirum, ne juventutem abstraherem à lectione graviorum autorum, quos per Dei gratiam habemus : & ne miseris typographis imponeretur, qui sæpè magnos sumtus impendunt libris nunquàm, vel tardè admodum distrahendis. Quæ cum ita essent ; Viris mihi multo honore colendis, ac suspiciendis, quorum vel imperia detrectare, vel postulata denegare nec possum, nec deo ; quibusque Præfectorum meorum mens perspecta erat, visum est, me ab officio discessurum, si ab alienis, aut propriis scriptis emittendis obstinatiùs abstinerem. Ego, cujus hæc optio erat, utram harum conditionem vellem accipere ; non equidem potiore, sed minùs molestam elegi : videlicet, in alienis operibus edendis qualemcumque operam navare.

Vix fidem obstrinxeram ; cum audiens, mihi primo loco emendandam, ac vulgandam propositam fuisse Reverendissimi Patris Domni Nicolai Baccetii Cisterciensis Ordinis nostri Abbatis Historiam Septimianam : parùm absuit, quin liberarem. Enim verò non me fugiebat, ferè seculum effluxisse, (quod rectè intelligitur ex iis, quæ operis initia ponens Autor refert) ex quo Septimianorum res gestas mandavit scriptis, quibus extremam admove manu non solùm non valuit ; quin potiùs tot mendis infuscatam, tot ornamentis, & adnotationibus spoliata Historiam reliquit : ut, cum tantum intercesserit temporis intervallum, nullus ex quamplurimis, qui illam expoliendam, ac vulgandam susceperunt, ani-

animis non conciderit. Præterea unâ operis lectione compertum mihi fuerat, quod alienis & propriis experimentis Nicolaum Baccetium præ senectute gravissimo oneri imparem didicisse perspicuum est, nempe rem arduam vetustis novitatem dare, novis auctoritatem, obsoletis nitorem, obscuris lucem, fastidiis gratiam, dubiis fidem: & citò lutum contrahere amnem exundantem. Hinc, ut me imminenti periculo fugâ substrahe-rem, demandatæ provinciæ immunitatem semel, & iterum petii; quam cum obtinere non valuisssem; juvante Deo Optimo Maximo, in cujus manu sumus nos & sermones nostri, ad nodum expediendum me celerius accinxi.

*Plinius in pref.
Nat. hist.*

Quintus Curtius

Rei multiplicem asperitatem non mediocris voluptas condivit. Utpotè cum inter hirtas sèpes, plurimasque spinas, quas variis operis partibus intextas oculis, & manibus deprehendi, & interdum revellere non dubitavi; elegantissimas ac suaviter fragrantés rosas passim enasci non semel observaverim. Quod quidem mihi rationes dis-
pungenti, ad opus, à quo longè disjuncta mens erat, explen-
dum, animos, alioquin despondendos addidit. Siquidem æstimabilia quædam, & quamaximè expurgata se se pluries exhibent in ipsis etiam nævis egregio operi inter-
dum inspersis, quos faciliùs culparet asperrimus censor, quàm quidquid minimi est in lepòre sermonis imitaretur; qui facillimè possunt ignosci Baccetio, cum nihil sit omni ex parte beatum: Cùmque in opere, quod avida tempo-
ris edacitas difficillimum fecit, rarò peccasse felicissimum fuerit.

Primum ergo cum non ostentationi, sed fidei, veri-
tatiq; teste Plinio, componatur historia, non solum Baccetius veritatem, cujus perpetuus in scribendo & studiosissimus cultor est, majorum potissimum auctoritatè suadet: sed etiam scribendi modum simplicem, speciem falsitatis obscurantem, vaftris non egentem ambagibus,

Lib. 7. Epist. 17.

*Hilar. lib. contra
Contraſtium
Imperat.*

per ſe congruentem religioſiſſimè conſecratur. Deindè cum omnium adulator, omnium hoſtis eſſe ſoleat, veriſque miniſtros vera deceat proferre; non ſolùm in ſententiâ de rebus, aut perſonis ſerendâ ad aſſentationem eruditum ſe non exhibet; verùm etiam eo modo ſe gerit, quo palâm, & apertè demonſtretur

*Horat. Sat. 1. lib.
2. v. 62.*

Uni aquus virtuti, atque ejus amicis.

Idque optimè quidem. Ut enim graviſſimè, ac ſapienſiſſimè pronunciavit vir de toto, quàm latè patet, orbe literario optimè meritus, mihiſque in primis ſuſpiciendus Reverendiſſimus Abbas Domnus Guido Grandus Diſſertationum Camaldulenſium diſſert. 1. Scriptori, nihil timendum in aſſertione veritatis quibuſvis imaginationibus præferendæ.

Accedit, quod ſumma eſt & miranda hominis ſenſio planè conſecti in hiſtoriâ texendâ diligentia, magnus omninò labor, varia, & penè incredibilis lectio, ac grave prorsùs in lectionis varietate judicium. Nec ſcio, an ſi per tempus, vel per gravem ætatem Baccetio licuiſſet eximium, ac luculentum præceptum illud exſequi: *Nunquam tentabis, ut non perſicias*; quiſquam alius inter cœvos ipſi, nobiſve ſcriptores, quamvis ſummâ vi, ope, atque operâ eniteretur, præſtantiora nobis ingenii & hiſtoriæ monimenta relinquere potuiſſet. Tandem qualibet datâ occasione, modetiâ penè immodicâ, moribuſque planè niveis, & ab omni fūco prorsùs abhorrentibus propria, vel domeſticorum infirmitates & errata Autor ſinceriſſimè pandit: nedùm tumentis animo ad propriam, vel alienam tenuitatem celebrandam orationem inflat. Quam ſanè ſcribèndi rationem multos mirari, paucos admodùm imitari valdè doleo; cum tamen extra imitationem non ſit poſita: eâque vulgus ſcriptorum ambitionis, ac ſuperbiæ condemnetur, qui ſerè in id ſolùm ſcribere videntur, ut nomen ſuum poſteritati commendent, & ſæpiſſimè, etiam in muſtaceo laureolam quærunt.

Ut

Ut ut hæc sunt ; quamvis ab aliorum scriptis edendis vehementer abhorrerem ; inspectâ tamen multiformi Seppimianæ Historiæ venustate , quæ summa profectò esset , si cum nonnullis operibus conferretur , quæ in dies ab ineptis scriptoribus emittuntur ,

ut sint thuris , piperisque cucullus :

Fixum tandem immotumque sedit animo , eam divulgare , adhibitâ primùm ultimâ limâ , quæ potissimis operis capitibus decrat : ac postquàm eam luxuriam , quæ in summa ubertate inest , stylo depascendam partim tradidissim.

Minimè tamen spondeo , me in hisce omnibus præstandis ità serviliter addictum , ut non aliqua præterierim , quæ cùm primâ fronte dubia viderentur , accuratè tamen ponderatis rectissima notio subjecta esse poterat : aut minora erant , quàm ut Lectori moram , aut negotium facerent . Nec dissimulare ausim , in tam perplexo opere plurima , quibus spongia deletilis adhibenda fortè fuisset , oculorum , animique aciem fugisse . Id unum sanctè profiteor , me nihil partium studio , aut suppressisse , aut permutasse . Peritiam , aut diligentiam meam subindè fortassis desiderabit Lector ; interim spero , fidem , & voluntatem eum nunquam requisitum . Ubicunque à recto tramite deviare contigerit ; Dei , atque hominum veniam obnixè peto , paratus meliora monentibus non tantùm obsequium præstare , sed etiam gratias referre .

Si cui Autoris nostri placitis addictior forsan æquo videar ; cogitet , me pro Baccetio , non in Baccetium calamum arripuisse . Verum enim verò , ut egregiè observavit vir scientissimus ; tutelæ quoddam genus suscipit Editor : nec propriam liberat fidem , nisi Autoris sui tueatur . Minimè mihi placet illorum industria , qui in nævis eorum , quibus multorum dierum , & vigiliarum opera celebritatem pepererunt , ostentandis operam collocant , non sine insigni pietatis damno nimiam in aliorum scriptis nasutè distringendis religionem ostentantes . Rectiùs illi
pie-

pietatem colunt, qui verendæ gravissimorum scriptorum nuditati non tantum tergum obvertunt; sed etiam palium injiciunt: & errores humanitus admissos, benignâ humanitate dissimulant, simul & amoliantur. Quibus addidisse non pigebit, mihi semper arrisisse sapientissimum illud Quintiliani consilium aptissimè in rem nostram quadrans: modestè & circumspecto judicio de tantis Viris pronunciandum est; ne (quod plerisque accidit) damnent, quæ non intelligunt. Ac si necesse est in alteram errare partem; omnia eorum legentibus placere, quàm multa displicere maluerim. Sed hæc hætenus. Extremum illud est, ut cunctis exhibeam attentius inspiciendam imaginem Abbatis Nicolai Baccetii Historiæ Septimianæ Autoris, quam cum peritissimè jam pridem expresserit eruditus Cisterciensis Abbas Eusebius Sarrinus Baccetio coævus; dum ab aliis ejus ætati supparibus scriptoribus leviora, à Sarrino præcipua lineamenta mutuari non dubitabo.

Nicolaus Baccetius Florentiæ pius admodum, & honestis parentibus ortus vix annum attingens ætatis duodecimum, contentis rebus omnibus fluxis, & caducis, religiosam Cisterciensium Disciplinam amplexus est. In tyrocinio tum ponendo, cum explendo omnibus se commendandum, & amandum exhibuit. Erat in eo animi lenitas mira, naturæque bonitas quædam, ut vix irasci posset etiam irritatus. A teneris annis Latii, Hetruscique soli musas religiosissimè, ac diligentissimè coluit, quibus maturitatem quandam affecutus, posthabitis; Philosophicis, ac Theologicis studiis Romæ operam unice navavit. Cum verò iis satis superque imbutus esset; ad humaniores literas, dum per otium licebat, animum appellere constituit: in quibus quantum ipse profecerit, excultissimi, atque ad perfectam eloquentiam efflorescentis ingenii literaria monimenta continuo testata sunt, ac etiam nunc testantur. Improbi, assiduique laboris amantissimum,

num, inanisque otii impatientissimum ad extremam, usque senectutem se prodere non destitit. Cum nemine unquam similitudinem gessit; rerum alienarum minimè curiosus, minimè suspicax: sed antiqua, non tamen, stulta simplicitate præditus.

Sub profectam ætatem ob eximia in totum, quàm latè patet, orbem literarium, Ordinemque Cisterciensium merita, in Abbatum numerum coopatus est. Dignitatis autem non quæsitæ, sed spontè à Superioribus collatæ insignia, honores, munia, omniaque præter nudum, nomen generosissimè floccipendit. Hæc autem religiosa operandi ratio pauciores forsàn imitatores inveniet, quàm singularis in scribendo moderatio, cujus suprà mentionem habui. Cum eo pacto curarum omnium expertus esset, variis, iisque reconditiore eruditionis luculentissimisque posteritatem lucubrationibus ditavit. Libris septem, quos emitimus, omnem Septimianarum rerum memoriam complexus est. Concinnè, & eleganter scripsit de jure historico, necnon de bello Semifontano. Censuras literarias, & elogia decem potissimorum scriptorum, qui in Italiâ centum annorum spatio latinæ eloquentiæ laude floruerunt, mirum in modum adornavit. Parænesim ad pristinum decorem Monasticum composuit. Severum Monachum adversus Thomam Porcachium defendit. Orationes, Academicasque lectiones plurimas, aliasque lucubrationunculas tum sacrâ, cum profanâ eruditione refertissimas divulgavit. Johannis Barclaii Argendæ primus omnium Hetruscæ reddidit. Universam Historiam Florentinam decem libris absolvere meditabatur; sed multorum dierum, maximi que laboris opus, quod vehementer eruditi omnes expetebant, politiciùs limare non potuit, nimia præpeditus importunitate amicorum, quibus in diversis Operibus edendis se præbuit adjutorem. Et quidem ab eo quamplurimi Orationes, nuncupatorias epistolas, præfationes, aliaque propriis operibus adne-

adnectenda, adeoque proprio nomine vulganda pluries obtinuerunt. Cum ipse quidquid à Domino gratis acceperat, gratis daret; sibi que peculiarem laudem in alios libenti animo transmoveret. Cibi, porusque ad prodigium usque temperans, nedum abstinentissimus, nullo ferme gravi morbo conflictatus est; iis tantum demtis infirmitatibus, quæ sedentarios assiduo labori mentis addictos necessario comitantur. Sincerissimis & ad amicitiam appositis moribus, summâ comitate, miraque festiuitate conjugatas consuetudines fovebat: adeo ut non minus gratiis, quam musis natus esse videretur.

Hæc cum de mente Baccetii leviter perstrinxerimus; audiamus Eusebium Sarrinum ejusdem instituti professione, eorundemque studiorum cultu Baccetio conjunctissimum de ejus corpore sic loquentem: *Fuit Nicolaus (Baccetius) staturâ brevi, sed aptâ membrorum compositione. Mirari tamen quisquam poterit, in gracili corpusculo ingentem animum substituisse. Blanda illi facies, decoraque canitie veneranda; frons lata, ac lata, teres nasus, protensa aliquantulum aures, exilia labra, qua os decenter concluderent: oculi adeo vegeti, ut sine specillis, quibus nec planè senex usus est unquam, minutissimas literas securè perlegeret, & assidue scriberet. Septuagesimo tertio vitæ anno torminibus correptus interiit. Sed duplicem adeptus est vitam, in Cælis unam, in scriptis aliam, quibus erit omni marmore, omni ære, omni monumento perennior.*

His addendum censeo, quòd cum Opus Florentiæ approbatum fuerit, antequàm Romæ approbaretur; utramque approbationem simul duxi præponendam: ut indè historicæ Baccetii narrationi majus autoritatis pondus accederet.

NICOLAI BACCETII

Ex Ordine Cisterciensi Abbatis

In Septimianam Historiam ad Revmum D. FERDINANDUM
UGHELLUM Septimi Abbatem, Comitemque Stalis, ac
Serñi Principis Caroli Card. Medicæ Theologum.

P R Æ F A T I O.

S I qui sunt, FERDINANDE Ugbelle Opt. Abbas; qui in clarissimarum gentium perscribendâ historiâ cum prudentia, tum eloquentia laudem apud doctos homines tulerint non mediocrem, ii, ut semper mihi visi sunt, qui à moralibus ad commendatioris vitæ usum avidissimè legerentur; sic illorum consilium haud quaquàm improbare possum, quorum in alicujus splendide familiæ rebus gestis narrandis, prætermisissimis iis, vel jejune tactis, quæ ad publicam rem aliquo modo spectare videntur, omnis defudat industria. Utrisque enim magnum Reipublicæ commodum propositum esse intelligo. Illi enim Lectorem suum prudentiorem faciunt, unique politice institutioni idèò student impensius, ut inde præcepta rectæ administrationis exhauriantur, unde publicæ rei successus in dies evadant feliciores. Isti domesticorum exemplorum congerie unius gentis alumnos propius urgent, ut salutares Cives publico esse possint, ac velint. Ut illi diviniùs, ne isti, ut ego quidem arbitror, opportuniùs. Siquidem si in illis, quæ aliena censentur, tanti momenti inest ad virtutem; quantum magis domesticis exemplis, ut meliora spondeamus, impellemur? Hæc inter tantum discriminis intercedit, quantum inter eminùs jaculari, et cominùs ad scopum dirigere illius, interesse videtur. Illa ergo eminùs, hæc cominùs stimulant, ac pungunt. Perlecta, auditaque illa fortasse delectant, hæc verò ad veræ gloriæ cupiditatem acriùs movent. Indicant tantum illa, hæc ad virtutis iter certissima impressa vestigia sunt. Illa ultrò sequimur, verecundiâ ad hæc vel invitati compellimur. Illa si clausis oculis prætereamus, minimum noxæ contrabimus; ista si contemnamus, parricidii crimine propemodùm nos obstringimus, quod turpiter facti degeneres, majorum gloriosè facta, vitiorum mucrone jugulemus. Et quidem antequam priscorum stylus in eas
scri-

*scribendi angustias conjiceretur; ipsa pudoris, curaque famæ
mortales docuit*

pietos ostendere vultus

Majorum, & stantes in curribus Æmilianos

tabulâ jacare capaci

Fumosos equitum cum Dictatore Magistros.

*Ut eo quasi incitamento, & noxium, turpeque otium excuteretur,
& ad avitam gloriam emulandam exacueretur generosa posteri-
tas. Quid? quod illa nationes, quibus olim ultra Ararim flumen
in Galliis immanis barbaries ita omnem excusserat humanitatis
sensum, ut ab se etiam usum scribendi ea, quæ, vel mente comple-
terentur, vel fortia facta Patrum ingererent, ablegarent; non
usque adeo fere vise sunt, ut non aliquando, calente convivio, ad
citharam, & lyram res gestas Majorum cecinerint, quò lata ju-
ventus lenius militarem disciplinam imbiberet, & vel deinceps ad
belli gloriam Patrum impressa vestigia insisteret, vel etiam facta
audacior ultra progrediretur? Et istis quidem sæpius inter scyphos
decantata bellica Majorum gloria, tantum attulit animi, ut tran-
sgressi non semel perpetuo penè gelu rigentes Alpes, ausi sint Orbis
terrarum imperio minitari, captaque dominâ rerum Urbe, de ipsis
gentium omnium triumphare victoribus. Illos autem, quibus hu-
manior sensus erat, adeo pupugerit avitæ propendentes imagines, ut
non prius deinde quieverint, quam circumlatis victricibus armis,*

*Quà mare, quà tellus, quà sidus currit utrumque,
omnia perdomuerint. In quibus Scipio ille Africanus, etate
quidem junior, rebus autem gestis nulli secundus, quò su-
stulisset Numantiam, Carthaginem delevisset, suorum imagini-
bus acceptum referre solebat, quæ civili otio penè torpentem,
ad cursum illum gloriosi laboris, quasi adbibitis calcaribus im-
pulissent. Itaque jam minùs miror sapientem illum in divinis
equè, ac in humanis non inconsultum dixisse, nil sibi aliud in
nobilitate appetendum videri, nisi quòd nobiles quædam quasi
necessitas urgeat, ne ab antiquorum probitate degenerent. Quam
ipsam necessitatem, cum plerùmque mortalibus indicent vel ad
tibiâm heroica modulata carmina, vel reliquæ temporum lacerae,
fumoque squallentes imagines; quos aculeos non adbibcant mo-
numenta scriptorum, quæ supra injuriam temporis perennant,
& vel nolentes suavitatem dictionis alliciunt, ut in ipsos in se-
crescentes stimulos incurrant, quibus ad Majorum virtutem cogantur?*

tur? Præstant hoc ipsum egregiè, ut non semel dico; si vè qui præpotentium populorum, si vè qui gentis suæ domesticam literis commendant historiam; quorum cum studio capiar, tum vèrò maxime, ut illud ipsum hoc tempore bono periculo experirer quatuor non minùs de rebus nostris silentio preterita secula me impulerè. Tamest enim silentium illud præcorum Monachorum vengerabar, ut sanctum; quippe quod ex uno illo aureo præcepto (Ama nesciri) profectum esse intelligebam; cum tamen succurrebat animo quid jactura fieret ex celatâ virtute, quæ ut cecinit ille:

Paulum sepultæ distat inertie

illorum instituto libentiùs me adjuungebam, qui ne minima quidem interciderè patiuntur, ne illustrium virorum meritis obli-viosa taciturnitas obstet, nè vè domesticis exemplis destituatur sequura posteritas. Itaque suppressis, dilatisque ad tempus, quæ in sacris literis jam diu moliebar, repente factus Historicus, admovi stylum, distinxì tempora, rerum contuli status, probos cum laude protuli, quosque nobiliores extulissent aliquando artes, non sum passus mibi indictos abire. Quâ in re, fateor, non semel sum quasi cum Gordiano nodo luctatus. Vel enim pleraque obli-viosum funera verat silentium, vel si qua eâ de re levia, inculta-que manaverant scripta, ita vacors incuria male habuerat, ut ad id, quod conabar nulli jam usui esse possent. Despondissem itaque animum, nisi tuus, FERDINANDE Vghelle, in legendo, inveniendoque labor me crexissent. Itaque dum attentissimè legis, ego properanter dictando Amanuenssem fatigo, qui ad hanc diem in oblivionis densissimis tenebris jacuerant, vindice calamo repente evaserunt ad lucem. Constat igitur operæ fructus, si ex hac verâ scenâ nostri velint sibi exempla vivendi desumere. Habet namque historica scriptio & jucundum invitamentum ad virtutem, & morum lenissimam correctionem. Siquidem non sine voluptate in nos derivamus, quæ in aliis miramur, atque suspicimus, nec sine horrore defugimus, quæ ceteris inusserunt n-tas infamia sempiterna. Ceterum præclarè gestorum nostri cœtus te potissimum spectatorem ascribi, FERDINANDE Vghelle peritum non modo, sed etiam scriptorem Historiæ, ut idem ipse diuturnitate temporis intermortuis penè virtutibus lumen afferres, qui nos superstitès, atque ad eas utcumque conantes hoc tempore, & consilio tuo plurimùm juvas; & sapientissimè moderaris. Vale, & nostrorum hominum cœtui longum viræ.

A U T O R

Candido Cisterciensi Lectori.

Vix opus abfolveram (candide Lector) cum me pœnituit exantlati laboris. Siquidem intelligebam, quàm infelicitè hanc ſcribendæ Hiftoriæ orbitam percurriſſem. Sed tamen cùm multa occurrerent, quæ meos viderentur tibi poſſe excuſare conatus; haud ſtatim devovi, æternæque oblivione damnavi, quæ ſcripſeram. Paſſus ſum enim à noſtris excipi calamo cultiori, ut in angulo noſtræ Bibliothecæ ſepoſita, aliquem poſteriorum præſtolarentur, cujus operâ, ſtudioque deſœcrationa aliquando lucem aſpicerent. Et primùm quidem miraberis, meque fortasſe ridebis, quod Livianam amplitudinem, utcūque ſecurus anguſtiſſimas res, ac propemodum deſpicabiles protractiori ſtylo parère coëgerim. Sed æquiori animo patiar ſannam, ſi dicar magis laxiores calceos breviori pedi accommodaſſe, quàm ſuâ res ſacras privaſſe majeſtate. Illud iterùm fortasſe incuſabis, me, dum profiteor Hiftoricum, ad forenſe dicendi genus, incautâ, inconfultâque declinatione flexiſſe. Frequentiùs enim, modò obliquè, modò directè advoco concionem, conſulo, delibero, expedio conſilia, gerendæ rei trepidas injicio curas, legationes adorno, deliberaturis modum ſtatuo, præſinio leges, rem in utramque partem verſo dicendo, ut diſcuſſâ dubietatis caligine, quid factò opus ſit, liquidiùs diſcernatur. Sed ſi animadvertis; non me quodlibet genus rerum paſſim, & ubique ad concionandum rapit. Tempus intueor, perſonarum diſcrimen perpendo, attendo circumſtantias, ut quantum per me liceat decorè quemque ſua munera deceant. Etenim cum tempus urget, reſque extemporale conſilium poſtulat, oratio nuda incedit,

dit, & quasi è causæ visceribus repente eruta, omni spre-
tâ ingenii laude, rem omnem simpliciter agit. Cum verò
circumstantiæ causam graviolem, ancipitisque consulta-
tionis effecerint, tunc delectata subfelliis pleniori exultat
confessu, ut omnium acclamatione videatur vicisse.
Neque interim hoc agens, hominibus clauetro conclusis
alienam personam impono, remque vanissimè commini-
scor ad ornatum Historiæ. Quippe nostris hominibus,
is mos agendi, ut nil magni, vel parvi, vel aliquando
aggressi sint, vel hoc tempore aggrediantur, quin prius
unde res agatur ad minorum gentium Monachos concio-
nentur. Criminabuntur fortasse alii, quòd otiosus ple-
rùnque Historicus, in Cœnobiorum, Tabularum, Phri-
gii operis, demùm unius literulæ, quam cum parergis
fudisset comitior calamus descriptione diutius hæream.
Hic, fateor; nonnihil suspensus hæreo, neque satis me
excusate expedio, nisi fortè vel excellentia operis quan-
doque me culpâ liberet, quæ quidvis aliud profitentem
suâ pulchritudine ad se traxerit, vel legentium fastidium,
qui ut plurimùm nauseant ad severiora continenter enar-
rata, nisi ex intervallo hujusmodi descriptionum amœni-
tate levetur. Non probabunt denique plerique quod
ejusdem generis plura ubique, & passim videar comme-
morare. Sed quid in meâ Historiâ, nisi ad puriores mo-
res, reformationes, veterum Cœnobiorum receptiones,
atque ex unius Instituti disciplinâ simillimæ profectæ vir-
tutes? Denique si alicubi hiulca, sterilisque Septimiana
apparebit Historia, nisi omninò mucosis naribus fueris,
(optime Lector) subodoraberis plerùmque me laborasse
inopiâ, quam incuriosa præterita secula invexere. Hæc
itaque tibi, aliisque probatum iri confido, qui nolint ex
unâ invidiâ, maledicentiâ saginari.

Vale, lege, & lætare.

NICOLAI ADJUNCTII

In publico Pisano Studio Matheseos Professoris

DE AUTORE CARMEN.

Prior electro manans fecundia lingua,
Sermonisque latex, qui sine labe fluit,
Comprobat innocua incorrupta sacraria mentis
Quæ non sunt maculæ vel labefacta levi.
Rivulus illini nisi præterlabitur abovo
Non pellucidulis vitærens erras agnis.
Sic mens facta negas nisi turpia dicere; pura
Impurum petius promere verba nequis.
Prisca reviviscit per te modò forma loquendi,
Et mores pristors integritate refert.
Hoc demùm est sapere, ut verbis bene congrua facta
Consistent, nec lingua à petiore dissideat.
Tu rarum hoc specimen præfers instructis utroque
Qui vitæ, & verbo petius, & ora doces.

EUSEBII SARRINII

Ex Ordine Cisterciensi Abbatis.

DE EODEM EXASTICON.

Si decus, aut specimen prisca virtutis anbelas,
Ac monumenta Patrum, quos imiteris aves;
Septimana lubens NICOLAI clara labore
Gesta sub eloquii fonte coacta legas.
Hæc relegas; in te resti geminabitur ordo.
Horum quippè tibi gloria calcar erit.

Supra Januam Clausuræ Descriptio.

Anno Domini 1236. Sanctissimus D. N. Gregorius IX. dedit hoc Monasterium de Septimo Ordini Cisterciensi, cum esset liberum & exemptum ab omni Regio patronatu, quod in plena libertate à dicto Ordine pacifice possideretur.

Ante Januam Ecclesiæ Descriptio infrascriptæ Feminae.

Anno 1096. Dominica Incarnationis, septimo Kalendas Maii
Cilla Comitissa ejus corpus hic requiescit in pace

EPITAPHIUM.

Gaudia dicta sui generoso Siegmate ducta,
Atque viri clari morte diu tabida.
Gloria, forma, decus, congestio divitiarum,
Nobilitas carnis quàm citò morte fugis!
Corpus terra voret, sed Spiritus ibis ad Astra,
Evectus meritis, ac geniti studiis.
Te nimium posco, vel tantum dicere, Lector.
Junge Deus Sanctis quæso tuam famulam.

AP-

APPROBATIONES.

PRO demanatione mihi factâ à Reverendissimo P. Abbate D.D. Laurentio Citernei Generali Præside nostræ Congregationis S. Bernardi in Italiâ Ordinis Cisterciens. ego infrascriptus perlegi hñum . cui est Titulus: *Nicolaï Bacceti Florentini ex Ordine Cisterciens. Abbatis, septimianæ Historiæ Libri VII.* in quo nihil inveni Sacræ Scripturæ, Sacrorumve Canonum , aut Conciliorum decretis repugnans . Idcirco ipsam in lucem edi posse non dubito . In quorum fidem hic me subscripsi &c.

Florentiæ quarto Nonas Novembris M. DCCXXI.

D. Bernardus Barberi Ex-Præf. Generalis Abbas , & Vifator Major , necnon Sacra Theologia Magister .

D. Laurentius Citernei Præf. Generalis, & Abbas Cistelli &c.

D. Henricus Seravalli Secr. de mandato .

EX Commissione Rñi P. Magistri Vincentii de Comitibus Ord. Min. Conv. Florentiæ, ejusque Serenissimi Domini Inquisitoris Generalis Rñus P. Magister Petrus Antonius Rossi Ord. Serv. B.M.V. Ex-Generalis hujus S. Officii Consultor videat hanc Historiam Septimianam, cum additionibus, & referat, an Typis mandanda .

Datum in S. Officio Florentiæ hac die 10. Decembris 1721.

Magist. Fr. B. Bernardus Ord. Min. Conv. V. Generalis S. Officii .

J. M. J.

JUSSU Rñi P. Inquisitoris Generalis Florentiæ accuratè perlegi Orus, cui titulus: *Nicolaï Bacceti Florentini ex Ordine Cisterciens. Abbatis septimianæ Historiæ Libri VII.* quam è tenebris in lucem eduxit, ac notis illustravit Vir clarissimus Dominus Malachias D'Inguibert ejusdem Ordinis Monachus, ob alia quæ edidit scripta jamdudum Orbi Literario notus. Quùm autem in hoc opere nihil deprehenderim quod Orthodoxæ Fidei, ac bonis moribus adversetur, publicâ luce dignum censeo.

Florentiæ è Connobio Divæ Annuntiæ 16. Januarii 1722. ab Incarnat.

Fr. Petrus Antonius Rossi Ordinis Servorum B. M. V. Sanctæ Romanæ Universalis Inquisitionis Qualificator, Sacrorum Rituum, Indici, ac S. Officii Florentiæ Consultor &c.

Attentâ antedictâ relatione

IMPRIMATUR.

Inquisitor Generalis S. Officii Florentiæ &c.

IMPRIMATUR,

Si videbitur Reverendissimo Patri Magistro Sacri Apostolici Palatii.

N. Episcopus Bojan. Vicesgerens :

APPROBATIONES.

Jubente Reverendissimo Sac. Palatii Apost. Magistro Gregorio Sellaeri, Monasterii Septimi in Hetruriâ positi, à Nicolao Baccetio Abbate Cisterciensi compositam avidissimè legi perelegantem Historiam, quam edidit, notis & præfatione auxit Vir, non minus eximiâ pietate, quàm morum suavitate, laudis ingenio, & tunc sacrâ, cum profanâ doctrinâ excoltissimus Dominus Malachias D'Inguimbert, & ad amussim redegit. In quâ cum nihil offenderim, quod à S. R. E. fide dissonet, seu quod bonis moribus adversetur; opus dignum cenfeo, quod publici juris fiat, veritatis amatoribus profuturum. Datum Romæ VII. Idus Septembris 1723.

Johannes Bouget Prior Sancti Martini de Scy, in Collegio Urbano de Propaganda Fide Lingua Sancta Lector.

JESUS MARIA JOSEPH.

Speimianam Historiam à Domino Nicolao Baccetio Cisterciensi Monacho supereminenti, & clara eloquentia jamdudum lucubratam, positam *sub medio* viderat Reverendissimus Pater Dominus Malachias D'Inguimbert Monachus Cisterciensis, qui Pietate non mediocri Clarus, Gloriosi Ingenii singularitate, Clarissimus Doctrina, ac Scientiarum omnium cultura maximopere pollens, ut *luceret omnibus qui in domo sunt*, illam ponere *super Candelabrum*, satagens fuit; Doctissimis siquidem Notis eam illustravit, Præfatione mirifica auxit, ac ad suum ordinem mirum in modum redegit cum spe firma majoris incrementi, ejusdemque finis suo tempore dandi. Illam itaque (Reverendissimo P. F. Gregorio Sellaeri Sac. Apost. Palat. Mag. committente) magna animi jucunditate perlegens, nihil in ipsa offendi, quod aut morum integritati officiat, aut Orthodoxo Dogmati obstat; quinimò quia Reipublicæ Literariæ multum prodesse posse judico, idèò publici juris honore condecorandam esse cenferem. Datum Romæ in Collegio Sanctæ Mariæ de Victoria Pridie Nonas Septembris 1723.

Fr. Leo à S. Felice Carmelita Exalcatatus Sacra Theologia Prae-Lector, Primus Definitor Provincialis, ac Sac. Congreg. Indicii Consultor.

IMPRIMATUR.

Fr. Gregorius Sellaeri Ordinis Prædicatorum Sac. Apostol. Palatii Magister.



NICOLAI BACCETTI

FLORENTINI

Ex Ordine Cisterciensi Abbatis

SEPTIMIANÆ HISTORIÆ LIBER PRIMUS.



U INTO ab Urbe Florentiâ lapide
insigne Monasterium est, cujus vel
ipsa ædificiorum moles superioribus
seculis fuisse visendum, satis edo-
cere possit. Et structuræ quidem
figura quadrata est. Ab Oriente sole

Accurata Monaste-
rii Septimiani de-
scriptio.

se se prodentem è collibus Floren-
tiam prospectat: ab Occidente Pisas euntibus viæ mi-
litaris certissimum indicium est: à Septentrione mon-
tes cælo propiores habet; à Meridie clementiores
ei assurgunt colles; quibus crebra quæ insident pul-
chraque ædificia quasi ad spectaculum evocata, se se
turritis manibus attollentia gratulari videntur. Plani-
cies, (nisi quâ mitioribus collibus superbit jucundius)

A

è qua

è quâ confurgit, in longum ferè usque ad Tyrrhenum mare procurrit, coercentibus à lævâ, dextrâque montibus. Quæ quo explicatior; eo vicis oppidisque frequentior est. Accolæ urbi propiores, cùm urbanitate quâdam, rusticitatem admixtam habent: & ideo cum urbanatim fallunt paganicâ simplicitate obducunt fallaciam. Fecundiores glebæ, quàm dici possit. Propiùs enim inundans flumen Arnus vel ditat, aliundè præpingui advecto limo; vel funditus subrutas miserabiliter secùm vehit. Undè fit, ut pluviosæ hyemes valdè sollicitos accolæ habeant. Non diù est, quod Ognanum frequentem sanè vicum pene totum diruit: elapsoque anno, is fuit MDCXXI, ita S. Columbano alteri ad Arnun vico, à nobilioribus ædificiis cœptâ ruinâ, minitatus est, ut si pergat sævire, inundetque, vix salutis suæ reliquum spei faciat. Nec aliquando Septimi Monasterio æquior fuit. Siquidem labefactatis fundamentis, quò se tota moles aquarum intenderat, Septentrionem versùs minacissimi muri miserabili sanè ruinâ cecidère. Nec miretur quisquam, me semel & iterùm turrìtos Septimi appellasse muros, quòd ea ædificiū ratio monasticam disciplinam, moderationemque minùs decere videatur. Florentini enim ut rerum in Hetruriâ potirentur, bella ex bellis ferentes ad omnem impetum incurrentium hostium, in partem expensarum vocatis Monachis, locum ita munierant. Videbant enim in eo fornices, fulcipientibus ex impolito lapide columnis, ferè in immensum excurrere; atriorumque insanam laxitatem suspiciebant, firmitatemque murorum suspectam habebant. Quæ si quando ex improviso occuparetur ab hostibus, cùm integro, latenti-que propè Florentiæ portas exercitu, periculoso, ancipitique Marte sibi dimicandum fore arbitrabantur. Ergo anteverterunt quicquid hostiliter potuisset accidere, perantiquo ædificio præaltos, ac benè firmos muros objicien-

cientes. In quibus extruendis nil planè omissum est, quod vel ad sustinendum, vel ad arcendum hostium impetum facere posse videretur. Siquidem quatuor murorum anguli, quatuor specularum sedes sunt, à quibus longè latèque in subjectos campos patet prospectus; quas, ut die noctuque advigilanti militi citrà omnem cœli injuriam usui essent, obduxere tectis. Eminentiora verò quæque murorum, præfinitis adamussim spatiis ad balistarum jactum pervia sunt. Nec ampliora loca defunt in quibus & majora tormenta collocentur, & inde valentiùs explodantur. Supernè visuntur artificiosi hiatus, è quibus, in subeuntem militem, lapidum imbres emittantur. Æratæ portæ angustum præbent ingressum; ad quas iterùm haud efficiunt aditum faciliorem intra aggeres altiùs circumstagnantes aquæ. Denique à viâ militari, hoc est, à Meridie progredientibus præalta, ac minacissima turris fit obviam, quæ doceat omnem hostilem animum ponere debere, qui eò loci accedat; aut hostilitèr excipiendum si pergat minari. Hoc ergo tantum Monasterium è nomine pagi SEPTIMUM antiqui dixere.

Non constat adhuc Scriptoribus temporumque peritis (ut in rebus à nostrâ memoriâ remotis æstimandis plerumque solet accidere) in cujus potissimùm munificentiam rejiciant tam operosæ molis structuram. Johannes Villanus rerum Florentinarum nobilis scriptor, & ubi præ antiquitate mortalium non vacillet opinio, incorruptæ fidei historicus, asserit Hugonem Comitem hanc pietatis tulisse laudem: quem sequuntur Andreas publicus Notarius civisque Florentinus, ejusdem in Italiam cum III. Othone adventum, res gestas, mores, (postque castigatam luxuriam) pietatem, animique moderationem insigni libello, prout illa rudis ætas ferebat, prosequutus est, in gratiam Nicolai Abbatis S. Mariæ

Quis Septimi fundator.

Florentiæ. Viguitque ea de Comite Hugone sententia usque ad Danthis Aligherii, immortalis nominis poetæ tempora: cujus in Paradisi Cant. 16. illud perhonorificum de Hugone exstat encomium.

Ciaschun che della bella insegna porta

Del gran Barone, il cui nome, il cui pregio

La festa di Tommaso riconforta: &c.

Quem locum enarrans Christophorus Landinus summæ gravitatis philosophus, ac in historiâ tum veteri, cum recenti benè versatus; Heroëm, cujus suprà meminit Danthes, illum ipsum esse Hugonem affirmat, qui vel ad expianda peccata, vel ob singularem pietatem in Deum, septem Monasteria regio planè sumtu ædificanda mandavit. Septimi autem ædificatione, tantam à Pulciorum gente memorat collegisse gratiam, cujus proxima loco ditionis oppida erant, ut contractâ utrinque amicitia, ad communicanda cum Pulciis gentilitia insignia Hugonem compulerit. Juvat item hanc, quæ circumfertur, opinionem, pro foribus templi Septimiani marmoreum immane sepulchrum in quo Casdiam, Huillamque, hanc Hugonis matrem; illam uxorem tumulari arbitrantur plerique. Tum quasi per manus ad nostra hæc usque tempora celebrior fama perducta. Inferiæ præterea à non insulis hominibus memori mente, gratoque animo, in iis templis arisque quæ ab eo constructæ dicuntur, quotannis solitæ celebrari. Denique ejus rei pictura vetustior, Hugonis Comitæ iisdem in locis animi memoris ergò gentilitia insignia pendentia: inscripti lapides: atque ad æternitatem æra loquentia. Hæc, inquam, omnia adeo sententiæ Villanii suffragari videntur, ut olim secus sensisse, mihi planè religio esset. Donec à Vincentio Borghinio in suis posthumis, quos de civitatis Florentiæ origine accuratè inscripsit libris: atque à Scipione Ammirato rerum Florentinarum altero Livio, qui viven-

tem

tem Borghinium consuluerat, ut in ferendâ eâ de re in suis historiis sententiâ quasi latentes dubiæ narrationis rænas devitaret; omnis mihi tandem error discussus est. Siquidem gratiosis diplomatibus planè convicti, quæ adhuc apud Septimianos exstant, ejurato vulgi errore, Lothario Comiti ejus foundationis gloriam, munificentiaque laudem ex fide scribendo restituere; haud temerè, timidèque affirmantes, eam de Hugone fundatore opinionem hæcenus vulgi errore in animis hominum tam altas radices egisse. Et Borghinius quidem hæc sententiæ suæ munimenta quæsit. Afferit enim primùm in privilegiis, quæ dum Hetruriæ præfuit, diversis Ecclesiis quàm amplissima dilargitus est Hugo, ne verbum quidem reperriri quo argui possit, septem ab illo exædificata Monasteria. Secundò, eas beneficio amicorum se vidisse scripturas, quæ & Lotharium Comitem Septimi autorem faciant, & Florentinæ Abbatæ Huillam matrem Hugonis. Porro amici, quorum in scribendo beneficio usus Borghinius est, Monachi Cistercienses fuere, apud quos adhuc munificentissimæ donationis olim à Comite Lothario, ejusque successoribus, Cassinensibus factæ, gratiosa diplomata leguntur, in quibus princeps clarissimæ gentis Lotharius Septimi fundator arguitur: ab eoque Comes Guillelmus filius, qui Alpes Stalis, Septimi Monasterio singulari liberalitate adjunxit. Post hunc Bulgarus Comes, cujus tanta pietas fuit, tantaque à suis majoribus fundati Cænobii cura, ut prolapsis in Septimo Cassinensibus, Johannem Gualbertum per ea tempora eximie sanctitatis laude florentem, correctorem, moderatoremque adhibuerit: Hujus denique filius Hugo, sive Huguccio, ut alii vocant, illustris tum munificentia, tum pietatis erga Monachos famâ fuit, qui, patentibus datis literis, quæ sui Majores Monachis dilargiti fuerant, non modò rata habuit, sed etiam mirabiliter auxit, cavitque deinceps

Lotharius Comes,
Septimi fundator
munificentissimus,

Sanctus Johannes
Gualbertus Regularis
discipline in Mo-
nasterio Septimi re-
ctor.

ceps ne quis profanus usus distraheret, divenderetque. Igitur omnes ii, siue jacerent fundamenta, siue dono darent, donataque rata esse decernerent, ne de Hugone quidem, tanquam de loci autore, vel suboscure illato verbulo, Septimum sui juris esse deprædicant. Ac ne quis Comitem Lotharium putet ex illo Hugone, quem Germanum faciunt, duxisse originem, ac proinde non absurdum videri, si cum hic celeberrimi Monasterii fundamenta jecisset; illud, hæreditario jure, suæ ditionis appellaverit; (quod nos aliquando effugium commenti sumus, ut sua Villanio fides illibata maneret): nondum, ut ipsi comminiscuntur, Comes ille jus dicturus Hetruriæ fuerat in Italiam à Cæsare missus, cum Lotharii pietas, munificentiaque, quâ Hetruscum patebat imperium, jam pridem clarebat, Septimumque exstabat.

Errandi occasio.

Ceterum haud sanè vulgarem gratiam Borghinius, atque Ammiratus eo nomine à me iniissent, si vel indicassent obscure, quæ fieri potuerit, ut priscae ætati, nec omnino somniculosæ, tam densæ tenebræ offunderentur, offenderetque propèmodum in meridiem. At quando illis verum indicare contentis, atque in majoribus occupatis haud vacavit; nobis, qui ex professo Septimianam historiam scribere aggressi sumus, videtur incumbere, ut id utcumque præstemus. Inde enim proditâ errandi causâ, redux veritas lætiori acclamatione legentium triumphabit. Igitur haud dubium est Comitem Hugonem extitisse, non Germanum, sed nobilem Italum filium Huberti, siue Alberti, filii quondam Italiæ Regis, Hetruriam ut avitam propriamque ditionem frenasse, per summam luxuriam aliquando fuisse prolapsum: cœlitus admonitum demutasse vitam: pietatemque profusis opibus, si Petro Damiano credimus, arisque positis excoluisse. Dum igitur hic Hugo mores castigando ad amussim divinæ legis vitam exigeret; erigeretque aliquot visenda tem-

templa, quæ numen propitiarent; interim rumor increbuit, septem exædificasse Cœnobîa, ut septem letiferis scelerum fontibus, in quorum cœno perditissimè hæserat, totidem amplissima munera responderent; absolutique operis Septimianam molem lineam extremam fuisse. Aluit vero errorem, ipsum nomen Hugonis. Siquidem, aut sub idem ferè tempus, aut certè non multo post, Hugo Comes è Contalbertiâ gente Bulgari filius, ac nepos Lotharii Septimum amplissimis opibus ornaverat, auxeratque privilegiis, itaut indè facilè fuerit vulgo, ex anxîâ plerumque curiositate, incogitantîâ laboranti, Hetruscum Hugonem illum, in regium hunc transfundere, splendidiore auctori, utpote Hetruriæ Domino regiam magnificentiam ascribere. Minimè tamen Danthis ætati hujusmodi vulgi erratum imposuisse credendum est. Saltem ex supra adductis senariolis quidvis potiùs colligi posse videtur, quàm quod vulgaris opinio vanissimè circumferebat. Voluit autem Danthes ibi summâ cum laude commemorare Hugonem, quòd perillustres aliquot Hetruscas familias, suis gentilitiis collatis insignibus, equestris ordinis fecerit. In iis autem fuere præcipui Pulcii, Nerlii, cum Comitibus Galgalandis, qui *della Bella* vocantur. Cujus occasione loci Landinus, Villanii auctoritatem sequutus, quæ in ore jam vulgi erat, retulit fabellam: neque tamen mirum videri debet, ut Johannes Villanus falsus est; sic Danthis commentatorem decipi potuisse. Accidit enim plerunque, ut quod vulgus prædicaverit, ideòque sensim invaluerit apud omnes, quantumvis accurati, diligentisque scriptoris enervet industriam, adeò ut sæpiùs malint mortales placentia vulgo afferre, quàm in veritate quærendâ nimis superstitiosos videri. Jam quòd attinet ad sepulchrum, in eo non Huilla mater Hugonis; sed Cilla, Gasdiaque tumulantur; quarum illam suspicor Bulgari uxorem, ac matrem Thufci

sci Hugonis: istam verò uxorem hujus ipsius Hugonis pronepotis Lotharii. Et Andreas quidem, cujus supra meminimus, nusquam memorat in vitâ Hugonis ejusdem uxorem Casdiam vocatam esse; (quam alii, non temnendæ auctoritatis scriptores Juditham appellatam fuisse affirmant:) tamen si adeò minuta quæque in eâ narratione religiosè persequatur, ut anilibus fabulis haud multùm videatur absimilis. Nec verò in Septimo ullum æs, marmor ullum incisum, aut vetustior pictura cernitur, quæ seculo integro parem ætatem ferat. Quicquid autem ibi aut pictum, aut insculptum Hugonem proloquitur, propiores nostræ ætati Cistercienses, qui ex eodem cum vulgo biberant amphithæto, ut beneficiorum memores, posuere. Constet igitur, clarissimum virum Lotharium Comitem, Septimum constituisse; deindè filios, illiusque nepotes tum opum, cum illius virtutum hæredes peramplis fortune auxisse, atque ad invidiam provexisse. Cujus jam, si Contalberti, ut vir verecundæ probitatis, atque canitici, cum hæc nostra scriptio spectaret ad finem, nobis probare conabatur, prosapia sunt; illustri per se Cœnobio magnum decus accesserit, ut & magnitudinis suæ Hetruscos cognoscat autores, & adhuc honestissimi cives supersint, quibus non ingrati Cistercienses ingentes habere gratias possint, ac debeant. Et iis quidem autoribus Septimi initia nobilitata sunt. Cujus etiam magnitudinem opum, arguunt eidem attributa splendida latifundia, quæ opulentum Dynastam decere posse videantur. Certè post diram illam eluvionem bellorum à Romano Imperio ad Germanos translato, quæ totam Italiam devastarunt; post diversorum ordinum, ac præpotentium in eo sibi succedentium vices; post tot hominum tum bonorum, cum malorum, ut tulère secula, administrationem; post avaritiam, ac potentium rapacitatem, iis prædiis, ac jurisdictionibus nobilitatur adhuc, quas non nisi ægris

Vide Septimi
splendor.
Latifundia.

ægris oculis, quæstui ac avaritiæ dediti homines cogantur intueri. In quo quidem immortalis memoriæ fœminæ Alalasiæ conjugis Lotharii, ac Guillelmi Comitis filii liberalitas planè enituit, qui Comitatu Stalis, ut supra leviter attingi, Septimi Monasterium splendide adauxere. Cujus latitudo prædiorum ab eâ Hetruriæ parte, cui imminet Alpes usque ad Bononiensium fines protenditur; itaut cum inter Bononienses, ac Florentinos de confiniis aliquando implicata ancepsque contracta lis esset, ut jam nil minùs abesse videretur, quàm ut iretur ad arma, ut parti utrique jus suum constaret; donationis Guillelmi Comitis scrutinio res omnis detecta est, lisque diremta. Etsi autem Cisterciensibus non omnes, quibus antea Monasterium illud abundabat, fortunæ constituerint; quæ tamen illis obtigerunt ita tutati sunt, ac diligenti parcimoniâ amplificârunt, ut & nil illis per tot annos perierit, & siquid aliquando interciderè visum fuerit, aliorum culpâ interciderisse credatur. Ipsi vidimus Portus Signiæ à nautis qui à Lyburno Florentiam advehunt mercès Abbati Septimi portoria pendì. Sed instinctu postea delatorum, quos lucelli spes perfidiosè commiserat, ac publicæ rei reclamantibus ministris, res tandem eâ lege ad Principem rediit, ut specioso titulo conductiois ea summa pecuniæ Monachis quotannis solveretur, quantam ex locatione à ceteris conductoribus solerent accipere.

Tum ad amplitudinem loci ostendendam non parùm etiam facere videntur gratiosa, ut vocant, amplissimaque tum Imperatorum, cum summorum Pontificum diplomata, eidem Monasterio munificentissimè indulta. Otho enim III. Imperator, adeò Monasterio Septimi favit, ut ea omnia, quæ quoquo modo ejus juris esse viderentur, à quavis potestate exempta esse voluerit: inhibuitque ne quis in ejus Monasterii bona, Ecclesias, loca aliquando

B

in-

Orthodoxa diplomata.

inquireret, doloque malo lite contractâ in anceps jus ullo modo traheret. Itidem Henricus II. & III. Cæsares, multis aliis adjectis privilegiis, Septimianis Monachis indulserunt. Jam Pontifices Maximi haud dispari in eisdem liberalitate fuerant; ut siquis hic velit indulta omnia recensere, quantumvis à profluenti loquacitate benè paratus, imparem tamen suis humeris materiem dicendi desumat. Extant apud nos adhuc Paschalis II. Leonis IX. Urbani II. Calixti item II. VII. Gregorii, Clementis III. III. item Alexandri adeo ampla, plenaque amoris Septimo concessa diplomata, ut admirationem legentibus commoveant haud sanè mediocrem. Quorum exemplum imitatus postea IX. Gregorius adeò Cistercienses suos, quos inire Septimi Monasterium iusserat, ita illustri beneficiorum genere ornavit & coluit, ut propemodùm ambitiosè, nedùm libenter Septimiani Abbatis ad se consecrationem trahat, declaretque Cistercienses nullis diplomatibus Pontificiis, quibus præcipuè Ecclesiasticæ poenæ, diraque inferuntur, contineri involuique debere intelligi, nisi conceptis expressisque verbis designarentur. Quæ omnia, cum nonnisi amplissimis ditionibus tum honoris, cum conservationis causâ adhiberi solerent, ut de Monte Cassino, Cœnobioque Nonantulano præclarissimis, atque opulentissimis ditionibus, sæpius cautum esse, de Regno Italiæ memorat Sigonius; hinc rectè colligere est, tanti nominis, tantarumque divitiarum per ea tempora fuisse Septimum, ut parùm iis, quæ modo dixi Monasteriis de dignitate, ac opulentia concedere videretur.

Bibliothecæ amplius.

Jam splendidæ Bibliothecæ quæ exstant adhuc reliquæ, argumento sunt, celeberrimum per totam Italiam fuisse Cœnobium. Continebat enim omnium ferè disciplinarum innumerabilia manu exarata volumina; ut jam satis sit semel dixisse, ex illius ruinis vel auctas, vel dita-

tas

tas fuisse aliquot illustres Bibliothecas. Memini ego cum adhuc adolescens eò loci animi gratiâ degerem aliquando, mirarerque quamplura volumina oblita limo, quorum essent adeò contractæ membranæ, adeoque deletæ literæ ut vix, aut nullatenus legi possent; gravissimum senem narrasse, à priscis se patribus accepisse, militum Florentinorum cum hoste conflictum tantæ jacturæ causam fuisse. Cum enim, ajebat ille, egressi de Monasterio, ubi excubabant, urgentes hostes à muris repellerent, vix ultrà vallum, fossamque progressos tumultuariò excitata repente defecere sublicia. Itaque ut pugnantibus, qui remanserant, reditum quàm tutum possent, pararent, ne si ex pugna fessos regredi contigisset, aquis obruerentur, vel limo infixi ad unum omnes trucidarentur; jactis ingentibus librorum corporibus, pontem utcumque excitarent ad reditum. Unde videre licet, quàm copiosa librorum ea Bibliotheca fuerit, quorum vel minima pars ad construendum pontem, quo regredientes militares copię exciperentur, abundè suffecerit. Nec à vero abest illic aliquando vel consedissee, vel conflixisse acies. Hoc enim ibidem defossæ, repertæque galeæ adstruere videntur, cum, adhibitis fossoribus, sumtuoso planè opere aquosum murorum vallum altiùs excavari jussissent Monachi, ne solito alveo prohibitæ aquæ ad pavimenta domorum, magno incolarum incommodo subsilirent. Ex quibus sanè crediderim posse deduci tam opulentum Cenobium vel ad septuaginta, vel etiam ad centum aliquando aluisse Monachos. Id & laxa structura domorum, ac divitiarum opulentia prædicat; & in primis D. Benedicti institutum ejus naturæ est, ut si ritè obeundum sit innumerabiles Monachos penè deposcat, paucos vero tanquam oneri impares haud pariat. Sed de hoc dabitur infra commodior dicendi occasio.

Institutum;

Nec minùs splendoris loco adjecit miraculum omnium

Petri Ignei miraculum in Sepulchro.

nium sanè literis prædicandam tempore D. Johannis Gualberti Ordinis Vallis umbrosæ Fundatoris, anno MLXX. editum . Hic cum zelo Phinees à complexu Florentinæ Ecclesiæ incestuosum Episcopum, hoc est, labe hæreseos, ac simoniæ infectum Petrum Ticinensem lancea prædicationis, atque objurgationis conaretur divellere, plerisque nobilibus Episcopi fautoribus contradicentibus, ut vera se narravisse monstraret, provocavit ad judicium pyræ. Igitur condicatur dies, locusque præfigitur, hoc est Septimum', exstructaque pyrâ, atque S. Johanne Gualberto orante; Petrus qui à miraculo ignis, Igneus postea dictus est, & Albanensis Episcopus, Cardinalisque ob eximiam vitæ sanctitatem creatus, per sese attolentes flammæ, majore fidei ardore ingressus est, eodem etiam reversurus cum evasisset illæsus, ni populus perspicuæ veritatis edoctrus, summis conatibus obstitisset. Atque ita Petrus, Petrum ejecit è sede. Locus, ad æternitatis memoriam, dignus visus est, qui, laxatis postea à Cisterciensibus templi finibus contineretur, substratoque cum inscriptione marmoreo lapide notaretur, parietique infixa perantiqua facti figura doceret, quàm Deus mirabilis sit in sanctis suis, qui, ut Ecclesiæ suæ, quam sibi proprio sanguine acquisivisset, consuleret, tam admiranda per eos præstitisset. Denique his quæ hætenus diximus quasi pulchram coronidem appingamus S. Quintini Martyris miraculum, quo primùm compertum est, in templo S. Salvatoris Septimi ejusdem corpus incognitum, inhonorumque latere. Etenim anno MCLVII. Adriano IIII. Pont., Friderico verò imperante; cùm inter primariæ nobilitatis ephebos, quos in disciplinâ Septimiani Monachi habebant, nobilissimus, ac eximie formæ puer, Monachum induisset; Dæmon, qui nonnisi ægris oculis benefacta prospectat, progredienti, humanam speciem imitatus sese obtulit aliquando, attonitisque

ocu.

Baronio S. Quintini
in Septimo.

oculis, contractis humeris, rùm compressis præ admiratione labiis, juvenem intuitus, commotione, gestuque corporis primùm, deindè querulis vocibus abire volentem ita compellat. Et te non puduit, teque non miseret tui, candidum istius juventutis florem tam atrato vestimento turpasse? Quodque formæ solum decus est, ubi capilli, ubi vernantes abiere comæ? Adeò tui oblitus es; adeò in te es inhumanior factus, ut non succurrant, quibus ista capitur ætas, quibusvè modò in seculo tui beantur æquales, jucunditates, oblectamenta? Num triplici ære ita circumdarum puerile pectus habes, ut vitæ durioris incommodis nequaquam frangi posse arbitreret? Ah! teipsum respice, si sapias, ac caduco, teneroque flore ætatem fugaciorem, antequàm matutinum rorem puerilium voluptatum, antequàm solem robustioris oblectamenti videre potuerit, ne prior ipse convellas. Si me sequaris, ipse instituam, ipse docebo, quò jusseris ibo, quò non jusseris sequar: beatæ vitæ me non contemnendum architectum habebis: mihi certè ad votum fluit voluptas, quam tecum, si me audis effusè communicabo. Num deliberantem exspecto? Num in propriæ salutis commodis capeffendis adhuc nutantem experior? Vix ullus hætenùs repertus est, qui invitus audierit, cum cogitur aut oblectare se, aut vitæ commodis frui. Sub hæc verba, adeò à pueri vultu, nutibusque oculorum pendebat, ut ipsà contuitus intentione responsum elicere velle videretur. Puer vero incerti vultus hominem demiratus, hùc illucque circumferens oculos meditabatur effugium. Tum Dæmon à blanditiis sensim ad vim delatus, reluctanti sacram vestem semel & iterùm nequicquam conatus detrahere, tandem victus discessit: illicòque suprà humanum vestigium splendidus, ac pulcherrimus juvenis affuit, victori puero gratulaturus de hoste triumphum; verbisque gratulatoriis addidit & salutaria monita: vide-

ret

ret iterum, atque iterum, ne sequeretur devium, neve fallenti præstaret fidem, opus esse in susceptæ vitæ proposito constantiâ quàm maximâ, si è manu aucupis callidissimi tanquàm passer elabi vellet. At hostis quamquam repulsus sæpiùs institit tamen novis technarum contractis copiis adversùs resistentem renovare bellum. Modò enim minis, modò blanditiis, modò de rebus splendidisque ingestis promissis: modò denique ridiculâ gesticulatione, venerisque improbiissimâ imitatione, ita in suscepto vitæ statu obfirmatum puerum urgebat, ut minimum abfuerit, (nisi idem ille pulcherrimus juvenis, ac militari robore plenus opportunam tulisset opem) quin dederet se, atque in potestatem irati victoris veniret.

Cæterum eò impudentiæ prolapsus Dæmon est, ut dormienti puero eodem cubili usus sæpiùs importunè hæreret. Ejus enim constantiam, atque adeò quâ septus erat custodiam vel frangi, vel facilius eludi posse arbitrabatur, si divinarum rerum segniorem puero curam injicere potuisset. Ergo cùm se totum Dæmon ad senioris cujusdam Monachi corporis habitum confinxisset, cubantique puero clanculùm adhæsisset; accidit, ut divinarum vigiliarum horologium repentè signum excluderet. Surrexit impigrè puer, confricatisque oculis, ut torporem excuteret, divinum pensum persoluturus festinus abibat. Cùm fictus ille senior manu, vultu, oculis ne silentiû jura violare videretur, retractum decumbere, & quiescere jubet. Obaudientem larvæ solutior somnus oppressit; donec paulo post horæ primo signo iterum evocatus; ad templum oraturus, progressus, ipso in limine infestissimum Dæmonem obvium habuit, qui trucibus oculis aditu ingredientem prohiberet, & se per vim monachalem cultum interminaretur ablaturum, ni imperanti pareret. Tunc puer vi apertâ petitis clamores extollere, præsentium, absentiumque implorare fidem, hæc illacque cur-

curſitare lymphatus; torquere oculos, oborto ſpumare ore, denique tremere totus, ſudare præterea, unàque algere cœpit. Ingentes clamores exciverant omnes, quique accurrerant, pueri vicem miſerti, quaſi tertianæ frigore captum admoverunt igni. Qui, cùm propiùs acceſſiſſet, ſatiùs ratus deperire incendio, quàm tale deinceps à Dæmone pati, conatus eſt, ſed prohibentibus Monachis incaſſum, ſeſe in flammæ proripere. Indè lectulo conditus, cum iterum & ſæpiùs vapulaſſet à Dæmone, multraque fuiſſet perpeſſus, totus ille juventutis decor defluxit in maciem, itaque per intervalla temporum torquebatur, ac ſi quæ ſunt apud inferos, ultricium flammæ pateretur incendium. Jam nullus erat qui ambigeret, puerum, occulto Dei judicio, atque ad ejuſdem majorem gloriam eam injuriam à Diabolo ſuſtinere. Quare indiſcto jejunio, ab unâ oratione auxilium petendum decernunt; adducuntque obſeſſum ante D. Nicolao epiſcopo Myrenſi ſacratam aram: ibique orantibus cœteris, cum unus Monachorum catholico ritu ſævientem Dæmonem urgeret; poſt multam luctam, ex eo cognoscit omninò duos eſſe, qui miſerum obſiderent. Quorum alter cùm immeritum puerum miris modis, diuque divexaſſet, tandem horribiliter exclamans exceſſit; ſubſecutaque illicò liberati vox eſt gratiarum & laudis. Et num videtis (in dexteram templi partem porrecto indice) addebat puer, quàm ſenex ille ſanctiſſimus & inſulatus, pulcherrimo illo juvene ſibi adjuncto ſocio fugientem Dæmonem pedo, quod manu tenet, ſtrenuè, junctiſque viribus detrudat ad inferos? Igitur intellexerunt, qui aderant D. Nicolai precibus, opeque alterius incogniti Sancti Dæmonem fuiſſe dejectum. Actiſque numini gratiis: cùm qui exorciſtæ munere functus fuerat, quærere iſtituiſſet, cur inde qui remanſerat non abiſſet & ipſe? Retulit ſe in ſequentem diem Sancto illi præ-

prædæ relictum, qui sub altari à multo tempore jaceret inglorius. Nomen deindè postulat Sancti, dabat mugitus veriùs, quàm verba redderet, atque in omnem partem se versans proferre defugiebat nomen cuius vel perfunctorià mentione tantoperè torquebatur. Coactus tandem, horribili voce fassus est, Quintinum martyrem esse cuius erat expellendus virtute, cuiusque meritis (si ei debitus adhiberetur cultus) eo in loco suspicienda patranda miracula. Quanquam mendacem ejusdemque mendacii parentem, atque architectum noverant; placuit tamen omnibus experiri an hostis delatione, verè ibidem lateret thesaurus, qui ægro saluti foret, & loci dignitatem auget. Effodiunt itaque, scrutantur attentius, ligneum penè exesum, ac subterraneo humore corruptum offendunt conditorium, in eoque, manantibus præ gaudio lacrymis, venerabundi invictissimi martyris exosculantur ossa: indèque frustulum extractum admovent obfesso; trepidus, festinusque abscedit Dæmon, lætantur effusè omnes, solemnique in honorem martyris sacrificio peracto, divinis beneficiis recondendis extollendisque reliquum insumere diem. Ceterùm cum nil præterea ad amplio-rem martyris cultum à Monachis adhiberetur; questus per visum cum puero est, à quo depulerat Dæmonem, haud sibi pro meritis redditam fuisse à Monachis vicem, addiditque minitabundus, magnam ipsis, Monasterioque impendere procellam; ni & divinâ virtute editum miraculum deprædicarent, & supplices recens inventum corpus circumferrent honorificentiori loco collocandum. Quibus auditis Abbas candidè narranti puero fidem adhibuit, indixitque celebriores supplicationes. Fit è vicinis pagis incredibilis populorum concursus, perstrepuunt læto, festoque sono campanæ, nudis ingrediuntur pedibus, Deum in sancto suo lætanter collaudant, martyris modulatis vocibus opem implorant, excipiturque tandem di-

digniori loco : denique pro concione explicatum miraculum est , confertissimâ circumstante auditorum coronâ . Ut vero inventi corporis fama exiit , cunctos per totam ferè Hetruriam ejus invasit religio , itaut certatim omnes qui aliquo gravi morbo laborarent , sacras illas reliquias , recuperandæ sanitatis gratiâ , veneraturi adirent . Denique ita multis , apertisque miraculis Deus martyris sui corpus decoravit (sicuti statim exponetur) ut indè , aliisfue non spernendis potissimis conjecturis plurimi inducti fuerint ad suspicandum illum ipsum esse Quintinum civem Romanum , ordinisque senatorii , qui sub Maximiano Imperatore in Galliâ apud Augustam Veromanduorum illustrem tulit palmam martyrii . Pauca verò hic de multis miraculis ascribere libuit , eaque præsertim quæ testatiora ac celebriora habentur : ne si in iis narrandis multi essemus , quidvis aliud potiùs quàm Septimianam historiam intexere videremur .

Igitur quidam , cujus ita aruerant manus , ut eas nec admovere ori , nec caput scalpere , nec , ubi cadere contigisset , iis nixus se posset erigere , cùm accepisset , martyris Quintini corpus coruscare miraculis , Septimianum templum ingressus ante reliquias Martyris magno fidei ardore procumbit in genua , oratque à mane usque ferè ad occubitum solis . (Mira dictu res) inter orandum divino imperio subito parvere nervi . Mollitis enim , ac flexibilibus factis , ad munus suum rediere manus . Quibus more supplicum junctis & gratias egit Deo , & martyri liberatori suo quem potuit maximum detulit honorem ; indeque lætus votique compos abscessit .

Nec segniorẽ martyris opem quidam ex Benedictinorum familiâ expertus est . Quem cùm malus abrupisset Dæmon , itaque vexasset crudeliter , ut aspectantibus etiam terrorem incuteret ; cæterorum Monachorum admonitu per quatuor dies reliquias martyris supplici ,

C

de-

demissoque animo veneratus est, ipsoque Paschatis die quando cœlesti pane reficiendi fideles ad sacras ædes conveniebant frequentissimi, elato clamore omnium in se animos, oculosque convertit. Quibus pro eo orantibus, ac claris vocibus, quæ eminùs exaudiri possent, opem martyris implorantibus, cùm inter charorum manus æger quasi fœtentem fumum exhalasset, paulo post erectus in pedes è diabolicâ se tyrannide ereptum lætissimè proclamavit; seque martyri Quintino, secundum Deum tantum beneficium debere ingenuè professus est.

Votis etiam cœcæ mulieris non minùs fortunatus eventus respondit. Cùm enim per quatuor annos ita luminibus capta fuisset, ut ne extrâ cubiculum quidem sine duce pedem efferret; cùm ad martyrem se perducì jussisset, adeò incensis precibus sibi ademtum restitui lumen postulavit, ut vix oratione finitâ, & clarè oculis hauserit diem, & ducem ceteris in itinere se præbuerit. Divina præterea virtus Quintini martyris precibus interpellata, in juvene præfocato aquis per ea tempora maximè enituit. Cum enim humanis corporibus salutares undas advehat Arnus; ubi adoleverit æstas, remisierintque statæ ventorum Ethesiæ, levando, leniendoque æstui Florentinis tenuibus, æquè ac nobilibus unum effugium esse solet. Ita vero undis abluunt corpora, ut piscatu, natatu, cantu etiam qui admurmuranti debeat amnem, lætissimè tempus fallant. Hic igitur, de quo nunc nobis est instituta narratio, inter sodalium greges ludens, quorum alii reticulis insertis brachiis incautos interceptiebant pisces, alii blandientibus hamis repugnantem convellebant prædam; cum in adversas ire natando aquas maximè sibi placeret, sensim fugacibus undis submotum infestus fluminis gurges abripuit, & semel ac iterum circumactum, spectantibus ceteris miserabiliter absorpsit. Fit clamor, hùc, illùcque, sed citrà periculum discurritur, fu-

funes jaciunt, prælongos ac puros porrigunt contos cum morte luctanti auxilio futuros. Verùm incassum omnia. Largius enim epotæ aquæ cùm exclusissent animam, inutile pondus in imo corpus subsederat. Dein cùm undarum impetû è gurgite emerisset cadaver, sensimque deveheretur ad propiora margini loca, quanquam latens adhuc diuque quæsitum exspiscati sunt tandem: retulêre domum: ejulat mater, lacerat pectus, convellit crines, fateturque unum illud sibi relictum solamen, ni desolatæ negarent, si cum extincto pignore uno, eodemque sepulchro contereretur. Flentem ut audivit quædam è vicinîâ illâ misericors femina, accurrit festina, assidet mœrenti, solatur ægram, additque satiùs illi salubriusque fore si martyr Quintini omni majori fide impleret opem, quàm si nil profuturo gemitu pectus diduceret. Mulier ad eam diem sibi incogniti martyris recreata memoriâ, paululùm restitit, evocatisque ex imo rursùs suspiriis, conversisque in cælum madentibus oculis; & te, Quintine martyr, ait, quoad vitâ frui licuerit, sanctè, castèque colam, si me tuo munere vivum filium iterùm amplexari contingat! Vix votum absoluerat mater, cum regredientis animæ impetu, egestis cadaver aquis statim intepuit, vitalemque teporem motus, motum deinde absolutissimus vitæ usus excepit. Demirantur omnes, miraculum prædicant, divinam virtutem extollunt: mater verò adolescentis ut sese voto exsolveret, liberatorem suum, quoad vixit, quo potuit maximo cultu, officioque est prosequuta.

Haud absimilis ad Arnum lavantem se puerum in minimè dubium vitæ discrimen abstulerat casus. Hic nequaquàm antea aquæ fallacem fidem expertus, se undis ad destinatum scopum devehendum ludibundus, resupinusque commiserat; sed cæco corrente fluctu, cujus vis, proximæ moletrinz rotas rapidissimâ vertigine de-

volvebat, sensim in ipsas, concidendus in frustra, delaturus discrimine in medio, sancte Quintine, inquit, fer opem misero; mirabile dictu! ad exclamantis vocem, non minori, quo ibant impetu, retrorsum conversæ aquæ periclitantem, sed ne leviter quidem violatum riparum depulerunt ad marginem.

Mulier item Pratenſis erat adeò diuturniori morbo corporis dementata, ut nec Dei recordaretur, nec hominum quenquam, ut sibi videbatur, agnosceret. Itaque nulli usui jam vitæ aptam domi affines (ut sunt ad omne incommodum evitandum parata hominum ingenia) exosam habere cœperunt. Unus miseræ nec sentienti se maritus solatio relictus erat. Cui cum innotuissent martyris Quintini miracula, fidei ardore succensus ægram conjugem ante reliquias martyris adduci jubet. Ipse interim ad aliquot dies protractâ oratione, deploratæ feminæ impensius deposcebat salutem. Nec sua illum frustrata fiducia est. Indè non priùs abscessit, quàm ex toto receperit sanam. Quæ adeò non oblita divini beneficii est; ut sæpius postea non parvo viz labore sacras martyris inviseris venerabunda reliquias.

Illud denique memorabile. Mulieri filia erat eximie pulchritudinis puella, muta tamen, adeòut per gestulationes, nutusque mater alloqui filiam cogeretur. Flebat mulier indignèque ferebat unius eloquii defectu tantam venustatem in filiâ deturpari. Sed cum in omnium ore volitaret fama Quintini, in spem venit ejus linguæ vinculum solvi posse, si martyris reliquias pro filiæ salute summâ cum fide fuisset venerata. Adit ergo ad martyrem, fundit preces, Deique majus spondet obsequium, si filia loqueretur. Nec mora; quæ ante matrem & ipsa procubuerat in genua, divinitus solutam linguam puella in Dei laudes martyrisque præconia repente convertit; indèque, mirantibus cunctis læta cum matre recedit.

Hæc

Hæc quæ hætenus diximus, è Veromanduenſi codice manuſcripto, ejuſdem utcumque elutâ barbarie, excerptimus; quæ modo dicturi ſumus, etſi nullus ſcriptor enarret, adeo tamen ad nos uſque conſtans detulit fama, ut hic non adſcripſiſſe, ſupinæ prævaricationis videri poterit. Igitur anno MCCCLXIII. Piſanis, miſſo Annichino Mangardo, conſilio manuque prompto duce cum ſex millibus peditum, (quos ex fedâ colluvie Germanorum, Anglorumque contraxerant) Florentinum agrum vaſtantibus, adeo in pleraque nobiliora caſtella, frequentefque pagos uſque ad portas urbis ſævitus, ut quod auferre miles non poterat, igne corrumpere. Tunc Septimi viſenda moles ad ſui prædam prætereuntes milites invitavit. Qui cum officinas omnes, reconditaque Monafterii promptuaria curioſè, hoſtiliterque perſcrutati eſſent; eam ſupelleſtilem offendere, quæ monaſticam moderationem deceret, non quæ militari rapacitati, ac ingluvie ſufficeret. Quamobrem ad ſacra diripienda vaſa, quæ pietas olim pretioſa congeſſerat, unanimi conſpiratione illicò verſi. Illic demùm cùm pro ditiori prædâ quiſque certaret; adeo anceps coorta ſeditio eſt, ut nihil propius factum ſit, quàm ut unius aciei commilitones mutuis vulneribus, rapacitate lanifâ, confoderentur. Dum ergo rixantur, dumque ſuſum deoſum feruntur omnia; gregarius miles omni rapiendi occaſioni imminens, argenteâ ablatâ capſâ cum ſancti Quintini corpore, (ut eſt inconſulta celeritas) malè ditatus abibat. Nec longè à Monafterio aberat, cum abjectâ inutili (ut ſibi videbatur) oſſium ſarcinâ, quò expeditior ſe ad ſuos reciperet, argentum tantum affabrè factum retinuit. Haud tamen diutius paſſus Deus eſt, martyris ſui corpus prætereuntium proteri pedibus. Illac enim cum cæcus pedetentim, atque ad ſingulos grefſus, viæ indice porrecto ſcipione, ingrederetur, in obvia martyris oſſa tentabundum pedem

Ex conſtante traditione miraculoſa.

dem impexit, casurus nimirum, ni ad reliquiarum contactum, discussâ statim caligine liquidissimè pervidisset & rectum itineris tramitem, & suæ salutis autorem. Ut ergo vidit, humi venerabundus procubuit, lacrymisque obortis tum centies, tum millies ossa deosculatus est; deinde excepit sinu circumlatisque oculis, ad proximam; quæ ceteras eminebat, hoc est, S. Salvatoris Septimi devexit ædem. Accurrerunt Monachi, divinitusque sibi relatum martyris ingenti lætitiâ exceperunt corpus. Et loco quidem ubi miles nefarius ossa projecerat usque adhuc nostræ tempora, *sulci S. Quintini*, nomen est factum. Monachis verò per id tempus ea oblata est causa lætandi, ut eorum quæ à militibus crudelissimè passi fuerant, omnem acerbiores memoriam deterferint. Et hæc quidem habuimus quæ ad loci dignitatem, amplitudinemque ostendendam in medium proferremus.

Cujus Ordinis Monachi primi inveniuntur in Septimi. Quibus postremi aluerint.

Videamus modò cujusnam ordinis Monachi sub Cisterciensium adventum è Monasterio Septimi proximè exceßerint. Non sum nescius rem sanè obscuram, & maximis errorum tenebris involutam aggredi me declarare. Nullum enim adhuc historicum vidi, è cujus scriptis id clarè potuerim elicere. Si qui autem sunt, qui rem parçè, & modicè tangant, adeò timidè, ac suspensè in eo se gerunt, ut planè appareat gratis illos dicere, quæcunque dicunt. Rei etiam densiorem caliginem eorum silentium offundit, qui id Monasterium aliquando habuerunt. Etenim ne abitionis narrare causas cogantur, haud libenter fatentur, se illuc aliquando loci confedissee. Hæc cum me ab iis investigandis deterrerent; tandem id quod quærebam perantiqui codicis manuscripti beneficio mihi videor assecutus. In eo enim pleraque illustriora privilegia quæ ad Monasterium Septimi spectant summâ diligentia perscripta visuntur; tum ejusdem Monasterii pro tempore Abbatum contractus, conventaque (ut vocant.) Eorum

rum etiam nomina, cognomina, cùm quibus aliquando contraxére; itaut cum labentis sæculi annis non licitatores, non ferè proxenetæ sileantur. Hic igitur codex, tantùm, diù quæsitæ rei, attulit lucis, ut jam non timidè, non suspensè, sed audacter, atquè ex fide mihi enarrare posse videar, qui fuerint primi loci accolæ, qui proximè abierint; quid denique in causâ fuerit, cur apud plerisque adhuc famâ teneat, id Monasterium ordini Vallimbrofano, vivente adhuc Johanne Gualberto fundatore, munificentia Comitû Bulgarî in possessionem celsisse.

Et quidem Cassinenses, aut Benedictinos, ut ajunt, primos incoluisse locum nulli dubium esse potest: cum Septimi fundamenta probatissimi quique scriptores in DCCCCLXXXIII. annum rejiciant. Quo quidem sæculo ex Benedicti instituto nullæ adhuc sub diverso habitu dimanaverant Religiosorum congregationes. Id etiam suadet ipsa constitutio loci, quæ tota in ejus instituti usum (nisi quâ ex parte Cistercienses postea intorserunt ad suum) adhuc concinnata conspicitur. Accedunt item jam inde ab Othonis III. temporibus Abbatis Septimi, ejusque Monachis, hoc est Benedictinis, ab Imperatoribus amplissima indulta diplomata. Illic verò usque ad adventum Cisterciensium perseverasse, vel ipsi contractus ad conservandas, vel Monasterii fortunas augendas editi plenissimè docent. Leguntur enim conditi nomine Benedictinorum ab anno DCCCCLXXXVIII. usque ad MCCXXXII. Quorum seriem piguit hic vel strictim adscribere, ne gratis ac supervacuâ lectione lectorum meum defatigarem. Tum hoc ipsum asstruere videtur memoratum à nobis miraculum inventionis sancti Quintini martyris. Id enim cùm tempore Cassinensium Monachorum (ut plenæ fidei apud nos proloquuntur scripturæ) à patrato ignis miraculo anno octuagesimo septimo acciderit; planè convincitur & ante S. Johannem

nem Gualbertum; & post ejusdem excessum, Septimi Monasterium usque ad Cistercienses, Cassinensium ditio-
nis fuisse.

Omnem præterea hujusmodi de re ancipitem opi-
nionem jugulat IX. Gregorii diploma contra Benedicti-
nos, ac in favorem Cisterciensium, Ardingho Florenti-
norum Antistiti directum. Quod quia breve est, remque
omnem ad libellam veritatis expendit, hic totum adscri-
bere non piguit.

*GREGORIUS EPISCOPUS Ser. Ser. Dei.
Vener. fratri Episcopo Florent. Sal. & Apost. Bened.
Cum, sicut accepimus Monasterium S. Salvatoris de Se-
ptimo Ordinis S. Benedicti tua Diœcesis cui autoritate no-
stra inquisitionis officium impendisti, non possit in eodem
ordine reformari; fraternitati tuae per apostolica scripta
mandamus quatenus in eodem sicut tibi viva voce reco-
limus injunxisse, sublato difficultatis, & appellationis
obstaculo, Cisterciensem Ordinem, per quem ibi devo-
tionis thura redoleant & decor honestatis exuberet, plan-
tare procures. Ejusdem Monasterii Monachos, qui
noluerint habitum Ordinis memorati suscipere, in aliis
Monasteriis sui Ordinis collocando; contradictores per
censuram ecclesiasticam, appellatione postposita, compe-
scendo. Datum Viterbii XV. Kalendas Aprilis, Pon-
tificatus nostri An. 9.*

Ex quibus planè constare videtur, primos ejus Mo-
nasterii accolae Cassinenses fuisse, eisdemque abiisse po-
stremos. Neque tamen defuerunt olim qui secus asse-
rerent; neque hoc tempore qui eorum sententiæ libenter
accedant. Atho Pacensis in primis Pistoriensis Episco-
pus, qui fermè quingentis ab hinc annis ex ordine Val-
limbrosano sanctitate refulsit, in vitâ S. Gualberti, quam
latine composuit, affirmat, à Comite Bulgaro, Mona-
sterio Septimi S. Johannem Gualbertum aliquando fuisse
do-

donatum. Quem secutus Milanefius, qui miraculum ignis, cujus supra meminimus, luculenter retulit ac copiose, idem hoc ipsum tradidit. Quorum opinioni Ciacconius Dominicanus in vitis Romanorum Pontificum & Cardinalium non invitè accessit. Qui de Petro Igneo Cardinali narrat, Septimi etiam Priorem fuisse. Idem Borghinius in suis posthumis de Ecclesiâ, atque Episcopis Florentinis: idem denique ex Vallimbrosano Ordine scio non neminem Hetruscis literis tradidisse, ac addidisse præterea, lapsâ Septimianorum Monachorum disciplinâ, ab ipsis propemodum Monachis S. Johannem Gualbertum accitum, à Comite verò Bulgaro semel & iterum invitatum, minùs lætanter tanti Monasterii suscepisse munus. Quam quidem opinionem in animis multorum ignis miraculo, quod eò loci editum fuerat, diù alitam, horum deinceps illustrium autorum mirum in modum auxere scripta. Qui tamen si rectè intelligantur, non modò cum nostrâ sententiâ non pugnant, sed etiam nos plurimum juvant, ut id quod verum arbitramur copiosius & facilius explicemus.

Quare nulli dubium esse debet, beatum quidem Athonem (cujus modò verba expendemus, & à quo hausere ceteri) cum de donatione Monasterii Septimi per Comitem Bulgarum D. Johanni Gualberto factâ commemorat, vera narrare. Ejus tamen verba ità intelligenda sunt; ut penes D. Johannem Gualbertum, placito Pontificio accedente, roganteque Comite Bulgaro, Benedictinos reformandi jus fuerit, haud item qui illuc degebant Monachos expellendi. Quoniam verò hujusmodi institutiones ad defecatiores mores Romani Pontifices exsequi solebant per duos, aut ad summum tres probatissimos Monachos, qui cum instituendis eodem cultu vestium uterentur, ne tanquàm externi aut contemnerentur, aut illis minùs fidei haberetur; eâ ratione

D

cùm

cùm rem omnem vir sanctissimus confecisset, rumor increbuit, Septimum Vallimbrosanorum fuisse. Sed reverà nec Ordo Vallis umbrosæ Septimum unquam sui juris fecit, nec Benedictini ob novam institutionem, vel habitum amisere, vel nomen: ejusque Ordinis Abbatum, usque ad Cistercienses, series ita continuata decurrit, ut de Vallimbrosanis ne ullum quidem verbum alicubi habeatur; nisi fortè velint nomine Benedictinorum, ubicunque inciderit eorum mentio, censeri, quos postea à severiori studio monasticæ disciplinæ descitos, factosque incorrigibiles expulerint Cistercienses. Sed ab hoc tam abhorrebant, quæ ex regulâ D. Benedicti in dies reformabantur Religiosorum Congregationes (in quibus præ ceteris Vallimbrosana enituit) ut nonnisi commutato & nomine, & habitu (si Jacobo de Vitriaco Cardinali credimus) puriores mores profiterentur. Dicendum itaque est, Benedictinos in Septimo S. Johannis Gualberti semel operâ reformatos usque ad adventum Cisterciensium perdurasse; ex eo quæ illis exstiterint causæ cur indè abierint, supra citatum Gregorianum diploma satis verecundè indicare videtur.

At si quis pergat urgere, Vallimbrosanorum videri fuisse locum, quod ibi à Petro ejus instituti alumno, ignis miraculum editum sit; respondeo, locum, ut commodiorem tantùm ad id efficiendum fuisse adlectum, quòtùm inutilis turba faciliùs declinaretur; cùm apud eos Monachos tota ratio facti constaret, qui cùm alterius essent instituti, si Nobiles, symoniaci Episcopi affectu, qui aderant, conarentur perspicuum invertere miraculum, apertè proditi Numinis idonei testes advocarentur. Ceterùm Borghinium demiror, qui cùm in suis posthumis, quos supra retulimus, Septimianum Cœnobium, Vallimbrosanis Monachis aliquando attributum fuisse dixisset; subintulit, nec mirum, nec novum id debere

vi.

videti, Vallimbrosanos scilicet præcessisse in Septimo Cistercienses, quòd ab edito ignis miraculo, usque ad Cisterciensis Ordinis ortum, centum non minùs intercurrerint anni. Sed nimirum qui viginti & octo non amplius anni erant, numeranti Borghinio centum præ tædio visi sunt. Millesimo enim septuagesimo miraculum fit: millesimo verò nonagesimo octavo sub Patre Roberto cœpit Cistercius Ordo. Maneat igitur Vallimbrosanos in Septimo Benedictinos ad novam tantum vitæ normam instituisse, non item expulisse. Quod ni concedatur, & fidelissimis scripturis, quæ apud nos exstant, suum abrogari pondus, & multa absurda admitti necesse est, quæ utrique Ordini minùs videantur decora.

Quibus ita constitutis, aperiendæ jam nobis causæ sunt Cisterciensis Ordinis ad id loci adventus, notandum tempus, indigitandi progressus, viri illustriores proferendi in lucem, ad quorum virtutum cotem aliquando tandem æmula exacuatur posteritas. Itaque Monachismi olim is status erat, ut labentibus moribus ea vitæ institutio è moribus hominum brevi discessura videretur, ni ejusdem instituti alumnorum salutari quodam divortio, diffidioque suâ mole monasticæ rei nutanti fuisset consultum. Jam enim opulentiora Cœnobia pauciores alere cœperant, ut ejus qui præerat, splendidæ luxuriei posset sufficere. Indè licentiores egressus, Numinis cultus tepidior, in perfectioris vitæ studio cura remissior. Quo vitæ marcere illustres pietate viri in Galliis apud Molisimum adeò offensi sunt, ut in vitæ prioris invidiam nigrum cum albo cultu mutato, novam vivendi rationem instituturi, Cistercium, duce Roberto, petierint. Res & successit feliciter, & ad invidiam brevi provecta est. Siquidem cum Bernardo, eximæ sanctitatis decore, ejus vitæ genus plerisque nobilibus profitentibus ubique terrarum adeò latè radices egit; ut adhuc vivente Bernardo

Quis Monachismi
status dum Ci-
sterciensis Ordi-
nis cœnobio con-
dereptur.

in plerisque nobilissimis Regnis ejus instituti innumera-
 bilia propemodum exstarent Cœnobia. Is ille Cisterciens-
 sis Ordo est, qui salutaris planè Christiano Orbi illuxit.
 Id cum multa alia, quæ ad universam Christi Ecclesiam
 exornandam in pace egregiè præstitit, proloquantur;
 tum verò maxime eò clariùs visus est prælucere, cum
 ingruentibus bellorum, ac schismatum tenebris, ita Chri-
 sti causam ubique & semper tutatus est, ut vel cum Ec-
 clesiâ sibi vincendum, vel pro eâ fortiter occumbendum,
 pulchrum putarit. Vix indè ab ortu suo seculum exces-
 serat integrum, cum ecce tibi Fridericus Ænobarbus fœ-
 dam prædabundus toti Italiæ tulit cladem, obque suas
 privatas rationes Alexandro III. vero Pontifici aversus,
 Victori per vim intruso, ut rebus suis fautorem haberet,
 per summum scelus subscripsit. Hinc illæ factioforum
 hominum, atque ad omnem perniciem comparatæ Gi-
 bellinorum, atque Guelforum sectæ ab inferis excitatæ
 revixêre. Hinc nobilissimarum civitatum direptiones,
 populorum secessiones, principum virorum à salutaribus
 pacis consiliis abalienati animi: hinc denique cæde, san-
 guine, ruinisque completa omnia, omnia fœdata. Cum-
 que Friderico victori (si unum vel alterum Regem,
 Angliæ videlicet ac Franciæ, in suam adduxisset senten-
 tiam) omnia viderentur ad votum fluxura; unus Cister-
 ciensis Ordo repertus est, qui primus (quicquid ex Surio
 de Charthusiano dicat Baronius) publico decreto in ge-
 neralibus comitiis condito, III. Alexandri causam com-
 plecteretur, pseudo Pontificis rejiceret Victoris. Unde
 tantum, sollicitatis, ac piis Regibus, ceterisque Mona-
 chorum gregibus animi factum est; ut apud eos, exemplo
 Cisterciensium, plus religio, quàm improbi Regis gratia
 valeret. Tum verò demùm Ænobarbus irâ exarsit: edi-
 xitque ut Cistercienses aut Victori subscriberent, aut è
 Regnis sibi subiectis excederent. Excessêre imbelles, ac
 pan-

Baronius ann. Chri-
 sti 1166.

pannosi homines, pugnacissimi, ac potentissimi Imperatoris in ipsâ fugâ victores, pulchrumque, toto propemodùm Christiano Orbe acclamante, de tam fœdâ tyrannide egere triumphum. Ex eo spes ingens Alexandro Pontifici facta est, sedem, ac pristinam dignitatem recuperandi: Friderico verò Regni Italici potiundi desperatio injecta. Rediit aliquando tandem Alexander: ille verò irritis conatibus, plenusque dedecore remigravit in Regnum: fœderatæque civitates in recedentis contumeliam, ac regredientis Pontificis nullo unquàm tempore interituram memoriam, novam condidère urbem, cui de Pontificis nomine Alexandriæ nomen fecère. Pucherrimum factum majoris moderationis laude (quò sceleris speciosior pietatis titulus obtendebatur) Cistercienses Monachi cumulârunt.

Sextus enim Henricus Anobarbi filius, truculentior Tyrannus veriùs quàm Imperator, cùm accepisset, ab Humboldo Austriæ Duce, Richardum Regem Anglorum, naufragum, inermem, privatâ veste sordidatum, à sacrâ expeditione revertentem, contra divina humanaque jura captum; ratus (ut erat inter cetera vitia, avaritiæ sordibus contaminatus) sibi è faucibus ditissimam ereptam prædam, illato armorum terrore, coëgit Ducem, ut sibi primo quoque tempore traderet vinctum Regem. Recepit tandem: Regemque de Christianâ publicâ re optimè meritum per summam impudentiam in vinculis habuit: nec nisi centum millibus argenti libris multatum dimisit. In eo, cùm Dei, hominumque odium meritò incurrisset, conscientiaque terrente hominum conspectum, lucemque defugeret, animi anxius de sacro suscipiendo bello cogitare cœpit, ut fœdissimam impietatis contractam labem deleteret. Sed ad id à Pontifice mox salutari Crucis signo donatus, homo levissimus causatus Regni discrimen si longiori bello distentus abesset, fidem

Circa tempora ubique
que primum ex-
peteretur Cister-
ciensis?

fidem fefellit. Sed ne vel in totum impius videretur, tribus millibus argenti besibus solutis, thuribula argentea tot confici iussit, quot toti Cisterciensi Ordini opus esse viderentur in sacrificia. Sed haud degeneres Monachi tam fœdam cum donatore, rapinisque oblitam oblationem magno animorum ardore execrati sunt: in eo cum Majores viros sanctissimos, tum verò Deum ipsum potissimum imitati, *qui odio habet rapinam in holocausto*. Res plena decoris tantum apud Principes viros Cisterciensibus collegit gratiæ, ut jam nullus angulus esset, nulla privata civitas, nulla Provincia, Regnum nullum, neque citimum, neque remotum, à quo tam moderati, tamquam fortes homines non expeterentur, advocarentur: confitebanturque omnes, aliquando tandem Christi Ecclesiæ verum probitatis, ac fortitudinis affulsisse exemplum. Ex eo, Cisterciensibus Monasteria, quæ sæviente Ænobarbo deferuerant, restitui cœpta, nova ubique terrarum effusâ liberalitate fundari. Neque enim quisquam rebus suis tam erat averfus, ut nollet ab iis, incensis ad Deum precibus commendari, qui clausi cellulis, vilibusque oblitis pannis, improbis Regibus terrori essent, atque formidini. Cum ergo plerique in eo conniterentur, ut tam salutaris Ordinis longè, latèque termini proferrentur; tùm verò ad hanc laudem per ea tempora Florentinorum studia exarserunt. Acuebant enim gentem cum ea, quæ modò commemoravimus egregiè facta; tùm Vidonis Cisterciensis Archiepiscopi Ravennatis in Rempublicam Florentinam ingentia merita. Hic cum jussu Clementis III. Romani Pontificis MCLXXXVIII. divinâ planè eloquentiâ totum ferè Occidentem ad sacrum bellum concitasset; præcipuè verò Florentiæ (ut Sigonii utar verbis) cum quarto Nonas Februarias ad S. Donatum federet, infinitam nobilium, ignobiliumque manum ultro nomina profitentem sacris crucibus consignavit. Quo
flu-

studio audito, Fridericus, rogatu Clementis (quem Vido de gentis ardore in Deum fecerat certiolem) Florentinis jurisdictionem agri sui paulò ante per injuriam ademtam restituit. Tum impellebant, ut dicitur, currentes, duo alia lumina purpurati senatus Raynerius Capoccius, ac Jacobus Pecoraria, ambo Cistercienses, ambo Trium Fontium clarissimi Monachi: quorum ille sub Innocentio III., & Honorio III. bis Legatus in Thufciâ, cum trepidas res composuisset ex voto, ejus beneficii gratiâ Florentinorum animos maximè devinctos habebat. Hic inter Senenses, Florentinosque cum odia calentiùs defævirent, internicinoque bello certarent, ex insperato reditâ pace, nil planè erat, quod à memori, gratâque gente non videretur impetraturus. Denique Pontifex ipse Gregorius, ut tam salubre institutum quaquaversùm extenderet, omnem operam adhibebat: & tunc quidem Ardingho Florentinorum Antistiti coràm eam demandârat provinciam. Itaque cum omnia conspirassent, ut Septimum sui juris Cistercienses facerent, eâ de re tandem ad Senatum Florentinum relatum est. Apud quem, cum quâ politica, quâ pietatis commoda, quæ ab uno amante Patriæ cive luculentius inculcabantur, plurimum valuissent; publico Senatus consulto sancitum est, ut primo quoque tempore Cisterciensis Ordo in agrum Florentinum advocaretur. Ea autem per id tempus Ordinis proferendi lex erat, ut è viciniore Cœnobio sacra Monachorum deduceretur colonia, quæ recens fundandæ domui abundè sufficeret. Id enim cum opis citò latæ subsidium gratius erat, rùm ii qui è viciniâ advocabantur tanquàm morum gentis haud expertes, & complectebantur amantiùs, & in iis quos aliquâ similitudine morum devinctos habebant, fructus ferebant uberiores. Erat in Senensi agro celebre Cœnobium S. Galgano Eremitæ sacrum, ad præscriptum Ordinis Cisterciensis munificentissimè erectum:

indè

Qui proferendi Ordinis auctores?

Raynerius Capoccius & Jacobus Pecoraria Cardinales Ordinis Cisterciensis, postillius episcopus eisdem Ordinis propagator.

indè eos deduci placuerat, qui in Séptimo novam vivendi rationem instituerent. Quod ipsum antequàm narrare aggrediamur, haud abs re fuerit tanti Cœnobii initia, miraculoso obitu Galgani nobilitata breviter recensere: præsertim cùm indè traxisse genus clara Septimiana posteritas gloriatur. Acciderat jam olim Galganum Guidottum nobilem Clusdinensem, (oppidum id est in Hetruria prope Senas) à primis annis adeò deflectere à recto tramite morum, ut nullum jam tam nefarium scelus esset, à quo videretur abhorre. Tandem per prona victorum ruentem, subsecuta divina clementia est; ne immane calamitatis infernæ præcipitium absorberet transversum. Hinc enim parentum monitis, objurgationibusque castigatus; indè cœlestibus visis, Angelorumque recreatus alloquio, adeò saniozem repentè induit mentem; ut, remisso seculo nuncio, eremiticam vitam sanctissimè excoluerit. Siquidem in Valle Serenâ ad Montem Sæpium (ut vocant) propè Clusdinum tumultuariò excitatâ casulâ, anteaetæ deplorandæ vitæ aptissimam sibi fixit sedem. Illic ergo die, noctûque lugere, seipsum diligentius ad calculos revocare, durioribus se flagellis cædere, orare impensius, parcissimè uti eoque silvestri cibo, frequentiam fugere, in silvas ac tesquas se abdere, voluntatem propriam pessimè odisse, mente denique felicius frequentiusque subvolare ad Deum. Quarum virtutum fama, cum intrâ silvas ac nemora haudquàm se continuisset; sed prodente Deo apud Senenses, Senensiumque suburbia eundo invaluisset: adeò populorum concursu, eorumque potissimùm, quos ægritudo aliqua corporis malè haberet, (erat enim illi præcipua gratia sanitarum) infestabatur; ut ne qua occulta superbia mentem subiret, clanculùm fugere meditaretur. Ceterùm, quod illi longè molestissimum erat, ejus eximie sanctitatis rumor non minimam apud desides (ut tam for-

tu-

§ Galgani Montem-
fili scilicet nomen
erat murevile.

iunæ, quàm animi bona sibi invicem invident homines) innocenti Galgano conflavit invidiam. Dùm enim aliquando religionis ergò Romam peregrinatur, dùm adit, alloquiturque Pontificem, atque ad expianda peccata devotus adyta templorum invisit: Abbas quidam, Plebano ejus vicinæ, Converſoque sibi adjunctis sociis in absentem Galganum conspirat. Qui cùm divinâ virtute cæcati semel, & iterùm à nefario patrando scelere fuissent repulsi, ac nihilominus in semel concepto facinore pervicacissimè perstitissent: tandem impetu factò, quem lapidi in modum crucis affixerat gladium Galganus, injuriosè perfringunt, incendioque supposito calulam totam adurunt. Sed vix à monte propemodum triumphantes digressos, incomparabili justitiæ exemplo, divina ultio, quæ non ubique & semper lenta progreditur, mox infecta est. Repentè enim undique adductæ nubes obruere tenebris diem, cœpitque crebris ignibus micare cœlum, tonitruque perſtrepere: cùm ecce è densis, ac ex adversò concurrentibus excussum nubibus fulgur trepidanti, fugientique Abbati miserabiliter exhaust animam. Plebanus verò cum rivulum altum ad genua trepidus transuaderet, ut divinæ vindiçtæ, exploratiùs exstaret indicium, haudquaquàm violentibus undis obruitur. Famulo item à formidabili lupo, quem è nemore non tam fames, quàm divina exegerat ultio ad cubitum convulsa brachia. Sed præ dolore exclamans, fidemque Galgani implorans, ceteram corporis lacerationem evasit, ut servatus divinitùs vel meliora sponderet, vel ad majorem Dei gloriam malorumque formidinem ingens miraculum; suspensis à collo brachiis, ut mox fecit, deprædicaret. Verùm hæc ipsa tametsi Romæ agentem Galganum latere non potuerunt. Quare potestate sibi revertendi ad nemus à Pontifice facta (quem de iis quæ acciderant, Spiritus sancti instinctu, fecerat certiores) magnis itineribus usus

E

ad

ad montem Sæpium reversus est ; indè etiam , ut tempori cederet , abiturus , ni ut ibidem maneret , ab Angelo fuisset admonitus . Institit ergo deinceps pauperrimi domicilii damna summâ animi moderatione , neque minori miraculo , refarcire : ut ibidem tranquilla , sanctioraque silentia vitæ , ut solebat , exigeret . Quæ cùm Hugo Saladinus ex Comitibus Anagnis , vir sanctitate clarus , Volaterranus Episcopus accepisset ; actis Deo ingentibus gratiis qui improbos non sivillet abire inultos ; Clusdinum suæ ditionis oppidum contendebat , ut rem propiùs cognosceret : utque de sufficiendis vacuis Ecclesiis præpositis maturiùs deliberaret . Progredienti igitur Massæ Episcopus (cujus cognomen , nomenque intercidit scriptoribus) fit obviam , ac post mutua officii , benevolentiaque obsequia , cum de profectionis causis officiosè invicem interrogassent , retulit Massensis ob gravia , implicitaque negotia Senas versùs se iter intendere . Volaterranus verò cùm respondisset , se adire Clusdinum , ut viduatis Ecclesiis , ob vulgatum facinus in Galganum , primo quoque tempore præpositos attribueret , deindè sanctum inviseret Româ reversum : Quin , inquit alter , priùs adimus ambo pariter Galganum , ut faciliùs , feliciùsque postea negotia explicemus . Annuit Volaterranus , iterque arripiunt . Cujus , si qua incidisset , levabant molestiam continentibus de Galgano sermonibus , deque Numinis irâ , quæ per eos dies in Sancti conspiratores grassata erat . Dum pergunt illi ; interim supplex , oranque sanctissimè moritur Galganus . Eò delatos , nova statim incessit religio , delapsaque è cœlo voluptas . Mirum enim nemo afflabat odorem , qualem nunquam se hausisse meminerant . Tuguriolum itaque lætantes succedunt , conspicianturque hominæm cui vix cohærens obducebatur lacerna ante gladium saxo prægrandi altè defixum ; cujus infra capulum , manubrium crucem effin-

ge-

geret, nixum genibus, pallidâ facie, oblitâ, incultâque comâ, vix erumpente barba, junctis complicatisque manibus, adeoque evibratis in cœlum oculis, ut profundam extasim pati putarent. Quamobrem nè quam oranti afferrent molestiam; etiam communi abstinebant, ut sit inter amicos, salutatione: sibi invicem ad aurem immurmurabant, expectandum esse, donèc sibi redditus amicorum ad se adventum posset advertere. At cum plus æquo videretur orare, (ut est cujuslibet rei cupido moræ impatiens) pedibus perstrepunt, non movetur: complodunt, non advertit: submissiùs vocant, non exaudit: elatiori voce salutant, mutuo non respondet officio: manum admovent fronti, calore defectum inveniunt. Denique cum omnia experti, ultimum obiisse diem intellexissent, haud temperârunt à lacrymis viri graves, palàm querentes non meruisse se, postremum ad cœlum abeundi præstare obsequium. Dum igitur quererentur, dumque de efferendo corpore agitent sermones: tres Ordinis Cisterciensis Abbates Casæmarii, videlicet, Fossænovæ, & alterius Monasterii, cujus nomen intercidit scriptoribus, aliique Monachi quamplures insperatò adveniunt, salutatisque Episcopis, narrant, cum è Gallicanis, sui que Ordinis generalibus Comitibus Romam reverterentur, Tyrenumque appulissent ad litus, illuc denique cum sine duce viam auspicarentur, fuisse errore seductos; proinde orare, ut miserati devios, certum viæ indicem darent, quò rectâ Romam contenderent. At Saladinus complexus homines, docuit nullo errore viæ illuc fuisse delatos, sed divinâ providentiâ adductos, ut honorificentiori pompâ sancti sui corpus posset efferri. Igitur aucti in funus hâc honorariâ manu, Deum magis in Sancto suo colaudant, quàm vitâ functo inferias celebrant. Cùmque Cisterciensi cucullo indutum, ac propemodum post mortem Cisterciensem Monachum factum, ante spatham,

Ex divinâ providentiâ Cisterciensium error.

quam in crucis signum orandi causâ sibi vivus erexerat, sepelissent Galganum : persuasione Cisterciensis Abbatis ne sub dio sacrum maneret cadaver, in honorem Sancti sacellum ædificari est cœptum. Quod exundantibus postea tùm privatorum, cùm principum virorum opibus, in templum sanè visendum, Cœnobiumque coaluit. Hoc illud Monasterium est, quod attributum Cisterciensibus usque ad Julii II. Leonisque X. tempora, & deinceps monasticâ disciplinâ floruit, ac sanctitate : & tunc quidem, cùm indè Septimianæ labanti rei suppetiæ mitterentur, excesserat recens è vivis Jacobus è Montero oppido S. Galgani Monachus planè sanctus. Hic ille est, quem adeò ingentia divinæ gratiæ munera exornaverant, ut fufus in preces, aspectabili Domini præsentia sæpissimè frueretur. Huic (ut in vitâ S. Dominici autor est Surius) cùm ex D. Dominici instituto nobiles alumni duo, ejus Ordinis progressus, (cujus adhuc recentia cunabula erant (impensius commendassent ; itâ apud Deum ejusmodi causam ardentè peregit, ut ab ipso Domino edoctus quasdam precum formulas sub sacrificii initium ad id recitandas sanctissimè procuderit. Coluit verò adeò sanctum Monachum IX. Gregorius, ut quas ediderat preces Apostolicâ autoritate firmatas voluerit : Romamque sæpissimè accitum de rebus gravibus, trepidisque è publicâ re Christianâ consulere. Denique eò apud Deum processerat gratiæ, ut concionatores Dominicanos, quos juvabat precibus, audiebatque libenter, bis conspicatus sit, quicquid enarrarent ad populum ex explicito libro, quem Deipara Virgo manu præferret, depromere. Nec in vivis tunc quidem deerant qui ex eadem scholâ haud absimili sanctitatis laude florerent. In quibus præcipuè Forensis erat, nobilis Gallus, ac eruditione clarissimus, quem ad Septimianam rem erigendam universus Cisterciensis cœtus sapientissimè destinaverat. Is non

Sanctus Jacobus
Cisterciensis.

Forensis clarissimus
Monachus prius
Septimi dignus
Abbas.

non detrectans subire onus ad omnem interim virtutem se componebat, ut curiosæ, nihilque dissimulanti civitati, omniumque expectationi haud impar spectaculum esse posset.

Ceterùm gratiorem de Cisterciensium adventu effecerat expectationem, quæ, per id tempus inter Florentinos, atque Senenses, Jacobo Cisterciensi Cardinale agente pax fuerat consecuta. Quæ item eò jucundior visa est, quò acerbioribus odiis decertaverant. Siquidem cum è Senensium finibus suas Florentini copias abduxissent graviore alibi impliciti bello, ut quasi ex intervallo cum Senensibus imagine pacis revocatâ, aliquando tandem consenescerent odia; Senenses, qui sibi in superioribus bellis iniquiorem fortunam tulisse videbantur, tacitæ pacis consilia averfati, militisque absentiam, suam gerendæ rei opportunitissimam rati occasionem; Politianum Florentinæ ditionis nobile oppidum, tanto impetu aggressi sunt, ut immeritam, ac nil tale timentem civitatem per summum dedecus muris nudarent. Exarsêre scilicet ad inexpectatæ cladis nuntium Florentini, contractisque copiis ad ipsas usque Senarum portas infesto agmine procurrerunt; eorumque suburbia injectis facibus concremârunt. Juvit prosperè pugnantes Comes Ubertus tùm Portus Herculis, tùm plurimorum, quæ Tyrreno litori adjacent oppidorum non ignobilis dominus. Hic non semel populi Florentini clementiam, ac spectaram virtutem in armis expertus, adeò eorum publicæ rei favit, ut, cum virili stirpe careret, populum Florentinum instituerit heredem. Interim quotannis S. Johanni Baptistæ festo die, missâ tributi nomine pereleganti cervâ, cujus tergum purpurea lodicula gemmis auroque distincta contegeret, & incorruptæ suæ fidei rarissimum reliquit exemplum, & effusæ in omnem lætitiâ civitati, jucundum, quoad vixit, spectaculum præbuit. Verùm (ut sunt invida inge-

*Bellum civile inter
Florentinos, at-
que Senenses.*

nia hominum, alienamque fœlicitatem suam arbitrantur miseriam) hunc aliquando venantem insidiis interceptum trucidârunt Senenses. Sed chari capitis cædis, Florentini illicò adfuerunt ultores. Immisso siquidem prædabundo milite, ita Senensem agrum ferro, flammâque vastârunt, ut qui ea passi sunt per id temporis triste humanæ calamitatis, variantisque fortunæ aspectantibus documentum præbuerint. Sed dum alienis cladibus impotenti iræ Florentini indulgent, ad forum vetus altissima quæque ædificia subito concepto igne longè latèque flagrârunt; adeoque sese attollentes debacchabantur flammæ, ut diceres, Senenses miseriarum suarum habuisse Deum ultorem. Ampla malorum seges impulit tandem Senenses, ut missâ ad Pontificem supplici legatione, per eum (quando ipsi per se non possent) pacem à Florentinis impetrarent. Apud quem, ut nobilissimæ urbis afflictæ fortunæ miseraretur, questi sunt vastitatem agrorum, diruta oppida, exhaustum ærarium, civitatis labefactata mœnia, charorum vincula, dejectas, absumasque continentibus bellis civium fortunas, : majora à Florentinis in dies impendentia mala: totius denique heu jam flebilis Hetruriæ lacrymas. Quibus motus Pontifex, Jacobum Cardinalem, sæpè aliàs in tractandis exulceratis animis expertæ dexterritatis hominem, ad ejus pacis sancienda fœdera, autoritate summâ legavit. Qui, ut Senenses adversâ fortunâ prostratos, dejectosque miti, plenâque amoris oratione solatus est, bonoque animo esse jussit: sic Florentinos secundâ, prosperâque elatos, acri, totâque ad severitatem compositâ terruit; ipsâque incendiorum recordatione, quæ per eos dies, propèmodum injiciente Numine, in nobilissima civitatis tecta grassata essent; indignatione effrenes compescuit. Quæ cum magnâ animi contentione perorasset Jacobus (tametsi eò res loci essent, ut nil minùs quàm de pace cogitarent Florentini,) effecit tandem, ut

ne-

Commota apud
ratio in utriusque
fortunâ.

nequaquam à pacis consiliis abhorrent. Itaque cum inter utrumque populum pax optatissima rediisset, non sine Numine accidisse videbatur, ut ex agro Senensi spectatæ virtutis Monachi quasi icti fœderis obsides educentur in Hetruriæ principe civitate, pietatis cultum sanctissimè promoturi. Vacabat igitur exultanti præ gaudio civitati de pietate cogitare, inque coronis ferere sermones, sanctos ex agro Senensi adventare Monachos, qui vix cibario pane, potuque frigida vitam tolerarent, quibus esset pro lecto humus, pro somno vigilæ, pro otio labor, pro lætis, jucundisque rebus una divina laus. Ob ea ergo, quæ vulgò memorabantur, unus Cisterciensis Ordo in totâ civitate, unus omnium sermo, una fabula erat: itaque ad id exarserant desiderio animi, ut quod intercedebat temporis, nullum unquam finem videretur habiturum.

Forensis interea ex omni S. Galgani lectissimo cœtu eos potissimum Monachos legerat, qui omni virtutum genere cumulat, tanto Ordini jaciendis in Hetruriâ fundamentis, opportunissimi forent. Quos in unum coactos, paterno, lætoque vultu contuitus: *En imus*, inquit, *quando parendum est, pusillus grex uberiores fatus editurus. Hactenus nobis ipsis fortassis: nunc & nobis ipsis, aliisque exemplo futuri sumus. Excoluimus ad hanc usque diem, qua alii plantaverant; nunc & plantandi nobis labor incumbit, & irrigandi, excolendique cura manebit. Ardua sanè res utrumque cumulatis præstare. Sed si exemplorum, precumque, quem modo excolendum suscepimus, seminibus ager seratur, non dubito quin divina gratia aurâ fecundatus feliciori, segetibus brevi nitescat distioribus. Quid enim non moliantur exempla, præsertim si ad unum animorum lucrum castissimè conferantur? Quamquam verò dissimilitudo morum à ceterâ turbâ nos separare debebit; itâ tamen qua nostri instituti sunt.*

tem-

temperabimus; ut ostendamus rectè vivendo meliorem quidem nos vitam, quàm vulgus, non tamen ut contrariam sequi. Alioquin quos volumus emendare (quod ipsum præceptum Morali Seneca placuisse video) fugamus à nobis, atque avertimus: illudque efficimus, ut nihil imitari velint nostri, dum timent, ne imitanda sint omnia. Hic ergo nostrorum exemplorum fructus præcipuus esto, si qua in nobis alii probant, imitentur & ipsi; & qua in nobis maximè mirantur, in aliquem usum suum opportunè derivatione convertant. Hoc si eveniat, non ambigo quin plurimum incrementi ad majorem Dei gloriam per vos capiat Ordo. Accedant & preces conficiendo negotio necesse est. Ut enim exempla magno impetu decidentibus imbribus absimilia non sunt, quod cum animorum motum etiam exterius ciant sensus; sic rori pulchrè colludit oratio. Ille siquidem sereno, sudoque calo tacito illapsu ad latum usque virorem infundit, facundatque tellurem: ea verò qua solo arbitro Deo funduntur preces, ita oculis agenda provehunt, ut prius excrevisse sentias, quàm potuerint progressus animadverti. Non ierat ad prælium Moyses, non arripuerat lanceam, non intentarat in hostem gladium, militem denique peracri non stimularat oratione & sublatis in cælum manibus, toties urgentibus inimicis intulit clades, quoties & quandiù erectas in cælum licuit habere manus. O sanctarum precum efficaciam! ò potentiam orationis! ob id intelligo, fratres, meritò dixisse Chrysostomum, homine orante nil esse potentius. His & nos armis contrà vitiorum monstra pugnabimus; campumque qui modò nobis ad excolendum patet, his imbribus, hocque rore, ut in latas aliquando Monachorum segetes felicissimè crescat, perfundemus. Nullus ergo ex nobis arriidenti, vocantique divina gratia desit, nullus cesset, nullus cunctetur, & sentiemus profecto, difficillima quæ

que divino auxilio perfici posse, quæ quantumvis bene instructa, at sola agrè promoveret industria.

Talibus, de more Ordinis, excitatos, ad decem, & octo è S. Galgani Monasterio educit Monachos, nullà alià suppellectili, quàm tunicà interiori, exteriorique præterea cucullo indutos, precarioque codice instructos. Nondùm enim sub demigrantium Monachorum divitibus arcis, pretiosisque sarcinulis desudaverant plaustra. Qui munificentissimè per aliquot dies ab Ardingo Florentino Antistite excepti, tandem Septimianum Cœnobium ingrediuntur anno MCCXXXVI. Gregorii IX. ann. x. Friderico II. imperante. Ardingho verò Florentiæ Episcopo, Rubacontio Mandellà Prætore; Generali Ordinis Bonifacio: xv. Kalendas Julias: Indictione ix. ab Ordine verò condito anno CXXXVIII. Quorum ad ingressum tantus omnis ordinis hominum concursus antea factus fuerat, ut quos tantoperè ob vitæ sanctimoniam suspiciebant, quasi sublatos humeris deportare velle viderentur.

FINIS LIBRI PRIMI.





NICOLAI BACCETTI

FLORENTINI

Ex Ordine Cisterciensi Abbatis

SEPTIMIANÆ HISTORIÆ

LIBER II.



IN eâ plenâ aleæ, atque periculi provinciâ, primus Forensis labor, ad meliorem frugem devios revocare. Siquidem prisci Romani Pontifices, non ut expellerentur, lapsis adhibebant censores; sed ut eorum lucrum constaret, quibus acrior cor-

Romanorum Pontificum in corrigendis moribus plena pietatis cura.

rectionis medicina parabatur. Diù itaque cum consuetudine alterâ naturâ luctatus Forensis est, adhortari, terrere, circuire verbis, stimulare exemplis, de industriâ rigorem remittere, lætiùs porrigere frontem; sensim modò; modò repentè, cumque jucunditate aliquâ ad severa descendere, ut ejusmodi disparis rei permixtione, amarum desidiosus virtutis nomen, minùs displiceret. Et

Correptoris partes.

F 2

qui-

quidem egregiè piam mentem urgebat ejus victoriæ laus, & præmium, gnarus pulcherrimæ illius contentionis mercedem præter animarum salutem, unam Dei majorem gloriam esse. Nec dubito, virum navum, ac promptum, plures ex iis, qui tunc debebant in Septimo ad rectum virtutis iter traduxisse. Multi certè, cum ejus administrationis auspicaretur initia, ex primoribus civitatis, relicto seculo, Monachum professi sunt. Quorum progressus eò fuerunt feliciores, quò nullis vitæ incommodis impellentibus, sed tantùm virtutis amore hujusmodi genus vitæ fuerant amplexati. Etènim cùm rerum omnium egestas semel compulit in Claustra mortales, mirum dictu est, quàm facilè à vitæ illecebris trahi se sinant; eòque impudentiæ plerunque labuntur, ut in humilitatis scholâ (quod non semel Bernardus graviter sanè queritur) fastidiosè superbiant, idque faciunt ardentiori ambitu, quòd his honorum titulis, quos ipsi tantâ animi anxietate confectantur, infimæ suæ conditionis sordes se posse contingere arbitrentur, quas à nobilitate per summam animi moderationem demirantur amplecti. Itaque non me pigebit, semel dixisse, tandiù rem stetit monasticam, quândiù à vitæ commodis ad incommoda Claustrî transitum est: tùm verò maximè disperiisse, quando indigentia vitæ, cùm Claustrî saginâ commutari est cœpta. Quamquam nec claritudini generis interim sua vitia desint, si à perfectioris vitæ studio semel contingat desciscere. Languet enim primùm; mox ceteros fastidit superbis; tùm seculi potentiam ad fastum ostendat, ut ex armatarum in Claustrò legum auctoritatem deludat. At si utrique suum pondus adsit, sic ut illa conditionem, undè digressa est, semper attendat, hæc verò semel suscepti propositi nunquam obliviscatur; spes erit fore, ut altera alteri commodo sit, & salutis; utriusque verò consortio, monastica res ad mi-

ra-

*Paupertas in clau-
stro ambiciosa,
proclivis ad con-
cupiscentiam.*

*Nobilitas fastidiosa
superba.*

raculum provehatur. Ergo Septimiana res plerisque sub Forensi nobilibus profitentibus, adaucta & constituta est. Quorum modò si velim inire numerum, nullus hujus descriptionis sit finis. Quando verò id prònum, ac facile esset; ut tamen vitarem, mihi planè persuaderet, quòd semel professus sum, illustrium virorum res præclare gestas narrare; haud verò nudam nobilitatem proferre. Consulant Ordinis Nomenclatores, qui volent; profectò reperient, ad monasticam laudem ita nobilitatem Florentinam per ea tempora exarsisse, ut vix tepidiori hoc nostro seculo videatur credibile. His in novo, ac perantiquo Cœnobio clarissimæ Cisterciensii familiæ fundandæ jactis fundamentis, suæ præfecturæ integrum annum Forensis vix expleverat, cùm importuna, pertinacique febri extinguitur. Gallus incomparabilis sanctimoniz exemplis, & qui ad Ordinem summâ cùm laude profereundum unicè factus videretur.

Jam Septimiani, importunâ morte prærepto Parenti iusta persolverant, cum præsentis doloris lacrymas futuri Præfulis eligendi cogitatio detergebat. Omnium enim animos ea suspenderat cura, quem sibi potissimum in ducem ac præceptorem deligerent. Siquidem jus eligendi penes cujusque Monasterii cœtum ex præscripto Chartæ charitatis per id temporis erat. Est autem apud Cistercienses Charta charitatis dilucida quædam, ac simplex lex, quæ nudis, brevibus, expressisque verbis de electionibus faciendis, deque comitialibus rebus cavebat, eaque omnia lenissimè imperabat, quæ purum, illibatumque ordinem vitæ sanctioris præstarent. Quæ ideo Charta charitatis dicta est, quòd in domo Domini plures unius moris Monachos videretur colligare. Haud verò incassum operam collocaverim, si ipsissima sanctionis verba hic adscribam.

Jus eligendi Abbatem, cùm apud Monachos.

Apud Cistercienses quid Charta charitatis?

Siqua domus Ordinis nostri Abbate proprio fuerit de-

destituta : major Abbas de cujus domo , domus illa exiit , omnem curam habeat ordinationis illius , donec in eâ Abbas alius eligatur . Ex præfixâ die electionis , etiam ex Abbatibus , si quos domus illa genuit , advocentur ; et consilio , ac voluntate P. Abbatis , Abbates , et Monachi domus illius Abbatem eligant .

Ex quibus sanè verbis liquidissimè constat , ad S. Galgani Abbatem destituti Cœnobii curam , electionemque , unâ cum Monachis ritè celebrandam pertinuisse . Ceterùm ut sibi Abbatem deligerent , privatis Monachis is tantus honos per id temporis habebatur , sive ut ei , quem sibi ipsis ultrò constituissent in principem , parerent lubentiùs , sive ut is qui ex toto corpore seligebatur , ut caput deindè , membra planè sua potiori charitate complecteretur ; sive denique ne in religioso statu ea perfectissimæ Reipublicæ pulcherrima species disperiret , nève paucorum potentia vergeret in tyrannidem ; si , cujus imperium nunquam experturi essent , privatorum cervicibus , quemcunque voluissent correctorem imponerent .

Ordinationis autem Abbatis is ritus erat . Primum præbant preces , deindè cum ad subsellia ventum esset , tum is qui præerat , sui officii monebat electores , orabatque ne aliquid darent gratiæ , neve privatis affectibus obnoxii præcipitarent inconsultò suffragia ; ceteras potiùs spectarent artes , quàmque in iis exercendis , opificibusque seligendis curiosi , morosique mortales essent , qui nec navi , qui pulchrior sit , sed qui peritior nauclerum attribuunt , nec ad curationem , amiciorem adhibent medicum , sed qui feliciùs ægros medendo levet , nec scholæ demùm ditiores , sed qui magis doctrinâ valeat præficiunt , audiuntque libentiùs : hoc ipsum requirere præclaram illam aliorum instituendorum artem præceptorum plenissimam , & in quâ periculosius peccatur , ne si
con-

contigisset obvio cuique inconsultò, ac sine delectu demandari inconsultiùs pereundo, temeritatis pœnas darent. Quamobrem respicerent seipsos, publicam salutem non despicerent. Quæ cum semel & iterum inculcaret ardentius, animadverteretque motum esse factum animorum; tum demùm concionem solvebat; diversique omnes summo silentio dilabebantur, schedulisque inscripta nomina, ut cuique libebat, clavi conclusâ, supernæque modico foramine hianti confundebant in urnâ; mox residentibus cunctis, duorum gravium, ac veracium virorum prodenda scrutinio, in quem scilicet frequentiora coiissent ad victoriam. Bone Deus! Quis temporum illorum in eligendo candor! Quanta animorum quies! Qui virtuti ubicunque se proderet honorifici occursum! Nullæ ibi secessiones, rixæ nullæ, nulli alteri insidiando habebantur conventus, nullæ in alterum, ut posthaberetur, jactabantur criminationes, non plus æquo extollebatur ullus ut ad gratiam eligeretur, una virtutis commemoratio optimo cuique favori erat, atque præsidio. Ergo cum, effuso vasculo, sortem nudassent, Abbatem renunciarunt Jacobum candidissimæ probitatis virum, sæpèque alias minoribus Ordinis exercitum muneribus, cuique tutò posset tantæ molis structura eo tempore demandari. Hunc, cum diu præfuisset, opinio est, interiorem Septimi structuram ad Cisterciensium usum vili tamen schemate, inelegantique architectonicæ ordine intorsisse. Habet siquidem momenti plurimum, ad Ordinis munia ritè obeunda, quâ ratione Cœnobium quodque constructum sit. Ut enim eæ, quæ ad bellicum usum excitantur machinæ, si à regulâ militari tantisper desistant, non tam usui militi, quàm impedimento sunt; sic ad alterius instituti exædificata Cœnobia maximum in discrimen Ordinis Cisterciensis peregrinos plerumque mores invehere solent. Mores autem priscorum Cisterciensium ad
lineam

lineam veterum ædificiorum qui fuerint, haud abs re erit hic breviter recensere.

Primæ Monachorum Septimiani Monasterii morum sanctimonie descriptio.

Portam à claustro, brevis ille quidem, sed tamen in longum porrectus fornix discriminaverat, ne introeuntes claustrum, cujus severiora jura silentii sunt, statim admitteret. Aditui Janitor perpetuò affixus erat, ne si abesset, vel adeuntes frustrarentur responso, vel necessitate coacti majori cum strepitu fores pulsarent. Piaculum erat, ibi cum prætolantibus supervacuos, otiososque habuisse sermones. Leniebat verò responsi moras, ubi protrahi contigisset, Projanitoris opportuna prudentia. Eò accessisse Monachos, laxati per summam inertiam animi indicium erat, quòd ad semitam, quam seculares tererent per noxium otium aspexissent. Apertam, perviamque prostare januam, ubi nulla necessitas cogeret, tam indecorum esse arbitrabantur, quàm homini hianti ore esse ubi loquendum, ridendum, vel cibus capiendus non esset. Nulli mulieri ad id loci, vel colloquendi, vel corrogandæ eleemosinæ gratiâ ullo unquam tempore patebat accessus. Nullæ ibi otiosorum coronæ, nullæ è trivio haustæ inaudiebantur fabellæ: facili enim credebant, cætum omnem infici posse, si quid noxium per Janitoris neglectum portæ limen irrumperet. Ergò duo omninò, quorum alter vegetioris, alter provectioris ætatis esset ad id munus adhibebantur; ut dùm alter ultrò, citròque responsa circumferret, altero curante fores nil penitus negligenter. Cavædium, quatuor in quadrum se complectentes sepserant fornices. Qui ubi præfinitis spatiis formato arcu ad hauriendum diem turbinatè desivissent in pedes, ex candido marmore binis, parvisque excipiebantur columnis! Cujus tanta solitudo, religioque erat, ut qui se illuc penetrassent; admonerentur, illuc secreto illapsu beatorum requiem, concordiamque morari. Locus demùm adeò perpetuo silentio consecratus erat, ut

Alti, egregioque sancti religionis observatio.

nec

nec ibi vel breviter loqui, vel replicatis gressibus animi gratiâ inambulare, sed nec hiscere quidem liceret. Vox ibi solum sacræ lectionis, convenientibus ad audiendum ceteris, & hoc præfinito à regulâ tempore, personabat. Siquid accidisset, quod efferri voce oporteret, propior claustro recessus submissè loquentes excipiebat. Exordium enim cunctarum virtutum in uno silentio collocandum sapientissimè arbitrabantur. Quare nil mirum, si cùm locutioni objecissent unius anguli fines; ceteram Monasterii laxitatem silentii jura tenerent.

In eâ verò parte claustri, quæ vergit ad orientem Solem, subsellia aptissimo loco disposita erant, in quæ tanquam monasticâ in curiâ certis diebus, statisque horis, post recitatam Instituti legem severissimè Monachi seipsos ad calculos revocabant. Siquidem tùm rei, tùm actoris personam pulchrâ commixtione induentes, quæ minùs cautè excidissent, prodebant, accusabantque, æquoque animo ab eo, qui præsidebat, tanquam à iudice pendebant, erratorum quascunque inflixisset pœnas volentes daturi. Si quid autem, obsistente pudore, aperire omisissent, vel simulatè rexissent; si illud ipsum per alium deferretur: institutâ illicò peremptoriâ quæstione, occultati criminis pœna amplior statuebatur. Persuasum enim illis erat, haud reliquo corpori benè esse posse, ubi aliud quod membrum qualiscunque languor tentaret.

Ad hunc etiam locum aliæ, quæ ad optimum Cœnobii statum spectarent, deferrebantur causæ; ibique summo silentio Monachi confidebant, de quâcunque propositâ re dicturi sententiam. Eam verò rogabantur ex ordine; itaut qui in religioso statu præcederet, primus etiam quod è publicâ utilitate esset, decerneret, cum Abbas priùs fuisset præfatus, edixissetque conveniendi causas. Qui tamen ita rem totam explicabat, ut quod sibi ipsi libuisset, ideò deditâ operâ supprimeret, dissimularetque;

G ne

Regularis culpa com-
len capitulo cor-
rectio.

Monachorum in
professu, propria
sententia, iuxta præ-
scriptum Divi Be-
nedicti regulæ, li-
beratur.

ne ceteris liberiùs ferendi suffragium adimeret libertatem. Quin hortabatur, liberè dicerent publicam rem opportunis suis juvarent consiliis, omnium rem agi, non privatam; quicquid majori, meliorique parti fuisset visum, id optimum judicandum fore, rejiciendum verò quod improbassent plerique. Ceterum religio loci monebat, ut deliberanda tantum, non etiam paucorum privato consilio perfecta, stabilitaque afferrentur; ne ejus simulationis specie quasi pedariæ ceterorum sententiæ viderentur deludi. Itaque cum non cogerentur, sed lenissimè potiùs rogarentur animi sensa; fiebat ut plurimum, idque magno Monasterii commodo, ut deliberando, ac ultrò, citròque, omni excluso astu, invicem consilia conferendo, assequendæ rei scopum felicissimè attingerent.

Cura in providendo Monachis adhibita.

Vestium autem promptuarium, quàm instructissimum habebant. Ibi, qui nova sarcirent, vetera resarcirent, nunquam deerant. Ejus officinæ, hujusmodi lex erat, ut inde depromerentur, quæ usui Monachorum futura erant, eòdem, cum vetustati cessissent, referenda, alienæ indigentia subservitura. Hinc omnibus una vestium forma, cultusque idem erat; hinc omnis amor habendi, à claustris aberat, exulabatque; exutique hæc etiam curâ felicior, facilioremque cursum experiebantur ad contemplationem.

Commune Septimianorum Monachorum in eodem loco quiescentium dormitorium.

Communi item, perviæque omnibus ad quiescendum cellâ utebantur; quam tamen occlusis cubiculis distinguere non placuerat; sed lectulis per ordinem stratam ex præscripto regulæ esse voluerunt. Videri enim & videre; ubi vicissim haurienda, dandaque rectioris vitæ exempla essent, ad omnem moderationem maxima incitamenta esse arbitrabantur; secus recessum, plerumque licentiam, dissolutionemque comitari: in se enim experiri quemque, ea in occulto, secretòque audere, quæ in alterius

rius

rius oculis vix cogitatione attingeret; multos præterea solitudine disperuisse, quos ceterorum viva, spirantiaque exempla antea servassent: paucorum admodum esse, seipsum, post Deum, vereri; iisdemque uti severitatis legibus, ubi nulla censura urgeret; gaudere demum etiam inculpatam conscientiam Theatro & Circo, mutisque nexibus, faustisque acclamationibus coalescere virtutes solere. Itaque sanctissimi Benedicti eâ de re transgredi legem non sunt ausi præci Cistercienses. A medio verò cellæ, seu dormitorii, ut vocant, unus per gradus, exitus in Claustrum ducebat, alter qui calcem loci claudebat, ita templo conjungebatur, ut inde in illud ipsum facilis pateret accessus. Lectulos verò ita intervalla distinxerant, ut invicem haud impedimento essent, si quid exposceret humana conditio. Horum supellex, mattula, sagum, cervical, læna, nihilque præterea visebatur, quod molli-
tiem, luxumque oleret. Inde ad vigilias omnium unus ardor mirabilis. Vix crepitaculum personuerat, cum erecti in pedes (quippe vestiti, innoctique cingulis lassæ ex diurno labore membra componebant sopore) ad divinas laudes celebrandas summâ celeritate, gravitateque currebant. In quibus persolvendis quis in voce virilis sonus, quæ totius corporis habitus concinnata majestas! Non præ lassitudine reclive caput excipiebant scapulæ, non è fulchris brachiorum in sellâ horariâ librabatur marcidum corpus, non tædium singula membra torquebat, non hæc, illæque versabat oculos mentis vagatio, nec otiosa ad aurem assidentis infusurratio longiorem psalmodiam fallebat. Quanta verò inerat alacritas, lætitiæque divino conspectui adstantibus, qui mentium ad Deum pernices volatus, quas liquidas inde voluptates non exhauriebant! Tàm acre autem pietatis studium Septimianorum, piorum liberalitas per ea tempora juvare visa est, cum laxare, exornareque templum, aggressa esset. Sum-

Assidua, vigilantissimaque divinarum precum frequentatio.

ruosum planè opus , atque difficile ; sed ut ingenti ausu , opibusque incœptum erat , sic pari animi magnitudine brevi absolutum , atque perfectum est : sic , ut indè Monachis nostro seculo propioribus tantùm animi factum sit , ut præalto elegantique fornice majus altare contexerint , conductâque Dominici Grillandarii hominis scientissimi pingendi operâ , illinc D. Benedicti , hinc S. Bernardi , qui Salvatorem Jesum pectore tenus è nubibus prodeuntem adoraturi supplicibus junctis manibus procumbunt in genua , imaginibus condecorarint . Quorum liberalitatem multò postea imitatus Guillelmus Benozzius Monachus Septimianus & Florentinus , sacrosanctæ Eucharistiæ Sacramento ex ligno , auro , ceruleoque colore protecto liberalissimè parvum templum crexit , munus illud quidem antiquæ loci religioni impar , posteritatis tamen laudibus prosequendum , si Monachi , ejusdemque privati pietatem voluntatem perpendas , ac censum .

Septimianorum
Monachorum pie-
na cultus & mundi-
tie proprietas .

Etsi autem mores , ritusque Ordinis Cisterciensis certâ ratione exædificata ædificia videbantur juvare , sed tamen prisca illi haud emasculatæ virtutis Monachi procul habuerunt omnem nitorem , superbiamque murorum , quòd eâ laxitate , splendoreque tolli incolentium animos putarent , superbiam ali , christianam demùm moderationem perire . Ipsi vidimus quanto squalerent horrore Septimiana sive atria , sive triclinia , sive ad quiescendum reclinatoria , quæ ferarum potiùs cubilia , quàm hominum domicilia viderentur . Splendebat tamen in iis , triumphabatque facillimæ egestatis securitas , itaque omnia ad munditiem facta erant , ut scires , fortes animos aspernari luxuriam , non marcidâ , vilique rerum suarum incuriâ jacere . Exercebant autem hujusmodi vitæ rigorem laboriosæ imprimis , neque temendæ artes . Constat enim usque Jacobi tempora , & deinceps , Cisterciensibus institutum fuisse , ut suis ipsi manibus colerent agros . Ne-
que

que tamen una ars omnibus erat, sed aliæ aliis pro cuiusque ingenio, institutione, communisque vitæ commodo. Sex autem in Monasteriis Cisterciensium præcipuè viguisse, quæ adhuc exstant vestigia, non obscurè declarant Agriculturam scilicet, Textoriam, Sutoriam, Phrygioniam, Scriptoriam, atque Picturam. Et quidem agros excoluisse Monachos, vel impellente pauperie, vel virtutis amore, ex ipsâ regulâ habemus; multaue Cisterciense exordium depromit exempla, quibus doceamur, id avidissimè, ac jucundissimè à Monachis fuisse actitatum. Certè jam pridem à præcis Eremiticis morem fuisse usurpatum, nullus dubitare potest, nisi qui in Patrum lectione parùm versatus sit. Siquidem ad versandas glebas, ceteraque agrestia opera præstanda Rusticum Monachum hortatur Hieronymus, si solitudinis, vitæque monasticæ vellet degustare dulcedinem. *Cur tu (inquiens) in usus tuos successura non preparas? vel fiscellam texe junco; vel canistrum lentis plecte viminibus: sarratur humus, areola aquo limite dividantur, in quibus cum olerum jactata fuerint semina, vel planta per ordinem posita, aqua ducantur irrigua: hic pulcherrimorum versuum spectator adsistas:*

Ecce supercilio cliuosi tramitis undam

Elicit: illa cadens raucum per levia murmur

Saxa ciet; scatebrisque arentia temperat arua.

Altiores autem, magisque arcanas causas, præter jucunditatem, subesse rei, haud ambigo. In primis enim à Monachis exerceri cœptam agriculturam gratiâ tuendæ, conservandæque paupertatis crediderim. Id innuisse Hieronymus, ut suprâ memoravimus, visus est, cum inquit, *cur tu in usus tuos successura non preparas?* Illam enim veram, germanamque paupertatem præci arbitrabantur, quæ opere laborioso sibi panem quærebat. Hinc ille:

pa-

Liber secundus
in Septimiano Mo-
nasterio frequen-
tatur.

..... panem quæramus aratro

Qui satis est mensis.

Hinc Monachorum parens: tunc verè Monachi sunt, si de labore manuum suarum vivant, sicut & Patres nostri, & Apostoli fecerunt. Itaque quæ major, nudiorque paupertas esse potest, quàm tuis ipse parare manibus, quibus utcunque tolères vitam, quorum alioquin alienâ conductâ operâ potiri potuisses? Hæc præter fructum, quem labore parit, *quæstum nullum novit, maximèque disjuncta est à cupiditate, cumque officio conjuncta*; ut post Aristotelem, dicit sapientissimè Cicero.

Alit præterea mirum in modum confidentiam hominum erga Deum. Cum enim rusticanæ res, ejusmodi sint, ut eas non ratio, neque labor, sed incertissimæ res, venti, tempestatesque moderentur; impendaturque quotannis labor, certusque sumtus ad incertum eventum & casum, quis non videat hanc artem spe quâdam, quæ à Deo ipso tota dependeat, teneri, cujus est mala naturæ avertere, moderarique? Nec inde moderationi animi parùm accedit momenti. Dum enim aratro scinditur terra, dùm implicitis sentibus perpurgatur ager, vix potest fieri, quin homini Christiano, nedùm Monacho, humanæ conditionis occurrat miseria, obverseturque ob oculos, quæ immortalia originarium peccatum illud corrumperit, coegeritque reprobæ terræ, sudore, ac labore fluxam experiri fidem, si ærumnis obnoxiam vitam utcumque producere velit. Prorsus, *causa laboris sese nobis offert in labore* (ut loquitur Bernardus) *ut ipsa nobis pœnam, quam patimur, representet.*

Sed & in agriculture, virtutem obedientiæ, quam ad mores utiliter traducamus, cogimur intueri. Illa enim virtus haud exercitiæ terræ videtur absimilis, quæ nunquam recusat imperium, nec usque adeò ingrata est, ut non cum ampliore plerunque fenore, quod acceperit, red-

reddat. Jam quantæ jucunditatis sit laborando, sibi ipsi sufficere, elegantissimè insinuavit Propheta, cum diceret: *Labores manuum tuarum quia manducabis, beatus es, et benè tibi erit.* Est enim quædam felicitatis pars, labori respondere proventus, quos honestissimis sudoribus conditos, suaviore experiaris. Textrinam porrò nostri Ordinis homines habuisse domesticam, cum multa docent, tum vel ipsum continens bellum, quod gerebant cum otio, indubitato fuerit argumento. Est enim illa ars ut commoda, vitæque usui peropportuna, sic ad diuturniorem laborem pertinere videtur. Siquidem dum vellera demuntur ovibus, dum sordida, complicataque virgarum ictus, castigant, moxque demulcet oleum; dum pensa volvente rotâ ducuntur in fila, dumque hæc iterum parvo inclusa textorio lembo, per ea quæ licia suspensa habent stamina percurrunt impellente magistro, mutatisque vicibus, illa supernè, hæc vero infernè ad ictum pectinis iens, regrediensque filum insidiosè, arctèque concludunt, excrescitque tela in opus, seculum penè decurrit, haustæque difficultates admonent subindè textorem, quàm olim nuda innocentia pulchra, tutaque esset; cum tuendæ, tegendæque originariæ labis turpitudini vix tot modò labores sufficiant.

Ad sutoriam verò quod attinet; ob duas causas in Monasteriis exerceri solitam arbitror: tum scilicèt ut expensarum compendio in calceandis fratribus uterentur, tum ut eorum, quæ divendiderant pretium in ceterarum rerum, quæ deessent usum, utiliter transferretur. Ità tamen consuendis calceaminibus, quæ emporio destinabantur, operam dabant, nulla ut conderent muliebria, seu ad ornatum, ad elegantiam, desultoriæ, amatorixque arti subservitura, hoc est, ità oculata, ut quæ infra talos est, partem pedis nudarent, vel adeò artificiosè concisa, ut versicolores caligæ proderentur, aut ad simulandam pe-

pedum brevitate in quadrum summitatem secarent, vel denique Gallicè acuminata, quæ altiori sub calcaneum gradu ad incesui conciliandam gratiam suffulcirentur: hujus, inquam, generis calceamenta, tenuiorum tantum usibus deservire contenti, adeò è Monasteriis eliminaverant, ut vel aspexisse, nedùm effecisse, luxuriam deputarent.

Jam Phrygium opus quò magis junctum silentio erat, acrioremque curam exposulabat, eò magis apud Cistercienses viguit, diùque in pretio fuit. Exstant ejus artificii immortalia monumenta in nostri Ordinis Monasteriis adeò sine fuco artis confecta, ut quæ præteritorum seculorum injuriam hætenus defugerint, consecuturæ non videantur cessura. Unum è multis excipiam, quòd ceteris longè præstet; & quid in eâ re per id tempus Cistercienses potuerint, abundè declaret. Impluvium igitur inter cetera, quibus in sacris utimur, Deiparæ Virginis triumphum à tergo habet, quo rediviva lætissimè ad cœlum vehitur. Sepulchrum apertum est, jacetque, quo claudebatur, lapis, quocunque regredientis ad vitam impetus illum abstulerat. Tametsi autem conditorii hinc indè eminentia latera inferæ partis prospectum omnem ademtura viderentur, ità tamen doctissimus Phrygio obliquè contuentibus objecit opus, quòque fucum faceret oculis, compendio decurtavit, ut ima pars, quâ furtivè lux feriebat, conspicuè subsiliret, adeò verò virens, ac herbida, ut vernans floribus solum fidem velle facere videretur, illic totius virginitatis decus requievisse. Ceterum illa, cum sepulchri custodia elapsa esset, ità levitate ipsâ immortalis corporis, animique contentione ferebatur in cœlum, ut junctis manibus, versisque, quò tendebat, ardentibus oculis priùs votis vorasse gaudia, quæ extrâ omnem mortalitatem, ac labile tempus potitura erat, crederetur, quàm illò perveniret. Ardebant purpurâ genæ,
quæ

quæ sensim illustriori perspicuitate fulgebant, quo Soli, Sideribusque cundo fiebat vicinior. Aër purior, ventique tranquilliores, quò liberiori cœlo volabant, solutæ, vagæque, ac suâ spontè tremulæ comæ adblandiebantur. Quam, diurnæ luci, nescio quid obscuritatis præ illâ exprobraturi, modò latiùs, sublimemque pandebant, modò deprimebant ad ubera, quò ea mixtura auri pretiosius pectoris ebur, pulchriusque pareret. Jam vestis ità toti corpori ancillabatur, itaque inhæserat, ut quæcunque eam irrequietus ventus impelleret, abeunti ad superos humano fastigio majorem conciliaret majestatem. Neque honorarii famuli deerant, Reginæ suæ celerrimis officiis obsecuturi. Agmen alatorum puerorum erat, qui nubem, quæ triumphatricis Virginis radios proxime invadebat mortalibus, nudi infederant: quorum ex illâ alii eminebant ad pectus, alii ad ejus triumphi contemplationem vix exuerant caput, illos virgineæ pulchritudinis defixerat admiratio, attonitosque reddiderat: hic ad citharam lætius Epinicum carmen accinebat triumpho; honestissimâ alter, ac plenâ decoris saltatione sin lætitiâ effundebatur: alter librato corpore pennis non sine risu humilem, jacentemque terram cum toto auro suo despiciebat, notatæque digito, quæ felix abibat, cœlo tandem suum reddi decus gratulabatur, unde mortalibus certa spes foret salutis. Ita verò arduos montes, mitioresque colles, quique terram alluit, Oceanum minima figura, ut opifici libuerat, à cœlo monstrabat abesse, ut artificio hujusmodi meliùs quàm loquendo doceret, ridiculos omninò mortalium fines esse, quibus divitiæ, gloria, regna, decus angustissimè continerentur. Quamcunque rem finxisset artifex, natus suus inerat color, aptaque figura membrorum ita consentiebat, ut mirareris, quod fingebatur, non moveri, non loqui, quando occultiori quodam impetu vitæ, quæcunque artifex imperasset, videretur

H

tur

tur præstare. Non hiulcè fila coierant, nullâ quamvis accuratâ indagine noscebantur punctiones, ita filum filo inhæserat ut perpetuâ colorum serie penicillo depicta putares. Nec suâ pretiositate vacabat artificium. Flexile enim aurum, filoque serico circumductum, lumina, tonosque ditiori extulerat pompâ, ut jam extrâ omnem invidiam umbræ se se deprimi paterentur. Quæ, inquam, omnia, acus serica fila ducens, adeò ad vivum expresse rat, effinxeratque, ut naturam ipsam æmulando vicisse videretur. Scriptoriam præterea seu necessitas, seu sciendi aviditas à Monachis jam pridem extorserant. Siquidem ante typos inventos, ubique terrarum penuriâ codicum laborabatur: Scriptorum copia & privatas domos, & illustriora repleverat claustra. Pro quorum diverso studio ingenioque factum est, ut literæ diversas induerint formas, retulerintque figuras: Aliæ enim quadratâ figurâ erant: rotundâ gaudebant aliæ, illæ levi inclinatione, ac quasi instituto cursu proclives abibant, istæ tanquam suo pondere graves desidiosius residebant: nonnullas incuriosus, currensque profuderat calamus, commendabatque compendio decurtatas neglecta, securaque celeritas, Quæ omnia genera scribendi apprimè callebant Monachi; adhibebantque præcipuè ad sacras transcribendas preces, quæ in templis recitari solebant. Itaque Missalia, precumque Breviaria, ut vocant, suis ipsi manibus conficiebant. Tùm monumenta Patrum, scriptaque divini ora avidissimè & legebant, & exarabant. Nullius unquam artis, quæ in pretio, quæque honesta, liberoque homine digna haberetur, codex prodibat, quem Cistercienses non exhaurirent calamo, ejus accessione Septimianam Bibliothecam ditaturi. Unde doctissimis, innumerisque manuscriptis voluminibus quàm instructissimam nobis posteris reliquere, perpetuòque etiam duraturam, si præclarissimo visendòque monumento vis omnis externa, injuriaque

que iniquiorum temporum abfuisset. Scriptores autem, eam etiam laudem vehementiori studio urgebant, ut principes, majoresque literas minio usque ad miraculum exornarent. Ars, meâ quidem sententiâ, multorumque judicio reconditæ scientiæ, occultique laboris, quippe quæ nec picturæ præcepta sperneret, & ita scienter colores misceret, temperaretque, ut nec aër libaret, nec diuturnius tempus tereret; nec ipsa per se, potentiori utique vinculo colligata, mixtura senesceret. Exstant apud nos quingentis, & eò amplius ab hinc annis eo pigmento graphice depicta non pauca volumina; quorum adhuc color ita vividus est, itaque coloribus interlucet ductile aurum, ac si modò artifex manum tulisset è tabulâ. Verùm hujusmodi pingendi usus vel deditâ operâ exolevit contentus; vel ignaviâ, incuriâque hominum sensim amissus est. Novi nonneminem, qui, ut multum conatus sit, haudquaquam tamen hanc iterum expiscari artem potuit. Etsi enim ejusdem rationis, sinceritatisque colores occurrerent, sed idonei succini usus haud hætenus potuit inveniri, quo quasi vinculo semel membranæ illita diutiùs cohærerent pigmenta. Ab auro verò nulla industria, nullusque labor (quod prisce fecerunt feliciter) diuturnum poterant extorquere splendorem: ut hinc jam videre liceat, quo loco hujusmodi melioris ævi monumenta habenda sint, ubicunque reperiantur, quæ tam arcanis pictoris facultatis præceptis perennarent. Viguit hæc nobilis ars, ut mihi sit verosimile, usque ad X. Leonis tempora, adeoque perfecta habebatur, ut vix ei quicquam addi posse videretur: ex eo siqui in ea celebriores fuerunt, constat illos longè degenerasse à prisceis. Duo ex Septimianâ familiâ sub X. Leonis Pontificatum, adeò clari miniatores exstiterunt, ut vix unum, aut alterum cum ipsis possis componere. Nicolaus scilicet & Vincentius Fortinius, ambo Florentini, ambo Cisterciensis Ordinis

probatissimi Monachi . Quos minùs miror à Georgio Vafario in Vitis Pictorum fuiſſe præteritos , quòd homines clauſtro dediti publici vel favoris , vel laudis minùs inſtiterint viam . Et Nicolaus quidẽm , in Ciftello Florentiæ civitatis pulcherrimo Cœnobio cùm multa ſcripſiſſet , etiam in plerique quâ dexteritate minio uteretur , poſteris teſtatum reliquit . Cùm enim priorem literam Pſalmi centefimi primi (ut cetera non inferioris induſtriæ opera ſilentio ſupprimam) illuſtriorem penicillo vellet efficere eam partem , quæ in majusculâ litera D extra circularem figuram jucundiſſimè oberrat ; mutæ poëſis audaciâ , licentiæque uſus ignotæ noſtro Orbi arboris frondes elegantiffimè explicaffet : depiſtis varii generis volucribus , quæ delectatæ virore invicem garriunt , adeò feſtivè variegatum opus exhibuit , ut quid in eo genere deſiderent ampliùs vix habeant curioſi oculi . Siquidem ibi ſuperbit Pavo , ſuperbiæque cauſam , plumeam , oculatamque pompam oſtentat , quam ſtatim vel ſordes pedum , vel inconditi dehoneſtant clamores . Stat alibi altero elevato pede cogitabundus , ac diſcolor Pſittacus , mox latiori linguâ humanum moliturus ſermonem . Librat verò , ſuſpenſumque tenet ſaxum Ciconia , ut qui lapſis obrepit , vel ipſâ fatigueatione arceat ſomnum , excubiisſque ſufficiat . Nec garrula , cœruleaque Pica tacet ; acuitque ſubinde ad arborem quaſi ad corem roſtrum , ut duriore reſtâ fructus fatiget , enucleetque . Quàm verò jucundum ſpectaculum exhibent rapaciores , quæ mitiori ingenio , imparesque volatui , ſibi certiſſimam prædam deſtinant ! Nec magis tuti Papiliones pererrant , qui , quocunque diverſicolores alas intenderint , haud ceterarum avium vim poſſunt eludere . Tarda item viſitur Limax , quæ ducibus flexibilibus , oculatiſque cornubus domum ſuam circumferre juffa ſucco ſuo vel firmat greſſum , vel impellit faciliùs . Riſum denique mover , & qui-

quidem excussum, ceterarum avium ludibrium Noctua; sive rectura maciem tumeat plumis, sive aucupis imitata jocos, quibus prius ipsa circumventa est, aliis delusa struat insidias, sive denique stolido intuitu, innoxiaque ira frendens, ridiculose minetur. Vanus sim, modo si velim omnia, quæ egregie pinxit, hic attexere. Sat sit dixisse semel, adeo leporibus omnibus, artisque luminibus totum referuisse opus, ut cum semel adverteris, oculos ægre deinde avertas, contemplandoque in eam recens inventi Orbis partem te putes delatum, cujus benigniori siderum aspectu perpetuo arva virescunt.

Lusit autem pingendo Vincentius Fortinius (ut in Cœnobio Morimundi in valle Ticini opus, quod edidit, abunde declarat) & pie magis, & ad rem propius. Cum enim exordium Missæ Natalis Domini ad recti cantus scite calculos revocasset; primamque literam Virginei partus, penicillo expresso, condecorasset mysterio; ut ipsam rem agi crederes, non ostendi depictam, ea deinceps parerga adjecit, quæ & rem propius attingerent, & celeberrimæ diei religionem foverent. Legerat quippe jam olim à Prophetâ prædictum, parvum Puerum se oblectaturum super foramine aspidum, ingentisque fortitudinis animantia suo versaturum ingenio, tantamque adventus Domini futuram felicitatem, ut nulla, quantumvis noxia animantia, in homines nocitura incurrerent. Hæc quanquam non esset nescius, altiore, quam verba sonarent, advehere sensum, tamen literæ jucundiorum secutus; ad calcem cervam depinxit fusam in herbido solo, erecto tamen collo ad providendas insidias; ceterum ita securam, itaque ad quietem compositam, ut eam cum quadriennis, procaxque puer lacessat, non magis moveatur, ac timeat, quam si lactanti matri Hinnulus adblandiatur. Ergo sive ille implicitis collo brachiis totum inde suspendat corpus, sive in eam insiliens dorso jacentis in-

incumbat, sive denique gramineum laqueum collo concutitur induere, conniver cerva, immota perstat, obliataque celeritatis suæ; innoxio puero se præbet tractanda, nihilque magis timere videtur, quàm ne timendo gaudium puerile corrumpat.

Opus sanè jucundum, quodque cum gaudio iustissimas misceat lacrymas cogitantibus quàm felix ille innocentiae status foret, qui Deo junctus, nec secum ipse pugnans, abjecta prorsus omnia suos haberet ad pedes, hoc est hominis imperio libentissimè paritura.

Hujusmodi ergò usu minii, quamvis hoc nostrum seculum magnâ ex parte orbatum sit, jaceatque Scriptorum industria, calami aciem retundente facilitate præli; quia tamen præclarum illud inventum in efformando ecclesiastico cantu, literisque majoribus fingendis non usque adeò bellè processit, ut Scriptorum stylus omninò videatur temnendus; non defuerunt hætenus, nec deinceps, Deo benè juvante, desiderabuntur, qui summâ cum laude calamo fundant exquisita volumina ecclesiastico ritui profutura. Certè ex Septimianis Monachis (adolescens nobis) duo præcipuè hanc artem scribendo maximè exornarunt; Innocentius Pinius Florentinus, & Octavianus Terrenus Laudienfis. Quorum studium postea imitatus Ignatius Signorinius, (quem aliquando in disciplinâ morum me habuisse haud poterit prænitere) adeò, quod urgebat, assecutus est, ut nullos literarum characteres transalpina præla procudant, quos ipse usque ad fallaciam oculorum calamo non representet.

Hos multò antea præcesserat Marcus Massarius è Confandolo frequenti ad Padum vico laude scribendi suo seculo clarissimus, cujus nos monumenta aliquando vidimus, adeò variis scribendi generibus referta, ut vix credibile videatur, unius hominis manum tot characterum infle-

inflexionibus sufficere potuisse. Nos item cum hanc nostram de rebus Septimianis Historiam utcumque absoluissemus; ne Mœcenatem aliquem, qui de prælo cogitaret, præstolari incassum cogeremur: repentina imitatione præli, quam nunquam antea attigeramus, quinquaginta & tres annos nati, arrepto calamo, literis mandavimus; quæ satis nos ex albo Scriptorum, etiam tacentibus ceteris, possit dispungere, dum vel exerrant à lineâ, vel intercedente diffidio dictiones conscindunt: vel modò pares, modò impares concordiam violant, regulamque confundunt. Sed nobis fuit, ut sine tædio, ac commodè possent legi, quæ de nostris rebus cursim, ac succisvis horis procuderamus. Verùm quæ vel ipse scribendo peccavi, vel alii neglexerunt, unius Ferrariensis Hieronymi industria planè delebit, cujus in eâ arte ii progressus fuerunt, ut Monasterio S. Bartholomæi clarissimis suæ artis relictis monumentis, paucos admittat pares, superiorem fortasse neminem:

Ad Piçturam quod attinet, supersedeo modò dare qui ejus artis opificio claruerunt, quòd prisca seculi homines magis conati sunt in suum pristinum splendorem Piçturam asserere, quàm quod volebant, effecerint. Sed tamen post eam artem illustratam, ex nostris unum, qui meliorum vestigia ne latum quidem unguem transgreditur, tacere non possum, Pacificum, videlicet, è Bononiensi Castello Septimianum Monachum Baccii Bandinellii Florentini memorabilis Sculptoris nobilem alumnum, ejus, inquam, Baccii, (cujus scalpri operâ, Cacus præposterus latro, Florentiæ ante fores Palatii Principis ad pedes Herculis clavam intentantis temerati gregis pœnas daturus procumbit). Hic itaque Pacificus Statuariæ non rudis, peritissimus verò pingendi, multa, eaque laudatissima in Ordinis sui templis monumenta reliquit, quæ plerunque Andreas Sartius, Urbinateque Raphaëles facile emen-

ementiantur. Exstant adhuc ex nostris, qui cum honestissimis natalibus hanc item laudem conjungunt. Quorum, nisi frangantur in cursu, mirifici possint sperari progressus.

Mis infirmorum, egenorumque curis, necnon in advenientes hospites pietas.

Has verò artes domesticorum infirmorum cura, pietasque in externos egenos, voluptate mirabili condiebat, quæ nunquam otiosa erat, nunquam remittebatur; cum Xenodochium familiare, conjunctumque Cœnobio Cistercienses semper haberent. Itaque certatim omnes lavare pedes, tergere sordes, evertere quisquilias, coquere cibos, solari ægros, ponere mensam, inferre epulas, ac si quem emori contigisset, supremo demandare officio, precibusque juvare. Harum tam egregiæ notæ exercitationum is erat usus, atque consilium; ut quicquid peragerent Monachi, ejus omne depelleretur fastidium; ne subiret; sin subiisset, statim excuteretur. Cum enim ea ratio monasticæ vitæ sit, ut actuosæ, & contemplatricis vitæ complexu perficiatur, ac coalescat, sitque illud verissimum quod Isidorus alicubi scitè, verèque asseruit, actuosam ad contemplantem gradum esse, cum inquit:

Actuosa cum contemplativi vitæ morum in modum foletur.

Qui prius in activâ vitâ proficit, benè ad contemplationem conscendit: meritò enim in istâ extollitur, quia in illâ utilis invenitur: liquidò perspicitur, cur hæc illam præeat, laborem excipiat quies; negotio sanctum succedat otium, belli discrimen, ac pulverem, spes læta prædæ, victoriæque subeat. Illud autem agebatur inprimis, ut hujusmodi certarum horarum indicis laboribus contemplationis desiderium (ad quam curis exutus animus felicissimè rapitur) acriùs stimulare occupatione distentos. Ut enim id elementorum ingenium est, ut non priùs quiescant, quàm quæ sibi à naturâ pro dignitate constitutæ sunt, sedes assequantur: sic humanus animus, cum pro centro Deum ipsum habeat, non nisi in eo conquiescere potest, acciditque, ut quò longiùs indè divelli-
tur,

tur, tantò ardentius eò redire cogatur, unde discesserat. Itaque cùm externarum rerum occupatio inter animum, divinarumque rerum contemplationem, sit quasi injectum dissidium; fit, ut ex hujusmodi exercitio, contemplationis desiderium quàm maximè exacuatur: exæstuetque anima illa ardentius, quam sæpiùs, ideoque molestius actuosæ vitæ interpellet tumultus. Quin indè effici necesse erat, ut rebus externis intenta anima quàm minimùm contaminaretur, distrahereturque; dum ex labore ipso redeundi ad Deum conatus improbißimi, indefessique evaderent. Hùc illam Sponsi ad Sponsam, duram sanè increpationem spectare crediderim: *Si ignoras te, egredere, & abi post greges sodalium tuorum, & pascere bados tuos.* Quibus nimirùm verbis assuetam contemplationi repellit, abjicitque ad tempus; ut post laborem gratior, suaviorque reditus ad Sponsi sinum exsistat. Amor enim plerumque ex ipsâ rei amatæ facili assecutione, consuetudinèque languescit; cui ex ejusdem difficultate, absentiaque vires accedunt. Hinc Sponsæ ex absentia Sponsi pleni anxietatis circuitus illi, intempestivæ cursitationes, querulæ voces, adjurationes, vota, preces; donec inveniret, teneretque quem diligebat ex animo, gerebatque in oculis. Sic semisopiti carbones hinc inspersâ frigidâ, illinc urgentibus foliis, vehementiorem concipiunt ignem, nec secùs ex labore, quasi subditis facibus contemplationis excitatur incendium. Quæ si iterùm ad satietatem contingat dulcescere, castigatur condimento laboris, omnique exclusâ molestiâ, voratur alacritate mirabili; atque utriusque rei mixturâ sincerum, verumque gaudium, quod quidem in hac vitâ potest haberi, iis, quos labor fregerit, comparatur. Contemplationi autem prisci Cistercienses aptissimam supponebant materiam. Si enim unius, ejusdemque cellæ fines cogerent operantes, opusque sedentarium foret; sacræ lectionis occupatis divini-

res sensus instillabantur ab uno, cui id ex præscripto Majorum incumberet.

Triclinium, quod peramplum nactus erat Jacobus, quippe quod duplici columnarum ordine in atrium fornice obductum miræ laxitatis, ac longitudinis protenderetur, haud sine sacrorum librorum Lectore inibant. Ita verò verecundè, ac parcè cibum sumebant, ut diceret, vel ad requisita naturæ divertisse illos, vel more Canum Ægyptiorum Niliacas cursim lambere aquas, ne Crocodilorum, hoc est, lautæ gulæ interciperentur insidiis. Siquid ibi moræ traxissent, unâ divinâ lectione derinebantur; quâ ita pascebant animum, ut vix alimenti ad sustentandam vitam meminisse viderentur. Carnium esus, ceteraque irritamenta gulæ nondùm luxuriosè inducta. Epulas præbebant olera; seu, ut lautius conviverentur, legumina. Ova rarò; si autem interdùm: durata ad ignem, simplici condienda sale apponebantur. Vinum benè dilutum aquâ Architriclinus fundebat; cibariusque panis fessis, fractisque labore, mirum in modum sapiebat. Æquè omnia omnibus, ac singulis administrabantur; ut ne pomum quidem peculiare cuique liceret afferre in mensâ, quo ceteri carerent. Non adhibebantur ad consilium sensus (qui secundùm corpus plerunque mollissimè judicant) cum de valetudine foret deliberandum. Sobrietati non insidiabantur ad privatas cœnulas comparata triclinia. Nulla à mulierculis, sive Deo votis, sive affinibus xenia; bellaria nulla; ubique masculus vigor monasticus; ubique intacta paupertas; ubique illibata sobrietas, infra-etaque moderatio animi. Tanta autem in singulis, omnium rerum nuditas eminebat, ut invicem pertinaci conatu certarent, quis in divino obsequio majora præstaret, & minùs acciperet. Quando verò tantæ severitatis Monachi pecuniolâ oppletos loculos admisissent, occultassent; utque noxias cupiditates explerent, profudissent: qui

In vitro & pect
Angularis Septimian
neum Monacho-
rum sobrietas.

Dives Septimiano-
rum paupertas.

qui siquid, necessitate cōgente, usurparent ad usum; magis re, quàm verbis, illud cum Bernardo videbantur verecundè sonare: *Sine his neque vivere, neque Deo servire est; ceterum quantò parcius, tantò melius*. O mihi exoptata tempora, si redeant! Hanc autem tam egregiam virtutem non honorificis verbis modò, sed factis potiùs, exemplisque spirantibus prosequabatur Jacobus. Cùm enim Septimiani juris essent splendida non pauca, nec contemnenda Sacerdotia; nunquam tamen adduci potuit, ut sui Ordinis Monachis regenda, administrandaque attribuerentur. Monachum enim extrà claustrum facilè sub tonsuræ honestà, speciosâque facie eò turpius regredi ad seculi vitia arbitrabatur, quò majori vitæ perfectione eadem sibi calcanda antea destinaverat. Inesse præterea in hujusmodi administratione latentem quandam, subtilemque habendi cupidinem, cujus laqueos, ac tenacissimum viscum, alienæ provehendæ salutis intentâ pietas vix semel & iterum eludat, effugiatque. Subit enim primùm nummularum amor; mox parentalia pinguiora delectant; tùm litatur lubentiùs, ubi sacrificium piorum eleemosinæ juvent; demùm cupiditate propemodum in crudelitatem versâ, minùs bellè procedere annum putant, quem prædivitum funera non nobilitaverint. Itaque & æquioribus oculis Cœmeterium gibbosum aspiciunt, benèque coli agellum suum deprædicant, quò plura (undè à mœstissimis affinis amplius existat compendium) inferuntur cadavera. Quas, inquam, immites avaritiæ sordes adeò in suis averfabatur Jacobus, ut ex seculo Sacerdotibus (quorum perspecta probitas esset) ea munera præstanda mandaret; cum diceret, satis amplum, quæstuosumque Emporium Monachis Claustrum esse, in quo pressis, reductisque cupiditatis frenis, perfectioris vitæ lucra sectarentur.

Quoniam verò ubi cudebantur, recudebanturque mores, si prolabi contigisset, Generalia Comitia erant,

ad quæ primùm nomine Septimianorum accessisse Jacobum non est dubitandum; operæ pretium facturi sumus, si post recensitos Cisterciensium vivendi ritus, de Comitibus dicere instituiamus; quibus scilicet de causis quotannis celebrari solerent; qui potissimum adessent; quæ demùm per eos dies, quibus in unum cogerentur, tanto ardore animi agitent. Uberem scriptionis tulero fructum, mihi que ipsi placebo, si inde nostri temporis Monachi dicendi leges, corrigendique mores sanctissimos ritus addiscant; priscaque secula ita venerentur & colant, ut ab illis vel latum unguem discessisse profanum ducant.

Generalium Cisterciensium Comitiorum ritus, ne causa luculentæ exprimeretur.

Quotannis igitur celebrari solita Cisterciensia Comititia, adeò notum est, ut cum inde in Dei Ecclesiam uberrima commoda redundarent; hoc ipsum nec aliarum rerum Scriptores latere potuerit. Sigonius de Regno Italiæ nobilis Scriptor id ipsum testatur, asseritque, talibus è Comitibus (quæ ipse Concilia vocat) ea, quæ è Republicâ Christianâ forent, sæpiùs dimanasse. Nullus itaque miretur, nostri Ordinis Patres, tametsi Provinciis, totisque dissitis Regnis, adeò frequenter ad publica tractanda convisse. Tres enim, ut video, eos impellebant, eæque gravissimæ, ac justissimæ causæ. Vix scilicet annos pubertatis digressus Ordo; natura ipsa morum; denique ecclesiastica, quæ à Summis Pontificibus imperabantur, negotia.

Et quidem recens adhuc Ordo postulare videbatur, ut frequentibus imbueretur ad omnem pietatem præceptionibus; austeriori monasticæ disciplinæ assuesceret: eademque ostenderentur dura & aspera, per quæ itur ad Deum. Dicebat septimo de Legibus sapientissimè Plato, omnem in totâ vitâ *navigationem rectam futuram, si pueritia rectè educata foret*. Quod, ut de adolescente naturâ; sic de quolibet cœtu hominum sensim ad virtutem progrediente intelligi potest, ac debet. Quare hæc erat sum-

summa Comitiorum, huc omnes intendebantur curæ, ut rectis sensibus euntes juvarent, moderarentur; devios, quâ possent ope, retraherent; denique ut se se prodentes perturbationes, vitiaque omnia radicitus refecarent. Hæc enim melioris spei initia non dubitabant fore, quin optimi progressus, exitusque feliciores consequerentur. Quamquam enim videbant, id per singulos Superiores in suo quemque Monasterio egregiè posse præstari; volebant tamen ut & publicâ autoritate minùs moderata improbarentur: ut ab iis vel improbi ipsi discerent temperare. Quæ illi minima non afferebant corrigenda? Quid minimæ labis non perhorrescebant? Quos illi non ciebant clamores, si aliquem à priscis moribus degenerantem conspicati essent? Num honori velificabant suo, vitæ commodis, inhiabant, faventibus sibi palpabant? Nil certè minùs, quippe quibus unius Ordinis puritas, animique sui cultus præcipuus, ac antiquissimus erat. Fungebantur siquidem optimi parentis officio ergà pubescentem Ordinem; nullis parcebant laboribus: sudarunt plerumque, alsère multoties, ut securæ posteritati impressa vestigia, quibus insisteret, sanctitatis relinquerent.

Mores item ut suâ sponte concidunt; sic alterius niti ope necesse est. Pauci enim jam sunt, qui cum Agide perditam luxu juventutem sanctioris vitæ moribus jam facti viri castigant: plures verò, qui cum Salomone & Saule sanctiùs institutam, sæpiùs cum turpi commutent: Horologio proinde mores persimiles mihi videri solent. Ut enim pondera in illo in causâ sunt, cur dentatæ rotæ perpetuo motu ferantur, ad Solisque libellam horarum signum excludant; sic moribus si accedant pondera legum, mirum quanta moderatio insit ad omnem vitæ partem condecorandam: secùs si exleges sint; ruunt in deterius semper, indeque oritur magna perturbatio vitæ. Quam ut vitarent prisci Cistercienses, quotannis celebra-

tis

tis Comitibus, hoc est, sublati legum ponderibus ex præscripto Regulæ, ac si tunc primum exordirentur, vitam instituebant. Quod eò impensius fieri necesse esse putabant; quòd flos nobilitatis, Reges, ac Principes se se Cisterciensibus in disciplinâ monasticâ erudiendos tradidissent. Quare ut plerumque nobilitatem rectè etiam institutam, subit vitæ pauperioris fastidium; sic inde timebatur ille casus brevi futurus, quem nostris temporibus vix dignis lacrymis deflare posse videmur.

Jam quæ imperabantur, tanta ejusque molis negotia erant, ut nisi multiplex, & varia Historia loqueretur, conficta ad jucunditatem fabella posset videri. Ut enim tempora illa, quibus Cisterciensis Ordo sanctitate, ac doctrinâ enituit sub nascentibus Hæresum monstris, maximisque ingruentibus bellis, quæ Dei Ecclesiam, turbulentissimeque pastores dirum in modum divexarunt, turbulentiissima fuerunt; sic eorum consilium, opesque per id temporis expetebantur, qui apud Deum gratiosi præcipue putarentur. Unum dumtaxat de pluribus hæc adscribere exemplum visum est; ut inde cetera lector facillimè colligat, & nos vera narrare non dubitet.

Quid, grassante
Albigensium Hæ-
resi, Cisterciensis
præstitit.

Emerserat, Innocentio III. Summo Pontifice, quasi è Lernæo lacu pestilens Albigensium Hæresis, quæ à Comitatu Albigenfi propè Tolosam in Galliis nomen invenit; itaque impietatis vexillum extulerat, ut deterimæ Sectæ princeps Bernardus nescio quis nocentissima placita ab Innocentio III. per summam impudentiam confirmari petierit. Sed nimirum cum dedecore, ut par erat, repulsam tulit. Admittebat autem illa Hæresis animarum transitus de corpore in corpus; carnis Resurrectionem excludebat; Baptismi Sacramento pondus suum abrogabat; Suffragia pro mortuis ægri capitis somnia, anilesque fabulas esse deprædicabat; altaria denique è templis omnino sustulerat. Hæc septennio ante, quàm ori-

oriretur, Lutgardi nobilissimæ Christi Virgini Cisterciensi in Aquiriâ Brabantix Monasterio, Deiparæ admonitu, innotuit. Virgini enim oranti se se obtulit Maria, vultu mœstissimo, cultuque lugubri; itaut cœlestis illa pulchritudo, ut Sol nubibus, utque candor liliorum continentibus imbribus, sic mœrore, squalorêque videretur confundi. Ad quam Lutgardis. *Ecquis tantus mœror, Mater, ait, istam tuam gratiarum faciem potuit sedare?* Ad quam illa: *Qui Christiani sunt nomine tenus; quique turpissimis hæresibus implicati, Filium meum iterum conspuunt, rursusque in semetipsis crucifigunt, ac ostentui habent. At tu, ne divina ultionis gladius, qui jam evaginatus imminet Christiano Orbi, usque ad interneccionem defavias, adnitere continentibus precibus, septennarioque jejunio.* Quibus illa ita paruit, ut nocte, dieque orationi dedita ad septennium semel in die pane tantum, cervisiâque toleraverit vitam. Demum cum erupisset, grassareturque jamjam pestilentissima lues; missu Pontificis, Henricus Clarævallis Abbas vir doctissimus, ac sanctitate conspicuus cum honestissimo Prælatorum comitatu, Albigensum errores mucrone doctrinæ ita jugulasse fertur: ut haud minima spes salutis deploratissimis Ecclesiæ rebus per eos dies affluisse videretur. Sed cum paulò post (ut intestini morbi ad recidivum maximè proni sunt) ad pristinos rediissent errores; placuit Pontifici, rebelles, ac transfugas persequi armis: missisque copiis, quarum Arnoldus Cistercii Abbas, postea Narbonensis Archiepiscopus Legatus erat & Dux, ita pertinacibus minitatus est, ut si resipiscere vellent, in ipso armorum terrore Arnoldum, absolutum suis numeris Theologum, possent animarum suarum lenissimum medicum experiri. Ceterum in hac pietatis plenâ contrâ Albigeneses, ancipitique luctâ, nullus tulit exitum felicior, quàm Petrus Castri Novi item ex Ordine Cisterciensi Montis Frigidi Abbas. Hic, cum

cùm ingenti animo, ex præscripto Pontificis, eandem provinciam fuisset aggressus, aut mori paratus, aut vincere, rem ita vehementi conatu urgebat, alienamque salutem ita provexerat ad eam diem, ut brevè casura tremebunda nutaret impietas. Sed scelestissimis quibusque conspirantibus, intrepidus, paratusque ad omnia à Tolosano Comite, in quem, quòd Albigensum patrociniū suscepisset, grave Religionis vibraverat telum; lanceā perfoditur; moriensque, exemplo Christi benè precatus interfectori, sanguine consignavit, quod vitā, verboque docuerat. Hic ille Petrus à Castro Novo est, qui in Ecclesiā Dei in causis fidei primus Quæsitōr fuit, cujusque incomparabilis fidei ardore sanctum illud, ac deviis perhorrescendum Tribunal hætenus, ut piè creditur, perennat, & viget.

Secutus, quæ se læta prodebat, Innocentius III. victoriam est; missō Jacobo Guallā Cardinali, cum septem Abbatibus viris lectissimis Cisterciensibus, quos adeò mors Petri non terruit, ut etiam ad eandem martyrii gloriam æmulandam mirabiliter inflammavit. At cùm in eam rem oppidò intentum Innocentium III. importuna mors abstulisset; Honorius item III. qui ei susceptus est, ne dilatione gerendæ rei corrumpetur occasio, ad eam provinciam Conradum Cisterciensem, Episcopum & Cardinalem legavit. Hic ille Conradus est, cui ob eximiam sanctitatem, digiti, quibus in sacrificio utebatur, cùm se intendissent tenebræ, ut lucidissima fax præfulgebant. Hujus ergò operā, sanctitatisque exemplo, Albigensum plerique sanati sunt, contagioque restincta. Verùm ne deinceps, missis furculis, repullularet, per XII. Abbates Cistercienses ex Hispaniā viros doctissimos, qui ex Hæreticis lucem veritatis aspexissent, sanctissimè instituuntur. Hoc, inquam, unum è pluribus placuit recensere exemplum; ut plenius edocereretur lector, quæ Cisterciensibus à Summis Pontificibus imperarentur negotia. Etsi enim
illorum

illorum missu (ut non semel dico) res omnis ageretur; ita tamen rerum cognitio , iis , qui Generalibus Comitiiis interessent, deferebatur, ut ab iis seligerentur, qui negotio perficiendo viderentur aptissimi .

Ceterum ut cum lapsu temporis labuntur & mores, cum Cisterciensi Ordini novæ ad omnem sanctioris vitæ cultum accederent vires ; qui jam provectæ ætatis erant , quique recens oriebantur Monachorum Ordines , ita vel repente observantiæ calore , vel sanctiorum præceptionum defectu , collabebantur : ut inde gravissima timeretur ruina . Quare eidem Ordini hæc item alios corrigendi , mandante Pontifice , gravissima cura accessit . Ne verò qui sanandi erant , acriorem curationem defugerent ; neque quibus incumberebat mederi, opus anceps , plenumque periculi detrectarent : Lateranense Concilium sub Innocentio III. cum de communibus Monachorum Capitulis ageret ; hoc ipsum in hæc verba gravissimè sanxit :

Advocent charitative in hujus novitatis primordiis duos Cisterciensis Ordinis Abbates vicinos, ad præstandum sibi consilium, & auxilium opportunum; cum sint in hujusmodi Capitulis celebrandis ex longâ consuetudine plenius informati. Et paucis interjectis: Hujusmodi verò Capitulum aliquot certis diebus continuè juxta morem Cisterciensis Ordinis celebretur, in quo diligenter &c. Unde quivis intelligere potest , quàm Dei Ecclesia, ejusdemque Pastores Cisterciensi Ordini in excolendâ pietate per ea tempora deferrent . Quoniam autem hæc, quæ non admodum effusè suprà commemoravimus, longioris, atque accuratioris videbantur esse deliberationis, rejiciebant ad generalia Comitia ; & quia plerumque ita urgebant, ut nec dilationem quantumvis brevem pati possent ; quotannis ea celebrare instituerunt . Hæc, inquam, tertia causa fuit Comitiorum quotannis celebrandorum

præcipua, ac Cisterciensi Ordini valdè decora; cùm duas priores cum ceteris religiosis Ordinibus potuerit habere communes.

Qui verò intererant, sanctissimi Abbates, Episcopi, Archiepiscopi, & Cardinales erant. Quos tamen Pontificis gravissima autoritas, Ecclesiæque necessitas è claustris abstulerat, haud ità tamen exuerant Monachum, ut eam vitæ rationem non omni, quâ possent ope tutarentur, quâcum ecclesiasticum splendorem conjunctum esse sciebant. Itaque vidisses illos, & ecclesiasticâ dignitate fulgere, simul & monasticam humilitatem sapere. Ferebant autem de quâcunque re, quæ ad illorum iudicium fuisset delata, gravissimas juxtâ, ac commodissimas sententias. In quo nihil dabatur gratiæ, nihil affectui; omnia verò ad rectæ rationis æquilibrium ponderabant, atque perficiebant. Ubi regularis observantiæ vel levis timeretur jactura, cujuscumque precibus se se præbebant inexorabiles. Siquid autem ejus promovendæ tantillum commodi affluisset, remis, velisque (ut aiunt) omnem ad id intendebant curam.

Et quidem quæ tantâ contentione animorum agerent, tùm hæc ipsa sunt, quæ modò diximus; tùm etiam bonum pacis inter superiores, ac subditos confirmandum: Castigabant præterea quicquid vel leviter, vel gravissimè in Ordinem, aut Regulam fuisset peccatum. Abbatum electiones à privatis Monachorum cœtibus factas publico decreto ratas habebant; nisi personæ indignitas plerunque obstarat. A cognoscendis causis eos arcebant, ad quos quoquo modo spectare posse viderentur. Ex opulentiorum Cœnobiorum redditibus tenuiorum pauperiem, ac indigentiam sublevabant. Clamationes inter se summo charitatis zelo exercebant: (est autem clamatio apud Cistercienses, nullo captato circuitu verborum, aut appellationum, aut testium, simplex, nudaque coràm omnibus in

in jus vocatio). Fiebant autem ferè inter Abbates, ne vel subditus in odium monasticæ disciplinæ, ad id adduceretur; nevé proclamatus Abbas (ut inferioris sortis hominum vix limam correctionis patimur) proclamanti subito iniquiorem se deindè præberet. Ad mentem Pontificum jura dicebant, quæ toti religioso statui convenirent: Principum, Regum, Imperatorum ad Comitia missas epistolas, sive diplomata in medium proferebant, quorum inclinati precibus ad participanda spiritualia Ordinis commoda, gratiosis, ut vocant, datis literis humanissimè admittebant. Si qua implicita in Ecclesiâ occurrissent; maturâ deliberatione, prudentique consilio dirimebant, atque explicabant: quæ affulsissent in Ordine sanctitatis exempla (crebra autem à plerisque afferebantur) in omnes Provincias, ut ea ceteri æmularentur, divulganda curabant. Denique quasi in altissimâ speculâ positi omnem Reipublicæ statum accuratiùs intuebantur, quâ scilicet viâ, quâ vi, quibusvè annitentibus, vel toti Ecclesiæ dedecus, vel Cisterciensi Ordini posset inferri damnum. Id ubi deprehendissent; adhibere consilia, condere leges, ad Pontificem deferre, designare qui exorienti incendio restinguendo pares essent: jejunia, statasque precum horas indicere, scriptis epistolis, prædicatione, hortatuque Imperatores lenire, Reges terrere. Quod verò jure quisque miretur, illud erat, gravissimos hos Patres tam contemplatricis vitæ amantes, ad Comitia accedere fuisse solitos, ut vix reperiretur, qui missionem, id est, ut injuncto sibi munere liceret abire, infimis precibus non postularet. Æmulabatur scilicet in illis Martiæ sedulitas Marianam quietem. Sed irritæ spei preces redibant, atque utramque laudem cum obedientiæ amore compellebantur conjungere.

Ceterùm cum jam confirmato Ordine, rariùs cœpissent haberi Comitia; ne in deterius sensim monastici mo-

Visitatoris officia.

res abirent: Legatio religiosa in Ordinem investa est, quæ circumcundo Monasteria mores defœceret, ac tueretur. Exstat ejus muneris perelegans formula, quæ in hæc verba incipit: *In visitatione faciendâ* &c. in quam, quasi in archetypum rectæ correctionis, qui alios corrigendi munus suscipiunt, apud Cistercienses solent respicere. Ejus autem Legationis summa erat, lapsos corrigere mores, bonum pacis fovere, stabilire denique inter superiorem, ac subditos mutuam charitatem, ac reverentiam. Qui corrigendi essent, vel admonendi, ita animati erant, ut Visitatorem respicerent, reciperentque tanquam ad curationem paratum medicum, seque tanquam verè ægros alieno arbitratui, judicioque liberè committebant. Quæ de alio denuncianda erant, comperta, explorataque esse volebant; nullius antea sententiâ damnata, nullis coercita pœnis, non iterum flagrante invidiâ in jus vocata, neque demùm visitationis tempori reservata, quo solemnius plecterentur, & acriùs. Quæ conditiones si abfuissent; suspicio erat, invidiâ stimulante, conficta, falsaue afferri, dabatque graviores Visitatori pœnas quisquis ejusmodi delatorem se præbuisset. Qui de quâcunque re peragebantur rei, iis neque irasci cuiquam, neque accepta ulcisci incommoda, neque statim actoris personam indutis quemquam accusare licebat. Si quis, mordente dolore, hoc fuisset conatus; inauditus, repulsusque abibat. Jam huic tanto muneri nullus destinabatur, quem virtutum consortium penè omnium non exornaret. Quis enim, ut jam triumphet veritas, ad alium corrigendum, non cum rubore, atque adeò irritâ operâ, accedat, qui sibi ipsi sit nequam, ac improbus? Visitator itaque ad breve tempus itineris detersâ molestiâ, mensaque frugali seorsum refectus, ita deinceps inter alios verfabatur, ut is, in quem omnium oculi curiosissimè conjicerentur. Non clanculùm dissensionis serebat consilia, nullas
in

in favorem subditorum Abbati struebat insidias, non privato odio indulgebat, nullius personam in judicio reverebatur, non tenuiores spernebat, attollebat potentiores, omnibus autem se eundem præbebat, apud quem neque ullius gratia, aut preces efficaces erant, ubi justitiæ violandæ immineret discrimen. Ad Diffinitores Generalium Comitiorum causa devolvebatur, siquid injustè, tyrannicè, immoderatè Visitator egisset. In summâ munus Visitatoris erat hujusmodi; ut, sive ejus, cui incumbere, spectes dignitatem personæ, sive iterum amarum sanè nomen cogites correctionis, cuilibet religioni esset, atque terrori. Hinc igitur cum semel, & sæpius salutares leges, ut Septimianis suis commodo essent, eliciuisset Jacobus; illisque artibus, quas suprà commemoravimus, ut facilius ad virtutem cursus foret, regimen exercuisset; tandem post decem & octo annos suæ præfecturæ in Septimo diem clausit extremum: vir tum observantiâ regulari, tum dexteritate agendi planè clarus, qui & Septimianos incomparabili suo exemplo ubique, & semper ad virtutes accendit, & ejus Cœnobii fortunas, opeque agendo mirabiliter auxit.

Mort. Abbatis Jacobi.

Ab eo, tertius Septimi Abbas à Monachis electus est Ambrosius, cujus ad nos rudis ætas nudum tantum detulit nomen. Auguratur tamen animus, verarum virtutum concursu virum fuisse illustrem, quòd inter primos, ac sanctiores Abbates à Nomenclatore perantiquo in codice manuscripto quadratis literis recensetur: persuadetque hoc ipsum illorum temporum monasticæ observantiæ vigor, ac fervor, qui nonnisi perfectos Duces accipitis, dubiique itineris admitteret, ac pateretur: Tum illud nobis Ambrosium commendat, quòd constitutam Septimianam rem à Jacobo clarissimo viro acceperit, quam novis ad virtutem conatibus promoveret, non everteret cessatione. Habent enim hoc nobilia pectora, ut alie-

Ambrosius tertius Abbas Septimi à Monachis electus.

alienis virtutum exemplis ad æmulandum acriùs stimulentur, quàm ejusdem assequendæ laudis desperatione languescant.

Hic igitur cùm quinque non ampliùs annos in præfecturâ Septimianâ expleset, vir, vel eo nomine, ut creditur, omni miraculo major, quod omnibus omnia factus, ubique tamen & semper similis sui nullâ in vitæ parte perfectionis studium, conatumque remiserit; inter exultantis Ecclesiæ Sacramenti Altaris instituendæ festivitatis tripudia, vitam finivit. Siquidem non ità pridem ex Julianæ Virginis Cisterciensis nobili, testatâque revelatione festum illud apud Leodium cœperat celebrari. Cùm enim hæc Virgo ibidem sibi sedem fixisset, proque totâ Ecclesiâ, ut solēbat, aliquando oraret impensius, serenum, fudumque cœlum sibi videre visa est, in eoque quasi ceterorum siderum ducentem choros silentem Lunam procedere, cujus orbem lux implērat uberior, nisi quòd fracta ex parte orbita totum suum haud absolvi decus sinebat. Cujus mirabili visu cùm semel, & iterùm cœlitùs admoneretur; Lunam præsentis temporis Ecclesiam esse, quæ partim plenè illucet, dum in orbem tot nostræ fidei Mysteriorum, ac ceterorum Sanctorum festis diebus jucundè lætatur, partim orbata uberiori lumine esset, cùm Sacramenti Altaris præcipuâ celebratione destituatur: anxia animi Virgo cùm post longam deliberationem rei feriem ad doctos viros, & pios missam divinitùs detulisset; vicit meliorum sententia, eam instituendam celebritatem, quæ piorum fidem juvaret; divina beneficia recoleantur attentius, eoque amoris pignore ardentissimo ad illam non desitutam gloriam aviditas acueretur. Quæ lætissimæ diei institutio cùm sub vitæ finem Septimiani Ambrosii incidisset; meritò se abire lætus ad superos poterat gloriari.

Hunc in eadē Septimianâ præfecturâ subsecutus est

est Ubalduſ Bertaldiuſ non ignobilis Florentinuſ , cujuſ
tũ opibuſ , quaſ è domo paternâ ſecum advexit , tũ
virtutibuſ , quaſ acquiſiverat in clauſtro , Septimiana reſ
mirum in modum provecta eſt . Verũ dum Septimia-
niſ ſuiſ eximium vitæ & morum exemplar ſe ſe exhibet ,
atque in divinarum rerum ſtudio magiſ in dieſ ſeiſpſum
ſuperare contendit ; divinam Ubaldi quietem non parũ
interturbavit , ex Pontificiſ placito , Florentini Senatuſ de-
cretum , quo Septimiani Monachi publico præficiabantur
ærariorum : Reſ monſtro videatur ſimillima ; ſed ei , qui pu-
blicæ illiuſ rei ſtatum , temporum iniquitatem , totiſque
Italiæ illataſ cladeſ cum animo pro gravitate rei non ſatiſ
expendat . Nobiſ certè viſum eſt , inauditæ haſtenũ rei
altiũſ cauſaſ revolvere ; ex quibuſ ſanè conſtabit , nec ad-
verſarum turbine rerum jaſtatiſ Civibuſ indecorum fuiſſe
ſe per ea tempora ſacroſ homineſ publicæ pecuniæ ha-
buiſſe cuſtodeſ ; nec ruruſ turpe Monachiſ labanti , nu-
rantique Patriæ , ex præſcripto Pontificiſ , accuratam , fide-
lemque operam navaiſſe .

Ubalduſ Bertal-
diuſ Florentinuſ
in Septimiæ Abba-
tem eligitur .

Publico ærario
Florentino Septi-
miani Monachi
præficiuntur .

Recruduerant igitur poſt Friderici Tyranni veriũſ ,
quàm Imperatoriſ obituſ , Guelforum , ac Gibellinorum
noxioliſſimæ factioneſ , eoque magiſ , quò parricida Man-
freduſ ſcelere partum Siciliæ , Apuliæque Regnuſ ex
mutuâ clariſſimarum Civitatum cæde , ac ſanguine ſibi
diuturnuſ fore ſpoponderat . Hinc ſubdere diſcordiæ
faceſ , acuere animoſ , invitare promiſſiſ , ſacrilego ære cor-
rumpere , inſtructo juvare milite , ſeditioſiſ ſollicitate le-
gationibuſ ; utramque partem , illam in ſpecie , ac verbis ,
hanc verò reiſpâ fovere . Denique eò ventuſ erat , ut
nihil uſitatuſ , nihil familiatiuſ in Italia eſſet , quàm mutuæ
cædeſ , agrorum direptioneſ , exilia Civiuſ , fortunaruſ
rapinæ , clarorum ædificioruſ incendia . Invicem pro-
vocantibuſ frequentiſſimuſ forum erat pro campo . Hinc
indè diſpoſitæ , explicatæque concurrebant prælio acieſ ,
câ

Quæ de cauſâ id
moneri Septimia-
niſ Monachiſ col-
latum .

eâ variantis fortunæ lege; ut utra vicisset: quæ victa esset; exilio relegata quantociùs excederet. Tùm nullum omittebatur à superbis victoribus crudelitatis genus. Hastâ propositâ publicabantur bona, atque in exulum despectum indignis plerumque, sordidisque addicebantur licitatoribus, conflagrabant immerita tecta, monimenta deiciebantur, confringebantur statuæ, æra, marmora; itaut ne nominare quidem, ubi incidisset occasio, honoris causâ exules liceret. Interim qui abiissent, tandiù insidiabantur sibi infensis, quandiù aliundè adaucti præsidis, vicissim eadem crudelitate fugarent, qui se expulissent. Atque ita mutuis odiis, cædibusque labefactata Italia erat; ut non mirum sit, tetrioribus Nerone Tyrannis tandiù servivisse, externisque populis, ac barbaris miserandum in modum in prædam cessisse. Itaque cùm, hâc grassante odii luc, scelerisque conscio Manfredo, Gibellini Florentiâ Guelfos exegissent, cumulassentque omni crudelitate exilia Civium: qui urbe cesserant, viri nobilitate, spiritu, opibusque potentes longo errore cunctos Italiæ Principes, ac Respublicas, necnon Pontificem præcipuè adeuntes, eorum sollicitandis, tentandisque animis; undique Gibellinis bellum concitaverant. Illi verò Manfredo Regi arctissimo amicitiaæ fœdere juncti, evocatis ad sui præsidium ejusdem copiis, exulum facile consilia, impetumque fregère. Eodem tamen tempore cùm sæpiùs, ardentiusque, apud Clementem Pontificem eandem illam suam causam perorassent exules; ostendissentque Pontifici non modò tutum, sed etiam pulchrum futurum, si per Gallorum Reges (quorum arma totus Orbis horreret) tot à Manfredo acceptas injurias, calamitatesque semel ulcisci voluisset: tandem hinc urgentibus Siculis armis, illinc orantibus Florentinis, in animum induxit Clemens, Carolum Andium Comitem Regis Gallorum fratrem, virum tùm armis, tùm pietate longè clarissi-

riſſimum, in Italiam, Italicis rebus opem laturum invitare. Qui cùm Pontificis plenâ fidei ſponſione, Siciliæ, Apuliæque Regnum victoriæ præmium eſſe non dubitaret, ſummâ celeritate contracto milite, floreque nobilitatis, tranſgreſſus Alpes Italiam tenuit. Interim Florentini exules, Mutinenſibus Guelfis auxiliares acciti; cùm peracri, pertinacique commiſſo prælio, Gibellinos omnes penè ad unum deleſſent; indeque Regii eâdem felicitate pugnândi (ingentis proceritatis, Gibellinæ factionis principe caſo Cacco) eorundem opes, animoſque fregiſſent; ditati prædâ, equiſque ad pugnam idoneis aucti, agmen quadringentorum equitum explevêre: Pontificiſque fide, autoritateque interpoſitâ, Carolo contra Manfredum procedenti ſe ſe ultrò militaturos dederunt. Lætatus eorum adventu Carolus eſt; vixque ſatis mirabatur, exulibus, ac Patriâ pulſis, tam ſplendidè omnia ſuppeterere ad bellum potuiſſe. Ergo iis auctus, coactiſque in unum ingentibus Gallicis Copiis, placuit de ſummâ rerum bellando jacere aleam. Bellavit igitur, vicit, occiditque Manfredum; Regnoque (cujus antea jufſu Clementis ſolemnî ritu inſigne acceperat) potitus eſt. Vixque ad exitum rei ſuſpenſis animis, victoriæ famam incertus rumor detulerat; cùm Guido Comes, qui Manfredi nomine Gibellinam factionem Florentiæ ſuccendebat, proteſtus Gibellinorum armis, Urbe dilapſus eſt: Prato, totius Hetururiæ inſigni caſtello ſe tutaturus. Cujus trepidâ, turpique fugâ, victoriæque certiſſimo nuncio, adeò Gibellini conſternati animo ſunt, ut vel in trivio hinc inde jaſtati ſermones, nedùm arma exanimatos terrerent. Indè partim fœderis ſpecie, partim victricium armorum metu, Carolique victoris autoritate, Guelfis in Patriam reditus patefactus eſt. Quò, ubi ſe frequentiſſimi penetratſent; ejeſtis noxiis Civibus, repurgatoque Senatu, animum ſtatim ad conſilia pacis adjecerunt, in eoque curas omnes intendere

visi sunt, ut publica res salubrioribus constituta legibus sibi quàm diuturna foret. Itaque præteritarum rerum memoria satis edocti, inter cetera, publico decreto Cives à Quæsturâ (ut in liberâ Civitate pecuniaria res, quam publicus alat, est semper trepida) arcuerunt; ad id munus allectis Septimianis Monachis, atque ex Humiliatorum Ordine Fratribus, qui tunc insigni pietatis laude florebant. Eâ autem lege Quæstorem acturi erant, ut labentis cuiusque anni sexto quoque mense sibi per vicem succederent. Hic ille Humiliatorum Ordo est, quem postea ob insigniter lapsos mores, initamque in S. Caroli caput nefariam conspirationem, quod ejus correctionis limam pati non possent, Pius V. sanctissimus Pontifex, penitus delevit. Quod de Quæsturâ decretum cùm accepisset Ubaldus, longâ deliberatione protraxit negotium; ut si posset, supervacuum, repugnantemque religioso statui deprecaretur sollicitudinem: afferebatque in primis, Monachum si è Claustro exeat, statim languescere, adeoque in rebus divinis exanimari, ut deinceps nec sibi ipsi sufficiat, & seculi curis omninò sit impar. Esto secùs haberet res, omninò ad præsens non sibi esse in suis, quem tractandis, curandisque publicis pecuniis, ut res exigeret, posset præponere; ita omnes ab ineunte ætate institutos fuisse, ita educatos, edoctos, ut nec pecuniam penè vidissent, & ipsâ professione ad ipsius pecuniæ sordidum nomen horrerent: quales in rationibus non satis explicatis turbulentissimæ Reipublicæ pertractandis futuros sperarent? Ridiculum præterea fore, sedentarium calculatorem Monachum, exercitiis alendis numerare pecunias, vectigalia condere, mercedulas apparitoribus, agasionibusque partiri, ephemeridas, ut dati, acceptique in diem ratio constet, diligentius exarare, majores computationum tabulas pro sacris libris assidue volutare: proinde orare se, parcere vellent semel elapsis è seculo, mundoque defunctis, quorum precibus,
ejus.

ejusmodi negotiorum mole submotâ; futurum esset, ut illorum publica res salubriùs perennaret. Sed obseratas Civium aures nimirum offendit Ubaldus, paruitque vel invitus publico decreto Pontificis autoritate firmato. Non defuere tamen, qui taciti vices temporum, injuriæque dolerent, divinarentque, contrahendam Ordini maculam indelebilem parùm decoræ laxitatis, si secularibus curis Monachi inquinari cœpissent. Ea cura demandata est Argumento, incertum, Italone, an Gallo, Monacho Septimiano certè in rationibus dati, acceptique revolvendis apprimè versato. Erat is, vir navus, ac prudens, patiens verò adeò, sibi que semper æqualis, ut, tametsi cum toto obstrepente foro ei foret certandum, nulla tamen in illo vultus conversio notaretur. Cujus tandem fide, probitateque, creditur esse factum, ut honorifica Reipublicæ Florentinæ munera nostræ Congregationi deinceps demandarentur. Argumento Quæstore, Arno flumine largioribus imbris intumente, tres illustriores Pontes, quibus utraque Arni ripa jungebatur, dejecti sunt; erectique statim publico ære, opere sanè visendo, ac sumtuoso. Portæ item Romanæ, quam crebri hostium assultus, arietesque penè totam decusserant, firmiora addita munimenta, ornamentaque quàmplurima. Donaria data militibus, Ducibusque perampla, aliti ingenti pecuniæ vi exercitus, perfectæque bella, Fœderati insuper clanculùm submissâ pecuniâ, haud nomine tributi tantùm adjuti frequentius. Quæ cum penè infinitam pecuniæ summam conficerent, erogassetque Argumentus; qui per id temporis in Septimo præerant, ità omnes expensis in Ephemeridas redigendas curarunt, ac si veriti essent, ne publici æris averfi quandoque exposcerentur.

Interim Ubaldus, post quindecim ipsos annos, quibus rem monasticam in Septimo rexit, è vivis longævus,

Abbas
Ubaldi.

excedens, viris nobilibus, sanctissimisque Monachis fortam posteritatem reliquit, vir planè meritis, pietateque in Deum insignis, cui quantum prius externarum rerum curæ facesserant negotiū, tantum postea iisdem levatus ad Deum subvolavit ardentius, atque sublimius.

FINIS LIBRI SECUNDI.





NICOLAI BACCETTI

FLORENTINI

Ex Ordine Cisterciensi Abbatis

SEPTIMIANÆ HISTORIÆ LIBER III.



IN demortui gradum, dignitatemque, omnium concordibus votis, Martinus subvectus est, venerandæ canitici senex, qui seriùs quàm omnes speràrant, ad præfecturam venit: còtamen in accepto munere circumspèctiorem se præbuit, quò quasi in metâ honestissimorum laborum positus, præluce- re suis exemplo, verboque coactus erat. Facundus Martinus erat, hilari, gratoque aspectu, ut vix non amantes viri jucunditatis abscederent, illum qui semel allocuti fuissent. Eam ob rem seditiosæ, factiosæque per ea tempora Civitati maximo usui fuit. Ubi enim tumultuosa lis commisisset affines, pavida suspicio provocasset in potentiâ pa- res;

Martinus in Se-
ptimiani Monas-
terii Abbatem eligitur.

Egregiæ Martini
Abbatia dotes.

res; perperam prolatum verbum, jactataque contentiosè scommata delicatis plerisque, ac injuriæ insolentibus stomachum comimovissent: Martinus illicò advocabatur sequester. Ibi ille utramque convenire officiosius dissidentium partem, injuriam jucundioribus verbis elevare, pristina, mutuaque (si qua intercessissent) officia commemorare, bonum pacis extollere, calentibus animis patientius aures præbere, ut deserveret ira, pleraque ad tempus probare, nonnulla serenâ, porrectâque fronte rejicere, se vadem diuturnioris pacis spondere. Si verò discordiæ vulnus adhuc intractabile foret; humanioribus dictis lenire, collacrymari non semel, solari plerunque, in omnem denique se partem versare, donec expugnata pertinaciâ animorum, voluntatum arcem teneret: tùm verò pro viribus urgere opus, objurgare transgressos, retrahere errantes, confidentius alloqui, divinas interponere minas, desertæ pacis exaggerare incommoda, denique nihil non facere, ut coituræ pacis fœdera strictius jungerentur. Adeò insigniter, cumque immortalī laude in comunere Martinus non semel versatus est, ut quæ inter adversos suâ semel autoritate sanxisset, publicis deindè Notariorum literis firmarentur. Itaque si quod Florentiæ conclamatum erupisset dissidium; unus omnium sermo erat, Martino Septimiano Abbate opus esse: ne illatæ injuriæ evaginatū ferrum jus diceret.

In summâ laude ponebat, non modò, quæ acceperat, conservare; sed etiam maximè adaucta relinquere. Ut verò in divinis hoc ipsum præstabat egregiè; tùm in fortunis Monasterii augendis, ampliandisque accuratissimus habitus est. Ingenti enim pecuniæ vi solutâ, Signiæ Portui propiores Arni fluminis ripas adjunxit, unde annuus, certusque proventus existeret Monasterio. Coëmerat ipse portoria à nobilissimis Florentinorum familiis, quibus ejus generis redditus suspecti, trepidique erant, quòd

quòd ærario publico, jure regio, olim arbitrarentur cef-
furos. At Martinus ecclesiasticâ immunitate hujusmodi
jus se posse tueri ratus, si qui ripas, rei domesticæ suspi-
ciosâ curâ cogente, unde à Navarchis existeret compen-
dium, proposuissent venales, suâ professione tutus, nilque
tale veritus coëmebat, prædivitem prædiis appendicem
facturus, quæ illic olim perampla, latissimaque Mona-
sterio erant. Sed subsecuta secula perspicuè docuerunt,
(ut sunt mortalium rerum in deterius conversiones, ac
vices) nulli statui hominum tutum esse possidere, quæ
Principem vel specie tenus videantur æmulari. Siqui-
dem cùm Septimiani Abbates jam desissent, portitores
adhibere ex Ordine famulos; quòd sordidæ pecuniolæ
exigendæ religioso habitu utcumque indutos ibi spe-
ctari, minùs decorum putarent: licitatoribusque, ac con-
ductoribus portoria illa, ad novem, ut plurimùm annos
ex consensu partium, pactâ quâdam pecuniæ summâ loca-
rent; accidit nostrâ memoriâ, duos, quibus fixum erat,
aut hujusmodi quæstu ditari, aut si minus processisset, ut
publico debitum deferre compendium, de iis portoriis
conducendis in contentionem venire: atque cùm alter
alterum, oblato majori pretio, circumvenisset, conduxi-
setque clanculùm, qui spe, causâque ceciderat, implaca-
bili ex cupiditate percitus irâ, Septimianos Monachos
antiquos possessores publicis Principis ministris delatio-
ne committit, liteque utrinque malo omine succensâ, tan-
dem post multas jurium ambages, latusque cum redivivâ
appellatione sententias, iteratas discussiones, accessus,
Principi quidem, sequestribus honorariis adjudicantibus,
eâ lege obvenère portoria, ut nihil interim Septimiani
acciperent detrimenti.

Sed non multo post sensère delatores, quàm eccle-
siastici proventus Numini cordi essent. Alter enim ita
repentè decoxit patrimonium, ut absortas, non sensim
im-

imminutas illius res demirarentur plerique . Alter eodem infortunato exitu perfunctus egestatis , cùm se se præcipi-
rẽm , ut intercluderet spiritum, dedisset in aquam , prohi-
bitus à suis mori , altero effracto crure extractus est , coa-
ctusque demùm à Franciscanis habitum , cibumque pre-
cari , invisus propemodùm omnibus è seculo se subduxit .

Acceptis beneficiis
grati memoriam pro-
sequi Martinus Ab-
bas solet .

Inter ceteras autem virtutes , gratitudinem coluit
Martinus, quam qui maximè, sine quâ non posse invicem
coire homines, tollique omne humanum commercium ,
ac publicas res disperire, jure censent sapientum plerique .
Vita enim hominum in eo potissimùm posita esse videtur,
ut dandis, accipiendisque beneficiis , mutuò se juvent
mortales ; quæ sanè charitas haud diù constabit, ubi be-
nemerenti gratiæ nullæ reddantur . Quare omne tulisse
punctum Apostolus visus est, cum diceret: *et grati estote* .
Quare ne alienæ munificentiae recordationem ignava, in-
grataque beneficiariis eriperet oblivio; Calendarium con-
ficiendum curavit Martinus, cui, singulis per menses
diebus, liberalium hominum ergà Septimianos Mona-
chos nomina obitusque affixi essent, ut sacrificiis, preci-
busque pro meritis juvarentur per vices . Exstat adhuc
apud nos codex, quem firmiores ex alutâ membranæ ;
cum perverustâ, elegantique scripturâ, usque ad hæc no-
stra tempora detulere : ità verò extrinsecus ferreis tuber-
culis ad medium, angulosque obarmatus est, ut videatur
compactus ad æternitatem . Septimus jamolvebatur
annus, ex quo Martinus in Septimo rem monasticam re-
gere cœperat; quando ex insuetis tùm animi, cùm corporis
laboribus, contracto morbo, lecto decubuit, pertina-
cique feбри, subducitur . Illicò abeunti, mœrentium
Monachorum lacrymæ, justissimè parentarunt . Quas non
multo post ingens omnium ex Gartix electione concepta
lætitia penitus deterisit . Siquidem virum genere, præla-
tâque indole illustrem, tùm ad usum, cùm ad omnem
pie-

Martinus Abbas
moritur : in cujus
vicem Gartius suc-
cedit .

pietatem factæ virtutes ita omnibus commendaverant, ut omnium suffragiis meritissimò omnibus præferretur. Erat Gartias vir egregiè pius, cultuique divino apprimè deditus, non modò qui intus munia pietatis modoratur, ac regit; sed etiam qui extrinsecus per summam munditiem, elegantiamque Numini defertur. Nullum enim devoti animi indicium testatius esse potest, quàm Numini dicatis templis adhibitus nitor. Condita siquidem mundities, cultusque animi, ut plurimum, ac ferè semper extrinsecam consequitur, ac amat; colligiturque perspicuè hoc ipsum ex Psalmo 44. in quo Propheta Regius interiorum filia Regis gloriam, ac pulchritudinem, extrinsecà varietate vestium cumulasse videtur, cum inquit: *Omnis gloria ejus filia Regis ab intus in fimbriis aureis circumamicta varietatibus.* Igitur exornabat sacras ædes Gartias, reficiebat, erigebatque, si vitiis temporum labare contigisset. Ac primum opus viri egregii, ex quo Abbas renunciatus est, templi D. Martini ad Palmam restauratio fuit. Ædificium haud superbè elato colli insedit, quem iterum illinc. nemorosi, hinc oleis, vitibusque confiti humiliores colles commendant. Ibi multa Gartias præstitit, illi certè seculo spectabilia, quæ nostro huic cultiori propemodum sordere cœperunt. Siquidem multa multi conati sunt nostrâ memoriâ ad novam Architectonicæ artis regulam revocare. Qui ut multùm conati sint, nil tamen aliud à semel obfirmatis muris obtinère, quàm ut vel pluribus, amplioribusque fenestris largiorem lucem admitterent; vel aquâ eliquato gypso illiti parietes veteris picturæ conderent vultus, vel novis denique ex sereno, fragilique lapide, ut Hetrusci solent, fundatis altaribus, religionem loci utcumque auferent. In iis ara maxima principe loco constructa perspicitur, in cujus tabulâ, picturâ non insulsâ, Martinus ille Turonensis exprimitur, palliolo, stiriâtque veste decorus, qui cùm pervenisset

Gartias Abbas Templi Sacram Ædium confectus, ac restaurator.

M

Car.

Carnutum, mulierem habuit obviam, (impulerant enim miseram Carnotensium quidam, ad conflandam Sancto invidiam, ni quod postularetur processisset ex voto) quæ mortuum filium flens, ejulansque, Sancto Episcopo obtrulit fuscitandum. Complexatus puerulum Martinus est, interque brachiorum vincula ad vitam rediit mortuus, redditusque est jam flenti præ gaudio matri, cui prius lacrymas acerbissimus dolor expresserat. Ibi redivivus puer inter manus Pontificis ita lætatur, ac gessit, ut indè liberatorem suum admirabundus, quasi gratias relaturus, aspiciat, hinc erga matrem, in illius mox abiturus complexus, manus extendat. Ibi mirantur omnes, nullusque est, cæcus gestus, habitusque corporis non extollat miraculum. Ita demùm veritati colludit artificium, ut, eo interprete, statim intelligat animus, mirabilem Deum esse in Sanctis suis, per quos ea generi humano interdum præstet beneficia, quibus nullæ habitæ, redditæque gratiæ, pares esse posse videantur.

Ceterùm tanta erat Gartiz in exornandis, reficiendisque labantibus templis liberalitas, atque exquisita munities, ut plures ex familiaribus suis primarios Florentinos viros ad eandem æmulandam sæpius provocaverit. In iis maximè eluxit Lapis Spinius, qui moriens testatus est, quantum Septimianos suos, Gartiamque diligeret. Is enim ingentem pecuniæ vim Septimiano legavit Cœnobio: quæ autem in divinum cultum voluntate testatoris destinabantur, ita exsecuti sunt viri graves, ut nil absolutius, opulentiusque per ea tempora fieri potuisse videatur. Ac sacellum inprimis D. Jacobo Apostolo sacrum construendum curarunt, quod peramplo, sumtuosoque fornice texerunt, præ longâ fenestrâ ex vitro admittente sine fece exorientem diem: quam mediam iterùm dividit, ex candidissimo marmore affabrè facta columna. Cælum, atque ex utroque latere fulcientes parietes, multiplex, varia-

riaque pictura exornat, illuminatque, & quidem ejus Artificis pictura, qui inter renascentis artis principes assertores fuisse celebratur. Hic ille Bonamicus Busfalmachus est, urbanus homo, ac falsus, cujus facetias in suarum Decadam fabulâ quâdam, jucundâ illâ suâ Hetruscâ facundiâ prosequitur Johannes Boccacius; ceterum picturæ artificio adeò clarus, ut nulli sui seculi Pictorum penè cesserit. Hic ergo cùm hujusmodi facellum, Spiniorum liberalitate provocatus conduxisset pingendum, in eo haud laudem tulit mediocrem; nisi quòd sibi ipsi visus est propemodùm invidisse immortalitatem. Cùm enim salito cœruleo colore pleraque infecerit, eâ falsugine ceteros exedente colores, itâ deformata ad nos pervenerunt; ut neque stet suas vultibus color; & linearum artificiosus concursus benè curiosum aspectum defugiat. Extollit tamen inter cetera, quæ ibi Busfalmachus depinxit, Georgius Vasarius, æque nobilis Pictor, atque vitarum Pictorum Historicus, Evangelistarum unum, quos in templi Cœlo locavit sedentem, scribentemque ad pluteum, qui plenissimis buccis flatum collectum explodens nititur calamo, quam atramentum exhaustiando conceperat, bullam detrahare; nimirum, ut leniùs scripturam fundat, impetumque sequatur scribentis. Et quidem meritò. Ostendit enim Busfalmachus in eo, se jucundioris ingenii sequacissimos etiam penicillos habere.

Nec Gartiaz nostro minori gloriæ fuit, quòd sub ejus magisterio David ille Cisterciensis, magnum Hetruriz nomen floruerit. Is ita Monachum profitebatur; ut in cœtu multorum ipsissimus Eremiticola videretur. Siquidem perpetuum illi silentium, assidua precum instantia; mōnasticis assuetus laboribus, cibi parcissimus, somnifugus, injuriarum patiens, hilari semper, lætæque facie, sive urgerent adversaria, sive prospera arriderent. Denique in eo illud meritò suspiciebant omnes, quòd itâ rebus

Eximie Davidis
Sapientiam Monachi
dotes.

agendis par erat, ut nihilominus altissimâ quâdam rerum
divinarum contemplatione seipsum, ceterosque excede-
ret. Hujus cum virtutes, vel ipso bonæ odore famæ,
ac latere nesciæ, mortalium advocassent theatrum, ac
non Florentiæ modò, sed in Urbe etiam omnium sermo-
nibus celebrarentur; Bonifacius ipse Octavus in sinu gau-
debat, quòd suo tempore, itaque opportunè, tam clarum
diluxisset sanctitatis exemplum. Siquidem jam pridem
Camaldulenses in Apennino eremiticam vitam degentes
crebris literis Pontificis aures compellaverant, ut labanti
eremiticæ rei adjutrices porrigeret manus; obuisse que-
rentes magnâ ex parte eos, quibus decus illud vicæ maxi-
mè inniteretur; novos, inexpertosque successisse, quos
tyrocinium magis, ac rudimentum, quàm præfectura de-
ceret; eam vivendi rationem talem utique rectorem requi-
rere, quem omnes omninò, longoque tempore exercuis-
sent virtutes, emeritumque insigni prudentiâ, singularique
tolerantiâ cohonestassent: frustra Eremi horrorem, soli-
tudinem, ac se se attollentium fragrosa montium juga sui
Monachos admonere officii, nisi & adsit qui verbo,
exemploque rem arduam, & quæ propemodùm recessit
è moribus hominum, valentiùs ad effectum propellar:
summæ, addentes, laudi Pontifici futurum, si quam Ro-
mualdus olim in Italiâ jam penè collapsam eremiticam
disciplinam restituerat, ipse paternâ, dignaque tanto Pon-
tifice curâ, sensim declivem, pronamque vitio hominum,
crexisset. His semel, & sæpiùs, supplicum Monachorum
vocibus Pontifex provocatus, tandem adjecit animum ad
rem Camaldulensem sublevandam; quippe qui pervide-
ret, & universæ rem Ecclesiæ commodam: & Hetruriæ
toti haud injucundam, maximèque decoram futuram. Ita-
que ad Septimianos respexit, quorum per id tempus cele-
bre sanctitatis nomen erat; quippe qui docti silentium,
mundissimâ castitate decori, obedientiâ prompti, prædivites

nuditate, & securiùs solitudinem videbantur posse inire, & excolere sanctiùs. In quibus, ut supra diximus, David Cisterciensis maximè prælucebat. Hunc ergò amplissimo diplomate donatum, Eremitæ præpositum & invitum, & absentem renuntiat Pontifex. Qui post oneris detrectationem ingenuo rubore plenam, Pontificis jussa facturus ad Camaldulenses profectus est; à quibus tanquam cœlitus datus, exceptus, ita deinceps Eremiticam laudem provexit, ut inter ejus sanctissimi instituti columnina faciliè numerari possit, ac debeat. Hæc illa totius Italiæ celeberrima Eremitus est, quam ardui Apennini dorso incubantem, contemplatricis vitæ sedem sibi delegit Romualdus ille sanctissimus. A Septentrione ei imminent fragoræ cotes, perpetuo penè gelu rigentes. Meridiem versùs subjectum Casentinum habet, nobilissimum Hetruriz tractum, Vicis, Castellisque frequentem, cujus accolæ bellicâ laude clari habentur. A dexterâ, hoc est, ad Occidentem, supinos colles exorientis fluminis Arni nobilitant incunabula; à sinistrâ verò, hoc est, ad Orientem, haud paulò clementiores rupes Tiberim amnem, tùm primùm exiguis vagientem undis per subjecta juga devolvunt. Locus totus, ut ferè montuosa sunt, in prægrandia saxa dirigit; inter quæ, si qua mollior, sinceriorque tellus exsurgit, proceram emittit, enutritque Abietem, quæ ubi excrevit in sylvam, sacro locum totum perfundit horrore, qui adeuntibus religioni sit, ac timori. Templum, quod totum ferè psallentium subselliis occupatur, procurrentibus in longum semitis, quas hinc indè profeminatæ Eremitarum cellulæ elegantissimè sepiunt, quasi deductis lineis pro centro est, quò, perstrepernte pendulo ære, noctes, diesque, impigrè conveniunt Monachi divinum pensum de more perfoluturi. Cetera vitæ ratio, ad præscriptum Regulæ D. Benedicti conformata est, nisi fortè severior eremitici instituti censura aliqua eam coarctaverit. Hic ergo,

hicce

David Cisterciensis Monachus, Eremitæ Camaldulensis Hetruriz, invitatus, & absentem, præpositus à Bonifacio Octavo Summo Pontifice declaratur.

Accurata majore Camaldulensis Eremitæ Lithographia.

Mors Propoliti
Davidæ.

hiscæ moribus usus, cùm aliquandiù David Cisterciensis summâ cùm laude sanctioris vitæ Camaldulenses præceptionibus imbuisset: demùm jejuniis, ac vigiliis fractus, venerabilis senex in Eremita vitam finivit, suorum quidem Cisterciensium gloria, Camaldulensium verò nunquam satis laudatum moderationis exemplar. Et suorum quidem temporum felicitati deputabat Gargas, Septimum tales aluisse Monachos, quibus Eremita solitudo non modò pro delitiis esset, & Paradiso; sed quorum etiam præceptionibus, ubi res tulisset, sanctior redderetur, ac purior.

Monachi Septimiani ad præcipuos
Reipublicæ Florentine
maioris, Summo
imperante Pontifice,
pluribus adhibentur.

Interim dùm ex hujusmodi spiritali proventu lætatur Gargas; Florentini Septimianorum in Quæsturâ fidelem, salutareque operam sæpiùs experti, ipsos iterùm ad forum, atque ad Reipublicæ non temnenda munia (Summo Pontifice ad id adhibito impulsore) elicere conantur. Siquidem cùm Carolus Amerinus Florentiæ Prætor esset, (cujus etiam præter ceteram potestatem, partes erant publico sigillo tabulas obsignare, ut iisdem à Magistratibus fides esset) homo furacissimi ingenii, cùm omnia turpissimo quæstu dimetiretur, adeò ut etiam judicia venderet, pecuniâque corruptus semel, nullum facinus esset, quod non auderet; eoque jam res processisset; ut obscuriori conjecturâ in clarissimum indicium versâ, jam ægrè posset latere; cùm nefasti dies, qui Johanni Baptistæ Florentinorum Divo tutelari sacro diei præludant; illuxissent; Carolus cum gemmis, auroque, omni commutato peculio, ac suppellectili, ipso celeberrimæ diei per vigilio, cùm tota Civitas ultrò, citròque mittendis; accipiendisque è publico muneribus in omnem effunditur lætitiâ; per infrequentem Civitatis portam, dubiâ luce, commutatoque habitu, Reipublicæ sigillo secum ablato, clanculùm, ac fœde dilabitur. Ubi verò clarior lux appetiit, recenseri que cœpti Magistratus sunt; qui ejus diei publico ex voto celebrioribus supplicationibus civili pom-

pompâ interesse solebant; constitit tùm deesse Prætorem, quem sua ipsius facinora abire Magistratu, ac exulare compulerant. Fit marmor primùm in vulgo; dein clarior circumvolat fugæ fama, mox liberiores execrationis voces etiam jactantur in triviis; asserentibus cunctis (ut sunt post factum, hominum ingenia citrà errorem ad divinandum promptissima) haud mirum esse, nullo persequente fugisse Prætorem, quem suorum ingentium scelerum furia jam pridem exagitarant. Intereâ abierat ille, Hetruscique imperii fines inviolatus, felixque excefferat, publicumque sigillum eo consilio diù apud se habuit, ut vel ingentem pecuniæ vim, si redimendum curassent, à Florentinis exprimeret, vel quam publico edicto in abeuntem vulgaverant multam, ablati restitutione deprecaretur. Sed fallaciam, astumque perfugæ ipso contemptum elusère Florentini. Siquidem scriptis quaquaversùm epistolis, prioris autoritate abrogatâ, novum induxère sigillum, publicoque Senatus decreto sanxerunt, ne in posterum publicas tabulas obsignandi apud Prætorem, aut quemquam Civium jus esset; summâque animorum consensione Senatui visum est, tanti momenti munus Septimianis Monachis deferre.

Inter hæc, cùm perfidiosum Caroli furtum saniori consilio ejusdem frater germanus detestaretur; reluctanti demùm per vim detractum Florentinis sigillum gratis, supplexque remisit, infame transfugium, temeritatemque fratris utcunque excusans. Herculis clavâ innixi, exuvioque leonis induti excavatum æs habet imaginem, ut ipsi nuper in Septimo vidimus, non tam expolito opere perfectam, quàm illius adhuc rudis seculi monumentum.

Ceterùm eam curam ægrè concoquebat Gartias, hinc autoritate Pontificis, illinc Florentinorum promeritis, ad civilia suos, eaque plena sollicitudinis, & curæ compelli munia; virumque monasticis institutis egregiè
cultum

Carilæ Septimiani Monasterii Abbatem plenè prudentissimè modellæ exco-
cetero.

cultum maximè angebat, ità sub Ubaldo acceptæ, initæque summâ cum laude Quæsturæ præcessisse exemplum, ut ad recens oblatam sollicitudinem devitandam, vix ullum honestum effugium patere videretur. Ergo dùm hæret, dùmque ipse secum deliberat, quid in eâ re factò opus sit, pensitanti occurrit, (quando Pontificis haud detrectabile urgeret imperium) ita rem totam salubriter temperari posse, ut certis conditionibus oblata, vel respueretur omninò; vel si recipi contigisset: quàm minima sacrorum virorum, qui divinis operari solent, jactura fieret. Itaque intrat Senatum, verbisque honorificis laudat egregiam in se, suosque, civium voluntatem; seque præstò esse affirmat, ut iussa perficiat: veruntamen justo dolore morderi, ejus generis Monachorum penuriâ premi, qui pro dignitate rei tanto muneri attribuerentur; multum enim in Septimo de divino cultu detractum iri (quod piæ aures vix patienter audire sustineant) si, qui reliqui essent, ad civica munia traduci contingeret: esse Conversos, genus hominum externis rebus addictum, qui publicis obfignandis tabulis commodè, ac divinæ rei minori cum detrimento, sufficerentur; hos se libenter missurum, ut eorum fidei operâ publica res, quandiù vellet, uteretur; multaque insuper addidit, quibus hominum, alioquin vili conditioni; quos se missurum spondebat, aliqua honesti species induceretur. Denique præter spem responsum tulit, mitteret quos vellet, eâ tamen lege, ut qui venissent, unam maximè fidelitatem afferrent. Ex eo, omnium ingenti admiratione, Florentinæ publicæ rei Cancellarii Septimiani Conversi visi sunt; hoc est, vilia Cœnobitarum capita; & qui coquinæ præsertim, verrendisque quisquiliis addici solerent. Rem omnem, quòd novitatem maximè saperet, accuratè Johannes Villanus prosequutus est, in suis historiis: idemque D. Antoninus Florentinorum Antistes alicubi retulit, quòd ad ea usque tempora, & dein-

Conversis fratribus sapientissimè delatum innotuit, quod Monachos Choro additos à Divinis retrahere poterat.

deinceps res sine exemplo videretur futura. Discant hinc nostri temporis Monachi, quàm sanctè monasticum institutum per ea tempora à Cisterciensibus coleretur, quibus utique suspicacissimi homines, quique ob mutuam suspectam potentiam, assiduè in armis erant, tam sæpè, tamque trepida Reipublicæ munera demandarent: rursusque animo pensent, quàm ægrè illi, quàmque coacti, claustrî cancellos transgrederentur, qui mallent, suorum potiùs viliores quosque tam splendida munia capere, quàm ipsi, vel ad horam, claustro egressi, videri in publico. Candidi scilicet illi mores, vitæque priscorum ab omni ambitione procul, nos utique coarguunt, ac urgent; qui luculentam nobis injuriam fieri putamus, si intrâ unius cellulæ fines ad pedes Domini, fluxarum rerum vacui curis relinquamur. At oportebat, legisse illud Hieronymianum jam toties decantatum: *Quid agis in turbâ, qui Monachus es?* Istudque luculentum Sanctissimi Patris Bernardi dictum: *Quid tibi cum seculo, qui seculum spreveras?* Necnon experimento sensisse, optimam illam esse partem, quæ ex verbis Domini jucundissimè, secretòque hauritur. Det veniam, Lector, si in medio narrationis cursu, me in hæc verba modò impulit dolor. Ubi enim in melioris seculi exempla incidere contingit; volens, nolensque, cogor frontem diducere, ac monasticæ corruptelæ justissimis lacrymis parentare.

Vix autem à Cisterciensibus, quod postulaverant, obtinuerant Florentini, cùm Civitas quâdam quasi impetigine imperandi, Curso Donato, Russoque Tosâ noxiæ ducibus factionis, fœdè iterum abiit in partes: cùmque pestilentissima lues Guelforum, ac Gibellinorum in publicas, privatasque fortunas, demutatis tantùm nominibus, sævissimè debaccharetur, publica consternatio sibi invicem suspectos cives coegit tandem, ut jampridem exploratæ Septimianorum fidei committerent armamentaria.

N

Non-

Nondum enim liberæ Civitati pro propugnaculo circum adjectæ arces erant, sed omni genere armorum instructo armamentario utebatur; undè sive civilium armorum classicum insonuisset, sive externa vis pertimeretur; & qui apud Florentinos stipendia merebant, & qui amantes Patriæ essent, ad tinnitum campanulæ, mallei ictus imitantis, arma defumerent, ut hostiles incursus possent propellere. Hoc ergò cum pro domicilio Septimianis Conversis esset attributum; vix indè (ut in dubiis, trepidisque rebus minima neglexisse, magna peccasse est,) eisdem pedem efferre licebat. Quin portarum Civitatis claves ibidem, atque apud eosdem, diligentissimè asservabantur. Indè summo mane janitores, ut referent fores, Septimianorum jussu tollebant, ad vesperum relaturi eodem, ubi vestibus ferreis clavibus obsignatis, diligentissimè conclusissent. Cauta porrò, omnique ex parte circumspecta eorum conversatio erat, qui in eo munere versabantur. E publico alebantur; aberantque quàm maximè à potentiorum familiaritate: tenuioresque dedita operâ devitabant, quòd hujusmodi genus hominum sordidâ ferè pecuniolâ ad maxima quæque perpetranda facinora impelli posse constaret. Si quid operis, impensique laboris è publico mercedis erat; Septimianus administrator in communem Cœnobii usum expendendum accipiebat. Ita Prætori, ita Magistratibus ceteris parebant; ut legibus tamen majorem reverentiam præstarent. Ad nullam inclinabant partem, si factiosa Civitas seditione laboraret. Quamobrem Civitatis claves, sigillum, arma, publicum Æs in hominum nullâ pecuniâ, nullâ perfidiæ mercede corruptibilium potestate fuisse, nutanti Civitati saluti plerunque fuit, & commodo. Siquidem potuit à noxiis civibus divexari multoties, sedè diduci in partes, bellorum incommodis premi, clarissimorum virorum spectare funera, charorum exilio deferi, inno-

Religiosissimi
Civitercium in
custodiâ Civitatis
clavium, sigilli, ar-
mamentorum, ac
Æris publici mo-
dus procedendi.

xio, noxioque sanguine inspergi, subjectis ardere facibus, avaritiam Magistratum, peculatumque tolerare. Sed tamen, ea præclara munera Septimianis occupantibus, cum nulli in immensum crescere liceret, libertatis jugulum nefariorum gladiis adeò immune fuit, ut una omnium vox esset; Florentinorum publicam rem tandiù salvam futuram, quandiù Cistercienses ad ipsius clavum intenti federent.

Interea Gartias anno xxx. suæ in Septimo præfecturæ, bonis omnibus magno sui relicto desiderio, è vivis excessit: vir quidem genere nobilis; sed in Deum, ac proximum pietate nobilior. Hic Septimianorum primus fuit, qui sive dulcedine gloriæ captus (quam nobilia pectora faciliè admittere solent) sive, quod ejus moderationem magis decere videtur, ne res Ordinis deperirent, quæ præclare in divinum cultum ingessit, parvis incisis marmoribus, transmisit ad posteros. Cujus etiam si illustria facta, virtutesque immortalibus literis commendata fuissent, quas sola fama habet, testataque pietatis vestigia proloquuntur, atque ad nostram usque tulissent ætatem; profectò habituri eramus, quem cum sanctissimis illis, ac priscis Cisterciensibus usque ad invidiam conferre possemus.

Abbas Gartias
monitus.

Ab excessu Gartiar, statim septimus Septimi Abbas ANDREAS dictus est, non tam secundâ famâ, quàm absolute, veroque concursu virtutum vir memorabilis: sub cujus prudentiæ ductu Septimiana res extrâ unius Cœnobii muros cœpit bono omine fines proferre. Cum enim lateret Andreas, purioremque vitam, tanquàm tutissimo præsidio, recessu tueretur; virtus ipsa latere nescia totam Hetruriam pervaserat, uniusque hominis laude, & commendatione Septimianam Familiam ex moribus Parentis, ut planè sanctam venerabatur. Quin ea virtutis opinio apud alterius instituti homines tantum per ea tempo-

In Septimum Abbatem Septimiani Monasterii Monachus Andreas electus.

Andræ Septimiano Abbati, Bonifacii Monasterium regendum traditur.

ra valuit; ut integrum Cœnobium nostro Andræ regendum tradiderint. Locus ab Urbe Florentiâ decem non amplius milliariis distat, deflectitque dextrorsum à viâ militari, quæ insignem trans Alpes, Urbem Bononiam ducit. Iter totum, usque dum Cœnobium subeas, præalti, ac infrugiferi ferè colles exasperant, nisi qua fortè annosa quercus, nec satis procera, quippè quæ inter prægrandia saxa conetur exsurgere, pellendo frigori satis amplum proventum polliceatur. Nec mitiores Monasterio sedem fecère colles. Siquidem à Meridie ità sublimibus, hispidisque castaneis referti imminent Monasterio, ut non nisi provectum, adutumque, atque ad paucas horas liberius hauriat diem. A Septentrione per humiliores quidem colles, non tamen minùs senticosos, arbutisque silvestribus impeditos, ei patet in Mugellum liberior prospectus, jucundissimum, ac feracissimum totius Hetruriæ tractum. Id est Bonifacii Monasterium, olim clarum opibus, Hugonisque Comitis Magdeburgensis admirando viso nobilitatum.

Hic ille Hugo est, cujus suprà meminimus, quique Othoni III. secundo in Italiam revertenti, ut Crescentii Romani Consulis, Imperium affectantis, retunderet audaciam, expellendisquæ à Campaniâ Saracenis, egregiam in bello operam navavit, ac postea ob ingentia merita, perspectamque virtutem in armis, ab eodem toti Hetruriæ præfectus est. In quâ quidem Provinciâ administrandâ ità primùm se gessit, ut inter optimos Principes posset annumerari. Deindè à belli curis laxatum animum sensim exstans juvenilis libido invasit, itaque à publicæ rei salutaribus studiis totum avertit, ut multùm temporis in aleâ, scortatione, atque ad omnem luxum, jucunditatemque comparatâ venatione absumeret. Illucebant tamen inter probra libidinum, ac dehonestamenta ludorum qualiaecunque in Deiparam Virginem pietatis signa, quibus

bus, ne abiret totus in præceps, retrahi videbatur. Quæ in peccando cunctatio, vel remissio, ægræ menti aliquando saluti fuit, & commodo. Cum enim ad Vallem Arni venatione quandoque se se oblectaret; & quæ latebant in silvâ Castri superioris, ut vocant, immisissis canibus, tensisque in gyrum plagis, urgeret feras: repente exiliit cervorum hinnulus, qui, effusâ fugâ Hugonem prædæ avidum, ita devium egit, ut serò longiùs à suis se equo delatum, magnoque in vitæ discrimine versari animadverterit. Hæsit diù; equoque tandem desiluit: mox præ lassitudine humi cubantem, inopemque consilii deliquium animi penè cœpit: ac paulò post eo periculo functum, adeò vehemens fames incessit, ut hùc, illucque torqueret oculos, visurus, an infrugifera, incultaque silva præberet, quò interrim famem sedaret. Æstuant affuit aliquando tandem, quam remissiori cultu venerabatur, Deipara Virgo, in specie, humanâ, majore. Quamquam enim paganico cultu, & qui à silvis non abhorreret, ornata incederet; nodoque ad ilia paululùm collegisset vestem, longissimi itineris eâ ratione fidem factura: ita tamen facie, oculisque nitebat, ut & inculta nemoria beare, & quasi Luna cum uberiori luce perfunditur, extrâ nubes os videretur proferre. Mirantem cœleste lumen insperatò affulxisse silvis, ac penè fame enectum, invitavit illa comiter ad quæsitissima xenia, quæ vase immundo manu gestabat. Sed inhiantem ad epulas, vasis terrebant sordes. Ut verò divina Puella cunctantem animadvertis; contractiori fronte, quæ objurgantis speciem præferret, subintulit, æquò sibi minùs placere obsequium, quod cetera vitæ sordes delonestarent. Castigatus ille dejecit oculos: hæc verò evanuit. Ceterùm cum evasisset ad suos, non multò post, inter beatæ vitæ copias versanti excidit visum, atque ad ingenium rediit. Sed altero horribiliori mox castigatus, serò quidem, sed tamen seriò se respexit. Venantem enim

Deipara Virgo
se Comitæ Hugoni
mirum in modum
visendam exhibet.

enim aliquando, nubibus obducto cœlo, tetrior nox oppressit, errantemque, demùm nemo excepit, ubi modò Bonisolatii pervetustum Cœnobium situm est. Qui, circumlatis oculis, visus est, sibi videre specum ardentem, ac latebrosam, in quâ complures fabri ad incudem nescio quid ignitum ingentium malleorum ictibus mollirent, effingerentque. Accessit, vidit, obstupuit, hominum scilicet ignita corpora pro ferro procudi, atque ut fabrorum intenderat ars, varias brutorum exprimere formas. Alienam dum vicem dolet, advenit lætabundus ex prædâ, qui hominem humeris sublatum incudi torquendum admovit. Cui ille, qui operi urgendo præerat: Ecquæ te (malum) hætenus mora tenuit, quominus huc ad jamdiù promerita tormenta Hugonem Comitem Magdeburgensem non deportares? Quibus auditis expavit Comes; resumptoque sensim animo, (ut est devia mens ad audendum promptissima) exploraturus processit, an verè prædones essent, qui viatoribus parandis insidiis ejusmodi quæsiuissent latibula; an verò ex inferis progressi Dæmones, qui sui terrendi horrendum sanè mortalibus oculis exhiberent spectaculum: & simul exclamat, quandiù vos, vos, inquam, quamdiù patiar humani generis perniciēs, lues, ejectamenta scelerum? Nùm humanæ societatis penitus obliti adeò divina, humanaque jura contemnitis, ut quòd nox; latebræ, silva tegunt, divinam ultionem evadere possē putetis? Erratis; Erratis: pluraque volentem loqui princeps Dæmon abruptit; contractaque ad severitatem fronte: quando, inquit, aliena te rimari delectat, quos vides, latrones non esse noveris, sed ejus, quam modò sanctè commemorasti, ultionis divinæ ministris, qui levioribus iis in animabus discruciantis modò fallunt tempus, in Comitem Hugonem divinæ justitiæ penitus immemorem mox admoturi tormenta majora. Nec dicto segniùs, evanuit spectrum, Comitique sanior reddita mens.

Hugo Comes ad
saniores frangit
suspendi visum re-
ductus.

mens est, indeque digressum, illorum nemorum accola Eugenius excepit hospitio; cumque eo, ut ægrum animum consolaretur, multa differuit de divinâ justitiâ, de damnatorum pœnis, deque æternâ felicitate Sanctorum. Ergo meliori spe erectus Hugo, ut primùm diluxit, adjuncto sibi Eremitâ socio, celeri cursu Florentiam contendit, convocatisque primo quoque tempore civitatis Episcopo, ac spectatæ virtutis viro M. Roberro ejusdem Episcopi affine, omnia ex ordine narrat, rogatque eâ de re singulos sententiam. Tanquam inter sacrum, & saxum anxium, jubent omnes bono animo esse, in idque conspirant omnes, placandum esse Numen, novamque ad omnem pietatem vitam instituendam. Quibus Florentinus Præsul, ex imo trahens suspiria, adjecit, benè habet, inquit, Hugo Comes, patrem experiris Deum, non judicem. Qui si etiam cùm flagellat, pater est; quàm demùm amanter tecum egit, cui non ad feriendum intentavit flagellum, sed præmonstravit tantùm? Ultrò ergo sequere invitantem, ne sentias flagellantem. Unde egregiè animatus Hugo, nil prius habuit, quàm ut, divenditis omnibus, sive quæ in Germaniâ hereditario jure possederat, sive quibus in Italiâ ab Othone munificentissimè donatus fuerat, quæ improbè peccasset, eleemosinis redimeret. Itaque munificentia planè regiâ septem Monasteria diversis in Hetruriæ locis construenda curavit. In quibus Bonisolatii Cœnobium fuit, ubi cœlesti viſo admonitus tandem resipuit.

Septem Monasteria, inter quæ Bonisolatii Cœnobium, Hugo Comes edificavit.

Dominabatur per ea tempora latè toti Mugello Ubaldinorum gens inclita, itaut, circumadjectis Alpibus minitabundo milite instructis, contra quemcunque Cisalpinæ Galliæ impetum universam Hetruriam tutam præstaret. Cùm ergo de hujusmodi Monasterio fundando cogitasset Magdeburgensis; fundum ab Ubaldinis, datis literis, petit, ne invicis dominis, pietati, privatisque

vo-

votis videretur litare. Cujus æquissimis postulatis adeò splendide clarissima illa gens assensa est; ut etiam gratis, amplissimum pretium pollicenti,tribuendum censuerit. Amplam, munificamque donationem Hugo Comes collaudat, admiraturque vel eo nomine, quòd, cum familia potens, claraque opibus, secum ipsa per id tempus pugnaret; tamen ad ipsum eximio beneficio generosiùs ornandum egregiè conspirasse videretur. Ceterùm tam Ubaldinorum cessionis, quàm Comitis gratiarum actionis restatæ, amplæque literæ existant in ejus gentis historiâ, quam nostrâ memoriâ Hetruscis literis consignavit Johannes Baptista Laurentii filius Ubaldinus eleganter, & verè. Quam qui consulat, nec de Hugone fundatore, nec de Ubaldinorum liberalitate planè poterit dubitare. Cum igitur erectum munificè Cœnobium, ut tulerant inculta nemorum, Cassinensibus, qui tunc florebant, attributum fuisset; ejus instituti alumni usque ad Cisterciensis Ordinis ferè ortum maximo cum splendore monasticam disciplinam extenderant, provexerantque: ex eo, ut sunt omnium rerum vices, retrogredi, sensimque fervor ille monasticus restingui cœpit, maximè in iis locis, qui procùl à frequentiâ erant. Cum enim alieni contuitus non cavetur arbitrium, æquè peccatur licentiùs, ac periculosiùs. Itaque Hugoni Abbati, qui illic altioris potestatis ceteris jus dicebat, nemorum invitante secreto, faciliè, ac prònum fuit, ad pleraque connivere; mox & devius laxare habenas; tùm etiam nil pensi habere, an Dei cultus procederet, sublabereturque cessatione. Demùm cum eò processisset invecundior animorum laxitas, ut jam nec Florentinum Antislitem posset latere, ruituraque videretur in pejus, ni contractiori freno cohiberetur: Antonius Ursius egregiæ pietatis Episcopus, autoritate Summi Pontificis, vecordes compulsi ad officium. Constitit autem egregiè navatæ operæ pretium. Siquidem præ-

præter Hugonem Abbatem, qui per id tempus cum eo degebant Monachos Simonem, Ubertum, Maurum, Rogeriumque lucratus est. Qui parentem Hugonem alacriter sequuti Cassinensem atratum, cum albo Cisterciensi cucullo commutarunt, nomenque COLUMBANI Hugoni inditum est, ut ea à candidâ columbâ deducta agnominatio senis candidum animum, simplicitatemque deceret. Hujus præclari facinoris autor Antonius ille Ursius est, qui classicum contrâ Hetruriam, (post in Neapolitanos inprosperè belli fortunam tentatam) Henrico VII. præcinente, Clerum sub signis habuit, portamque, ut vocant, ad Crucem, quò totam belli molem irrupturam prævidebat, sibi defendendam poposcit: anceps in eo, dubiumque posteris relinquens judicium plurnè in sacro viro pietas ergà divina, an militaris virtus ergà Patriam, animique magnitudo valuerit.

Hugo Cassinensium Monachorum in Cornobio Bonisolatii Abbas, Cisterciensium Septimianorum ritus, mutatis nomine & veste, cum consilio à Monachis sibi denter amplectitur.

Nec languit Columbanus deinceps, præclarique facti pœnituit unquam: quin ut generosus equus, cujus aliquando inæquale solum fefellit vestigium, calcaris, exilisque virgæ admonitu erectior, cautiorque progreditur; sic ille leni, mitique ingenio, ac ambitiosâ facilitate in suos tantisper à proposito lapsus, ità postea vitam instituit, ut appareret, ex periculo, casuque redditum fuisse cautiorem. Nec minori animi ardore Simon, Ubertus, Maurus, Rogeriusque partes suas in novâ vitæ institutione explebant. Parenti enim Columbano simillimi, æmulâ virtute, ad ulteriores Christianæ perfectionis metas aspirare audebant: itaut præ illorum conatibus, juveniles impetus viderentur languere. Ceterum Columbanus, magnum Septimianæ gloriæ incrementum, cum usque ad exactam vixisset ætatem, tum commendatione virtutum, tum felicitatis ingenti præmio victurus æternum excessit è vivis. Bonisolatii verò Monasterium, post reformatos Benedictinos, cum novis accolis, novam demutasse formam vi-

debatur: curâque Andræ maximo incolentium commodo, jam novi exsurrexerant muri, quos, cum ad Meridiem, æquatis spatiis, cellulæ, quæ vix iteratos hominis caperent gressus, distinxissent; spes erat, ampliori multitudini suffecturos. Candidâ ergo Cisterciensium turbâ è Septimo egressâ, avia illa solitudo exultasse visa est, divinisque laudibus lætius personuisse. Siquidem eos, quorum esset perspecta virtus, feliciorque profectus, illuc optimo consilio miserat Andreas; & quibus haud vitæ tædium desertus locus, sed curam suæ salutis intentiorem posset afferre: Non abierant anni; & jam Monasterium totum Cisterciensium moribus haud invitè obsequebatur. Non tamen parvi fudoris fuit spontè adnascentia nemora submovere, quæ ita improbè circumfederant ædificium illud, propiusque premebant, ut, prolatis ad ima radicibus, perque vim fundamento discisso; tantum ceteræ, eminentique moli attulerant vitii; ut instar mali punici cum maturuerit, minusque jam capere cœperit turgentia grana, circumquaque tota dehisceret. Sed à finibus Monasterii, post longum exantlatum laborem, nemoribus utcunque remotis; seu minor, seu cum latentibus, seu se prodentibus saxis restabat contentio. Quorum frequenti, pertinacique coitione cum sterilefceret solum; vixque tantillæ sincerioris terræ reliquum facerent, quæ oleribus, frugiferisque alendis arboribus (quorum annui proventus monasticæ mensæ pro lautissimis cupediis erant) idonea videretur: multo labore sudatum est, ut quæ circa Monasterium inutilis adjacebat, frugum, arborumque patiens denique esse vellet. Itaque labore jam olim durati Monachi, iis armis, quibus viscera terræ confici solent, ac volvi, lapidosum solum aggrediuntur. Cùmque terram, pro ingentibus lapidibus pro munimento erat, excavassent, divulgassentque; munimine destitutos per prona vallis facillimè devolvebant ad ima: dispositosque in gyrum quasi

Plurimi à Septimiano Monachis ab Andræ Abbatre ad Monasterium Rodolphi missi sunt; ut ibi jam, ipso dirigente, institutum sanctæ vitæ ordinem cum antiquis Monachis sociati, feliciter, ac securis remaneat.

quasi ad excubias pomerii destinabant. Collis in semitheatri coiverat speciem; est enim cum quâdam decenti rotunditate quasi per gradus æquè acclivis, atque declivis, explicatque se demùm in brevem illam quidem, sed jucundissimæ viriditatis planitiem. Hanc collem, pomiferæ arbores, in quincuncem directæ, quæque frigori obsistunt valentiùs, jucundissimè complent, excubantibus, ut suprà diximus, in circuitu saxorum molibus, minantibusque præterea procerâ Pinu, Cupressu, atque Abiete ad injuriam accedentibus. Commendabat amœnissimi horti jucunditatem circumstans silvarum horror, quarum infrugifera ligna hæud omninò sibi infelicia videri poterant, quòd si non ferre, in eodem tamen soli confinio diversi generis poma pendere sibi cernere contigisset. Monachis verò etsi jucunditati hæc erant, & commodo: eorundem tamen contemplatione admonebantur assidui, indefessique laboris ad virtutem. Et quidem Monasterium Bonisolatii quandiù res monastica floruit, optimo cuique Septimianorum pro cote perfectionis fuit, ad quam se acueret. Nullus enim ferè fuit, quem inculta illa nemora non reddiderit cultiorem: constatque, olim à priscis Cisterciensibus Monasterium Bonisolatii perfectorum officinam fuisse existimatum, quòd in eo ultimam manum recipere viderentur, qui digressi è Septimo illuc eminentioris exercitii causâ accessissent. Nullus tamen illic Abbatis nomine ceteros moderabatur: sed sub vicariâ potestate ita degebant, ut unius Septimiani Abbatis expectarent arbitrium. Quippè prudenti consilio ejus loci titulum suppressit Andreas, inque se, successorque suos jus omne traxit. Qui mos cum usque ad proxima nostris tempora perdurasset; coeuntibus demùm nomine CONGREGATIONIS, ut vocant, quamplurimis Monasteriis, uni Magistratui, quem selectissimi Patres explerent, parituris; pristinum jus, titulumque honora-

Egregia loci, in quo Monasterium Bonisolatii situm est, descriptio.

Monasterio Bonisolatii pristinum jus, titulumque honorarium Abbas denuò restituit.

rium Abbatis, denuò Bonisolatii Cœnobium accepit.

Ceterum sub præfecturâ Andree gliscentis Septimianæ rei incrementum potuit videri fatale. Siquidem non multò post, cum Moniales, quæ è veterno vitiis ad S. Mariæ Magdalene puriorem vitam conversæ ad Portam Pinctiam Florentiæ Civitatis degebant, contigisset pudoris laxare custodiam; timereturque ne vecordiam amantium, quæ inter muros Civitatis, Cœnobiumque solitudo latè patebat, acrius stimularer: Antonius ille Ursius Florentinorum Antistes, cujus suprà cum laude meminimus, quæ erat indefessâ vigilantia in gregem, primo quoque tempore nascenti, an provecto statuit occurrere malo. Convocatoque Canonicorum Senatu, hinc, indè gravissimis dictis sententiis, tandem evicit, ut alicui Cœnobarum parenti traderentur regendæ, Florebant tunc Umbrosæ Vallis alumni, videbanturque hujusmodi, quibus tutò ea provincia demandaretur. Itaque in Johannem Crispinianum Abbatem ex consensu partium transfulerunt jus omne. Vixque Vallimbrosanus devius corrigendis admoverat manus; acceptasque possessionis condiciones publico firmaverat scripto; cum è publicâ re junioribus tumultuantibus, ac si per vim ex antiquâ Cœnobii possessione fuissent depulsi: omnis ea deliberatio in discrimen, sædamque seditionem adducta est, quæ non prius sedari posse videbatur, quàm acquisito juri Vallimbrosanus nuntium remisisset. Itaque ne cum recentèr acquisito, jam olim possessum Crispinianus Cœnobium cogeretur deferere, si nuperum jus tuendo, Publicum pergeret irritare; Rustico Moranduccio viro prudenti, & navo honorario advocato sequestro, ejus Monasterii renunciandi, jusque in alterum transferendi liberam facit potestatem. Qui S. Donati Monialibus Cisterciensibus, corrigendas prudenter adjunxit, quò minor acquirentibus mulierculis, & alioquin suo sexu tutis con-

fla-

Andreas Septimianus Abbas Cœnobium S. Donati, Monialium Ordinis Cisterciensis seniori, ac strictiori disciplinæ fecit inferre.

flaretur invidia. Cessit res bellè: sensimque in Andream Septimianum Abbatem ex consilio Cisterciensium Monialium jus omne transfunditur. Qui, conditionibus, quæ inter utrumque Cœnobium ex ic̃to fœdere intercesserant, antiquitatis, illuc sui Ordinis Monialium missâ coloniâ; quas amatoria vesania transverfas egerat, ad meliorem frugem sapientissimè revocavit: aluitque, quoad vitam suppeteret, quotannis certâ pecuniæ summâ pendendâ. Quibus communi fato extinctis, præclusoque deinceps aditu, ne qua ibi semel corrupta reciperetur; ita in eo Cœnobio Cisterciensis disciplina coaluit, ut cum quolibet cœtu Virginum de dignitate, deque virginitatis gloriâ videretur posse certare. Quæ verò postea illis existerint causæ, cur ad S. Donatum antiquum domicilium se se receperint, cesserintque nostris Septimianis insigne Cœnobium, uberior dabitur infra narrandi occasio, cum in illud tempus inciderimus, quo ea rerum conversio facta est.

Tulit eadem ætas, quâ præfuit Septimianis Andreas, par nobile Monachorum Talentum, atque Bernardum, qui simul à teneris annis in Septimo educati, edocti, id, gliscente ætate, virtutum specimen dedere, ut omnibus antea viderentur admirationi esse, quàm penè cogniti. Utrumque generis, avitæque laudes extulerant; propriæ verò quas sibi assiduo sudore paraverant, hauserantque ex Septimiano Lyceo, utrumque ad invidiam exornarant. Adcò alter alterum referebat æmulatione virtutis, ut etiam minimè curiosus posset advertere, pertinacissimum inter eos de virtute exarsisse certamen. Nil illis disjunctius, si communem salutationem, familiaremque consuetudinem spectares: iterum nil illis conjunctius, si parem in virtute conatum intuereris. Sanè id egerant, ut intelligerent omnes, tacitâ opinione virtutis strictius, suaviùsque animos jungi, quàm fabulatione, mutuis officiis, convictu, quæ sæpius simulata scena vultus ad ostentationem

Dignis laudibus
celebrantur Talen-
tus, & Bernardus
Monachi Septimia-
ni.

nem confingit. Paribus denique studiis junctos, haud dispar dignitatis gradus divisit.

Talento ad Monasterium S. Galgani pacis arbiter dictus, ibidem Abbas à Monachis re-nunciatur.

Siquidem cum per eos dies Monasterii S. Galgani, cujus supra prodigiis nobilitata retulimus initia, Abbatem diuturnior febris exstinxisset; nutarentque in novo deligendo suffragia: nihilque jam propius esse videretur, quàm ut eligentium studia scinderentur; itum est ad Septimianum Andream, ut mitteret auxiliares viros, quorum momentum prudentiæ, res inclinaret ad optimum. Non abnuit Andreas: illucque misso Talento, res eò tandem recidit, ut qui arbiter honorarius advenerat, Abbas S. Galgani omnium votis renunciaretur. Quippè seipsam commendaverat virtus, ostenderatque dubiis animi quem requireret potissimum sanctitas legum. Nec multò post, Abbate Montis Amiati, in finibus Senensium Cœnobii celebris, de quo ad calcem operis fortasse plura, eodem fato functo; ejus Monasterii alumni, vel S. Galgani Monachorum recentis, ac pulcherrimi facti æmulatione; vel Johannis, quem aliquando ex Septimo salutarem Pastorem experti fuerant, suavi recordatione; vel innocentis vitæ famâ, quæ plerosque rapuerat: Bernardum Septimi alumnum Abbatem creant. Non fefellit utriusque Cœnobii spes par in utroque viro virtus. Statim enim optimorum imitatione Parentum is factus est animorum motus, atque ad perfectionem ardor; studioque adeò felix respondit eventus, ut jam Septimianos in illo conatu viderentur æquare.

Utriusque Abbatis in promovendâ regulari observantia in Monasterio pastoralis regum curæ creditis, fœ felicitas.

Interim Carolus Roberti Regis filius Calabriae Dux, ac Florentinorum Dominus, cum ex immodico, intempestivoque aucupio, ac venatione letalem incidisset in febrem, paulò post Neapoli magno Parentis dolore vitam finivit. Cujus gravi dominatu aliquando tandem levati Florentini, tum demùm ad veram libertatem aspirare ausi sunt; agitatisque consiliis, quæ diuturnior, con-

ful-

sultiorque calamitas suggerebat : in eam sententiam consensere omnes, nimium afflicte Urbi sublevande, novo regimine, novaque creandorum Magistratuum ratione opus esse, utque civibus libertas, salusque tandiu exoptata rediret. Misera enim ubique, fœdaque facies rerum sub Calabro Duce obversabatur ob oculos. Siquidem nullibi incorrupta judicia; nulla reverentia fori; in nobilibus ambitus ardens; plebs ut plurimum discissa in partes, more infamis, procellosique Euripi exastuans, auro, pecuniæque potentibus omnia perula; unumque Duci, administrisque consilium, publicum exhaurire ærarium, ut, succis nervis, poplicibusque virtutis, nulla spes miseris esset teterrimæ excutiendæ tyrannidis. Nulli licebat ad Magistratum venire, nisi quem prius commendasset pecunia. Oppidorum Præturæ certatim coebebantur; & ut ratio constaret emporibus, plus deinde pecuniæ per vim exprimebant à subditis, quam nefario, fordidoque scelere perpetrando representassent, ut interim suo pretio iniqua licitatio non careret. Quæ omnia utcumque tolerabilia potuissent videri, si non etiam ad ferenda inter Cives gravia, atque implacabilia odia fuissent administrata. Modò verò ita infelicium Civium fortunas malis artibus in se trahebant; ut vanis suspicionibus anxios invicem crudelissimè committerent. Arbitrantur enim sævi Tyranni vix se tutò imperare, ubi subditi tranquillè agant, civilique otio perfruantur. Itaque cùm iis malis una mors Principis videretur finem allatura; tandemque attulisset: restabat ut communi consilio ratio iniretur, quâ recuperata utcumque libertas diuturnior perduraret. Quoniam verò nulli dubium erat, ex uno ambitu civilia odia ferè prodire; placuit ad secreta suffragia, sortemque, Magistratuum electionem rejicere. Arbitrabantur enim, fore ut haud alter alteri invideret, quod fors ipsa dedisset. Tùm timendum non erat, ne aut præceps, aut turpissima licitatio

Carolo Reheri
Regis filio Calabria
Duce, ac Florenti-
norum Domino ex-
istendo, Florentini
ad pristinam liber-
tatem recuperan-
dam optarant.

Legenda, ac de-
formis Civitatis Flo-
rentiæ facies, cum
Dux Calabæ rerum
potiretur.

Suffragiorum
scrutinio vici Reli-
giosi à Florentinis
adhibentur.

Nisi ratio duce-
nda sortis apud anti-
quos Florentinos.

Unis Cisterciensi-
bus collata privile-
gia illibata, & in-
tra servantur; dum
ceteris vici religio-
ne auferuntur.

tatio indignis ad Magistratus gerendos patefaceret aditus. Ne verò saluberrimis legibus aliquid subesset fraudis; suffragiorum scrutinio Cœnobitas Prædicatores, Franciscanos, Eremitanosque per vices sibi successuros, viros in primis graves, ac ferè externos adhibuerunt. In hunc verò modum sortem legebant. Cùm selectissimi quique Patrum ad consilium coivissent, proclamatisque Civium nominibus, quos pridie ejus diei fors ex urnâ vocasset in certum eorum numerum, rejectis, quos minus idoneos judicarent, favorabilia suffragia conferebant; quos iterum in schedulis perscriptos angustiori sacculo coercerant coram confertissimo Senatu iterum sortitò legendos. Et ita quidem præcipui Magistratus allegebantur. Qui verò destinabantur ad tenuiores oppidorum Præturas; eos sacci laxiores, propriâ notâ signati habebant, prolixiori Fortunæ contemptui futuros. Ceterum ne usquequaque fors cæca erraret; ab hujusmodi schedulis arcebant insinister facinorosos, decoctores, desertores Patriæ, altero Magistratu implicitos, similique proximè functos, publico ærario debitores, ex eadem familiâ plures, quibus eadem fors munerum intrâ præfinitum tempus contigisset. Atque ut urna sincerior esset, nullique fraudi pateret; eam capsula triclavis claudebat, quarum una apud Cistercienses Conversos, qui suprà Civitatis armamentarium excubabant, asservabatur: alteram Fratrum Minorum fidei crediderant: tertiæ jus, Capitaneo, ut vocant, populi erat. Contigit autem nostris is à Florentinâ Republicâ honos, tempore Andreæ: sensimque, ut varii tulere casus, Dominicanis, Eremitanis, Franciscanisque submotis, unos Cistercienses Conversos ad scrutinia sortium, claviumque custodiam adhibuerunt. Itaque in eo munere illibatam diù Cistercienses fidem probârunt; ut si, ea tantum quæ cum publicâ re conciderunt, munia excipias, quæ non tam amiserunt, quam desierunt exercere; etiam post totius

totius Hetruriæ Imperium felicissimo omine ad Mediceos Principes translatum, publica scrutinia sortium moderantur hoc tempore, claveque, quam adhuc asservant, omnem ab urnâ fraudem excludunt. Haud pœnitenda omninò hæc nostra tempora videri possunt; quando ita gravissimorum Patrum purpura Cucullatos admittit, ut ex ipsorum accessu, interventuque, & publica ordiantur, expediantque consilia, & seligant profuturos Reipublicæ Cives, & supprimant Magistratus, & creent: velintque, ex eorundem fide arcana fortis pendere.

Squalebat per idem tempus, totius Civitatis Florentiæ opulentum S. Mariæ Cœnobium, Cassinensis influturi, importunâque morte gravium virorum, ita mores abierant in deterius; ut averfati malum, qui languebant, Johannem S. Theodori Cardinalem, ad cujus nutum res Cassinensis eo tempore administrabatur; quique Johannis XXII. Pontificis Maximi Avenione degentis nomine summâ cum potestate toti Italiæ præerat, enixis precibus interpellarent, ut adhibitis viris idoneis, qui monasticam rem callerent, haud dubiâ ruinâ nutantem regulæ disciplinam fulciret. Annuit ille semel, & iterum supplicantibus, evocatosque è Septimo Gregorium Tuccium, ac Bartholomæum Perium, viros monasticâ disciplinâ florentes, amplissimoque diplomate donatos, ad collapsam ejusdem Monasterii regularem observantiam sublevantem eâ lege destinat, ut eodem & ipsi induti atrato cucullo, nonnisi tanquam ex ipsis pulcherrimo operi promovendo adjutrices porrigerent manus. Religiosissimos tantorum virorum in excolendâ vineâ Domini Sabaoth conatus ita felix, fortunatusque eventus excepit; ut apud Hetruscos Cassinenses nullo unquam tempore Septimianorum memoria interitura videatur.

Ceterum non erit abs re (quando semel, & iterum harum ad mores defœcandos in hujus operis decursu mis-

P

sionum

Gregorius Tuccius, ac Bartholomæus Perius in reformatione Cassinensis Monachii Florentiniæ, ex recepto Apostolici Legati, egregium, strenuamque navant operam.

Prætorum Sanctæ
Romane Ecclesiæ
Pontificum in re-
tuendâ primigeniâ
Moralitætorum di-
sciplinâ, piena pro-
dentia ratiomirum
in modum adhibi-
ta.

sionum meminimus) paucis docere lectorem, præcos Ec-
clesiæ Pontifices optimam corrigendi mores instituisse ra-
tionem; ac tria, quotiescunque correctio adhibenda foret,
sanctissimè excogitasse. Primum, ne qui leges dicerent,
diversi, atque adeò ignari instituti essent; nevé citrà ne-
cessitatem, novis ingestis legibus, veteribus aliquid detra-
heretur: tertio volebant, ut qui ceteros castigarent, ean-
dem & ipsi limam præceptorum subirent.

Et quidem ut nullus sit, cui simile monstro non vi-
deatur, si artificum aliquis suæ artis fines transgressus, al-
teri præcipiat, cujus omninò opificiî sit ignarus: sic meri-
tò risum, & quidem excussum commoveat, si, qui ad
suum arbitrium vivat, illigatum votis conetur moderari;
luxuque diffuens ad continentiam vocet: demùm com-
pellat ad Claustrum, cujus ubique, & semper irrequieta
vagatio sit. Turpiter, graviterque hujusmodi correcto-
rem morum in multis hallucinari necesse erit. Vel enim
ex suo ingenio ceteros finget; & ita languidus erit, ac
dissolutus: vel ad præscriptum legis cuncta exiget super-
stitiosè; & rebus singulis accuratè non perpensis, non ho-
minum moribus, defectuque naturæ, præposterus, cru-
delisque evadet: dùmque summum persequetur jus, inju-
riam planè summam immerentibus se intulisse, plerunque
mirabitur. Optimè igitur Agefilaus censebat, pulcherri-
mas imperandi, parendique artes apud Lacedæmonios
disci securiùs, ubi non verbis de optimo Reipublicæ statu
disputabatur; sed Civium moribus honestissimæ rei exem-
plum exprimebatur. At qui, quid aliud rei, quam aggre-
ditur, afferat imperitus, nisi inania verba, inconsultumque
impetum, cui nulla expertæ rei momenta afferant gravita-
tem? Itaque rectissimè præci Pontifices, sicubi monasticam
disciplinam collapsam pervidissent; ejusdem instituti Mo-
nachis demandabant onus: ut ad corrigendos mores priùs
ipsi correcti accederent, gnarique rei gerendæ haud exer-
rarent à regulâ.

Ca-

Locumtenens Agefilai
sententia.

Cavebant item superfluas leges, vel ne veteribus inferri videretur injuria, vel ne serpendi præsentissima morbo daretur occasio. Ubi enim lex lata fuerit; è vestigio & fraus armatur ad scelus, quòd libertatem tot confici vulneribus arbitretur, quot leges Magistratus ediderit. Ut jam meritò dixisse videatur ille: ubi permultæ leges essent, ibi plurimùm vitiorum inveniri. Quid? Quòd religiosi status ejus non sunt generis leges, quæ pro temporum sorte, ac moribus hominum facilè mutari possint, ac debeant. Cùm enim unius progressum virtutis respiciant, quæ semper in arduo est; prisci que Patres eas, simplicissimè præcipiendo, coegerint præceptiones, quæ ad optatam illius metam perducunt: nil jam addi posse videtur, nisi fortè quod humanæ mollitiei per summam vecordiam adblandiatur, moliaturque progredientibus moram. Ipsi, & magno quidem rei monasticæ incommodo, experimur hoc tempore, quàm pleraque ad regulam longiora commentaria, constitutionesque, priscam vivendi rationem; hoc est, sanctissimam, & severissimam sustulerint; novam verò, hoc est, clumbem, ac languidam invexerint. Pausaniam illum præstabat audire, cujus de hâc re rectior videtur fuisse sensus cum diceret: *Legibus convenire auctoritatem in homines, non hominibus in leges*. Cujus quidem Apophthegmate illi non obscurè carpuntur, qui interpretando, eam vim legibus inverecundè solent afferre, ut non tam quod ipsæ præcipiunt, quàm quod ipsi callidâ interpretatione invertunt, suspensio vulgo venditare videantur. Meritò ergo superioris seculi Pontifices languidiores Monachos, per probatissimos ad unius regulæ puritatem provocabant; ut simplicitati præceptorum assueti, haud callidâ tergiversatione diverticula quærerent deinceps remissionis.

Pausania dictum
argutissimum.

Jam quanti momenti sit, illum, qui aliorum fingat, instituatque mores, quæ præcipit, convictu ipso, exemplo

Lactantii Firmiani
sententia verba.

ploque probare, nullus est, qui ignorare possit, nisi qui sui penitus obliviscatur. Nil tamen perspicuitati rei offundent caliginis gravissima Lactantii Firmiani verba, quæ ita in propositum nostrum quadrant, ut quam tractamus, nullo nostro labore rem omnem evincant. *Quicumque*, inquit, *dat præcepta hominibus, ac vitam, moresque fingit aliorum; si quidem bona sunt, quæ præcipit: at ipsi eodem modo vivendum est, quo docet esse vivendum. Si aliter ille vixerit, præceptis suis fidem detrahitis, levio-remque doctrinam suam facit, si reipsa resolvat, quod verbis nitatur astringere. Cum igitur quis non faciat quæ præcipit; quæ insolentia est, ut homini libero imponere velit leges, quibus ipse non pareat? Homines enim malunt exempla, quàm verba. Quia loqui facile est, præstare difficile.* Hactenus Lactantius. Atque id scilicet causæ fuit, cur toties aliis ferre suppetias jussi, eodem quâ convictu, quâ cultu vestium, cum iis, quos ad virtutem informabant, visi sunt Cistercienses, remque quamcunque aggressi fuissent, felicissimè, ut proximè vidimus, explicarint.

Vitam cum mor-
te commutat An-
dreas Abbas Mona-
sterii Septimiani.

Inter hæc cum ad decem & octo annos præfuisset, moritur Andreas; vir in non paucis fortunatus, ac felix; cujusque operâ non modò amplior pietatis cultus in Hertruria refluuisse visus est, sed etiam res Septimiana ita crevisse, ut eos palmites, quos postea felicissimè emisit, jam inde prolatura speraretur. Consequuta autem ejus mortem ea tempora tradunt, quæ tum nobile, tum pertinax animorum dissidium morte Parentis suspensis attulerint. Cum enim Septimiana præfectura, sive ob fortunarum splendorem, sive ob sanctimoniam loci, honori jam haberetur, & gloriæ, Placidus Ugolinus nobilis Monachus; clarisque affinitatibus potens, cum & jam pridem, & post excessum Andree, ardenti, exertoque ambitu ad ejusmodi gradum anhelasset; ac se se tandem obtulisset occasio;

va.

vaeusque meritis pertimeret, ne tam inverecundæ petitionis cogeretur ferre repulsam, armatus affinibus, illatoque terrore iis, ad quos spectabat electio, magnâ totius Comitii consternatione in Septimianam sedem tandem subvehitur. Sed vix cogentium deferbuerant minæ, cum Ugolini ejuratâ electione, quam justus antea timor expresserat, ad urnam iterum Monachi coivere, statimque ex meliorum, seniorumque voto Remigius è Sapidâ gente nobilis Florentinus Septimi Abbas dictus est. Hinc itaque dum ille jus suum tuetur; hic ex summâ animi moderatione ad præfecturam trahitur invitus, scissâ Monachorum studia sunt, longaque, eâ de causâ, concertatio fuit. Quam demum Benedictus XII. qui antea Jacobus Fornerius Cardinalis ex Ordine Cisterciensi, ad Apostolicam Sedem non ita pridem fuerat evectus, diremit. Siquidem hortatu Abbatis S. Galgani, hominis justî tenacis, ac fervidi, utroque, scilicet Remigio, ac Placido, vocatis in Galliam, favente etiam fato, quod alterum, adhuc pendente lite, sustulerat, Remigio adjudicavit: acceptisque à Portuensi Cardinali, jussu Pontificis, solemnique ritu, præfecturæ insignibus, in Italiam rediit: clavumque Septimianum, magnâ bonorum omnium gratulatione, regendum suscepit anno MCCCXXXVIII. Hic Parisiis nobiliter eruditus, ita sacrarum literarum scientiam conjunxerat cum linguarum peritiâ, ut inter utramque sublato dissidio, quandiu vixit, Septimianis suis pro oraculo fuerit, ac sacro lyceo. Eminebat verò in eo vitæ integritas singularis, ita ut moriens ob eximiam opinionem sanctitatis à ceteris Septimianis Abbatibus seorsum tumulo sub altare S. Gregorii templi Cisterciensium, tanquam sacrum depositum, sit honorificè exceptus, ac multo post inventus, proque Remigio agnitus, maximo sit habitus in honore. Satis constat, virum præclarum ad justitiam instituisse multos; literis verò mandasse aliquid, non item. Visuntur

Ugolini Monachi
Septimiani suum
electum, de invere-
cundum.

Remigius Mona-
chus Florentinus in
Abbatem Monaste-
rii Septimiani eligitur.

Remigii eximia
datus recenietur.

tur tamen inter Septimianæ Bibliothecæ reliquias, quàm plurima anonima manuscripta volumina cum commentariis in Psalmos, Job, reliquosque Prophetas, quæ illustris famæ virum hæud dedeceant. Cisterciensium Monachorum tamen esse non ambigo, quòd suaviorem Bernardi stylum redoleant, in quo æmulando, imitandoque, multorum per ea tempora exarserant studia. Si quis autem miretur, priscorum Cisterciensium, præter unum Bernardum, hæud multa hoc tempore legi; cogitet, tam severè de libris edendis, evulgandisque, Patres Cistercienses sanxisse, ut severior lex, vel ex parte ad gloriam reflexerit impetus, vel intrà domesticos compulerit parietes. Floruisse verò multos in Ordine literarum peritiâ, & quidem omni exceptione majores, nulli dubium esse potest, cum tot pro Ecclesiâ Dei ediderint gloriosa facinora, quæ nonnisi à sapientibus, & bonis præstari potuissent. Offendebantur interim multi, quòd præter paucos, quos suprà ceteros, Ecclesiasticæ dignitates extulerant, in universum Cistercienses laterent, ac scholasticum solem, ac pulverem pannosi homines reformidarent. Itaque à Franciscanis, Dominicanisque, pro idiotis, ac rudibus haberi cœperunt, illosque sæpiùs exagitarunt, ut autor est Matheus Paris in Anglicanâ historiâ: tandem anno MCCXL. Henrici III. temporibus ab Innocentio IIII. Pontifice impetrarunt, ut excolendi ingenii gratiâ celebriores Academiæ sibi adire liceret, inque ipsis excitare Collegia: Quanto id successerit Ordinis commodo, infrà fortasse narrabimus, si ejus rei memorandæ opportuna sese obtulerit occasio. Et eo quidem tempore, ut suprà diximus, nobilissimæ ultrà montes nationes in luce hominum scholastica studia urgere cœperunt. Seriùs omninò ad eam studiorum laudem Cistercienses Itali, si paucos excipias, excitati sũt. Umbratilem enim illam, quam libri docent in umbrâ, & otio studendi rationem, impensiùs coluerunt. Quam cum

Cisterciensibus ad
celebriores Aca-
demias aditus aper-
tur,

mo-

moderatio monastica cum quâdam interiori suavitate maximè commendaret; tardius, ægriusque deposuerunt. Vix quinque, suprâ viginti anni excurrunt, cùm Italicæ Cisterciensis Congregationis, plerisque mirum, ac novum visum est, Hilarionem Rangonium ex Insubriâ Monachum Cisterciensem, magni ingenii virum, Ticini: ex Hetruscis verò Romæ nonneminem de rebus philosophicis, ac sacris, publicè disputationem instituisse. Quin ipse memini, ex Hetruscis ingemuisse non paucos gravissimos Monachos, quòd in magnâ Florentinâ Academiâ, Dantis Aligerii Poetæ, carminum aliquot ex quodam Paradisi cantico, magno nobilium concursu, ad laudem ingenii, quidam ex nostris Hetrusco sermone sensa promississet. Non enim tam mirabantur factum, quàm extrâ claustrum factum dolebant. Adeò sanctè ad quadringentos fermè annos, ex quo Cisterciensibus Septimum attributum est, severiora, ac recondita Monachorum studia sola claustra noverunt. Ceterùm quamquam hæc obiter dicta sint, & verè; Remigio tamen nostro, vel Patris, clarissimi, & consultiissimi viri beneficio, qui apud Regem Galliæ pro magnæ Britanniæ Rege statarius legatus per id temporis causas perorabat, in Parisiensi luce tandiù versari licuit, quoad indè Doctoralem lauream referret: vel quòd jam in Cisterciensi Ordine mos inolevisset, illuc ex omni gente mittendi alumnos, qui in divinâ sapientiâ impensius excolerentur. Hic ergò cùm sanctimonix, doctrinæque odore Ordinem nostrum respersisset; post decem annos suæ in Septimo præfecturæ, amabilis hominibus, Deo charus, implacabili morbo subtrahitur: statimque demortuo suffectus est Bernardus Lambertescus notæ profapiæ Florentinus, vir in primis egregius, ac tanto oneri non impar futurus. Hic, ut plerique alii, invidiam superioris ætatis taciturnitatem, quasi duriores novercam expertus est, quæ, funeratis virtutibus, suave tantum

Multis gravissimis Monachis cum Rudiorum rationem improbant, quam Monachos aurum dedecere.

Nota Remigii Abbatæ Septimiani. Cui sufficitur Bernardus Lambertescus.

tantum Bernardi nomen posteris reservavit. Nisi forte apud antiquos Septimianos satis laudari erat, eâ lege silentio præteriri, ut intelligerent omnes, ita demum vixisse eum, cujus nudum nomen fastus haberent, ut ejus antea-
 tæ vitæ decora nulla possent verba æquare. Ad XII. itaque annos Bernardum præfecturâ functum subsequutus est Petrus Cambinus nobilis Florentinus laureâ Parisiensi, doctrinâque clarissimus, qui à primis annis educatus in Septimo, edoctus verò Parisiis; ut primum per ætatem licuit, S. Mariæ Martinæ, ut vocant, Diœcesis S. Marci in Calabria Abbas dictus est: deindè cum profectioni ætate esset, meritisque clareret, in Hetruriam evocatus, Septimianos suos, totos quindecim annos summâ cum laude rexit; vir planè dignus, qui illustriorum Abbatum Septimi seriem exornet, recenseaturque inter eos, qui clavis operibus, vitæque sanctimoniâ Ordinem illustrarunt. Ceterum Petrus non prius è vitâ discessit, quam ob revectam in Italiam ab XI. Gregorio Apostolicam Sedem in communi omnium gentium gratulatione lætatus sit. Successorem verò habuit Johannem Sangallum Florentinum, qui privatæ vitæ potius commendatione, quam septem dierum præfecturæ, quibus omnino vixit, fuit illustris. Hic aut me valde conjectura fallit, aut quorundam nobilium ambitus ardens, post mortem Johannis, jus Septimianum creandi Abbatem semel, & iterum ad Romanum Pontificem traxit. Certè constat, ex Pontificiâ autoritate Thomam Bartholum Florentinum, Septimianis, quorum alumnus erat, impositum fuisse Abbatem: iterumque post aliquot annos suæ administrationis ab eâ provinciâ, incertum, quibus de causis, fuisse amotum. Cujus quidem dignitatis nulla alia exstant vestigia, quam Martyris Quintini ex aurato ære affabrè factum conceptaculum. Post quem eadem nixus autoritate, Michael Cipollonus spectatæ nobilitatis Florentinus, ex
 Or-

Moyse Abbat
 Embrico in
 Abbatem Septimianum
 dignus Petrus
 Cambinus Doctor
 Parisiensis.

Johannes Sangallus
 Florentinus
 Petri Cambini Abbat
 Petri Septimiani
 successor.

Thomas Bartholus
 auctoritate Pontificiâ
 Abbas creatus.

Michael Cipollonus
 Abbas.

Ordine antea Cisterciensi Narbonensis Abbas eundem gradum dignitatis conscendit, exercuitque, quoad Septimo præfuit, in universos Italos Monachos vicariam potestatem. Verum non multo post, eodem Pontificis jussu, magistratu abiit, dubium, an impar imposito oneri, an suffecturus majori. Perantiquus ramen codex ex albo Septimianorum Abbatum utrumque dispunxit; sive quod uterque eâ dignitate spoliatus decessit, sive quod eâ serie posteris indigni visi sint, quos ambitio dehonestasset.

Amotum Michaelem Felix excepit: quem, virum & doctum, & gravem, docet, fuisse Pyerius Salutatus Colutius, in nuncupatoriâ ejus libri epistolâ, quem de Fortunâ, & Fato illi inscripsit. Cum enim Felix nobilis Perusinus de Patriâ calamitatibus, ærumnisque cum Colutio, quo familiarissimè utebatur, sæpissimè fuisset conquestus; Colutius quasi solaturus amicum, de Fortunâ, & Fato talem edidit librum, qui nobis illam Poetarum Fortunam, vulgique ludibrium, importunè reveheret, levem scilicet Deam, cœcam, & cui plus plerunque vitiorum affingant levissimi homines, quàm in malè sano ferremus. Quibus nœniis cum divinam illam, ac infallibilem tollere videretur Providentiam, aversatus est poeticâ licentiâ scriptum librum Septimianus Felix, castigavitque amicum, opportuniore illum sapientiâ in summæ mentis contemplationem reducendo; quæ omnia suo arbitrio constituit, quæ naturam condidit, quæ rebus causas dedit, easque perpetuò abditissimâ ratione propagat: docendoque, nullum aliud fatum, quàm inhærentem rebus mobilibus immobilem dispositionem, per quam divina Providentia suis quæque necit ordinibus: nullumque alium casum, fortunamque Christianis hominibus, atque adeo sapientibus viris cognitam esse, quàm accidentariam causam in iis, quæ alicujus finis gratiâ ex electione,

Felix Abbas Septimianus doctrinâ & gravitate spoliatus.

Q

con-

consilioque administrantur: quæ tamen esse Fortuna desinit, casusque, si Deus ipse spectetur, extrâ cujus Providentiæ regulam nil temerè, fortuitoque potest accidere. Nihil enim in istâ totius creaturæ amplissimâ quâdam, immensâque Republicâ est, ut Augustinus inquit, *Quod non de interiore, atque intelligibili aulâ summi Imperatoris, aut jubeatur, aut permittatur*. Quoniam verò libellus, ut statim prodit, sic & in vulgus dicto citius sparsus est, atque ob celebrem famam auctoris avidissimè à plerisque legi est cœptus (siquidem is ille Colutius est, quem Florentina Respublica diù à secretis habuit, quique rudi illo seculo in literatis summus habebatur, itaut Mediolanensium Dux Johannes Galeatius dicere soleret, plus se unam Salutati Colutii epistolam, quàm viginti millia Equitum perhorrescere) Johannes Dominici ex Ordine Prædicatorum Cardinalis Florentinus, religionis zelo succensus contra Colutium strinxit stylum, editoque insigni libello, cui Luculæ nomen fecit, obsoletas nænias, ac deliramenta Colutii doctissimè profligavit. Exstat Salutati Colutii liber in Medicæ Bibliothecâ, in quo, præter Septimiani Felicis unas verissimas laudes, nil planè reperias, vel docto viro, vel erudito dignum. Ceterùm noster Felix, minùs in eo felix fuisse videtur, quòd cùm diù, hoc est, ad triginta & tres non minùs annos Septimiano præfuisset Cœnobio; nullum tamen benevolum scriptorem invenit, cujus industriâ, scriptis-que illustrior ejus ad nos dimanaret memoria.

Ab eo, Julianus Lapinus Monasterium Septimianum habuit. Hic privatus dùm egit, haud omninò malus Monachus fuit: vigilare, orare, legere libentiùs, secum ipse manere frequenter, rariùs egredi, labore otium jugulare. Statim verò, ut alijs præpositus est, adeò latentes, sopitasque cupiditates solvit; ut appareret, haud potuisse illum æquis viribus præfecturæ dignitatem pati, ac privatam, quie-

Johannes Dominici Cardinalis Florentinus ex Ordine Prædicatorum Pyrrhi Salutati Colutii errores contentos in Opere de Fortuna, & Fato strenue confutat.

In Felicis Abbatis Septimiani locum succedit Julianus Lapinus, cujus lugubris in præfatione lapsus, & errata referuntur.

quietamque vitam tulisset. Omninò non absurdè à naturà constitutum est, ut inquit Philosophus, alii ut imperent, alii ut pareant. Quem ordinem si quis conetur invertere, præter eam, quæ consequetur, vitæ perturbacionem, haud sapientiùs faciat; quàm si proceræ regendæ arbori tortuosam, imbecillamque vitem adhibeat, aut serpenti hederæ alieno suffultæ præsidio, nutantem totam parietis molem sustinendam demandet. Quæ una, ni fallor, ac potissima ratio fuerit, cur multi imperando deteriores evadant, qui privatè agendo, maximè sapiissent. Nempè à naturâ præscriptos limites temerè transgrediuntur, intrà quos si se religiosiùs continuissent, nil illis fortasse melius fingi potuisset. Quamquàm non negem ex ipsius potestatis ingenio multa prodire, quæ optimos mores, & ad imperandum alioquin unicè factos corrumpere possint: ut si soli imperent; si perpetuò; si in magnâ honorum, opumque abundantia versari contingat; si denique parendi artis imperiti omninò, ad imperandum accesserint. Nam & qui superiorem nullam timeat potestatem, repagula plerunque perfringet officii: perpetuoque assuetus imperio, insolenter se geret: turpique luxu frangetur, cui superfluant opes: denique qui alienum aliquando haud toleraverit imperium, quid nisi in alios Manliana imperia?

Ac non dubito, quin multa huic nostro defuerint, plurima verò obfuerint, qui tam fœdè sit lapsus. Siquidem aliorum curæ admotus, sui ipsius penitus oblitus est, divinamque rem fluxis, caducisque posthabuit. Hinc inertio otio delectari, confabulari liberiùs, mensam instruere lautius, longiorem psalmodiam odissè, frequentissimè volitare per urbes, Monasterii censum vexare, distrahere prædia, suppellectilem expilare, quæ liberè haud vendi poterant, sordidissimè oppignerare. Refert Augustinus Infangatus Cisterciensis, qui à Julianis propiùs absuit

temporibus, cum ejusmodi domestici peculatus stylo sanè peracri miseras memorat, ne, quæ in cavædio quidem ad olera nutrienda de industria relinqui solet, tellurem liberam habuisse Monachos. Adeò nepotinâ illâ suâ administratione omnia subverterat. Non defuerunt ex Monachis prudentioribus, qui deplorati hominis infinitam luxuriam severioribus castigarent verbis, quique precibus retrahere conarentur errantem. Sed irritæ preces incassum cadebant. Despotico enim dominatui semel assuetus, supplices Monachorum voces superbissimâ aure aspernabatur, ruebatque in pejus: coque tandem dementiæ prolapsus est, ut cum haud quaquàm jam videretur ferendus, Florentini, qui ob egregiè navatam suæ Reipublicæ operam, Cistercienses ferebant in oculis, debacchantem illum in Monasterii fortunas, ad Romanum Pontificem (is erat Eugenius III.) detulerint.

Sommi, seu, ut loquitur Autor, Despotici, imperii infinita prope modum incassum.

Exarsit scilicet ad rei indignitatem Eugenius Pontifex, cognitâque diligentius causâ, horrendo anathemate ictum à præfecturâ dimovit. Sed adhuc miser in favorem victæ, jugulatæque causæ argumenta cumulabat. Tamen verò diù, multumque reluctatus, excedere tandem coactus est, imparque dolori, impatiensque melioris consilii miserè desperiit. Verùm quò latius Septimiana monastica laus sese diffuderat; eò longiùs corruptelæ fama postea divagata est: itaut unius hominis casus, illustriores illius temporis scriptores adeò fefellerit, ut corrupti Cisterciensis Ordinis aculeatis verbis meminerint in commentariis. Et S. Antoninus quidem in 2. parte historiali, titulo XVI. cap. 1. §. 2. qui hoc ipso seculo, quo Julianus lapsus est, scripsit; Cistercienses affirmat, à B. Bernardi obitu vix seculum integrum sinceros, incontaminatosque excessisse: ex eo, à Patrum vestigiis declinasse, & ad unum inutiles fuisse factos.

Deploranda mors Juliani Lepini Abbatæ Septimiani.

Sanè hæc unâ Septimi finistrâ famâ haud ambigo, fan-

sanctissimum Præsulem scripsisse ; tamen si universum Ordinem notasse, non perinde æquo animo tulerit Cassianus in 4. parte Catalogi gloriæ Mundi LVIII. consideratione. Qui ex eodem D. Antonino commemoratâ nescio quâ Septimi reformatione sub IIII. Eugenio, è vestigio intulit. *Si benè consideremus, illud fuit tantum in Italiâ, quia semper apud nos Cistercienses, & in Galliâ fuerunt decorati scientiâ, & sanctitate ; & tales apud nos reputantur.* Hactenus Cassianus. Cui me libenter adjungo, dummodò, & ipse meminerit, quod ad Septimum, lapsusque Juliani attinet, sordes illas ita hæsisse in capite, ut non descenderint in barbam, neque à barbâ in oram vestimenti ; hoc est, haudquaquam scelere Juliani ceteros Septimianos Monachos fuisse infectos. Interim, ut Sancto Episcopo respondeamus, qui ab anno MCCLIII. à Patrum vestigiis descivisse Cistercienses contendit, sciendum est, apud plerosque pro indubitato haberi, & ita reverà esse, in Cisterciensi scilicet Ordine, si universè spectetur, usque ad hæc ferè nostra tempora, non defuisse Sanctos, non homines doctos, non purpuratos Patres ; rùm & eximie prudentiæ, ac moderationis incomparabilis Pontificem unum : non denique alios, qui Dei Ecclesiam scriptis, ac sanctitate maximè illustrârunt ; ut modò omittam quàmplurimas Virgines Regias, quæ claritatem generis vitæ innocentiam cumulârunt : ut Reges ipsos pro vectæ ætatis Monachos factos silentio involvam, ut non paucos martyrii laureâ decoratos præteream, ut denique taceam gravissimos Cardinales, qui suis consiliis, trepidisque legationibus Christiano Orbi stabilem pacem peperere : illud unum non possum suppressere, Eugenium ipsum Pontificem, cui Ordinis cujuslibet statum exploratum esse oportebat, ac sub quo Julianus lapsus fuerat, eodem ipso tempore, quo in nos strinxerat stylum Antoninus, cur eundem Ordinem tantòpere exornaret, eas attulisse cau-

Æquissima, verissimaque Cisterciensis Ordinis commendatio.

Eugenius 1111.
 ap. 1457. Kal. No-
 vemb. Post. An. 7.
 Emanuel Rodericus
 Comp. Præll. T. 2.

causas, quòd præ ceteris Ordinibus copiosiores in Ecclesiâ Dei fructus asferre perspiceretur. Adeò non inutiles ad eam diem Cistercienses evaserant, ut ceteris Ordinibus à Summis Pontificibus præferrentur. At si Italos Cistercienses, præcipuèque Septimianos revocemus ad calculos, adeò non inutiles reperiemus, ut, & antè Julianum, & post ejusdem lapsum, trepidiora in Republicâ Florentinâ moderarentur munera; ceterorumque Monachorum à Summis Pontificibus evocati lapsos castigaverint mores: tibi que, ò sanctissima anima! non usque eò viluisse videmur, cum excedens è corpore, abiensque ad superos, nostrorum uni, eique, qui postremæ sortis esset, te perspicuè videndam præbueris, ut statim narrabimus. Si verò ideò inutiles nos Antoninus appellat, quod nunquam, vel serò ad suggestum, ad cathedram venimus; utroque pollice sanè subscribimus Sancto: sed tamen in eò non usque adeò à Patrum vestigiis abiisse videmur, quorum est illud solemne monitum; *Monachi officium est, lugere, non docere*. Numini interim ingentes gratiæ sint, quod inter nos non desint adhuc, nec deinceps, Deo benè juvante, sint defuturi, qui cum omnia fecerint, quæ eis præcepta sunt, non modò æquo animo se inutiles vocari patiantur, sed ipsi ex humilitate, atque adeò ex corde dicant: *Servi inutiles sumus*. Quid autem elapsis temporibus Cisterciensis Ordo jacturæ fecerit; quâ verò viâ, quâ vi, ea, quæ modò deflemus, acceperit detrimenta, sequentis libri initium breviter enarrabit.

Monachi officium
 est, lugere, non do-
 cere.

FINIS LIBRI TERTII.



NICOLAI BACCETTI

FLORENTINI

Ex Ordine Cisterciensi Abbatis

SEPTIMIANÆ HISTORIÆ LIBER IV.



LIQUA ergo ex parte corruisse Cisterciensem Ordinem candidè fate-
mur, corruptelam autem illam mo-
rum, quam ipsi quidam appinxisse
videntur, omnino non admittimus.
Nec liquidius, hoc ipsum quod di-
cimus constabit, quàm si jacturæ
ipsius causas, quas vel tempus invexit, vel pro decore
Ecclesiæ infractus ubique, & semper, Ordo ultrò adivit,
proferamus. Ac primò crediderim, Cisterciensem Ordi-
nem nimia suâ felicitate laboravisse: alienæque patuisse
injuriam, è dissitâ illâ vivendi ratione, antequàm scilicet,
opulenta Cœnobia, per Congregationes, ut vocant, coisif-
sent in cœtus; disjunctaque unam Gallicanam originem,
ejus-

Causa non vocatur,
quibus præclara Or-
dinis Cisterciensis
facies inspersa est.

eiusdemque arbitrium, legesque vel rarò latas, vel parùm temporì, ac moribus accommodatas, ambitiosè spectarent.

Bella item, quibus ingruentibus, Ordo Cisterciensis natus, adultus, & provectus est, non minima fuisse causa, cur tot amiserit, deserueritque Cœnobìa: gravesque pro Ecclesiâ cum Principibus viris susceptæ contentiones, eidem florem opum ademerint, inque mediis schismatum flammis haud minorem jacturam fecerit; quippe cui nullus tutior locus videretur esse, quàm ubi veri latuissent Pontifices, idest, quàm unius Galliæ fidelissimi Regni fines: intrâ quos è cetero Orbe iniquis Imperatorum armis, minisque excedere jussi, haud semel magnâ fortunarum jacturâ compulsi sunt.

Sed & hæresum flammis aliquâ ex parte consumtus est, atque confectus. Exstant ejus rei non obscura vestigia in Angliâ, Bohemiâ, Germaniâ, aliisque nobilissimis Provinciis, quas teterrima illa lues infecit. Cum enim novi Evangelii propagatores, idest, pestifera sectæ nefarii administri, novam lucem cœlicus haustam se populo mentirentur afferre; ne suo quæstu impietas careret, ad fluxa, terrenaque, callidâ conversione dilapsi, amplissimos Monasteriorum census, eversis templis, claustrisque deletis, rapacissimè diripuerunt. Namque per hæc eadem ipsa tempora (quò eorum, quæ dicimus, minùs fluxa jam fides sit) quibus ex Juliani lapsu fœda Septimo inspersa macula est, scilicet annò MCCCCXVIII. Hussitæ, teterrimum Hæreticorum genus, impetu factò, totius Bohemiæ celeberrima duo Cisterciensis Ordinis Monasteria, Novæcellæ, videlicet, ac Grumhaim exciderunt; comprehensosque Monachos ad unum omnes crudelissimè trucidarunt: Nec multò post, idest ejus seculi ann. XXI. ipso die Christianis omnibus Spiritus Sancti adventu maximè celebri, iidem Hussitæ, veræ pietatis ofores, successibus exultantes Sedelitz Bohemiæ item illustre Cisterciense Cœ-

Cœnobium, funditus delevere, cujus, qui ad Spiritui Sancto faciendum convenerant Monachi, involuti ruinis, solemnius, lætiúsque eidem Numini facturi evolarunt in cœlum. Nec Aulæ Regiæ nostri instituti, itèm in Bohemia, planè Regio Cœnobio, iidem æquiores fuerunt, quod anno MCCCCXXIX. tantâ crudelitate depopulati sunt, ut Monachos è procerâ arbore suspensos jussissent interire. Mirabile dictu: ex eo, arbori novus vigor, ac viror accessit, hætenùs celebri admiratione mortalium, quòd ii, ex quibus fortissimi Martyres pependere, rami, factò à ceteris quodam quasi divortio, priorique ejuratâ naturâ, tanquàm veræ pietati fidem facturi, frondes deinceptis explicarunt ejusmodi, quæ monachalis caputii æmulentur figuram. His, & similibus casibus, non in Bohemiâ modò, sed & in ceteris Regnis, in quibus liberior Hæreticorum debacchatus est furor, Cisterciensis Ordo propemodùm deletus est. Adeò per ea tempora non inutiles Cistercienses fuere, ut etiam cum innocentia morum parem animi magnitudinem attulerint ad martirium.

Nec minor gloriæ fama, paulò ante, quàm quæ suprâ retulimus, scriberet Antoninus, Italicorum Cisterciensium per ora mortalium volitabat. Hi cum in Adriatico mari, in unâ ex iis Insulis, quam S. Mariæ nomine insignitam, Tremiti, hodiè vulgus appellat, (omnes autem olim Diomedæ fuerunt) ad propitiandum Numen per integrum seculum infedissent: demùm egressi ex Epidauro Latrones, qui circumvicina maria infesta habebant, in divinis laudibus celebrandis occupatos, quæcunque occurrissent direptis, crudelissimè interemerunt. Divinâ interim in Prædones, non benè se vertente anno ita desæviente vindictâ, ut nec eorum posteris ad multos annos pepercerit. Cistercienses autem ex insperatâ clade consternati, tametsi rogati sæpiùs, invitatiq; benignius,

Cistercienses plurimi in divinis laudibus celebrandis occupati à Prædonibus maritimis diripiuntur.

Divina vindicta in sacrilegos Prædones exarscit.

R

nun-

nunquam tamen adduci potuerunt, ut illuc suorum quicumque reverteretur, ut jam hinc impietatis, crudelitatisque ingentia quidem; celeberrimi autem Ordinis vix tenuia in illis Provinciis colligere vestigia possis.

Antiqui Cistercienses locorum insalubrium, & delictorum cultores.

Ipsa etiam Monasteriorum constructio, quæ ut plurimum extrâ Urbes, desertas, atque insalubres occupaverat valles, haud parùm Cistercensi Ordini officisse videtur. Ut enim ipsa per se severior disciplina languidam, timidamque mortalitatem deterret; tùm si squalens, insalubrisque solitudo, accedat, adeò formidabilis evadit, ut ipsius nomen, vel ipsâ memoriâ peracerbum, homines reformident, & horreant. Priscis autem Cistercensibus ita prorsus constitutum erat, ut solitariis, proculque ab omni frequentia Monasteriis uterentur, & insalubriora libenter incoherent. Sederat enim illis, Monasterium damnatorum carceri non absimile esse debere, ad quod ubi quisque venisset, ea, quæ deliquisset in seculo, pro viribus ulcisceretur. Itaque contraxisse languorem, diutino morbo laborasse, pedibus, aliisque membris captum fuisse, summo beneficii loco ponebant. Siquidem adversa quæque tanquam illustriorem filiorum Dei tesseram agnoscebant, quos ille ad beatitudinis stabilem hæreditatem corrigit, & castigat. Hujusmodi tolerantiaæ studium in suis, exemplo, verboque mirificè promovebat Bernardus; cujus exstat epistola illa ad Monachos Trium Fontium, quâ miseros, variisque morbis tentatos, paternè solatur; dehortaturque, ne se Medicorum curationi tradant sanandos, quibus una divina ops antiquissima esse debet: *Scio, inquit, quod regionem habitatis satis infirmam, sed vobis clamandum est, sana me, Domine, & sanabor; saluum me fac, & salvus ero, quoniam laus mea tu es.* Quæ quidem effæta jam, ac propemodùm senescens natura, vix audire sustineat, nedum sufferre libenter. Eam ergo ob rem, Monachis, novæque sobole, innumera Cister.

Sanctissimi Patris Bernardi verba extrema ad infirmos Monasterii Trium Fontium Fratres.

stercienſia Cœnobia exhauriri ſunt cœpta; eorumquo cenſus, quâ profanis uſibus, quâ piis attribui. Fatemur itaque hâc ratione, aliquâ ex parte concidiſſe Ciſtercienſem Ordinem, ac deſuetudine ipſâ conſenuiſſe.

Nec jam ſpontè nutanti, impellendo minimùm valuit falſa vulgi opinio, quæ haud ſalutares Eccleſiæ eos homines putat, quorum nullis vocibus ſuggeſtum perſtrepat, nulloque nixu Cathedra ſeverior intorta rationum jacula vibret; & quorum nil ferè plauſibile appareat, quod vulgi oculos aliquâ cum voluptate, & commo-
modo capiat. Ego, ut ſemper, cùm proborum communi conſenſu ſuſcipiendos duxi, qui hæc actuoſæ vitæ, ut vocant, egregiè munia præſtant; atque ut divinos homines ubique, & ſemper ſum admiratus, præcipuè ſi actuoſæ laudem cum contemplatrice conjungant, quòd eâ ratione ad majorem Dei gloriam ambidextros ſe probent; quod utrâque acie, facti terribiles, pugnent: quòd denique ancipiti gladio ſuccincti ſint propter timores nocturnos: haud tamen illorum perindè ſenſum probare poſſum, quibus, uni contemplatrici intenti, ac dediti, ut inertio otio elumbes, languidi, inutiles, effeminati, ad ſua denique projecti commoda, ſordent. Hi enim dum ita ſentiunt, planè ſe ignorare fatentur, quanti ſit à ceterâ turbâ ſemotos inſtantiâ præcum pulſare cœlum, intimis clamoribus judicem compellare; dum vincat Iſrael, protenſas habere manus; ſoloque buccinæ cantu Hyerico proſternere mœnia: Debhoram denique pugnantem comitari Barachum. Priſcos, ac Sanctos Patres veridicos teſtes habeo, qui cùm in religioſi ſtatus effunduntur præconia; ita rem omnem tractant, ut unam hanc contemplatricis vitæ partem exornare velle videantur. Conſular illos, qui volet, & intelliget me vera narrare. Invaluit interim apud pleroſque non conſultiffimos vulgi opinio, ut tantùm ii ſalutares Eccleſiæ haberentur, qui ceteris tu-

Maximam merentur laudem, qui actuoſam cum contemplatrici viâ conjungunt.

multuariâ illâ ope, præsidio essent, & comodo. In eo tempore parco. Plerisque enim juvari dulce est, & videri, digitoque notari jucundum. Amat enim & publicum probitas, suæque præmia poscit, gestitque laudari. Quid? Quod plerunque:

Jas. Jac. 2.

Major fama sitis est, quàm virtutis?

Quare nil mirum, Cisterciensem Ordinem infrequentem evasisse hoc tempore, qui illam abditam, hoc est, contemplantem vitam abhorrentem à publico, præcipuè sit amplexatus.

Ruinam hanc, meâ quidem sententiâ, funestissimè cumularunt Monasteriorum Commendatarii, ut vocant, quos ut non videar modò, ex domestico dolore injustis velle onerare querelis; ipsissimos Pii V. sanctissimi Pontificis minori cum invidiâ retulero questus, cum patentibus datis literis ad Lateranensis Concilii præscriptum conaretur Commendatarios revocare. *Ex innumeris*, inquit, *curis, quibus sine intermissione vexamur*, illa nobis durissima est, quod tot sacrarum Religionum Conventus suis orbi juribus, passim intercidere conspiciuntur: neque sanè quicquam inexpertum relinquimus, quantum quidem fert difficillima præsentis seculi conditio, quod ad illorum restitutionem pertinere existimamus. Inter ceteros autem Ordo Cisterciensis longè, latèque per Orbem propagatus Nobis frequentius obversatur; cujus tam multa Canobia viris tum doctrinis, tum sanctitate claris olim florentissima, maligno temporum errore, ad nihilum propemodum rediguntur: quod cum aliundè ex toto Orbis plus satis Nobis jampridem innotuit, tum maxime ex recentis visitatione, quam Commissarius, & Procurator Capituli Generalis Cisterciensis in utrâque Sicilia, id Nobis quoque jubentibus, confecit; permolestè intelligimus, quamplurima bujus Regni Monasteria, aut debitis officiis destituta, aut Monachis ob non præstitam alimoniam

Calamitas Ordinis Cisterciensis condicione, S. Pius Pontifex Maximus summo perit motu.

niam deserta, aut omninò collapſa, reſecta, recluſa, patientia, & ut profana habita, qua Religionis cultrix illa vetuſtas tantis ſtipendiis exexit. Hæc pauca ex Pontificiſ literis ſatis ſit adſcripſiſſe; ut indè lector conjectet, ſub ejuſmodi miſeriarum mole, Ciſterciensẽ Ordinem facilè fuiſſe concidere. Quæ utique oportuit advertiſſe Scriptores, ne vecordiæ, deſertique officii nos inauditos damnarent.

Ceterum quoniam per idem tempus ferè, quo noſter Julianus lapſus eſt, è Populeto, etiam noſtri Inſtituti celeberrimo Cœnobio, Petrum Marginet nobilem Monachum, juvenilis abſtulit error; haud me modò tædebit, hujus à Juliani longè diſparem exitum paucis referre, ut hinc divinæ juſtitiaſ ſeveritatem perhorreſcamus, illinc illius clementiæ bonitatem exoſculemur; diſcantque Monachi haud ſatis murorum cuſtodiaſ fidere, niſi etiam vocationem illam ſuam aſſiduis, improbiſque ad virtutem laboribus juvent. Petrus itaque amœnus juvenis, levi impetu (qualis ſæpè adoleſcentum eſt,) primùm in clauſtrum rapitur; atque ex quâdam inconfultâ, tenerâque imagine, quam de virtutis præmiis fortè conceperat, ad diſciplinam accēſſit monaſticam. Sed ut librata fundis faxa, primùm quidem in eo ſtudio immodicè fervere cœpit: mox, ceſſante machinâ, miratus eſt, ſe languere. Et languorem quidem excepit tædium, tædioque ſucceſſit curioſa ceſſatio; quæ item haud reluſtantem compulſit ad fugam. Sacrà ergo clauſtri ſemel ille cuſtodiaſ liber, celebriora oppida circuire effrenis, ganeonibus immiſceri; amatoris indulgere veſaniaſ; pudici thalami jura tentare, frequentiſſimè jurgia ſerere, inconfultius prolata verba prompto, paratoque pugione ulciſci, prodigere propria, aliena ſuraciſſimè conſectari: demùm is penè repentino lapſu effectus eſt, qui multiplici ſcelere pleniffimam faceret fidem, nullum æquè nefarium, ac perditum homi-

num

Petri Marginet
nobilis Monachi
Monasterii Popu-
leti juſtos plauſ-
trepentes.

Nullum equè ne-
farium, ac perditum
hominum genus
eſt, ac eorum, qui
ſemel à religioſa
ſua deſceſſerunt.

multuariâ illâ ope, præsidio essent, & comodo. In eo tempore parco. Plerisque enim juvari dulce est, & videri, digitoque notari jucundum. Amat enim & publicum probitas, suæque præmia poscit, gessitque laudari. Quid? Quod plerunque:

Jas. sup. x.

Major fama sitis est, quàm virtutis?

Quarè nil mirum, Cisterciensem Ordinem infrequentem evasisse hoc tempore, qui illam abditam, hoc est, contemplantem vitam abhorrentem à publico, præcipuè sit amplexatus.

Ruinam hanc, meâ quidem sententiâ, funestissimè cumulârunt Monasteriorum Commendatarii, ut vocant, quos ut non videar modò, ex domestico dolore injustis vel le onerare querelis; ipsissimos Pii V. sanctissimi Pontificis minori cum invidiâ retulero questus, cum patentibus datis literis ad Lateranensis Concilii præscriptum conaretur Commendatarios revocare. *Ex innumeris, inquit, curis, quibus sine intermissione vexamur, illa nobis durissima est, quod tot sacrarum Religionum Conventus suis orbi juribus, passim intercidere conspiciuntur: neque sanè quicquam inexpertum relinquimus, quantum quidem fert difficillima præsentis seculi conditio, quod ad illorum restitutionem pertinere existimamus. Inter ceteros autem Ordo Cisterciensis longè, latèque per Orbem propagatus Nobis frequentius obversatur; cujus tam multa Canobia viris tum doctrinis, tum sanctitate claris olim florentissima, maligno temporum errore, ad nihilum propemodum rediguntur: quod cum aliundè ex toto Orbe plus satis Nobis jampridem innotuit, tum maxime ex recenti visitatione, quam Commissarius, & Procurator Capituli Generalis Cisterciensis in utrâque Sicilia, id Nobis quoque jubentibus, confecit; permolestè intelligimus, quamplurima hujus Regni Monasteria, aut debitis officiis destituta, aut Monachis ob non præstitam alimoniam*

Calamitosâ Ordinis Cisterciensis conditione, & Pius Pontifex Maximus summoque movetur.

niam deserta, aut omninò collapsa, resecta, reclusa, patientia, & ut profana habita, qua Religionis cultrix illa vetustas tantis stipendiis evexit. Hæc pauca ex Pontificiis literis satis sit adscripsisse; ut inde lector conjectet, sub ejusmodi miseriarum mole, Cisterciensem Ordinem facile fuisse concidere. Quæ utique oportuit advertisse Scriptores, ne vecordix, desertique officii nos inauditos damnarent.

Ceterum quoniam per idem tempus ferè, quo noster Julianus lapsus est, è Populeto, etiam nostri Instituti celeberrimo Cœnobio, Petrum Marginet nobilem Monachum, juvenilis abstulit error; haud me modò tædebit, hujus à Juliani longè disparem exitum paucis referre, ut hinc divinæ justitiæ severitatem perhorrescamus, illinc illius clementiæ bonitatem exosculemur; discantque Monachi haud satis murorum custodiæ fidere, nisi etiam vocationem illam suam assiduis, improbisque ad virtutem laboribus juvent. Petrus itaque amœnus juvenis, levi impetu (qualis sæpè adolescentum est,) primùm in claustrum rapitur; atque ex quâdam inconsultâ; tenerâque imagine, quam de virtutis præmiis fortè conceperat, ad disciplinam accessit monasticam. Sed ut librata fundis faxa, primùm quidem in eo studio immodicè fervere cœpit: mox; cessante machinâ, miratus est, se languere. Ex languorem quidem excepit tædium, tædioque successit curiosa cessatio; quæ item haud reluctanter compulit ad fugam. Sacrà ergo claustrî semel ille custodiâ liber, celebriora oppida circuire effrenis, ganeonibus immisceri; amatorix indulgere vesanix; pudici thalami jura tentare; frequentissimè jurgia serere, inconsultius prolata verba prompto, paratoque pugione ulcisci, prodigere propria, aliena furacissimè consecrari: demùm is penè repentino lapsu effectus est, qui multiplici scelere plenissimam faceret fidem, nullum æquè nefarium, ac perditum hominum

Petri Marginet
nobilis Monachi
Monasterii Popu-
leti lapsus plane
stupendus.

Nullum æquè ne-
farium, ac perditum
hominum genus
est, ac eorum, qui
semel à religio-
nis solvuntur.

num

num genus esse, ac eorum, qui semel à religioso statu desciverint. Denique vis in scelerosa vitâ audire progressum? Grassatoribus ducem se præbuit: indè cetera conjice. Sed aliquando tandem inevitabilem iram Numinis cogitatione complexus, quam cœlitus uberior oborta lux, tenebricosæ menti ingerebat subindè: seipsum respexit, ac non sine sui pertimescendo sanè horrore resipuit; iterumque claustro inclusus, eam suis vesanis factis, inauditisque sceleribus multam indixit, quæ omnibus admirationi potius esset, quàm quæ à mortali ferri posse videretur. Nec sic tamen divino amore, sui que odio exæstuans mens quiescebat. Ubi enim dudum patrata scelera, divinaque calentia adhuc beneficia ægram ex dolore recurriscent ad mentem; ex utrorumque contentione, quasi subjectis facibus ita æstuabat, seu furebat verius, ut vix seipsum capiens, è claustro ejulans, pectusque plangens, nudis pedibus, intonso, apertoque capite, luridâ facie, incultâque barbâ prodiret: nullumque celebrius, in quo aliquod admisisset scelus, oppidum præteribat, cujus in oculis (advocatâ prius per præconem confertissimâ concione, proclamatisque ad singulos verberum ictus, sceleribus, nomineque fatentis rei) dirissima non subiret flagella. Quam acerbitatibus plenam diù cum exegisset vitam; longo tandem coronatus martyrio, victor sui, mundi contemptor; Deo charus, cœlitibus omnibus exspectatus evolavit ad præmia.

Interea ex Juliani casu Septimiani Monachi, tanquàm aliquo fatali torpore omnes inhorruiissent, id unum trepidi, suspensique spectabant, quem, scilicet, distracto, miseroque Cœnobio iusta Pontificis ira præfectum destinaret. Sed Eugenius, (ut lenissimum, communemque parentem decebat) ubi primum ecclesiastico telo perculsum præfecturâ jusserat abire Julianum; Dominico Capranicæ Cardinali Firmano Septimianam rem totam com-

Petrus Marginec
ad fœnorem frugem
se recipit.

Eugenius IV. Monasterium Septimianum commendat Dominico Cardinali Capranicæ, cujus præclare doctes recensentur.

commendat. Is ille Capranica est, quem nullæ unquàm tam ingratae literæ silebunt: siquidem ex virtute purpuram consequutus, id totum quod erat, ad eò Ecclesiæ usibus, alienæque sublevandæ addixit inopiæ, ut ex Apostoli sententiâ factus omnia omnibus videretur. In eo ardens Religionis zelus, literarum amor præcipuus, munificentiâ verò tam profusa; ut ex amplo patrimonio, opulentoque sacerdotio nil propemodùm in vitâ attigerit, præter unam plenam anxietatis, & solitudinis procurationem, quo rectius, quicquid illud erat, in egentes, calamitososque distribuatur. Hic igitur cum Septimianos sibi commendatos haud ægrè tulisset; nactus occasionem Florentiam proficiscendi (quò, Ferrariâ, ubi primùm coiverat, grassante postea pestiferâ lue, generale Concilium transferri placuerat) ad Septimianos, ubi eò pervenit, consultò divertens, propius inspicit vulnera, cognoscit causas, solatur mæstos, depositos bono animo esse jubet, simulque secum ipse miratur, ad tam nefanda profligatissimi homini scelera Monachorum tandiù durare patientiam potuisse. Dumque altissimo medendo vulnere consilium explicat, menteque revolvit, cui potissimùm Monachorum tantum onus demandet, trepido succurrebat in tantam rem satis vitii allaturum illum, qui præteritum pessimum exemplum vel oculis ipsis usurpasset. Ergo Septimianorum nullum seligere placebat. Dùm igitur æstuat Capranica, itaque in omnem partem se versat, ut collapsam Septimi disciplinam pro dignitate rei per aliquem egregium ducem, ac præceptorem restituat, delectaque foedissimi lapsus nuper acceptam maculam: opportunè monetur, degere in D. Mariæ Cassinensis instituti Florentino Cœnobio insignis virtutis Monachos duos, quos Gregorii Tuccii, ac Bartholomæi Perii olim Cisterciensium ad omnem pietatem severior excoluerat disciplina; lætusque ad nuncium: benè habet, inquit Firmanus, quòd

quod Cassinenses lac pietatis ipsum, quod è Cisterciensibus pridem abundè suxerunt, in arentes modò, siccosque, vicissim, opportunèque refundent. Hinc rei gerendæ omnem captare occasionem; Pontificem consulere; arcescere, orareque quos admovere operi sibi animi erat; pulcherrimum facinus honorificis verbis extollere; proventus denique spem certam ostendere. Quibus aliquando tandem artibus effecit, ut Timotheus, atque Antonius Cassinenses usu rerum roboratæ virtutis viri, Cisterciensem Monachum induerent, ac Septimianis parente, duceque orbatis se se rarissimum continentiae exemplum præberent. Quorum cùm alterum destinasset in Abbatem, ne interim luculenta Septimianis fieri videretur injuria; si non secùs, ac Julianus, lapsi, alienum imperium accipere cogerentur; eo nomine extollebat viros, tanquam qui ejusdem cum illis regulæ præcepta apprimè callerent; quique nullis peregrinis inficerentur moribus: qui suorum in virtute progressuum parentes, ac institutores Cistercienses agnoscerent: qui ab opulentissimi Cœnobii commodis, ad incommoda Septimi, atque eo tempore cùm angustissimâ re familiari luctantis, non nisi evocati transirent. Tùm suadebat, tametsi illa abessent, illud esse tempori dandum, sinistrae famæ, denique Summi Pontificis arbitrio, atque adeò secundum Pontificem, eorum auctoritati in quorum fide, ac potestate deinceps essent futuri: neque futuras virtutum progressiones prætermisit, quas ex hujusmodi virorum regimine dimanare oportebat; cum præsertim tales accederent, qui magis quàm verbo aliis, spiranti vellent præire exemplo: addebatque, absque dubio illos aliorum commodis victuros, qui ob id ipsum contempsissent, & propria: ac proinde studerent impensius, magis amari, quàm timeri.

Hæc cùm tumultuario, ac graviter ad omnia spontè paratis semel ingessisset Firmanus; ex Pontificis placito

cito statim omnium ingenti gaudio Timotheum olim Benedictinum, tunc verò Cisterciensem, Septimi Abbatem creat. Vir prædicatione omnium, locis, temporibusque percommodus. In paupertate securus, ac fidens erat: in opulentiâ verò haud dissolutus; prudens in iis, quæ ordiretur, sed minùs anxius: ita accuratus, ut sine curis esset: circumspectus ubique, nullibi autem, aut ulli molestus, aut gravis. Quod suarum partium erat, ita agebat, ut aliud omninò agere videretur: se ita sibi per intervalla reddere erat solitus, ut haud suos desereret: omnibus idem erat, sed ex prudentiâ à seipso opportunè factus diversus, non iisdem muneribus omnes impertiebat: ex meritis homines, non autem ex hominibus pensabat merita: idem comis, ac gravis: facilis, ac severus: subtristis, ac lætus: inque nullam partem declivis, omnibus omnia fieri percupiebat.

Itaque cum iis artibus seipsum moderaretur, ceterorum tractaret animos, excoleret mores, suorum in cultu pietatis studia succenderet, virtutes proveheret: effecit tandem, ut maculâ ambigui rumoris detergâ, in pristinum sanctimonix decus, & quidem majori cum gloriâ Hetrusci Cistercienses assererentur. Duo tamen adhuc ægrè concoquebat Timotheus, quæ vicina casui, haud decora suis olim augurabatur futura; Septimi videlicet administratorum frequentiore ad civitatem accessum, quos implicitæ lites, profano veriùs, quàm religioso diversorio, illuc pernoctaturos excipiendos trahebant: tum & Cistelli Monialium cujusque injuriæ pervium, opportunumque pudorem. Locus is est, ut supra meminimus, ad Pinetiam Florentiæ Civitatis Portam, quæ in subjectam Fesulis lætam planiciem ducit: latus, amœnus, cujusque laxitatem ipsi præalti Civitatis muri definiant. Illuc S. Donati Moniales, nobiles feminx immigraverant. Sed sacro Gynæceo nulli ad eam diem satis præalti circumdanti

S

muri

Timotheus primus Cisterciensis, tunc Cisterciensis Monachus à Cardinali Dominico Capranica exsummi Pontificis placito in Abbatem Septimanum elegit.

muri erant. Itaque & muliebris sexus levis, ac loquax, munusculisque dandis, accipiendisque apprimè deditus: tum infrequentia loci: quodque rei caput est, Virginum rarissimus cœtus, dubiis ferendis sermonibus curiosæ Civitati amplam materiem dederat. Angebatur proinde Timotheus, justoque impellente dolore, imminenti utriusque periculo obviam ire constituit. Detulit ergo rem omnem Eugenio Pontifici, qui bonitatem causæ paternæ complexus, luculento edito diplomate, & Moniales è parum tuto Cistello in Sancti Donati Cisterciense item virginale Cœnobium extrà muros Florentiæ, (cui in tenuissimum pulverem fatiscens solum Pulverosi hætenus nomen fecit) primo quoque tempore demigrare præcepit; Septimique ministris pro sacro hospitio esse voluit. Crevit successu temporis in illustre Cœnobium, itaut jam totius Florentiæ nulli, si proprius, ampliorque census sufficeret, concedere videatur. Modò verò cum è divitè Septimi penu, sive quæ ad cultum, sive quæ ad victum sunt, omnia mutuari cogatur, hujusmodi quasi capite censum monasterium, pulchram indotatam puellam antiqui nostri dixeret; cui ad dignitatem tuendam aniculæ matris, hoc est, senescentis Septimi amplior, ditiorque census fuerit opus.

Ceterum adaucti S. Donati cœtus brevi, & quidem amplissimus constitit fructus. Cum enim ex eo tempore in celebri Monasterio cum sanctimonix laude semper virginitas floruerit; tum verò maximè Pauli III. temporibus, ejus virtutum fragrantia totam fermè resperpsit Hetruriam. Itaut cum Hieronyma Ursina Farnesia Castri, Parmæ, Placentiæque Ducissâ insignis pietatis femina, Viterbii sub nomine Visitationis Deiparæ Virginis, ad præscriptum Regulæ D. Benedicti, Monasterium liberalitate tantâ Principe dignâ vellet erigere, ex uno S. Donati Florentino, Cisterciensi quæ Cœnobio sacra Monialium

Eugenius IV. pius
Timotheus Abbas
Septimiani motus
præcibus, Cistelli
Moniales è Cistello
in Cœnobium San-
cti Donati, quod
pulverosum vo-
cant, variis de cau-
sis demigrare præ-
cipit.

Hieronyma Ursi-
na Farnesia è Mo-
nasterio Cisterciensi
S. Donati sacre Mo-
nialium coloniam
conceditur, ad Vi-
terbiense Cœno-
bium sub nomine
Visitationis Deipa-
ræ Virginis erigen-
dum.

lium colonia deducta sit, quæ nobilium illis Virginum profitentium mores formaret.

Luëtabatur interea cum angustâ re familiari novus Abbas Timotheus, adfuitque ægrè luctanti regia planè Capranicæ liberalitas. Is enim ingenti pecuniæ vi solutâ, quæ Juliani scelere, luxuque Septimo disperierant, tandem redemit, magnoque cum fœnore recuperanda curavit. Quin Septimianum Abbatem honorario jure adauxit, ut ex Hetruscis unum, qui in Capranico Romano Collegio à se erecto literis, artibusque excoleretur, quemcunque voluisset, destinaret. Ejusdemque munere Septimiano juri subsunt S. Bernardus Antellensis, ac S. Georgius à Ruballe haud ignobilia sacerdotia.

Hilarem porrò, ac munificum datorem Capranica se præbuit, qui cum alendis, ornandisque Septimianis amplissima, quæ possederat, propemodum effudisset; festivè tamen, ac comiter in divexatum patrimonium suum ludebat, cum diceret, tum se demum Commendatarii personam egregiè sustinuisse, cum alienæ indigentia sublevandæ gratiâ & ipse cœpisset egere. Vir planè memorabilis, qui nec divitiarum opulentiâ diffluere, nec indigentia frangi potuit unquam. Constat ejus nomini debere omnia Septimianos, qui tales ab eo relictî sumus, quales pro dignitate rei vix satis ipsi miramur. Itaque tam generosi Patroni Timotheus adjutus opibus, ornatus beneficiis, ful-
tus consilio, durissimas egestatis enavigavit cotes; atque ad septem annos cum præfuisset, è vivis sublatus est, ingentis spei in Septimo relictâ sobole, moribusque ad pristinam sanctimoniam laudem restitutis. Exstant non modò apud Cistercienses, sed apud Cassinensium etiam non ignobilem quendam scriptorem, ejus viri immortalibus literis commendata præconia.

Quo vitâ functo; Antonio cura Septimi, nullo refragante, mandatur. Hujus nomen multis nostrorum im-

Cardinalis Capranice in Monasterium Septimianorum regia planè munificentia.

Ille, octogono dignum Capranicæ Cardinale dictum de Abbatibus Commendatariis.

Timotheus Abbas Septimianus multatur.

In cuius locum succedit Antonius.

posuit, ut putarent, hunc illum Antonium esse, qui Timothei collega nuper ad Cistercienses transferat. Sed nimirum, & similitudine nominis, & pari sanctimonix laude delusi sunt. Namque is, quem modò damus, quemque Septimo præfecit concors suffragiorum coitio, decem & octo annis ante Cassinensium adventum, relicto seculo, Cisterciense institutum amplexus erat: lumen claustrum, & decus, ut fama est, qui gloriâ filiorum, qui sanctimoniâ vitæ, quique animi moderatione nulli secundus fuit. Memorat in historiis Antoninus Florentinorum Antistes (scribebat autem fermè eo ipso tempore, quo præfecturâ fungebatur Antonius) Septimi pusillum gregem, magnum fuisse factum. Ego si quid conjecturâ assequor, veraque sunt, quæ de gestis Antonii narrantur, hæc scilicet Antonini verba, non tam ad numerum Monachorum, qui extrâ Septimianos fines nondum gressum extulerant, quàm ad eorum lætissimos in virtute progressus libenter retulerim: quanquam nil etiam veter, urrumque intelligi posse: cum postea Pontificum missu ingentem aliorum Monachorum messem probè excoluerint. Ac ex domesticâ quidem animorum sub Antonio culturâ, unum Tuccium interim proferemus, qui conditione pastor, professione Conversus, in humillimo vitæ statu altissimum perfectionis gradum assequutus est. Is in Alpibus Stalis pecuario patre natus, intrâ caulæ gregum ineuntem ætatem exegit. Hunc mater, cum pareret, difficillimo nixu disperit; charique pignoris in curam rusticus pater successit, ac pastoralis in perâ tenellum gestabat puerum, flentique capellarum ubera admovebat. Dixisses eam, cujus insueverat lacti, materno planè affectu moveri, ita ejulanti puero balatibus adblandiebatur, protensisque retrò suffraginibus, patentium mammarum invitabat ad suctum. Ubi verò niti pedibus cœpit; sic hilarulus inter agnos, quasi inter æquales lusit: nisi quòd ple-

Mira de Antonio
Tuccio Converso
Septimiano memora-
ntur.

plerunque attollens oculos, cœlesti spectaculo jucundissimè pascebatur; ad stuporem tùm verò, cùm se se intendentibus tenebris, quasi phrygio opere dirissimè inter punctum syderibus intermicaret. Pueriles autem annos egressus innoxia virgâ devio minabatur armento; septaque fidelissimè noctu circumiens nodoso fuste, & sibi cavebat, & prædabundos, siqui ex insidiis erupissent, lucifugos lupos arcebat. Ubi res tranquillior esset à feris, dispositis nihilominus canum custodiis, ne securitate ipsa langueret, ipse haud procul à grege, provolutus in genua, immotis, evibratisque oculis, contemplando cœlo hærebat. Nulla illi interdiù ad fallendum tempus, tædiumque levandum pastoritia fistula; nulla amatorix levitatis index ex silvestribus floribus pileolo assuta corolla, nulli profani cantus, qui sæpius repetiti per otium, castam primùm libare, mox sæviùs lancinare mentem solent. Ibi ille potiùs fugebat ex arboribus affabrè factam crucem; vel acuminato lapillo, in lapide item, cui major lævitas esset, ejusdem lineabat figuram, ad cujus conspectum Christiani incensus admoneretur officii. Non latuit diù Pastoris juvenis pietas, arque ad meditanda, capiendaque divina, indoles unicè facta. Tuccium qui noverant, jam tùm augurabantur omnes, fore ut impetus ille divinus in magnæ fastigium sanctitatis evaderet, si accurati magistri accessissent præceptiones. Nec vana conjectura fuit. Siquidem hâc de re admonitus Septimianus Antonius, haud ægrè impetravit à patre, ut filium Monacho indutum sibi traderet in disciplinam. Ubi claustrum, annuente patre, lætus inivit Tuccius, ipsius loci admonitu, qui totus tranquillitate, silentioque constaret, in divinorum contemplationem se feliciùs penetrabat, itaut attonitis oculis, menteque à sensibus propemodùm alienatâ secum ipse mansurus hùc illúcque diverteret. Excutebat tamen quandoque alumno hujusmodi divinum soporem provi-

dus

dus magister omninò salubriter, ne scilicet mens sine suo pondere longiùs, altiùsque, quàm par esset, evolare; Apostoli memor, cui contemplanti gravia illa momenta addita erant *stimulus*, scilicet, *carnis*, *Angelusque Sathana*, qui nescio quarum ærumnarum gravissimos infringeret colaphos. Itaque quotidianum pensum laboris, qui ejus status conditionem deceret, exigebat à Tuccio: tùm nudata penitùs animi sensa, sui præterea despicientiam summam, ad contumelias denique, ad opprobria sinceram, veramque læritiam. Quibus coeuntibus, non dubitabat quin cetera felicem exitum essent habitura. Et quidem ità laboribus assiduus exercitus Tuccius est, ut nullus unquam mediastinus, jumentum nullum fuerit, quod majora onera tulerit. Par tamen, infractusque erat ad omnia, quòd ejus mens haud exerraret à scopo, hoc est, ipso Deo, in cujus gratiam omnia latissimè exsequebatur. Ita autem interdù aliis subserviando subibat labores; in nocte iterùm super se divina contemplando elevabatur, ut vità, & moribus illud expressisse Plalmi videretur: *In die mandavit Dominus misericordiam suam, & nocte canticum ejus.*

Seipsum porrò oculorum contuitu, totius habitu faciei; candidà de se confessione non modò communi parenti prodebat; sed etiam obvio cuique penitissima animi sensa nudare paratus erat. Nulla illi ad simulandum scena frontis, nulla à corde dissidentia verba: totus ille simplicitate constabat, & eà quidem, quæ ad priscos sanctiores mores propiùs videretur accedere: nullum ei unquam mendacium extorsit timor, confinxit jocus: nec ad probitatem simulandam, amore sui seductus est. Ut liquidò quæ in perspicuà aquà subîdunt contuemur; sic, ut vidisses, ita & hominis simplicissimos conjecisses mores. Adeò verò seipsum non amavit, ut etiam plus justo desperet. Namque, quòd inter armenta pecorum alitus erat,

se

se despici planè arbitrabatur, si sibi meliùs, ac jumento, à ceteris foret. Ridebatur; arridebat: urgebatur injuriis; gaudebat: scommata, dictèria, salesque in eum à male feriatis jactabantur insolenter; ea ipse non tam refellebat, quàm in se jurè contorta videbatur affirmare, cùm diceret, *stolida mihi lactenti pecora admovent ubera, & sapiam?* Jam ejus in nocte canticum, nunquam intermissæ preces erant, quas ut validiùs, quasi instructam aciem explicaret, Deoque quodammodo vim afferret, abditissimo utebatur secessu: quòd ita crederet, expertusque erat, eo adjumento mentem colligi citiùs, ceterarumque rerum imaginibus exclusis, divinum illapsum dulciùs hauriri.

Septimianorum templum ad latus sacellum habet Divo Bernardo sacrum, quo, per antiquo Cisterciensi ritu, à primarii templi finibus arcerentur mulieres. Hoc fornicatam subterraneam specum habet, quam, cùm per fenestram, vix è solo exstantem tenuem lucem admittat, ipsis perpetuò incubantibus tenebris, tum mortuorum ossibus, quæ illuc ingesta sparsa jacent, veluti sacram animus adeuntium horret. Hùc Numen propitiaturus aderat Tuccius frequentissimus. Ibi illacrymari, hæere immotus, mox furenti similis ululare, peccantium à se, tanquam à peracto reo, dirioribus flagellis repetere pœnas, modò stans, modò provolutus in genua, modò reductis in supplicum morem ad pectus brachiis, modò protensis, confertissimâ suspiriorum phalange impressionem facere cœlo, lacrymarumque tempestate elutâ, demùm serenus, lætitiis omnibus triumphare, sicque vario divini congressus eventu solidas noctes exigere. Ex quibus sanè improbis, piisque laboribus magna, ingentiaque retulisse illum, quæ vitæ puriori magno usui essent, nullus potest ambigere, nisi qui priùs ignoret, effusissimam Dei liberalitatem esse, nullisque unquam mortalium officiis superabi-

rabilem. In iis autem, quibus à Deo ornatus beneficiis est, illud haud crediderim minimum, quòd hujusmodi aliquando cœlesti viso dignatus est, quod & alieni meriti præclarus judex esset, & ad illam nunquam desitutam beatitudinem perveniendi meditantis cupiditatem acueret, cujus divinior species singulari Dei munere mortalibus adhuc aspectibus objiceretur.

Perolvebat divinum pensum Tuccius aliquando pro foribus templi S. Mariæ Magdalenzæ Cistelli Florentini Cœnobii, ac pedetentim obambulans, calentibus suspiriis, obtutibusque anhelabat ad cœlum: cùm ecce illi candidissimus ignis fulgere visus est, qui mox distinctus in radios solezni pompâ, longoque ordine crevit in cœlum. Ut vidit, in subitas, variasque cogitationes prolapsus est, eidemque mox Antoninus, Florentinorum Antistes sanctissimus novum ingessit gaudium, admirationem ademittit; quem triumphi medium cœlites coronati choreis incinxerant, atque ad constitutam pro meritis in cœlo sedem lætissimè devehebant: Ut viri Sancti prospero successu; ut Sanctorum communi gratulatione, novo gaudio elatus Tuccius est! Ex eo lætior illi facies, labor jucundior, reditus ad Deum suavior.

Constitit autem viso fides, quòd illâ ipsâ eadem horâ, quâ Sanctus è vivis excessit, sese contemplanti Tuccio obtulerit suspiciendum. Sed non semel divinus favor rusticanum hominem prosequutus est. Deiparæ icunculâ digitali longitudine Tuccius utebatur, cujus contuitu in exordiendis precibus animum primum volebat incendi, ut imaginibus postea longè superior, in Deo suavius, puriusque conquiesceret. Hanc Majorum nostrorum constans traditio est, simplici viro, innocentique fuisse locutam, ob idque post ejus obitum Religionis ergo spectabili Cistelliani templi loco collocatam; indèque certis, manifestisque claruisse miraculis. In quibus illud, quod
uni

Antonio Tuccio
S. Antonini Archie-
piscopi Florentini
anima ad Deum
prospere, coram
multitudine visendam se
exhibet.

Familia beneficii
à Driparâ Virgine
Antonio Tuccio
decoratur.

uni nostrorum contigit, existit admirandum. Per funis ductum cœtui ad triclinium convocando, Monachus quidam de more Ordinis ex ære fusam, nec minimæ magnitudinis pulsabat campanam, quæ fornice hiscente, undè pendula exstabat, repentino, rectoque lapsu ità capiti pulsantis impacta est; ut cerebro finitimum cœlum altè offensum, omnium de ejus salute desperationem exciverit. Ille inter anxios eluctantis animi anhelitus memor Virginis, quam exprimebat icuncula, tacito, latentique affectu pro incolumitate suâ concipit votum; sensimque, quod violentus ictus attulerat, animi excussit deliquium: relatoque per charorum manus ad lectulum, ita celeriter coivit vulnus, absolutaque sanitas consequuta est, ut ejus quam imploraverat, Virginis citissimam affuisse opem constaret. Mitto cetera admiranda quæ ad eandem iconem Deipara Virgo patravit. Plures enim ex voto tabulas, quæ illic miraculorum testes pendebant, per albo sacelli parieti improvida manus detraxit. Unum subjiciam, cujus ad iconem adhuc ex voto tabula luculentus testis perspicitur. Ægrotaverat Florentiæ jam inde ab adolescentiâ Dominicus, Vincentii Brunacci, optimi Civis filius; (is, qui postea factus Sacerdos, ac Prothonotarius Apostolicus, & S. Petri Majoris Antistes, divinum cultum summâ cum laude promovit) cùmque proximum esset, ut pestiferâ degrassante febri, tumoreque faucium strangulante, ex insperato periret; Margharetæ Guidiæ matris piæ feminæ suasu, propriâque pietate in Virginem, ejus opem implorat, repenti excutit morbum, tabulamque, quæ accepti beneficii referret memoriam, grati animi ergò suspendit. Sed jam ad institutam de Tuccio revertamur historiam.

Hic igitur cùm usque ad exactam ætatem, omnem vitæ partem ex unius Antonii nutu institutam haberet; adeo quæ in sanctioris vitæ cursu occurrunt adversa, nul-

T

lo

Idem Deipara
beneficio eundem
Septimiano Mona-
cho gravissimè de-
contenti, pristina
fides periclitata,
& citissimè restituitur.

lo negotio propulsabat: ut cum voluptate etiam, gratiarumque actione versari in illis videretur. Qui enim ex alieno arbitrio toti dependent, vectorum more, in eum, qui sedet ad clavum, omni jactatâ sollicitudine, cantantes, curisque vacui devehuntur ad portum. Etsi autem sub vitæ finem, reslantibus tentationum ventis, ægrè ad optatum litus videretur posse accedere; enavigavit tamen feliciter. Cùm enim, gravissimo, qui ei postremus fuit, sæviente morbo, anxiam jam ageret animam; qui vitæ mortalium calcaneo, hoc est, postremo exitui solet acrius insidiari, abeunti sese infestum, molestumque objecit: Christianæque disciplinæ mysteria, quantum quidem ex reluctantis verbis conjici potuit, technis, puridisque cavillis apud imperitum, rusticanumque hominem elevare conabatur. Sed ejus pugnæ diutinâ meditatione hostis obarmatum Tuccium offendit. Cùmque callidissimus oppugnator, ut fallat, modò circuit, modò accedit propius, modò in suâ obfirmatum sententiâ, deditâ operâ, ad tempus videtur relinquere, artifque, & ingenii mutatione lassat ægroto in corpore mentem; gnarus Tuccius illius ancipitis pugnæ victoriam in unâ fidei stabilitate positam esse, ictus omnes, intortaque nequissimi ignita tela scuto fidei imperterritus excipiebat, intermortuis subindè vocibus indicans, se libentem, volentemque communi Ecclesiæ arbitratus, fideique subscribere. Ad quinque non minus horas, anceps, atroxque pugna tenuit. Cùmque à reluctantante nil aliud extorqueri posse appareret, Dæmon turpiter victus, fufusque discessit; hic autem cælesti risu plenissimus sincerè victor migravit.

Nec obscurioris famæ sanctitatis sub Antonio, Arsenius Sergaddius Florentinus fuit. Hic cum vetustâ Arsenii nominis majestate, priscam illam Ægyptiorum Patrum severiorem disciplinam iterum in claustra revehere visus est; sermonis parcissimus, intentissimæ meditationis, adeo

Arsenius Sergaddius, Placidus Gaudencius, & Hieronymus Monachi Septimiani, Viri perfectæ, cumulatque virtutis.

adeò verò suprà sensus elatus, ut vel ipso aspectu, & dissolutos terreret, & ad charismata meliora probos videretur impellere. Huic cœvus Placidus Guadagnius bono illo suo odore virtutum Septimianum nomen extrà fines Hetruriæ felicissimè protulit. Utrique verò par Hieronymus ille Dominici, Clarævallis Mediolanensis postea Abbas per maxima sanctimonix decora Cisterciense nomen mirificè propagavit. His perantiqua Clarævallis chronologia quindecim alios addit non inferioris notæ viros, qui Antonianis temporibus præclarissimum, Paulo II. Romano Pontifice jubente, ursère factum, quod statim subjiçiemus.

Mediolanum, Francisci Sfortiæ, fortissimi Ducis parebat legibus. Huic Ascanius Sfortia filius, postea Cardinalis, erat; qui ad tuendam purpuræ dignitatem splendidæ fortunæ conjunctam, pleraque Cisalpinæ Galliæ opulenta sacerdotia commendata habebat: in iis autem Clarævallis Cisterciense Cœnobium, tantæ antiquitatis, si ortum nostri Ordinis spectes, ut ejus fundamenta in annum MCXXXV. hoc est, in Divi Bernardi tempora rejiciantur: ejus denique opulentix, quæ & fortunatissimæ purpuræ sufficere, & maximam multitudinem Monachorum alere posset. Hujus cùm meminit Merula, ita inquit: *Haud longè à Mediolano, velut suburbanum quoddam Monasterium Clarævallis, Bernardo procurante, edificatur, quò primum numerosa Monachorum fraternitas, qui in medium viverent, coivit.* Hoc antequàm Commendatariorum luxus libaret; ut sanctorum Monachorum præclarum domicilium fuit: ita & externarum rerum pertælis certissimum effugium habitum est.

Huc enim aliquando, ut de ceteris taceam, Otho ille Vicecomes, qui ad sexagesimum usque annum, & eo amplius, in armis strenui Ducis partes magis, quàm sacri Antistitis, civili exardente bello, assidue administravit,

quique decumano prælio Turrianorum res, viresque per-
fregit: armis tandem, curisque fessius, partâ undique pace,
amploque Mediolani constituto Imperio, ac Magno Mar-
thæo nepoti fratris filio tradito, Deo, sibi que vacaturus
se contulit. Ubi cum sanctissimorum Monachorum con-
tubernio jucundissimè frueretur; de bellatore egregio,
sacroque Antistite penè Monachus factus anno MCCXCV.
è vitâ discessit.

Verùm cum Monachismi fortunæ cepissent ad
profanos usus transferri; adeò id vitæ genus exolevisse
visum est, ut Monachi ipsi plerumque egestate compulsi
à semel professo officio turpissimè abirent, malè que apud
omnis ordinis homines eo nomine audientes, omnibus
odio essent, atque contemptui. Id autem cum Insu-
briis Cisterciensibus evenisset; beneficio tamen Principum
Sfortiorum nostri Ordinis amantium, in Claravalle adhuc
sub Johanne Puteo Brunello Priore Monachi viginti
quinque, octoque religiosi famuli, quos Conversos vo-
camus, degebant: viri, ut plurimum, nec infimæ nobili-
tatis, nec temendæ doctrinæ; quorum nonneminem Bo-
nifacius Symoneta Abbas Cornu, Cisterciensis, vir sui
seculi politissimæ literaturæ, in iis, quas de persecutio-
nibus Christianis inscripsit epistolas, & alloquatur, & ce-
lebrat: sed tamen qui cupiditate habendi, ut eventus
postea docuit, adeò essent infecti, ut jam communis con-
victus nil pensi haberent, nullâ statarum precum duce-
rentur religione, quique per summum otium, deserto
Claustro, frequentes in Civitate versarentur, & foro.
Doluit vices temporum Ascanius Sfortia, atque, ut erat
ingentis spiritus Princeps, celeberrimi Monasterii, quod
virtutum olîm, ac Principum virorum, qui privatæ vitæ
aliquando se dedissent, omnium confessione tanquàm tu-
tissimum perfugium semper fuisset habitum, haud diu-
tius contumeliam tulit. Itaque à Paulo II. Rom. Pont.
sup.

In Monasterio
Claravallis Medio-
lani tabulam
regulæ discipli-
næ restituisse co-
nstat Ascanius Sfor-
tia.

suppetias petiit, ut pristini illuc, sanctioresque mores restituerentur. Nec diù fuit Pontifici deliberandum, cui hæc tanta cura potissimum demandaretur: occurrere illico in eam cogitationem intento Septimiani Monachi, quorum pristina illa sanctitatis fama jam rediviva, illustriorque per ora omnium non volitabat modò; sed illius seculi doctorum hominum immortalibus literis asserebatur in cælum. In iis Jacobus ille Antiquarius Ludovico Sfortiæ Duci à consiliis, secretisque, ac per id tempus variè literatus, in paucis disertis verbis ex communi famâ testatur Septimianos Monachos *celebre sanctitatis nomen* (ut ipsius verbis utar) *fuisse adeptos*. Hos ergò Summo Pontifici Paulo ad Claram Mediolani Vallem legare placuit. Videbat enim fore vir sapiens, ut Cistercienses, Cistercienses faciliùs lucrarentur, majorque fides adhiberetur iis, quorum cum factis, ipsa verba congruerent; eorumque certius devii vestigia sequerentur, qui sub eodem instituto deserti itineris infractos se duces præstarent.

Sed haud perindè splendida legatio arrisit Antonio; quippè qui nosset, alienos corrigere mores, censoriâ virgâ sumtà, difficilius esse, quàm quòd huiusmodi munus passim, ac leviter usurpari deberet. Tum illum ea suspicio divexabat, ne sanctiorum Monachorum è Septimo detractâ medullâ (quod utique in tantâ re evenire oportebat) ceterorum, qui huiusmodi exemplis destituerentur, industria deinceps langueret. Præterea cogitanti desperationem injicere videbatur exitus rei infelix, quem haud absurdâ conjecturâ sapientiores timebant. Siquidem non erat nescius, illud hominum genus, qui semel in Claustro voluptatibus parere assuevissent, ferè insanabile esse. Quibus suspicionibus semel, & sæpiùs oppugnatus animus, haud dubiè ad negantem partem adigebatur. Interim autem Pontifici federat, & Ascanio Principi rem gratam facere, & tanto discrimine laborantibus opportunam opem

Paulus Sfortia, Ascanio Sfortie rogatus, Monachos Septimianos eligit, ut in Monasterio Mediolanensi Clarentis scis, & auctoribus in seculum revocant.

Insensibiles fore, qui in Claustro voluptatibus parere assueverunt.

opem asserre. Itaque insigni edito diplomate, (in quo præter cetera favorabilia, funestum, minansque religionis telum splendebat utrique intentatum parti, corrigendis scilicet, & correctoribus, ni Pontificis dicto statim audientes essent) Septimianos metu magis ad præclarum opus adegit; quàm quòd ipsi tantæ rei pares esse se arbitrarentur. Serò intellexit Antonius, rem agi seriò. Itaque cùm se collegisset; in eamque rem (quando parendum erat) nervos omnes intendisset, ut ad rem gerendam mitteret opportunos: ex omni Septimiano corpore lectissimos sexdecim Monachos adlegit, Arsenium, videlicet, Placidum, Hieronymum, ac Pacificum, de quibus non nihil suprà, & plura dicemus deinceps, qui paris virtutis duodecim alios, duobus adjunctis famulis, tanquam benè curatam, instructamque familiam ad opus deducerent. In quos sanè illud Cant. appositè cadere videbatur: *Omnes gemellis fetibus, & sterilis non est inter eos*. Hic enim valebat prudentià; illum rerum usus extulerat: alius consiliis dandis, accipiendisque habebatur præcipuus; alterum scripturarum scientia exornarat, ut in utràque fortunâ præsentissima depromeret remedia; illius vitæ sanctitas ceteris religioni erat: nonnulli verò ità victûs parsimoniâ, precumque clarebant instantiâ; ità denique simul omnes sanctioris vitæ præceptis, exemplisque videbantur imbuti, ut instructissimam ad omnem pietatem, atque virtutem secum devehere domum crederentur. Nec ita tamen animatos, atque instructos omisit Antonius sui officii gravissimè admonere; cùm diceret:

Ob id intelligere se, correctionis munus difficillimum esse, atque gravissimum, quòd & vitam ejus, qui corrigit, requireret ab omni labe mundissimam, & nil magis arduum, difficiliusque aggredierentur mortales, quàm lenitatem cum severitate miscere. Utrumque arduum esse; postremum verò tanti laboris, ac sapientia, ut ad id, qui pro-

Antonius Abbas
Septimianus sexdecim
sunt Monachi
Mediolanum mittere,
qui egregium
reformationis
Mediolani Claustrum
opus abficerent.

Sapientissimo,
gravissimèque
Antonius Abbas
Septimianum
verba ad
Monachos, quos
Mediolanum
mittere.

propius collimasset, longè sapientissimus posset haberi: requiri tamen disparis rei raram illam conjunctionem, ne correctoris in irritum caderet labor. Neque enim posse illum, cui non lenitas adsit, crudelitatis notâ carere: nec dissoluti nomine, quem non obarmet severitas. Prorsus militia speciem esse, alienis moribus mendum detrudere. Utrobique enim adhiberi conatus: utrobique contendit: ibi, ut sequutâ pace, victor triumphet; hic, ut sanitate receptâ, animi ad virtutem perennent. Ut ergo illud non magis bellum dicendum, quàm cadem, in quo commissa acies mutuis vulneribus penitus confodiantur ad necem; sic nec correctionem illam dici debere, cujus severitas corrigendos fugaverit, confuderitque. Statuebat proinde, in mendosos opus amore esse, ut utriusque rei pulchra mixtura fieret: illius rei exemplum se Sponsam prabere, qua in Canticis sub nomine putationis vix abhorrente à bello, ut leniorem putationi dexteram admooveret, amanter invitabatur à Sponso: Surge, propera, amica mea, tempus putationis advenit. Ex quibus verbis debere intelligi, correctionis munus, opus amoris esse, quod non nisi aptè Sponsa tractaret. In eo siquidem acui ferrum, sed ad perutile opus; vibrari, sed ad virorem: virgulta secari, sed ne plus aquo luxurient; turgentes quandoque jugulari gemmas, sed ut inde latiores flores erumpant, ac fructuum omnium major ubertas, et copia. Ad hanc igitur putationem, haud absimile pugnamunus se eos provocare dicebat; ut in corrigendo imitari vellent Agricolarum solertiam, qui non tantùm bonas; rectasque arbores colunt, sed illis quoque, quas aliqua depravaverit causa, adminicula, quibus regantur, administrant: alias circumcidunt, ne rami proceritatem premant; quasdam vitio loci infirmas nutriunt: quibusdam alienâ umbrâ laborantibus cælum aperiunt. Secundùm igitur hac illos etiam sapienter videre exhortabatur, quod corrigendo

rum

rum ingenium, quâve ratione foret tractandum, donec quos consuetudinis vitium depravasset, flecterentur in rectum: inde enim certam spem fore, ut tam ii, qui corrigerent, quàm qui corrigerentur, magno suo commodo, gaudioque sentirent correctionis gladium conflatum in vomerem, & objugationis lanceam in falcem versam, non tam laboris, quàm messis uberioris non obscura praeludia.

Quibus ad severitatem, simul, ac lenitatem salubrioribus imbutos præceptis aliquando tandem dimisit Antonius. Qui cum anno MCDLXV. sexto Nonas Octobris Mediolanum venissent; tantâ omnium Ordinum lætitiâ, celebritateque excepti sunt, ut tam illius lætitiæ, quàm Sfortiorum Principum in eam rem munificentiz, scriptor illius sæculi longè doctissimus in familiaribus ad amicum literis honorificè meminerit. Cùmque decimo Calendas Novembris, Clarævallenſe iniissent Cœnobium, perspectis omnibus, IIII. Cal. octo remigrarunt Mediolanum, atque cum Fulginatium Antistite agente pro illustrissimo Ascanio Mariâ Vicecomite Sfortiâ, ad S. Ambrosium (cujus postremus Commendatarius fuit) longâ deliberatione, hoc est, septem mensium, rationem correctionis pensabant. Quos interim multis agitados procellis, narrat verus Chronista Clarævallenſis. Candidè tamen fateor, haud me satis videre, unde tot, tantæque procellæ iis potissimum impendere potuerint, quos ad præclarum facinus evocatos fortunatissimorum Principum favor, ac opes eo tempore tuerentur. Rei tandem exitus me scribentem admonuit, in id maximè Septimianos insudavisse, ut, stirpitùs eradicatis vitiis, fervarent homines, nec potuissent. Id illi; (ut charitate cogente, ad corrigendum accesserant) sævissimam procellam fortasse vocabant, quâ se pèrcelli, agitarique arbitrabantur, dum fratres sibi charissimos certissimo salutis discrimine involvi justissimis lacry-

crymis lamentarentur. Fortasse enim apud istos Insubres Clarævallenses invaluerat opinio illa, id esse mordicè tenendum, quod quisque cùm voveret, reperisset in claustro: hoc est, elumbem quandam, corruptam, dissolutamque vivendi rationem, quam inertissimi quique sequuntur. Quam si illis omninò salubriter extorquere coneris, atque ad ea, quæ aliquando distinxerant, vota compellere; illicò Bernardum proferunt, à quo mutuati fiduciarum sicam in monitores devibrent: *Nihil me Prælati prohibeat horum, quæ promisi; nec plus exigit, quàm promisi. Vota mea, nec augeat sine meâ voluntate, nec minuat sine certâ necessitate.* Quasi verò Bernardus, dum hæc scriberet, pro corruptelâ illâ morum pugnaret, non pro votis, quæ semel emissâ Deo, ipsi ex fide, castèque redduntur. Quando verò à se dissentiret vir gravis, idem ac sanctus, qui ubique & semper tepidos, idest, ad vomitum reverbos infectatur Monachos, pauloque remissiores gravissimè damnat mores: qui idololatriæ scelus, hoc est, propriæ voluntatis obstinatum detestatur arbitrium; qui monachalem amœniorem cultum, in quo quæsitus esset magis color, quam calor, abhorret: qui murorum extruendorum intensiorem curam, cum neglectu morum, deridet?

Hæc itaque peste infectos, hocque errore seductos Clarævallenses illos crediderim, quos corrigendos suscepere Septimiani. Siquidem cùm ad septem menses, Arsenius, Placidusque ejus principes legationis trepidam deliberationem protraxissent, ut deviiis, aversisque opportunitum daretur spatium resipiscendi; nihilque interim omisissent, quod ad lucrandas animas aptissimum esse videretur: spopondissentque, ita se omnia clementer, ita moderatè facturos, ut nil suprâ, nil infrâ, nil denique contra regulam, ad cuius præscriptum vota nuncupavissent, præciperent. Nullus tamen eorum vel precibus delinitus,

V

&c

Verbis D. Bernardi, quæ hactenò fere videntur, abutendum non est.

& monitis, vel denique salutis suæ certissimo discrimine adeò territus fuit; ut bonitate causæ, charitate in proximos, vitæ demum innocentia vincen- tibus manus daret. Omnes enim ad unum, hoc est, viginti quinque Monachi, cum octo Conversis certâ pecuniæ summâ quotannis à Septimianis pendendâ, reformato- ribus lacrymantibus, inspersi abierunt; sustinueruntque, deserto claustro, fratribusque relictis, bini, vel terni, vel etiam singuli, more secularium hominum, vitam exigere. Adeò sæva consuetudinis tyrannis est, adeò difficulter excutitur!

Infelici rei exitu frustratos Septimianos, vehemens dolor oppressit; ita ut luculentissimis datis literis, vix eos post longam sanè tempus Antonius solari potuerit. Inge- rebat in primis dolore ægris, haud semper in potestate medici esse, ut releveretur æger, variumque ferè habere exitum ea, in quibus moliendis maximè conarentur mor- tales; unamque conscientiam pro mille testibus iis esse de- bere, quorum haud operâ factum esset, ut res irritæ caderent: atque ex re præsentî captatâ occasione, subinfe- rebat, fructus amplissimos indè colligi posse; insanabiles scilicet, videri, qui consuetudine jam ipsâ peccarent: adeoque ut perhorrescendum monstrum averfandam con- suetudinem, quæ initium exiguum capit; neglecta verò maximas vires sumit: quæque ut callus tempore factus adimit in probrosis sensum dolendi; quæ denique, quæ in nobis semina virtutum sunt, exstinguit, promovetque pugnantia vicia. Quapropter permagni exilimari debere, abuisse eos! (quando ita Deus, cujus inscrutabilia iudicia, permiserat) quibus consuetudo peccandi, turpissimum obdlexerat callum, ne qui deinceps ad claustra venirent, quasi à morbidis ovibus inficerentur. Illud in agricola- tione præire meritò, ut quæ ferere velimus, prius libere- mus arva fruticibus, hocque tam magnum futuræ messis præludium sine ullo eorum labore, divinâ virgulâ, osci- tan-

Monasterii Cla-
revalis Mediola-
nensis infelix exi-
tus ostendit, quom-
odum inveterata
consuetudinis po-
tens sit.

Loculenta Anto-
nii Abbatî Septi-
miani monitis.

Consuetudinis in-
veterata jugum a-
ctus, ac perime-
scendum.

tantibus non accidisse. Illud præterea Psalmi ex re penè natum attentissimè cogitandum objiciebat: *Ejecisti gentes, & plantasti eos*. Ut in munificum datorem grato, memorique animo essent, qui, ut eos ad fructum uberiores gratis plantaret, repentè illos ejecit, evulsit, qui immemori mente steriles, infructuosique penè aruerant; proinde timidè cogitarent inexorabilem Cœlestis Agricola: falcem esse in infrugiferos, cujus inevitabilem ictum severiora illa verba prævertunt: *Ut quid etiam terram occupat?*

Hæc, & iis similia mœrentibus (tamen ipse etiam maximo dolore arderet) ingerebat Antonius, ut & alieno periculo saperent, & singulari Dei munere illecti haud in tantæ rei mole animum desponderent. Antonii parentis votis respondit Arsenius. Etenim Cœnobio Clarævallis Præfectus; adeò sanctimoniâ vitæ fultus, valuitque consilio, ut ex totius Mediolani primariâ nobilitate innumerales filios Christo genuerit, brevique Claram illam Vallem juxta Propheticum dictum spiritualemente uberatam versam, ei videre contigerit. Hinc illa Galliæ Cispalinæ Cisterciensis Congregatio dextro Numine dimanavit, doctrinâ, ac monasticæ disciplinæ laude viris præstantibus gravis, fetaque semper: cui successu temporis pleraque Insubriæ, munificentia planè regiâ, exadificata Monasteria in possessionem cessere. In cujus modo laudes sat dixisse erit, Arsenio, Placido, Hieronymoque ducibus, ac parentibus, Congregationem illam eò processisse virtutis, ut pulcherrimæ, ac frugiferæ arboris Septimianæ degener ramus nunquam videri potuerit.

Jam Clara Mediolani Vallis, Septimianis cultoribus, *abundabat frumento*, hoc est, pluribus, nobilibusque educatis alumnis, sibi ipsi sufficiebat; cum Reformatores Hetrusci Septimianæ observantiæ desiderio tacti, duceque Pacifico, remigrarunt Florentiam. Sed haud

Galliæ Cispalinæ Congregatio Cisterciensis, doctrinæ, virtutum, ac monasticæ disciplinæ laude continèd mirum in modum conspicua.

Septimiani Reformatores Monachi Clara Vallensis. se verbum in Hetruriam referunt.

ita facilem missionem Arsenius, Placidus, Hieronymusque impetrarunt à filiis, qui à parentum complexu negabant se posse divelli. Et Arsenius quidem, quandiu vixit, Claravallensi Cœnobio præfuit. Hieronymus verò post Arsenii obitum, restitutumque Abbatis honorarium titulum primus Claravallis Abbas est dictus. Placidus verò multo post, idest, anno MCDXCIII. S. Ambrosio Mediolani Majori celeberrimo, ac opulento Cœnobio eandem correctionis medicinam fecit; processitque adeò feliciter cura, ut cum sanctitatem illorum Monachorum revereretur Cardinalis Ascanius: spontè, annuenteque Alexandro VI. Pontifice, ejus Monasterii Commendà, ut vocant, se abdicarit, ingentesque divitias, jura, latifundia, ac honorarios titulos Cisterciensibus Monachis attribuerit; postulavitque, ut liberis Monachorum suffragiis Abbas primo quoque tempore diceretur: Ejus ergo loci primus Abbas creatus est Johannes à Tossignano, ex Placidi Septimiani disciplinà nobilis alumnus; qui postea præcipuà charitate in pauperes, ardentique pietate in Deum nobilitatus est.

Arsenius Cardinalis in Cisterciensibus munificentissimus.

Ceterum, cum Arsenius, Placidus, ac Hieronymus, & sanctissimè vixissent, & præfuisent salubriter; diemque clausissent extremum: à mœstissimis filiis in Claravalle supremo officio demandati sunt; pignus utique futuri certissimi amoris inter Hetruscos Monachos, atque Insubres, ut saluberrimis colligati legibus, mutuàque vicissitudine dignitatum, ubi deinceps in Italià collaberetur, Cisterciensem rem certatim restituerent, restitutamque proferrent.

Jam cum Pacifico reverbos Septimianos exceperat Antonius; receptorumque filiorum sospitate lætissimus, gravis jam annis, urgenteque senio, impar suis humeris onus deponere cogitabat. Itaque filiis suam imbecillitatem excusans, sibi jam jam colligendas esse sarcinulas dicta-

De abdicandæ Abbatis dignitate Antonius sibi cogitavit.

ſtitabat, alterumque propemodum pedem in cymbâ habere; proinde orare ſe, ut ſibi aliquando vacare liceret. Id operis vegetum, operoſum, indefeſſumque requirere, qui ceteris eſſe poſſet exemplo; non defectum viribus ſenem, capularem, ſpiranſque cadaver, quod ceteris ceſſandi materiem daret. Plerosque enim juvenum, majorum exempla ſequi, non illorum æſtimare infirmitatem; eaque amplecti lubentiùs, quæ mollitiei viderint convenire, quàm quæ rectæ, rigidæque rationi favere: eam ob rem ſacrilegium ducere, pertinaciùs id retinere, quod nullâ ratione exſequi poſſet. Habere eos, quibus id onus tuto imponerent, ſequerenturque ad virtutem duces prævalidos: vellent pati modò, ſe in eâ quaſi panegyri ſpectatorem aſſeſſe, qui per ipſos triginta annos, qualemcunque ſe præbuiſſet actorem. Hoc idem ipſum, cùm modò lacrymis, modò precibus, atque ex prudentioribus modò hunc, modò illum, prehensando valentiùs inculcaret; exoraretque, ab invitis tandem miſſionem extorſit veriùs, quam obtinuit: abeuntque munere, Pacificus ſuffectus eſt, is ille, qui nuper Mediolano reverſerat, quique ob correctos Clarævalleniſum mores cum primis illis Septimianis luminibus inclaruſerat.

Interim lætus ſenex Antonius, & ad arbitrium felix nocturnas nihilominùs urgere vigilas, diurnis primus aſſeſſe precibus, poſtremus è templo exire, communi menſæ, ſtatique horis accumbere, parabilibus veſci cibis, occupatis labore divinam lectionem ingerere, ſecedere frequentiſſimè, ſilere ad omnia, prolixiùs, intenſiùsque ad mentis uſque exceſſum orare. Hæc omnia ſtrenuè, hilarique facie obeuntem compellabant ſui, de homine ſubindè non ſine quâdam jucundâ indignatione quærentes, *an illud eſſet ceſſare, ſenilique ætati parcere?* Subridens ille, ceſſationem utique eſſe, reponebat, ſed quæ illum deceret, qui judici propediem foret ſiſtendus.

For-

Abdictonis Antonii religioſiſſima cauſa.

Antonii Abbatis abdictoni Monachi Septimiani inviti conſenſum præbens.

Pacificus unus à poſtſimio Clarævalleniſum Reformatoribus Antonio Abbati ſe ſe munere abdicanti iuſſicitur.

Religioſa pietas, et gratitudo pieſſimi Antonii Abbatis dictum.

Formidosè inter hæc Pacificus tantum onus subibat, quòd invidiosam secum cum vivente prædecesore, & qui tam gloriosi laboris, omnibus acclamantibus, metam tetigerat, contentionem afferre non ignoraret. Itaque cum hinc incomparabili virtutis urgeretur exemplo; illinc existimationis suæ stimulis pungeretur; ad unum spirituale commodum suorum curas omnes convertit: vigilare, orare; labori manuum interesse, communi Psalmodiæ nunquàm deesse; desidiosus solertiæ ducem, plus æquo fervidis se frenum præbere: illos blanditiis, hos durioribus verbis ad officium invitare. Dum verò se præbet exemplum aliis, atque omnem vivendi licentiam severiùs in se castigat; ex diuturnis laboribus, apoplexia, quæ bis eum incassum tentaverat, tertio facta valentior, hæc apud suos agentem quarto suæ præfecturæ anno Pacificum repentinò oppressit interitu, virum insignem, ut ad pectus statua, quam in illo rigore Ordinis apud suos promeruit, abundè declarat. Exprimit illa senem detonsà barbà, totum ad severitatem compositum, graveni, cogitabundum, plenum decoris, priscamque illam monasticam disciplinam undequaque spirantem. Quà quidem desiderium extincti lenire Monachi visi sunt; tametsi præclare facta, quæ statuis omnibus, superbisque Colossis sapientissimè Agelilaus præferre solebat, ita virum præclarum condecorarent, ut tantarum virtutum memoriam nulla unquàm oblivio obscuratura videretur.

Pacificus clarissimus Abbas Septimianus quarto præfecturæ anno repentinò morte exstinguitur.

Agelilai testimonio, præclara faciemus statuis omnibus, superbisque Colossis, antequam extinguitur.

Antonium Abbatem iterum sibi præficient Monachi Septimiani.

Consternati autem Septimiani (ut sunt mortalium cogitationes timidæ) subvereri cœperunt, ne clarissimi viri obitus insperatus in varios hominum sermones incurreret: illud secum reputantes, se in ea tempora incidisse, in quibus nil usitatus esset, nil familiarius, quàm sub fictis criminibus veras fortunas amittere. Itaque ubi primùm extulère defunctum, vocato cœtu, iterum ad præfecturam volentem nolentem rapiunt Antonium. Passus est vir

vir bonus, & sapiens sibi vim adhuc afferti, ne semel examinatis metum videretur augere. Ita tamen interim præerat, ut cum resedissent timores, iterum receptui canere velle videretur. Quod cum animadvertissent plerique, desperarentque se pari virtute posse invenire parentem, qui perpetuo imperaret; de præfecturâ inducendâ ad annum, agitabant sermones. Haud displicebat inventum desidiosius, ac rerum novarum cupidis: inque hanc sententiam promississimi ibant perpetuæ præfecturæ ocores; venerabanturque eâ de re coronas, quibus de aggregandis per Italiam Cœnobiis sanior sensus infederat; omnes denique ea erexerat cogitatio; satiùs multò esse, malum, si eligi contigisset, pati ad tempus, quàm bonum perpetuo regnantem odisse. Ergo cum propemodum jam eâ de re ad Pontificem supplices porrigendi libellos explicarent consilium; haud salutari suorum conspirationi intercessit Antonius: cumque ad prudentiores adisset, adnitebatur illis extorquere hanc mentem, cum diceret: *Et sustinebitis, communi jure electionum everso, peregrinas, novasque leges induci? Si quid in senibus experientia potest, vaticinor jam nunc vobis hoc noxium; Ordini cetero haudquaquam decorum futurum. Scilicet nos soli sapimus, desipiunt ceteri, ut prudentia facem devitiis hoc tempore præferamus. Esto, peccârunt aliqui, dum ex præscripto legum perpetuo imperant; num ideo aquè injuriis, ac qui illas violârunt, innoxias, inauditasque leges damnabimus? Sed fortassè commoda vos trahunt, quæ ex unâ annuâ præfecturâ hauriri posse speratis. De me qualia, quântaque audite. Primum, ex hujusmodi quâdam quasi secessione, apud ceteros Ordinis amantes maximâ invidiâ ardebitis: tum qui ex longiori spe consopitus modò videtur, annuâ illâ vicissitudine, quasi follibus excitatus ambitus reviviscet, ardebit, claustraque sedabit. Præterea, qui ad annum sedebis, timidè*
omni-

Utilissima, sectione
sapiientissima Anto-
ni Abbatis Septimi-
miani in anagiam
Abbatem admini-
stracionem monita.

omninò regnabit, veritus ne si invehatur in vitia, elapso anno, ejus deindè tribunal, iniqua passurus cogatur subire, quem paulo ante justè multaverat. Deindè, vix aliquid insigne, splendidumque moliri audebit, quem tantuli temporis angustia prohibebunt. Quid verò quotannis astus ille comitiorum? Unanimes armabit in discordiam fratres; sanctum evertet otium: jus, fasque confundet, dùm pro se quisque pugnabit, ut evehatur ad sedem. Hac si commoda sunt, sequimini; si minùs, sapite: respicite vos, publicamque rem melioribus fulcite consiliis, secessione ne perditis. Sed nimirum visus est Antonius surdis quasi fabulam canere. Prætulerant enim cuilibet commodo illam ex novis rebus solitam nasci dulcedinem, satisque commodum existimabant, si unius anni angustis, & bonus admoneretur, ne vellet esse tyrannus, & malus cum metam propiorem cerneret, non usquequaque sæviret. Itaque supplicibus ad Pontificem datis libellis, (is erat Sixtus III. ex Franciscanâ familia quondam alumnus) ad id annitentibus Vexillifero justitiæ, Populique Florentini Prioribus, impetrârunt tandem, ut præfectura Septimiana annua esset. Quanquam verò dignitati Antonii pontificium diploma, quoad vixisset, caveret; cessit tamen secundo, ac libens, volensque abiit magistratu: susceptusque ei est Benedictus ex Septimianâ familiâ nobilis Monachus, qui Septimianam rem, quod Deus benè verteret, cœpit ad annum administrare.

Monitis Antonii
Abbas autem non
accommodatus
Monachus Septima-
niæ, præfectura Se-
ptimiana annua
cessit.

Deus præfec-
tum cedit Antonius,
cui ad annum suc-
cedit Benedictus
Monachus Septi-
mianus.

Antonius Abbas
quædam supra tri-
ginta postestatis
laudabiliter exstitit
annis, sanctissimè
vitam cum sancte
commutat.

Antonius autem cùm triginta & quinque annos suæ præfecturæ complexerit; demùm privatus sanctissimè moriens Cisterciensibus sui desiderium fecit, vir planè incomparabilis; virtutis verò, æquitatisque adeò singularis, ut nullum, quoad præfuit, turbârît, nullum compellârît acerbîus, neminem præposterè amârît, neminem oderit; omnibus idem, sui verò ubique & semper simillimus, unâ præsentis majestate cunctos admonebat officii. Habitus

cor-

corporis, ut tradunt, mirificum prodebat ordinem mentis. Procerâ magis, quàm justâ staturâ fuit: eâ verò totius corporis constitutione, quæ inter gracilem, crassio remque consisteret. Oculi sublætâ, latâque fronte verecundè recesserant; acies, quæ clementiæ propior esset, cum tamen vehementer feriret: candida facies, quam plerunque pallor confunderet, tota ad dignitatem composita; lati humeri, castigatus venter, incessus gravis: studebatque maximè in se transferre, quod Bernardo legimus laudi datum, ut nihil scilicet in se admitteret, quod posset offendere intuentes. Nil leve in verbis, nilvè subrusticum, totus sermo, quem suavissimè moliebatur, exprimebat imaginem mentis, quam diù venerati prisca illi Septimiani, demùm ad nos quasi per manus transmiserunt, quam grata imitaretur posteritas.

*Dotes etiam
Antonii Abbatis re-
conferunt.*

FINIS LIBRI QUARTI.





NICOLAI BACCETTI

FLORENTINI

Ex Ordine Cisterciensi Abbatis

SEPTIMIANÆ HISTORIÆ

LIBER V.



OST celebrata Fugalia; hoc est, sub Sixto IIII. præfecturæ perpetuitatem exactam, admirabilis progressio, (ut ferventia sunt novarum rerum initia) cursusque incredibilis ad omnem excellentiam apud Septimianos per aliquot annos factus est.

Patuit enim ex eo optimo cuique quàm latissimus campus, spernentibus plerisque tantuli imperii angustias, hoc est, ad unius præcipitantis anni metam præesse: saniorique consilio studia, conatusque omnes conferentibus ad unius immortalis virtutis æternandam memoriam. Vix enim dici potest, quàm liber animus feliciter progrediatur, quàmque, dimotis acerbis ambitionis curis, ad veram, soli-

Ambitionis periculosissima damna.

X 2

dam-

damque gloriam soleat exultare. Contrà verò ambitio, ceteræque humanæ cupiditatis pestes adeò currenti animo impedimento sunt, moramque moliuntur, ut in ullam partem se commovere posse videatur, nedùm progredi longiùs ad virtutem. Inflamat enim ad præposteram gloriam ambitio, contemptâ virtute, cujus unius ope, vera, solidaque perennare debuerat: partemque excellentissimæ illius libertatis evertit, quam in libris de Republicâ extollit Philosophus, Religiosus status ut salubriorem amplectitur, quæ facit ut aliis præsse possis, & vicissim parere. Ad quam cùm aliquando tandem privatorum consilio Septimiana res revocata fuisse videretur; nil planè mirum fuerit, si per ea novæ administrationis lenissima initia in vacuos ambitione animos tum sanctioris, tum diviniore sapientiæ decora confluxerint. Ejus rei, ut sese dabit occasio, haud vulgaria proferemus exempla. Tamen si modò animi non sit, omnes, qui ad annum Septimo præfuerunt, usque ad Gregorii XIII. tempora, sub quo iterùm, rerum nostrarum conversio facta est, recensere. Cùm enim hoc esset propemodùm infiniti operis, tùm nomenclatura Septimianorum Abbatum ad annum, quam noster Ferdinandus Ughellus digessit in ordinem, quòd nuda sit, parùm juvat scriptorem, itaut qui illorum res præclare gestas conaretur expiscari, haud aliter perditam, irritamque operam poneret, quàm qui retibus, plagisque irrequietos ventos, aurasque se posse venari vanissimè arbitraretur. Noverit interim Lector, omnes ferè quos dabimus vel Septimianos Abbates fuisse; vel viros egregios, qui per Hetruriam non modò, sed etiam per Italiam, Cisterciensem rem mirificè protulère.

Ferdinandus à Vol-
tâ Monachus Se-
ptimianus jure, ac
merito laudatur.

In iis numero ego in primis Bercardum illum à Voltâ nobilem Florentinum, qui Sixto IIII. Pontifici Max. non semel in corrigendis aliorum Monachorum moribus, strenuam operam navasse narratur. Is nobilibus pa-
renti-

rentibus Florentiæ natus, adolescens adhuc, spreto seculo, illibatam in claustrum virginitatem visus est advenisse; itaque probatissimos Monachos imitatus, ut quasi cum lacte matris monasticam disciplinam suxisse videretur. Docile illi ingenium, sive ad virtutem mores informares, sive illum artium excoleres disciplinis. Prætulit autem cuilibet scientiæ sanctimoniam morum, cujus limam integrum annum jussus est subire, antequam artem ullam attingeret. Quibus deinceps per optimos præceptores probè imbutus, non modò non superbìt unquam, verùm etiam seipso in dies demissior evadebat. Ad hunc enim scopum noverat ritè, castèque perceptas artes collimare oportere, scilicet, ut illarum ope ex unius Dei pleniori cognitione collectam, sui quisque despicientiam summam & conciperet, & deprædicaret. Cùm trium & triginta annorum jam juvenis esset; non modò intrà Septimi fines omnium admirationem commovebat, rapiebatque: sed Romæ etiam, famâ prodente secretum, Sixto Pontifici Summo innotuerat.

Itaque cum propè Ferrariam prædices Cœnobium S. Bartholomæo sacrum in viâ morum ita labare contigisset, ut immanem brevi minitaretur ruinam; nutanti fulciendo unum Septimianum Bernardum sapientissimè supposuit. Sixtus. Hoc illud insigne Cœnobium est, quod exiguum antea sacellum, ab urbe Ferrariâ vix mille passus distans, adnitentibus Subino, Ursone, Petro, ac Desiderio, itemque altero Ursone Vitalis filio, nobilebus, ac locupletibus Sacerdotibus, in eam ædium laxitatem, Viatore notæ probitatis viro Ferrariensi Episcopo, excrevit, eoque annuo censu ditatum est; ut haud indignæ sint visæ opes, quas Ludovici tùm Galliarum, tùm Italiæ Regis Christianissimi favorabilia diplomata tuerentur: locumque fortunis omnibus locupletatum XIII. Johannes Pontifex honorario Abbatiz titulo postea cohonestaret.

Nec

*Ad Monasterium
Ferrariense S. Bar-
tholomæi Bernar-
dus à Vitis, sum-
mo Pontifice præ-
cipiente, restituitur
accedit.*

Nec vanâ conjecturâ ducuntur haud infulsi rerum æstimatores, Cœnobium olim Cassinensium ditionis fuisse. Certè collapsæ illuc monasticæ disciplinæ limam correctionis per Cistercienses Septimianos adhibuisse Sixtum, candidè fatentur omnes, reique astruunt fidem favorabilia Pontificia diplomata, quæ Monachis illic degentibus omnia postrema minantur, ni Bernardum à Voltâ Septimianum correctorem admittant. Quæ cùm legissem attentius; non obscure in illis subindicari animadverti, irritâ aliquando operâ, in eâ correctione versatum fuisse Bernardum, ac post lenitatem, dirarum ecclesiasticarum rebellibus intentasse mucronem, cùm ad calcem diplomatæ, iisdem, si pergant, Pontifex Sixtus intonet in hæc verba: *Alioquin sententiam, quam idem Bernardus Abbas ritè tulerat in rebelles, ratam habebimus; et faciemus, autore Domino, usque ad satisfactionem condignam inviolabiliter observari.* Quo pontificio telo obarmatus Bernardus rem aliquando tandem perfecit, arceque rebellantium voluntatum obtentâ, eam clementiæ legem victis dicere aggressus est, quæ veram adveheret, non adimeret libertatem. Fausto rei exitu delectatus Angelus Capranica Cardinalis Cœnobii Commendatarius, Capranicæ illius, cujus suprâ cum laude meminimus, frater, tantam de viri virtute concepit opinionem; ut opulento, suâ sponte, exutus proventu in unum Septimianum Bernardum, sanctioris monasticæ disciplinæ assertorem libenter refuderit. Egregii tùm facti, tùm inauditæ hætenus liberalitatis memoriam, prægrandis lapis in D. Bartholomæi templo in hæc verba insculptam habet: *Angelus Cardinalis Tituli S. Crucis in Hierusalem, Abbatiam hanc D. Bartholomæi destitutam, ac penè collapsam, Bernardo D. Salvatoris Ordinis Cisterciensis alma Urbis Florentia Monacho resignavit, &c.* Alii siquidem, qui præcesserant, Commendatariis beatissimis intentis proven-

Angelus Cardina-
lis Capranica Abba-
tium S. Bartholo-
mæi, cujus Com-
mendatarius erat,
Bernardo à Voltâ
sponte tradidit.

ventibus; cœperant labascere parietes, Monachique admodum infrequentes eò loci divinum cultum egerimè promovebant.

At Bernardus ut tanto ditatus Cœnobio est, ut erat egregiè pius, haud opum illectus dulcedine cessavit: quin accuratior factus, non priùs quievit, quàm restitutis omnibus, pristinus splendor veteri, ac celeberrimo Monasterio accesserit; fortunisque omnibus denique locupletatum, ac sanctioribus ornatum moribus, factà sibi ad id potestate ab Innocentio VIII. Septimi juris fecerit. Eò autem liberalitas hæc tantà cum pietate conjuncta spectabat, ut quasi postliminiò réceptis, conjunctisque, quæ seorsum lababant, Monasteriis Cisterciensis Ordinis, Septimiani olim Monachi amplam crescerent in Provinciam. Scilicet hanc Bernardi curam jampridè præclarum Cassinensium factum acuerat, qui primi anno MCCCC. ne Commendatariorum diutiùs paterent injuriæ, utque sanctiùs ad claustrî secretum monasticam disciplinam excolerent, sub iisdem legibus quasi in orbem coiverant. Tum stimulaverat virum Martinus ille Vargas ex Ordine Cisterciensi clarissimus Monachus, qui anno MCCCCXV. ordinem suum propemodum senescentem, ac moribus, opibusque jamjam effœtum opportunè miseratus, sejuncta per Hispaniam Cisterciensia Cœnobîa quamplurima, ideoque alieno luxui opportuna; ad unius Dei cultum ampliorem, fortunarumque tutelam, sub iisdem legibus conspirare coëgit, perpetuâ præfecturâ suppressâ, annuâque inductâ, quæ magis tempori conveniret.

Ea rerum Hispanicarum conversio torsit mirabiliter Gallos, quorum per ea tempora in universum Ordinem jus summum erat, adeòut privilegiorum nostri Ordinis compiler, illud tam præclarum inventum toti Ordini inflictam plagam, factiosamque secessionem vocitans, amarioribus excellentem virum traduxerit verbis. Ceterum

rùm pulcherrimi facti brevi constitit fructus, itaut postea pœnituerit Gallos, & eâ dissolutâ administrandi ratione tanti Ordinis pessundedisse fortunas, & primos, ut prudentes viros decebat, non tulisse hanc laudem.

Hispanis Cisterciensibus Monachis multùm tenetur universis Ordo Cisterciensis.

Ex eâ enim Monasteriorum salubri coitione, vix dici possit, quot illustrium disciplinarum in Hispaniâ fontes eruperint, quotvè in Ordine postea floruerint Sancti. Absit verbo invidia. Neque cunctanter, neque timidè mihi jam asserere posse videor, perantiquum Cisterciensium Monachorum splendorem illum, doctrinam, eximiamque sanctimoniam laudem, ex unâ Castellana Congregatione ubertim jam colligi posse, tametsi ceterum Ordinem, quod Deus avertat, contingeret deperire. Hunc, inquam, magnâ cum Italæ gentis laude deinceps subsequutus est Bernardus à Voltâ Septimianus; hætenusque successit adeò, ut haud pœnitendi progressus laudent industriam autoris.

Johannis à Barrerâ Fulientium Insuperioris brevis historia, & elogium rexitur.

Seriùs, adolescentibus nobis, Johannes à Barrerâ nobilis Gallus horum vestigia gloriosè est consequutus. Hic cum Fuliense Cœnobium Presbiter secularis commendatum haberet, indignumque arbitraretur (ut erat ingenui pudoris retinentissimus) si Cisterciensium fortunis domesticum aleret splendorem, nullâque officii significatione tantum Ordinem coleret; post diutinam deliberationem, ad rei novitatem totâ ferè Galliâ suspensâ, ex insperato Cisterciensem Monachum induit, ascitisque focis, qui tantæ rei moli pares humeros admoverent; eò vitæ severioris progressus est, ut convictu, ceterisque regulæ ritibus, tametsi longè dispari cultu vestium, severissimi Ordinis prisca incunabula illa videretur referre. Sub Gregorii XIII. excessum, ac Sixti V. principatûs initia; digressum è Galliâ hominem, Roma mirata est; adeò, que per Romanorum Pontificum liberalitatem vetus Cisterciensis revocata temperatio crevit; ut quæ jam Gallia, Ita-

Italiaque sub ejus ductu non temnenda Monasteria habet, quamplurima numerentur. Quin plura in Galliis, Aragoniæque Regno in eam vivendi formam coire, dum hæc scriberemus, lætissimus afferebatur nuncius. Quod salubre inventum esse, libera hominis Galli vox, Vincentii illius Longaspà olim in Romanâ Curiâ causarum Ordinis generalis Oratoris testata est, cum nostrorum Septimianorum Florentiæ, ordinem vitæ, morumque disciplinam admirans ex intimo pectore exclamaret: *Non est salus, nisi in Congregatione*. Nec Calabros Monachos demùm hoc latuit; quanquàm magno suo incommodo usque ad hæc nostra tempora, tanquam Acesteus mollis Nauta, in statione cessaverint. De quibus postea nonnihil fortasse narrabimus, cum de Montis Amiati, ad historiæ calcem, celebri Monasterio mentio fiet.

Sed ad Bernardum nostrum jam redeamus. Is eâ singulari liberalitate Italicæ Cisterciensi Congregationi jactis fundamentis, tantam omnium ordinum de se movit expectationem, ut qui Reipublicæ Florentinæ sedebat ad clavum, tantam virtutem intrâ unius septa claustrî diutiùs non sit passus latere. Hospitalis domus recipiendis, fovendisque ægrotis Florentiæ est, quam S. Mariam Novam vulgus appellat, unius quidem familiæ Portinariorum inprimis opulentæ, ac nobilis olim liberalitate fundata: sensim verò decedentium civium, adeò piis quampluribus aucta legatis, ut in tam præclarum opus certatim omnes amplissimas fortunas suas contulisse videantur. Quorum juris erat, ii neque è plebe aliquem, neque sordidum, neque immitem, neque rapacem hujusmodi administrationi admoveere solebant. Itaque sanctioris vitæ laude Bernardo florente, contigit Xenodochium Rectore destitui. Jam omnium oculi in unum Bernardum, tanquàm oneri parem futurum convertebantur; jam furtivis vulgi sermonibus Pater pauperum salutabatur: eve-

Xenodochium
Florentinum Sanctæ
Mariæ Novæ
nobilibus Portina-
riorum olim libera-
litate fundatum.

Bernardus à Vol-
tî Abbas Ordinis
Cisterciensis in Re-
giem Florentinam
Xenodochii Sanctæ
Mariæ Novæ levi-
tus elegitur.

Y

nit.

nitque tandem omnium ex voto, ut in eam curarum maximam adlegeretur. Quanquam verò nonnisi invitus excedebar è clauſtro, dùm tamen ad omnia egregia intento succurrebat omnium animos demerendi ſibi quàm latiffimum campum aperiri, ad hujufmodi curſum laboris exhauriendum, minùs gravatè videbatur accingi. Ergo cùm præpotentium civium rogatu eam provinciam ſuſcepiſſet, opinionem omnium ſuperavit. Ipſe ægrotos ſolari, alere ſplendidiùs, famulorum miniſteria conſultiùs diſponere, imperare munditias, periclitantibus aſſeſſe, à miniſtris omnem vivendi luxuriam amovere, nihil demùm omittere, quod in languentium tùm animi, tùm corporis ſalutem eſſe videretur. Cùm noctu ſe ſopori deſiſſet, ubi primùm ſollicitam mentem exciverant negotia, clanculùm ſurgebat è lecto, ſuſuſque in preces, futuræ diei felicem exitum poſtulabat à cælo: mox crepidis abjectis, ſoleatus tantùm, ſuſpenſoque gradu, ne veſtigiiis ſe prementibus proderetur, ſe conferebat ad ægros, viſurus an aliquid, qui excubabant per vices oppreſſi ſomno, delinquerent. Quos ubi muneri reperiſſet intentos, magis magiſque animabat exemplo, urgebat verò acriùs præſentiâ ceſſatores: die verò vel audiebat miniſtros, vel imperabat quæ in poſterùm exſequi vellet, vel ephemerides revocabat ad calculos, vel diſponebat ipſe quæ in ægrotorum curam neceſſaria videbantur. Nunquàm indulſit otio, vel gulæ lenocinatus eſt, aut ad menſam inter fœcundiores calices ſedens, aut ad pompam per urbem inſtructiori equo ſubveſtus. Quæ cùm indefeſſe ubique, & ſemper exſequeretur, ex diutinis laboribus, ac ſollicitudinibus, gravi contracto morbo, ne obolo quidem, ut Monachum decebat, ex tam opulentâ adminiſtratione ditior, plenus meritis diem clauſit extremum, publicoque civitatis dolore, ac ſplendido funere elatus eſt. Accidit autem dum animam ageret res memoratu digna, quæ tùm ſan-

Veniſſet digni Xenodochionum Reſtoris deſet in agendi ratione Bernardi à Volſi Ciceroniſis Reſtoris Xenodochii Florentini ſanctæ Mariæ Novæ perſpicitur.

Proſperius à copulenti Xenodochii Florentini ſanctæ Mariæ Novæ adminiſtratione Abbaſ Bernardus à Volſi moritur, ſplendideque funere tollitur: quem divino ſpiritu aſſertum hominibus piè creditur.

sanctimoniam viri, tùm prophetiæ spiritum non obscure argueret.

Eximius illi alumnus erat, ex Ferrariensium primariâ nobilitate Monachus nomine Paulus, quem in S. Bartholomæi Cœnobio, dùm illic aleret monasticam disciplinam, Christo genuerat; virum cùm ceteris naturæ dotibus conspicuum, tùm verò maximè parentis Bernardi propiore virtutum imitatione in Cisterciensi Ordine clarum. Hic flens, & ejulans cum sævâ morte luctanti magistro aderat, cùmque continentibus suspiriis quereretur, quòd eadè spiritûs suavitate jampridem conjunctos mors importuna dirimeret, à decedente hujusmodi ferunt retulisse responsum: parceret lacrymis, dolorem detergeret, qui convoluto anno, eadè die, horâque eadè fore parentem insequuturus. Nee prædictioni defuit fides. Cùm enim se se convolvisset annus, Paulus vix morbo tentatus exceptus est lectulo, eadèque die, horâque eadè novo elatus gaudio abiturus in parentis amplexus, lætissimè mortuus est.

Ceterùm Bernardum, suavissimæ memoriæ virum, Septimiani lignè ad pectus statuâ oblivioni utcùmque eripuerunt, quæ virum melioris seculi repræsentet, itaut cùm in illam obtutum converteris, nonnisi unum è priscis illis Ægypti patribus intueri te credas.

Sub idem ferè tempus ab Innocentio VIII. postulârunt Florentini, ut submotis Septimianis Conversis, ad usum publici sigilli, ejusdem Ordinis Monachi adhiberentur. Causabantur enim rusticos, ac plerùmque imperitos homulos, tametsi integræ fidei essent, in publicis diplomatibus obsignandis, haud exiguo Reipublicæ malo labi: idque si minùs hætenùs frequenter accidisset; hoc ipsum tamen timeri posse; tanti esse, ut trepida res digna posset videri, quæ ad sapientiores rejiceretur. Haud refragatus Florentinorum postulatis Pontifex est: editoque

Conversis Septimianis, quibus olim sigillum publicum creditum fuerat, a motis, auctoritate Pontificiâ, ad usum & cultum ejusdem Epili Monachi Septimiani adhibentur.

peramplio diplomate, Palatio Dominorum, ut olim appellabant, Monachos Septimianos attribuit, quorum publici sigilli usus esset: præsentibus Consulibus sacrum facerent: herile epulum precibus præeundo auspicarentur: iisdemque cibis, quibus Domini, vescerentur. Res nostrorum quibusdam primâ facie decora visâ est, lamentantibus ceteris lautæ gulæ satis amplum promtuarium patefactum fuisse: utri melius, rectiusque judicium tulerint, tempora ipsa, in quæ incidimus, etiam nobis tacentibus, proloquuntur.

Guidonem Monachum Septimianum Innocentius VIII. elegit ad reformandos Camaldulenses Monachos, qui ad Sanctos Angelos Florentiæ degunt.

Nec multò post ab eodem Innocentio VIII. mittitur Guido Monachus Septimianus, Camaldulenses, qui ad Sanctos Angelos Florentiæ degunt, ad severiorem monasticam disciplinam instituturus: vir tùm sacrarum, tùm humanarum literarum peritissimus, Laurentiique Medices bonarum artium fautoris penitissimâ amicitia clarus. Hic cum eam Cœnobii correctionem auspicaretur, quò leniùs procederet, album ejus Ordinis induit cucullum. Eam ob rem Petrus Delphinus Camaldulensium per ea tempora Rector Generalis, ac non temnendæ eloquentiæ vir, tùm in eo corrigendo Cœnobio egregiè navatam operam, tùm candidæ vestis cultum in suis epistolis latinè conscriptis gratulatur Guidoni, nullumque finem facit laudandi hominem, quòd auxerit Monasterium, quòd ad meliorem frugem instituerit Monachos, quòd laudatissimos revocaverit mores, ac nobilioribus excoluerit disciplinis. Adeò verò vir tantus tùm Camaldulensibus, tùm ceteris admirationi fuit, ut Romæ etiam ejus laudes, apud eos, qui pietatem excolerent, garrula fama celebraret. Certè non infrequenter Delphinus ad sui Ordinis colligendam famam, Piccolomineum Cardinalem, qui per id tempus Camaldulenses in suâ fide, ac potestate habebat, ad unius Guidonis virtutum spectaculum suavissimis scriptis literis evocavit. Et quidem ut pro-

Petrus Delphinus Camaldulensium Rector Generalis exquisitis laudibus celebrat Guidonem Monachum Septimianum Florentinorum Camaldulensium Retoratorum.

probis moribus Camaldulenses Guido plurimum juverit, non minus opibus, fortunisque adauxit. Propiori enim gratiæ gradu ad Laurentium Medicem cum accessisset, cum viro verè magnanimo, ac pietatis amante transiit, ut S. Michaelis Aretii opulento sacerdotio ditarentur: obtinuitque quod voluit. Ceteras virtutis laudes Guidonis Septimiani plenius, planiusque cognoscet, qui Petri Delphini nobilissimi Veneti haud incultas latinas epistolas consuluerit.

A Laurentio Medice multo magis pietatis, ac eruditioris cultus Camaldulenses opulento sacerdotio ditari curat Guido Monachus Cisterciensis Septimianus.

Vix se convolverat annus, cum Justus Riccialbanus Patritius Florentinus, ac spectatæ virtutis in Septimo Monachus publicis literis Mutinam evocatus, Misericordiæ, ut vocant, non spernendi proventus Cœnobium Hetruscæ Congregationis nomine, quæ per Italiam jam coibat feliciter, recepit, atque in Cisterciensem Ordinem coopravit. Celebre Cœnobium Sanctimonialium item Cisterciensium sedes fuerat. Accidit autem Sixti IIII. temporibus, ut circumlatus secularium hominum rumor, inclusas, Deoque votas mulieres, incertum verè, an falsò, in invidiam furtim temerati pudoris adduceret. Præerat loco Pellegrina Carpenfis, virilis, atque elati spiritus femina. Itaque cum crebrò huiusmodi de rebus Pontifex interPELLARETUR, verereturque, ne ferendis, jactandisque vulgò sermonibus res ipsa materiam præbuisset: coactus tandem aliquando est, illuc spectatæ virtutis legare viros, qui re propius cognitâ, quid tantâ in re facto opus esset, maturè decernerent. Quæstione itaque institutâ, confertissimi testium cunei iudices fatigabant, quòque res acrius attritebatur, eò pejùs olebat. Igitur post hinc inde consultissima agitata consilia, malè audientes mulieres denique expellendas putârunt: ut illud Christi Domini dictum suo non careret successu: *Auferetur à vobis Regnum, & dabitur genti facienti fructus ejus*. Novis ergo, hoc est, Augustinianis Sanctimonialibus inductis, novos, uberior-

Justi Riccialbani Monachi Septimiani publicis literis Mutinam evocari operâ, Cisterciensium Hetruscæ confectum Cœnobium à Mutinensibus accipiunt.

rioresque sanctioris continentię fructus Mutinenses præstolabantur. Sivè autem infrequens locus, ac extrà celebritatem hominum positus vesanos, sacrilegosque acuebat amantes, sivè sexus garrulitas, crebròque hinc inde transmissa munuscula, literæque amatorie scriptæ sacrum probabant pudorem, præ istis, primæ tolerabiles potuissent videri. Perculit sinistra famæ nuntium ad omnem pietatem erectum Herculem Ferrariensium Ducem; novisque in eam rem ab Innocentio VIII. impetratis iudicibus causa ipsa tulit, ut sicut antea Cistercienses, ita & Augustinianæ demùm ejectæ prædivite Monasterio spoliarentur. Cujus cum nullum exstaret vestigium, quod Cisterciensem temperationem non saperet: res ipsa admonuit, nil opportunius fieri posse, quàm si Cisterciensibus antiquis dominis iterùm attribueretur. Occurrere illicò sanctitatis famâ illustres Septimiani; in quos publicis literis evocatos, hortatu Pontificis, ejus Monasterii jus omne Dux Ferrariensium transferendum curavit. Recepto Monasterio, haud indotatas Augustinianas dimiserunt Septimiani. Siquidem Mutinæ S. Pauli templum, olim nobile Misericordiæ membrum, non sinè proventu ejectis liberalissimè tradiderunt, in quo ad propitiandum Numen certas sibi sedes figere possent. Elapsi aliquot anni erant ab eâ rerum conversione; cùm Pellegrinam Carpensẽ adhuc vegetem feminam acrior cura momordit, scilicet non ferendam esse injuriam, quòd, ut credi volebat, injustè à non melioribus Monialibus prædivite censu spoliata fuisset; harumque mox opes Monachi Thufci vorassent. Itaque haud verita prioris lapsus invidiam, ac si Augustinianarum postremus prioris maculam delevisset, gravi, implicitæque lite Cistercienses divexavit: itaque infracta semel intentatam perursit, ut in ejus favorem iudicibus conspirantibus, sub gravi religionis telo Cistercienses demùm causâ caderent. Verùm dùm

cun-

Hercules Ferrariensium Dux, hortatu Innocentii VIII. Summi Pontificis, Augustinianarum Monasterium exstare Monasterium Septimianæ Cisterciensibus tribuit, & concedit.

cunctanter ea, quæ tribunal censuerat exsequutioni mandantur; dùmque verentur omnes, ne pudor esset, ibi Virginum Deo votarum iterum collocare pudorem, ubi non mediocris ejusdem jactura facta fuisset: utrinque suspensis Alexandri VI. Pontificis autoritas, Atestinique Herculis egregii Principis liberalitas intercessit: qui Pellegrinæ quinquaginta in singulos annos attributis scutatis, & insolubilem propemodum litem perpetuo silentio diremerunt, & Septimianis æternum mansurum Cœnobium adjudicârunt. Ad tantorum Principum sententiam libens volensque, ubi primum ad Pontificatum evectus est, Julius postea II. accessit.

Quâ in dignitate nullum non movit lapidem, ut Gallos per ea tempora rerum Italicarum dominos, ceterorum Principum succinctus armis ex Italiâ extunderet: Eam ob rem apertis legationibus Beneficiarios Ecclesiæ, ab Alfonso Atestino Ferrariensium Duce initio facto, animos sollicitabat. Quem cum sibi adversum, ac Ludovico Galliarum Regi devinctum offendisset, contractis copiis, Duce Francisco Marchione Moravâ, ac undique armorum illato terrore, Mutinam non tam victricibus armis expugnatam, quam ingentibus promissis oppugnatam recepit. Ceterum Principis Alfonsi desertoribus Mutinensibus, pro perfidiæ præmio, annuente Pontifice, Misericordiæ opulentum Cœnobium prædæ coëssit. Qui tanquam belli opimum spoliū Monasterium armati invadunt, direptisque omnibus, immeritos Monachos expulere, ac quasi pannosos homines justo prælio dimicando vicissent; bellico jure usi, sacros Numini census in publicas tabulas retulerunt. Omnino imbellis perfidia est, quæ cum decora non audeat, ad illicita se convertit effrenis.

Inter hæc præliantem Julium, lenta quidem, sed pertinax febris exhaustit: erupitque tandem bonis omnibus exspe-

Misericordiæ opulento Monasterio Cistercienses innumeros spoliantur, & inde expelluntur.

Mori Julii Secreti Summi Pontificis, cui Leo Decimus succedit.

expectatum, ac fœlix, faustumque X. Leonis ævum. Ad quem, cùm ejus jampridè exploratâ clementiâ, Hetruscoque nomine fîsi, de acceptis injuriis à Mutinensibus Septimiani, servato ordine juris, appellassent, præter spem, minùs clementem Leonem experti sunt. Retulit enim supplicibus, Julium quidem, Mutinæ potiundæ causâ, ejus Monasterii largitionem fecisse, se verò ejusdem conservandæ causâ Mutinensibus iterùm adjudicare. Adeò non semper verum est, initia principatûs lenia esse, cùm præsertim novum Principem imminuendi Imperii timor exagitat.

Principatûs initia
non semper lenia
sunt.

Nec cùm Septimianis clementiùs, Clemens VII. se gessit: ille, qui gentilis Leonis, post Hadrianum Pontificem sedit. Nisi quòd eâ de re majori lenitatis specie statuere visus est, quòd redvivam litem passus sit orbitæ judiciariæ Rotæ iterùm subjici. Cucurrit illa aliquandiù Illustrissimo impellente Rangonio; sed nescio quo pacto ab instituto destitit cursu, cum idem Rangonius Cisterciensium Protector renunciatus fuisset.

Paulò melioris fortunæ exitum Ferrariense S. Bartholomæi Cœnobium tulit, dum inter Alfonsum, Juliumque bellum exitiale calêret. Cùm enim Alfonsi milites vicinos Ferrariæ campos tuerentur in armis, ac Pontificiis plerûnque prementibus, laborarent annonâ, fama tenuit à Cisterciensi Abbate nobili, ac generoso viro, ingenti frumenti vi in gratiam Ducis non semel fuisse adjutos. Exarsit scilicet ad nuntium Pontifex, execratusque homines, qui ecclesiastico sumtu profanum militem in se, suosque armassent, nullâ ad exprimendum verum accuratori habitâ quæstione, sed adhuc præ irâ exastuante animo, opimis redditibus, vulgato diplomate, spoliât, adeò tenui, sordidâque mensâ, ut vocant, inauditis relicta, ut ægrè vitam toleraturi viderentur. Habent hoc prorsus invidiosæ opes, ut vecordes mortalium adu-
rant

Gravis invidiosæ
rum opum litcom-
moda.

rant oculos, faciles accusatores inveniant, implacabilemque cupido Judici commoveant iram. Non desponderunt animum Septimiani, quos belli necessitas, militarisque vis à perfidiæ scelere satis poterant vindicare. Itaque defuncto Julio, candidâ innocentia fisci, ex jure reclamant, favitque reclamantibus per ea tempora haud injustum tribunal; si tamen hæc tunc inventi essent, qui repressis non profuturis querelis, justitiam promovissent ad victoriam. Jacemus adhuc nomine tenus tantæ causæ victores, nostrisque opibus sublevati victi triumphant, continentique serie Commendatariis Commendatarii succedentes consuetudine dominandi, jus omne recuperandi amissa, Cisterciensibus ademerunt; quos cum jurisprudentiæ consultis subfelliis bonitas ipsa causæ, veros; justosque dominos proclamaverat. Profuit autem humilis fortuna depositis: ex eo enim adeo se exacuit Hetrusca frugalitas, ut quod reliquum erat, indigna passis Domino benedicente, mirabiliter videatur auxisse.

Interim re, & nomine Maximus Aretinus Monachus Septimianus morte deficiente subtrahitur: vir tunc Latine, tunc Græcè doctissimus, quique, quâ naturæ, quâ divinæ gratiæ ob rarissimas dotes, publico civitatis Florentiæ consensu pro sancto habitus est. Certè in illâ afflictæ, depositæque civitatis continenti, fœdæque tempestate rerum, civium fortunas haud in totum perituras fluctuasse, Maximi precibus sapientiores referebant acceptum. Nullus, ac Maximus magis homines devitavit, nullumque magis, ac Maximum expetivêre mortales. Juvabat omnes ad se adeuntes; desolatos mirificè solabatur, adversâ fortunâ fractos, dejectosque cum monitorum ope, tunc precibus erigebat. Ubi affuisset, ita omnes tanti viri tacitâ quâdam religione perfundeabantur, ac si sanctioris vitæ suavissimus odor à mortalibus sensibili haustu perciperetur. Quoâd vixit, ita civiles, privataeque

Maximus Aretinus Monachus Septimianus pietatis, ac variae eruditionis laude commendatur.

Z

cau-

causas rogatus optimis salivit, condivitque consiliis, ac si, ubi assidue versabatur, eadem attulisset e cœlo. Cum exitu, ea, quæ natæ rei adhibuisset, ita consentanea erant, ut diceres, prophetasse magis, quàm consulisse prudenter. Demùm Florentina civitas, quamdiù ex illius prudentiæ momentis pependit, nutare fortasse potuit, cadere nequaquàm potuit. Hujus itaque in senium vergentē ætate, cum aliquando sævientis morbi impetui non suffecissent vires, in Cistello nostri Ordinis illustri Cœnobio diem clausit extremum. Altissimum tunc concubiæ noctis silentium erat, cum incerto autore totâ urbe trepidus rumor cœpit vagari Maximum Monachum abiisse ad superiores. Nec adhuc incerta lux prodituræ diei præluserat, cum penè omnes quasi lymphati domo egressi, beati hominis inanime corpus certatim veneraturi ad Cistellum pergebant. Illuc promiscui sexus ingens examen, quibus haud satis erat pulsare fores, nisi etiam vim benè firmatis afferrent. Apparebat inconditum vulgus intempestivè invasurum in corpus; illudque præposterâ pietate discerpturum; ni prudenti consilio furens temeritas eluderetur. Apertis ergò foribus irruente multitudine templum complent; simulantque cadaveri calenti aquâ, de more, detrahare maculas, curare funus, ceteramque feralem pompam exquisitiùs apparare. Dumque eâ expectatione distinent vulgus, jam curatum cadaver in semitariam conductam lecticam simulato sarcinæ nomine in Septimum devehendum, furtim attollunt. Intereâ dilatâ, suspensâque spe vulgus marcebat; deditâque operâ, à Monachis in amœnissimos Monasterii hortos penetrandi factâ facultate, intentior ejus Maximum videndi cura aliarum rerum contemplatione sensim languere cœpit. Indè multi ultrò dilapsi, alios jam adulta dies, perstrepenſque forum ad negotia traxit, ignobiliori parti, quæ reliqua erat, edictum, jam populi impetui clam, & pruden-

ter

In celeberrimo
Monasterio Cistelli
Florentiæ diem
clausit extremum
Maximum Aretinum,
de quo mira, fama
publica refert.

ter subtractum fuisse corpus; irent porro quò vellent. Prudens commentum, opportunumque etsi felix eventus exceperat, primoribus tamen civitatis non perindè arrisit. Irritados tamen animos lenivit dies, Maximique corpus interea in communi Monachorum Ossuario effossa terra contextit. Haud tamen clari viri famam humile conditorium obscurasse videtur. Quin adeò apud nos superioris seculi viri memoria suavis est, ut Maximi nomini etiam nunc omnes venerabundi assurgant. Ipsi inanimes, aliquando furentis Arni, ac per latam, explicatamque planitiem hibernis imbribus gravis sese evolventis vortices locum ipsum, ubi conditus Maximus est, subvereri videntur. Rariùs enim ex eo in Septimianum Cœnobium, impetu facto, incurrunt; aut si contingat eò aliquantisper accedere, quantum cedentis, fluxæque subruerit terræ, tantum præpinguis advehit limi, ut largiùs illata damna compenser. Sanè in Maximo nil mihi magis mirandum videtur, quàm quòd nullius adhuc scriptoris decoratus encomiis; nullà spectabiliori sepulcrali pompâ elatus; denique semoto in claustro à puero innutritus, disciplinisque severissimè cultus, obliuioſæ ceteróquin posteritati ad hanc usque diem nunquàm excidere potuerit. Quæ res facit, ut piè suspicer, tantum virum de illorum numero esse, quorum nomina melioribus notis liber ille vitæ inscripta habet, qui surdam mortalitatem occulto illapsu subindè admonens, eos immemori mente præterire non sinit, quos ad imitandum, ceteris mortalibus Deus indulgisse videtur.

Florebat per idem fermè tempus Johannes Medices Magnifici Laurentii filius, ac Pontifici Innocentio propinquâ affinitate conjunctus, qui ab eodem postea purpurâ condecoratus est: deindè ad Pontificiam Sedem subvectus Leo X. est appellatus. Hic cum Prothonotarius Apostolicus Monasterium Morimundi commendatum

haberet, inaudissetque malè audire Monachos, qui illic commorabantur, placuit viro ad omne præclarum facinus paratissimo experiri, an per Septimianos Monachos, ut olim Insubres Clarævallenses, possent ad meliorem frugem traduci. Præerat tunc Septimo Marcus Granacius notissimæ probitatis Monachus, qui Salvium, ac Nicolaum cum delectis viris rei gerendæ aptissimis in gratiam Johannis Medices, imperantisque Innocentii VIII.

Septimiani Monachi à Summo Pontifice ad reformatum Mediolanense Morimundi Monasterium eliguntur.

Mediolanum transmisit: quibus in hæc verba, eam provinciam Pontifex demandabat. *Innocentius Episcopus Servus Servorum Dei* &c. ac paucis interjectis: *Discretionis vestra per Apostolica scripta mandamus, quatenus ad præfatum Monasterium de Morimundo personaliter accedentes, & solum Deum præ oculis habentes, Monasterium ipsum de Morimundo, ac in eo degentes Priorem, & Monachos auctoritate nostrâ visitetis & quæ reformatione, & emendatione ibidem indigere reperietis, reformetis, & emendetis; necnon statuatis, & ordinetis quòd in eodem Monasterio de Morimundo de cetero perpetuis futuris temporibus vigere debeat regularis observantia dicti Ordinis; item ritus, & mores laudabiles eorundem Monachorum dictæ Congregationis S. Bernardi; multaque alia magnificis, splendidisque verbis subjungit, in quibus census pro victu, vestituque statuitur: continenturque pœnæ, præmia, adhortationesque paternæ curæ plenissimæ, quo hujusmodi vitæ genus, qui corrigendi erant, libentius amplecterentur; deterrenturque ecclesiasticæ vindictæ telo, si secùs faciant.*

Mediolanensem Dux, Johannis Cardinalis Medices egregiè operi, se Septimianos Monachos Morimundi Reformationibus succorem præstit & adjutorem.

Ceterùm ne qua exsequendæ rei injiceretur mora, Medices Ducis Mediolani consensum adhibuit, qui honestissimæ causæ favens, delectis ejus reformationis procuratoribus in hæc verba præcepit: *Venerabilibus in Christo DD. Primicerio Mediolanensi, & Paulo de Regnis Præposito* &c. *Dux Mediolani* &c.

Ve-

Venerabilis in Christo nobis dilectus Reverendissimus in Christo Pater D. Johannes de Medicis S. R. E. Cardinalis & Commendator Abbatia, seu Monasterii Sancta Maria de Morimundo Cisterciensis Ordinis Mediolanensis Diœcesis, morem præclarum sequutus, & institutum familiare gentis, nihil magis cupere, & curare videtur, quàm ut qua ad Religionem, & ad divinum cultum pertinent, ubi suâ interest, per Sacerdotes idoneos, eosdemque probos, & sanctos viros administrentur. Quo nihil magis pium, & majori dignum laude agere potest: ejus precibus motus Summus Pontifex utrique vestrum curam delegavit reformandi, & reducendi ad observantiam Monasterium prædictum, & introducendi Monachos Monasterii de Septimo Florentina Diœcesis Congregationis S. Bernardi ejusdem Ordinis, vita sanctimoniam celebre nomen adeptos, qui ceteros Monachos regularem observantiam facere nolentes in eo Monasterio ritibus, & moribus suis instruant, sicut latius constat literis, siue Bullis Sanctitatis suæ, datis Roma apud S. Petrum, Idibus Januarii præsentis anni. Quæ res nobis quoque non potest non grata esse: tum quia ad Dei laudem, & gloriam spectat, cujus nos studiosi sumus, tum quòd vobis demandata est, à quibus omnia rectè, prudenter, & mature transactum iri non dubitamus. Quare vos hortamur, & oneramus, ut qua ejus Sanctitas vobis injunxit, ea omni studio, ac diligentia exsequi, & adimplere curetis; & ita agatis, ut quemadmodum omnibus in rebus semper fecistis, laudem, & commendationem inde relaturi sitis: & si qui ex Monachis dicti Monasterii Morimundi ad observantiam redigi nollent, operam dabitis, ut cum eis pie, humanè, & moderatè agatur, itaut nulla eis debita querela causa relinquatur, sicut nos pro prudentia, & bonitate vestrà facturos nobis persuademus. Papia. Die 26. Maji M. CCCCXCI. Quibus fulti literis, ubi Mediol.

Tertium eius
lapsus Monachorum
Mediolanensium
Morimundi.

lanum pervenerunt Septimiani eandem Morimundianis Monachis causam exstitisse lapsus reperiebant, ac Insu-
bribus Claravallensibus. Nempè solitudo illa, quæ olim
ad pietatis studium exacuebat claustro conclusos, devios,
palatosque, ut in omne licentiis proruerent scelus vehe-
mentiùs accendebat. Hinc, quæ voluptatibus inferviret,
gliscere pecuniæ amor; sensim unicujusque marsupium
peculiare; quod erat communis juris exhaurire sacrilegè:
indè vitiorum monstra, indè nefariæ licentiæ probra pro-
minere ad nauseam. Exhorruerunt in primis Septimia-
norum nomen vecordes; ipsorumque demùm aspectu
itè territi sunt, ut antequàm stringeretur correctionis fer-
rum per summam desidiâ fugam meditarentur. Erant
enim tùm Septimiani severissimi omnium, qui Deo fa-
mularentur: quippe qui & horrentem vestium cultum
usurparent, & illorum parabilis cibus esset, mensaque vel
ad sterilitatem usque frugalis. Tamen autem comiter, &
amanter omnem adhibuissent humanitatem ut propemo-
dùm perditos lucrarentur, ipsi tamen quò liberaliùs ha-
bebantur, eo magis sibi cavebant, ne purioris observantiæ
compedes, ut, ipsi arbitrabantur, injicerentur incautis.
Salvius autem vir navus, & prudens, ad eam enervatam
vivendi rationem consternatis multa salutariter nihilomi-
nùs ingerebat, quò persuaderet deceptis, virtutem ama-
bilem esse, eidemque ab iniquis rerum æstimatoribus in-
juriâ, vel austeritatis, vel morositatis nomen imponi.

Virtutis, vitioque
disparis admodum
dotes.

*Quid enim, inquiebat, dulcius esse potest, quàm se-
cundum rectam rationem vitam traducere? Virtus lata
est, ubi progreditur, ubi etiam suis progressionibus usa,
ad summum provecta fuerit, seipsa quoque contenta.
At vitium undique pungit, ferit, dilacerat animum;
sevamque conscientiam divexando subindè ad atrociora
succendit. Denique destructor anima est, transfuga ra-
tionis, prado virtutum, malè morigeratorum tormentum,
vita*

vita labe, ac sordes: Si quando autem delectare videtur, imponit incautis, philtroque consuetudinis dementat, quo minus sentiat incommodum. Angitur, non nego, primum qui contranitur sensibus: nam ex Domini verbis stricta via est, qua ducit ad vitam; atque ex sensuum titillatione conscelerati latantur, cum lata via sit, quæ ducit ad perditionem: sed si utrorumque exitus pensetur, ex fine, & si tristi sanè commutatione latam illam viam oppidò difficilem experiuntur, quippè qui jure, & meritiò apud Sapientem querantur alicubi: Ambulavimus vias difficiles: illis verò stricta illa, angustaque, lata, explicataque evadet, cum illorum personam sustinens gloriatur Propheta. Viam mandatorum tuorum cucurri, cum dilatasti cor meum. Quam ob rem obnixè monebat, ut ejurato errore sensuum ad unam reginam rationem maturè, judicatòque appellarent, quæ in neutram partem flexibilis irrefragabilem hujusmodi de re posset proferre sententiam. Hæc, & iis similia Salvius ingerendo effecit, ut ex omni numero, quatuor omninò suæ saluti maximè consultum vellent: ceteri consuetudine victi, certaque pecuniæ summâ quotannis pro victu à Septimianis pendendâ contenti, seorsùm, atque diversi, hoc est extrâ claustrum miserrimam vitam tolerârunt.

Ceterùm Septimiani à cœptâ reformatione post decem, non minùs annos, multarum difficultatum victores recepti Monasterii possessionem iniérunt anno MDI. novaque Monachorum, cum iis, qui remanserant inductâ coloniâ, locum perpurgârunt, & mores. Ei autem felicitati ex parte videtur cumulus defuisse, cum quos lucratum venerant ab officio propemodùm fratrum cernerent abiisse.

Interim è vivis excefferat Innocentius, quique in ejus locum successit Alexander VI. non modò præfatam reformationem ratam habuit, verùm etiam Johanne Me-

Alexander VI.
Summus Pontifex
Morimundi Priori
pro tempore, uni-
versis Albulis tri-
buit ornamenta.

Morimundi Mo-
nasterii Mediolanen-
sis primordia deson-
dantur: brevis hi-
storia texitur.

Medice deprecante, nobili, amploque diplomate fovit, cavitque sub interminatorio religionis telo, ne qua introductis gravior aliquando lis intentaretur; nevé bona sive mobilia, sive immobilia, ut vocant, alicujus exactiōni, potestatique subjicerentur; quin Priori pro tempore ea omnia contulit ornamenta, quæ Abbatiali titulo insignitum viderentur decere. Adeo Septimianorum sanctimoniæ odor undequaque diffusus in sui favorem omnes conspirare coegerat!

Sed jam non abs re fuerit perillustri Cœnobii recensere initia, Fundatorumque liberalitatem extollere, quorum fortunis usque ad hæc nostra tempora mirabiliter crevit. Ticinum nobili piscatu, aureis arenis, undarumque perspicuitate celebre Insubriæ Flumen est, quod suam è S. Gothardi montibus, qui olim summæ Alpes fuere, originem trahens, lunato mæandro per Leventinam vallem, illime, vitroque lucidius in Verbanum Lacum devolvitur. Cujus medium in longitudinem rapidissimo cursu interfecans cum desidibus hinc inde undis quasi impetu facto dedignatur misceri. Indèque turbinato exitu inter Aronam, Angleriamque erumpens ingenti aquarum vi ditaturum Padum decurrit. Ceterum totum terræ tractum, quem alluit inter Viglebanum, Abbiatumque, Ticini vallem Sigonius de Regno Italiæ appellat. Hæc ergo in valle, Morimundi Cœnobium tertio ab Abbiato milliaris situm est, itaque ad occidentem solem insanâ murorum structurâ insidet imæ valli, ut ceteram spectabiliorem ædificii partem prominens supercilium valli ad orientem solem excipiat, ostendetque superbis. Templum peramplum est, coëctoque laterculo ad æternitatem firmatum. Cujus exterioris structuræ tanta pulchritudo est, tanta connexio, ut, marmoris Parii defectas, perpolitasque crustas spectator non lividus haud desiderare posse videatur. Intus præalti fornices, quorum deorsum

sùm turbinatè cœuntia extrema lateritiæ prægrandes columnæ suffulciunt, atque intervallo decenti dispositæ efficiunt, ut triplicis ordinis inversâ navi pavementum omne superbè tegatur. Ab arâ maximâ usque ad occidentalem portam sensim, atque clementer solum omne se ità declinat, ut in subjectam vallem lætissimus prospectus pateat contuentibus. Privatim operaturis sacella quatuor ex more Ordinis, quæ altari maximo dextrâ, levâque junguntur, perangustum præbent ingressum. Ad medium dextri fornicis progredientibus ad portam, fornicatum, depictumque sacellum occurrit, liberalitate Innocentii Pinii Florentini Morimundi quondam Abbatis constructum, atque ad propitiandum Numen, Deiparæ Virginis consecratum. Hujus ego aliquando Virginis præsentissimam opem sensi. Cùm enim in eo Monasterio quadraginta & novem natus annos Monachus privatus degerem, ex limosâ aquâ, crassiorique alimento concepto morbo, cœpi prægrandi calculo laborare. Cùmque me passim mortiferi urgerent dolores, in utrumque paratus, lætissimè ancipitis, plenæque angoribus vitæ jeci aleam; Franciscumque Cappellium Papiensem nobilem Chirur- gum subivi. Sécuit ille severè, sed prosperè, itaut promodùm cùm morte confligens illud Hieronymi mecum ipse pervolverem; *Medici, quos vocant Chirurgicos, crudeles putantur, & miseri sunt*. Illigatoque, mirantibus cunctis, duos prægrandes lapides detraxit, postque triginta fermè dies vulnere cœunte convalui. Sed vix intrâ cubiculi fines corperam explicare gressus, cum, qui fortè fortunâ remanserat, orificio virgæ intùs se opponente calculo, ægrè reddebam urinam. Ingemui scilicet post tantos sectionis dolores me non convaluissè sincerè. Ergò adii Virginem, vicemque meam solitariis lacrymis, internoque clamore sum cum illâ conquestus. Quid plura? Non me poenituit fletùs. In thalamum namque re-

Morimundo Me-
dianensi degens
Auctor Deiparæ be-
neticio è gravissima
infirmis periculis
divinitus eximi-
tur.

Aa

græf.

gressum altior somnus oppressit : mox incredibili copiâ perurgente urinæ expergefactus surrexi, interque menjendum ad parvæ siliquæ magnitudinem calculum egressi feliciter, nec deinceps sum tali morbo tentatus. O Virgo utinam, tanti periculi memor, neque immemor beneficii, jam senex quinquagenarius, & eo amplius factus, sic semper, & ubique vivam, & ultimam quamque lucem tanquam non redituram consumam!

Progredientes è choro scala haud multiplicibus gradibus ardua in dormitorium, ut vocant, perducit. Haud ibi exquisitè vetus Architectonica, quicquid occurrerit, molita videtur. Nec secus si ad imas ædificii partes te contuleris. Nisi quod jure mirantur omnes tam insanam molem lateritiis subnixam columnis in eâ iniquitate loci citrà vitium pro tempore, tamdiù perdurare potuisse. Siquid autem novam Architecturam sapit, nostris Septimianis acceptum referendum est: atque in iis præcipuè numero Julianum Pallarcionium, Innocentium Pinium, Antoninum Curradam, ac Eusebium Sarrinium. Quorum postremus Sarrinius in gratiam studiosorum Bibliothecam etiam optimis libris refertam erexit, propriique martis non temnendis monumentis ornavit. Siquidem videntur in ea Angelidos libri tres; piorum item carminum liber unus; quibus adjecit varii argumenti exquisita poemata.

Morimundi Monasterium Julianus Pallarcionius, Innocentius Pinio, Antonio Currado, & Eusebio Sarrinio Septimianis Monachis plurimum debet.

Galli Monachi Cistercienses, iure præbatiſſimæ sanctitatis Morimundi Mediolanensis fundatores.

Hoc igitur tam celebre Monasterium Cistercienses Monachi Galli è Francico Morimundo digressi, post triginta annos à condito Ordine exædificârunt, atque ex ejus Cœnobii nomine, undè exceſſerant, Morimundum dixerunt. Homines quippe uni divinarum rerum dediti contemplationi sterilia non horruerunt salicta, non circumstantium nemorum desiderem aërem, non undequaque ad alendam orizam studioſo ductu stagnantes aquas. Malebant enim cum virtutum progressu ex insalubri aëre variis mor-

morbis tentari , quàm vegeto , fanoque corpore declinare ad vitia . Neque dubitaverim , Regum Gallorum , ac Italarum Principum opibus olim Morimundum crevisse . Certè constat Acciajoliam gentem , (cujus aliquando non ignobilis pars , factionum cogentibus studiis , digressa Florentiâ , Mediolanum nobilitatura , sub Ferrariorum nomine in Insubriâ sedem fixit ,) ad id operis ingentes divitias contulisse . Erat enim ea gens aliquando domi , forisque præpotens , ac opulenta , quæque in Græciâ olim , atque Athenis nobilitata Regibus , atque Principibus latè imperitârît .

*Acciajolia familia
Insubrica .*

Quando verò ejus Monasterii sub Commendatariis interciderint opes , obscura , incertaque fama est : neque nos ejus rei quæsitio valdè sollicitos habuit , quippe qui noveramus , potentiorum inhiantè , insidianteque cupidine , non ita diù in Cisterciensi Ordine permansisse . Nobis sat sit narrasse , sub Medice Johanne , avitâ liberalitate viro præclaro , perantiquum Cisterciensis Ordinis Septimianos recepisse , perpurgâsseque Cœnobium , ac multo post , hoc est , nostrâ propemodùm memoriâ , titulo Abbatiali , quem Pius III. solemnè diplomate suppresserat , cùm Morimundianas opes majori Mediolori Xenodochio pro suâ pietate in pauperes addiceret , attribueretque insignitos fuisse .

In idem ferè tempus incidit , aut certè non multo post , restauratio ad puriores mores S. Ambrosii Majoris Mediolanensis , ut in IIII. libro in transcurso tetigimus . Cùm enim Ascanius Sfortia Cardinalis , Princeps , præter ceteras laudes , verè magnanimus , Commendatarius ejus Cœnobii , sex indè Monachos nigros insigniter exleges expulisset ; ibidemque ex Claravalle , hoc est , ex iis , quos nuper precibus , & operâ Mariæ Blancæ Vicecomitis Sfortiæ , illius , inquam cujus connubio Insubre Imperium ad Sfortianos devolutum est , Mediolori Ducissæ ,

Monasterium Mediolanense S. Ambrosii Majoris reformatum à Clara-vallensibus Septimianus Monachus operis Ascanii Sfortie Cardinalis, cujus eximia Cisterciensibus collata beneficia breviter perstringitur.

Ascaniique matris, Septimiani reformaverant, novamque coloniam, duce nostro Placido induxisset, adeò præclaro operi, succedentique feliciter adjutrices porrexit manus, ut cum spontè opulentâ sanè Commendâ se abdicasset, quæ florenos, ut tunc vocabant, mille quingentos exple-ret: etiam ad bis mille, ut pietas faciliùs promoveretur liberalissimè auxerit de suo. Eam munificam Ascanii cessionem, splendido diplomate Alexander VI. ratam habuit, atque laudavit, attributumque Cisterciensibus Cœnobium Clara-valli eâ lege conjunxit, ut qui in uno Monasterio Monachum induisset, alterius etiam censere-tur alumnus: nigro prætereà uterentur cucullo: atque litarent: triginta duo, non minùs Monachi Dei opus urgerent: certam pecuniæ summam nubilibus dotandis puellis, pauperibus sublevandis, redimendisque captivis, quotan-nis infumerent: jus visitandi, corrigendi penes Ascanium esset. Indè celebris Insubræ Cisterciensis Congregatio-nis gliscens initium. Cum enim hinc Ascanii Principis gravis juvaret autoritas; indè Septimianorum in discipli-nâ monasticâ adhuc profectus teperent, adeò celeris, mi-rabilisque ad pietatem cursus factus est apud Mediolanen-ses, ut intrâ spatium viginti quinque fermè annorum, quæ regiâ liberalitate latè per Insubriam fundata erant, Cla-ravallensibus Septimianorum alumnis Cœnobia cesse-rint. Quorum pro tempore accessiones, cum propriis Monasteriorum nominibus suis reddemus temporibus, cum Septimianum exemplar novis quamplurimis adau-ctum rebus expoliemus.

Jam decimus tertius vertebatur annus, ex quo res Cisterciensis per Hetruriam primùm, perque Cisalpinam Galliam postea mirificè cœperat propagari. Jamque nu-merabantur notæ opulentæ quamplurima recepta Cœ-nobia, cum eos, qui sedebant ad clavum amor, curaque incef-

incessit in unum cœundi. Siquidem pervidebant fore ex eâ animorum consensione ut maxima firmitudo, ac propemodum æternitas quædam vix dùm inchoatis rebus accederet: tùm succurrebat, quàm virtus unita facilè adversa quæque perrumpat; quàmque quasi in orbem collecta sese valentiùs tueatur: suadebat deindè amor, non debere eos, vel levi alienatæ voluntatis signo disjungi, quos sub iisdem legibus unius Dei cultus, idemque vitæ institutum junxisset. Præterea haud vana conjectura erat magis rem successuram feliciter, si eodè omnium dirigerentur conatus, quàm si rem urgerent, diversi. Postremò sibi videbantur modestiæ litaturi, si correctores Hetruscos eâ animorum conspiratione tanquàm certissimi amoris tesserâ perpetuò coluissent.

*Cause, quibus ad
Congregationem
confundendæ Cister-
ciens Italæ moti
sunt.*

Hæc, inquam, tam honesta commoda, neque omninò irritæ spei quamquam deliberaturis affulgerent; diuturnior tamen in deliberando cunctatio fuit, reputantibus sub eodè plerunque cœlo pugnare mores, atque in diversa abire, nedùm eorum dissentire voluntates, quos natura invicem objectis montibus separasset, plus æquo diffusum, ut ferè in corporibus evenit, observantiæ calorem tepescere: peregrinam ubertatem, & copiam, virtutum nervos elidere: remque Septimianam tandiù summâ cum laude stetisse, quamdiù unius Monasterii parietes uni vitæ perfectioni intentos Monachos conclusissent: neque verò tam multitudine, quàm animorum puritate definiri, qui in contemplatrice vitâ sperarentur progressus: demùm æquò duos, tres, finge pauciores si potes, ac mille, & eo ampliùs cœlestis Numinis gratiam promereri, si ritè cœtus inirent.

Itaque cùm rem totam anceps adhuc Superiorum consilium excuteret, divexaretque, inclinaturæ jamjamque parti ob summam auctoritatem postulantium in unam, eandemque publicæ rei consensionem, Tobix Baronii
Mor-

Tobias Baroni
Mormorarii Ar-
bitri Septimiani ple-
nâ moderationis
prolentia, Cister-
cienses omnes Itali-
demis quidem Nea-
politane & Siculis
in unum coarctant.

Galli Cistercienses
perit electi omni Ab-
batibus Mormorarii & mor-
dictis resistentibus.

Mormorarii nobilis Florentini ob virtutes egregias ab anno MCGCCXCIII. usque ad annum MCCCCXCVI. jam ter-
tio Septimiani Abbatis prudentiæ pondus accessit, evicit-
que tandem, ut alacriter omnes Italici nominis Cister-
cienses (si unos Neapolitanos, Siculosque excipias) con-
spirarent in unum. Hic cum ex amplâ domo præclaros
spiritus attulisset in claustrum, atque ex cultu pietatis per-
polisset in dies, ita de publicâ Cisterciensi re sentiebat, ut
quæ ad severioris disciplinæ institutum spectare videren-
tur, ita foveret, ut etiam cum dignitate, cumque decore
conjungeret. Itaque suâ sententiâ juvit, qui Hetruscos,
atque Longobardos salubriter coituos arbitrabantur.
Etsi enim deessent cetera, quæ suprà commemoravimus,
illud unum affirmabat deesse non posse, quod eâ vivendi
ratione, Gallis Cisterciensium rerum dominis Manlianum
illud in Ordinem universum imperium aliquâ ex parte
decideret. Itâ enim Galli per id tempus toti Ordini im-
peritabant, ut cum Generalem, ut vocant, eligendi jus
apud se mordicè retinerent, ab eâque electione ceteras
nobilissimas gentes excluderent, nihilominus tamen ce-
teras nationes Gallicum volebant subire imperium, eoque
perviciæ quandoque processerant, ut privatis, incogni-
tis, sordidisque hominibus dignitates conferrent, recip-
erent transfugas, absolutos, indemnesque in odium eorum,
quos deseruissent, remitterent; Superiores amoverent, ut
libuisset, cetera omnia, vel absentes, imperitque morum,
hoc est, cæci, cæcorumque rectores administrarent.

Mentior, si adhuc apud nos non exstant Alexan-
dri VI. Juliique II. Summorum Pontificum amplissima
diplomata, qui eam rationem publicam rem administran-
di, & detestantur, & prohibent. Prementibus itaque
Gallis, Hetruscos, Insubresque facilius obstituturos con-
tendebat Tobias, si unius cætus homines censerentur.
Salutare placitum, ut tunc quidem videbatur, cum penè
omnes

omnes amplexati fuissent, autoritate Pontificis censuerunt firmandum : idque ut facilius, ac luculentiùs impetrarent, Ludovicum Sfortiam Mediolanensem Principem apud VI. Alexandrum per ea tempora gratiosum adhibuerunt deprecatorem. Non recusavit Sfortia juvare supplices, eoque impensius fecit, quò evocatorum peregrinorum in Italiam armorum jam cum pœnituisse constabat. Cùm enim commutatâ voluntate, cum plerisque Italiz Principibus in Carolum VIII. Neapolitanum jam Regnum adeptum perfidioso animo conspirasset, ac propemodùm sociatis armis victorem Regem fudissent ad Tarum, anxius deindè animi esse cœpit, ne elapso feliciter Carolo, cumque amplioribus copiis ad ulciscendas injurias redituro, temerè deserti fœderis cogeretur dare pœnas. Quam ob rem eos maximè demereri studebat, qui incensis ad Deum precibus, Numinis, iratique victoris impendentem vindictam possent avertere.

Nunquam enim majora, aut splendidiora in Cisterciensem Ordinem Sfortia Ludovicus contulit ornamenta, quàm cum Gallicis armis Italia tota perstreperet. Ergo cum in Ludovici gratiam ab Alexandro in eam rem per amplum dimanasset diploma, Hetrusci, atque Insabres sub nomine unius Congregationis S. Bernardi in Italiâ, tùm primùm, quod benè verteret, coierunt. In eo autem præcipuè ea animorum sub certis legibus conspiratio versabatur, ut Comitium unum omnium esset, quotannis & crearentur, & supprimerentur Magistratus : utque de eligendo Discreto, socioque Prælati easdem omnes, omni fraude seclusâ, leges subirent : itèm qui unius esset, omnium Monasteriorum filius haberetur : ceterùm autoritas summa penès Diffinitores erat : haud tamen eorum autoritate fulti ultrâ continens triennium poterant Prælati in eodem Monasterio eadem munia exercere. Et si autem ad annum Præsides Diffinitorum ex

præ-

Ludovicus Sfortia Mediolanensem Principe rem Cisterciensem Italorum apud Alexandrum VI. regente, Congregatio S. Bernardi, auctoritate Pontificiâ, primò in Italiâ formatur.

Congregationis Cisterciensis Sancti Bernardi primitivæ leges.

præscripto legis auctoritatem æquaret; prohibebatur tamen Monachum de loco in locum transferre, graviaque, & quæ longioris consultationis essent, atque momenti aggredi, nisi gravissimus Visitatorum accessisset consensus. Hæc & similia, quæ consensionem illam decerent, ibi fanciebantur, quæ quoniam brevî usus ipse morum evertit, hic strictim, & parcè placuit recensere.

Exodatur Augustinus Infangarus Monachus septimianus.

Interea in Septimo illustris fama extulerat Augustinum Infangatum nobilem Florentinum, qui præter generis claritatem, adeò monasticis virtutibus claruit, ut haud videatur indignus, quem inter nostri Ordinis viros illustres recenseamus. Hic in primis silentii, ac solitariae cellæ cultor eximius, nonnulla in eo sanctiori secessu literis mandavit, ne in totum hominum nostrorum memoria disperiret. Si qua autem ex Gallis, Hispaniisque mira, virtutesque nostrorum afferebantur, excipiebat ipse calamo, commendabatque quali quali denique stylo poterat, ætasque ferebat, æternitati; ut grata posteritas in aliquem usum suum posset aliquando convertere. Inscriptit autem Chronicon benè gestorum Monachorum Cisterciensium ex originali à se exaratum Angelo Blondo olim Septimiano Abbati, quem citrà fucum colaudans priscis illis patribus confert, ac comparat, ejusdemque in pauperes beneficentiam ita extollit, ut dicat tanti viri famam non apud Italos tantum, sed apud externos, ac ferè à nostro cælo remotos constantissimè se extendisse. Augustino certè ingentes habendæ gratiæ sunt, quòd suâ illâ qualicunque scriptione huic nostro præluserit labori, aperuitque ita viam scribenti, ut deinceps verendum non fuerit, ne in medio cursu nostra hæc abrumperetur historia. Ceterum huic nostro auguror evenisse, quod multis de rebus gestis Sanctorum scriptoribus accidisse constans memoria tradit. Qui cum aliorum virtutes stylo revolverent, proderentque posteritati, sensim, quas ipsi

ipsi tractabant, imbiberunt virtutes, illosque imitatione sunt propius consecuti, quos scriptione in cœlum tollebant. Sic Symeon Metaphrastes exornando Sanctos, sanctus evasit: sic Bernardo non parùm profuit, Malachiam vitam scripsisse: sic ex Martini vitâ, quam edidit Severus Sulpitius sanctimoniam hausit: sic denique Bonaventura, tantus Doctor, cum recenseret facta Francisci, se sanctiorem evasisse pensavit. Nempe in Augustino nostro implacabile in vitia odium; ergâ virtutes verò incredibilis amor ardebat. Illius moderationem æmulabatur; hujus prudentiam ad usum vitæ transferebat utiliter; omnium autem virtutes attentissimâ meditatione suspiciebat, ut vel affectu complecteretur, quod non pertingebat conatus. Denique Infangatus hic noster per omnem vitæ cursum ita se gessit, ut cognominis admonitu nil magis videatur egisse, quàm ut omni cœno, labeque vitiorum careret.

Interim quingentesimus suprâ millesimum à partu Virginis annus inibat cursum: hoc est, aureum illud, faustumque seculum tandem illuxit, quod, sive laudem spectes ingenii, sive fulmina belli desideres, sive operarum cujuscunque artis felicem progressum requiras; non tam tulisse, quàm extrâ numerum ingentia effudisse decora possit videri. In quibus non desuere etiam apud nostros Cistercienses viri, feminaque insigni pietate præstantes, quæ ejus initia aliquo prædicando facinore nobilitarent. Tamen si autem de Septimianis rebus semel instituta narratio haud sinat nos per nobilissimas Christiani Orbis Provincias liberiùs divagari, ut indè rei quam dicimus plura ex nostro Ordine proferamus exempla: unum tamen ex Iberiâ è medio scriptiois cursu, ut ad se divertat, interpellat scribentem, quod nostras has paginas jejuniùs variegatas cœlesti sanè risu possit complere. Fatemur, Septimi non erit fetus: ad Ordinem tamen Cisterciensem

B b

spe-

spectabit , cuius maximum incrementum est Septimum .

Toleti ergo sub ejusdem fermè anni initium Constantia Borrosa virgo clarissima , atque ad S. Clementis Monialium Cisterciensium mater , abiit lætabunda ad Sponsum . Hæc cum à puellâ claustrum coluisset , & cellam , eò vitæ purioris devenerat , ut Angelis ipsis videretur simillima . Inter cetera autem contemplatricis vitæ munia , orandi studio suavissimè rapiebatur , itaut totum animum cœlum , terra verò inanime corpus habere videretur . Cujus continenti , assiduoque usu , adèò Christo Deo familiaris evaserat , ut vices illas amorum , quas sacra Scriptura in Canticis arcano sermone commemorat , felicissimè pateretur . Modò namque invitabat ad oscula Sponsum , modò , ut reditus fierent jucundiores , compellebat ad fugam : præsentem complectebatur acrioribus brachiorum nodis ; absentem verò suspiriis provocabat . Si frequens aderat , lætabatur ; si cunctaretur , moras incusabat amanti : modò solitario se pascebat dolore ; modò hilarior facta floridas , olentesque cum Sponso prodibat ad vineas . Non dies , non nox , non secretum , non forum , quo minùs quæreret Sponsum , amanti poterant injicere moras . Per hostes , per vulnera , perque suæ sortis indigna , interrita pergebat ad Sponsum . Quicquid egerat , amor erat , quicquid pensitaverat , cura ejusdem amoris erat . Denique sic semper , & ubique amabat , ut magis factis quàm linguâ dicere videretur : *Quia amore langueo* . Accidit autem aliquando , ut ex divino congressu facta calentior , in hæc summæ confidentiæ verba prorrumperet : *Cur bone Jesu , qui olim Deus Jacob vocabaris , modo Deus Constantia Sponsa tua non diceris ?* Vix illa finierat , cum sensim oborta lux cubiculo , ubi procubuerat orans , discussit caliginem , atque inaccessibilis lucis medius affuit ipse , quem compellabat amanter . Ex quo cum rursùs dissimulando quæreret , quisnam es-

Constantia Bor-
rosa clarissima Vir-
gine Cisterciensis
Toletana præcipua
donorum Cister-
censium , ac virtutum
insignis referuntur .

set, aut undè tam speciosus venisset? Virginis in amando delectatus ardore, retulit se resurrectionis quidem gloriâ convestitum Deum Constantiæ esse, qui olim vix angulo Judeæ notus, Deus Jacob vocari gaudebat. Ex eo miris, portentisque clara, non multò post è vitâ discessit, cujus apud Deum gradum gratiæ potiore adhuc incorruptum corpus ostentat.

Ex nostris autem tunc quidem regebat Septimum Andreas Pictius magnarum virtutum vir, ac primariæ Florentinæ nobilitatis decus, in quo haud faciliè cerneretur, an major nobilitatis splendor inesset, an cumulatoria honestamenta virtutum: nisi quod utrunque ità vivendo conjunxerat, ut & nobilitatem virtus extolleret, & virtutem nobilitas exornaret. Ceteros, qui secururam illustrium virorum seriem expleturi narrantur, odorabuntur boni Cistercienses meliori illo seculo omninò non fuisse indignos, quod vel in colendâ pietate superârint seipsos, vel dexteritate agendi profuerint alienæ saluti, vel ingenii laude præstantes æquaverint peritiores.

Interim fœderis divulgatum diploma variè Insu-
bres, Hetruscosque affecit. Et si enim ex consensu partium dimanaverat à Pontifice, in futurum tamen eventum (ut plerùmque vel in ipso portu fluctuant mortalium res) omnium cogitationes suspendit. Lætabantur enim plerique advenisse tempus, quo omni sublato dissidio, cor illud unum, & anima una Italis Cisterciensibus restitueretur; tùm aridebat ditioris, ampliorisque cœtus splendidum nomen; juvabat deindè multitudine firmiores censer; erat præterea spes, fore ut illa diversarum nationum permixtio proprii amoris excuteret vitia, acueret ad virtutem. At verò quos diuturnior experientia rerum exercuerat, ii admodum lentè, trepidèque hanc lætitiâ percipiebant, quippe qui arbitrarentur vanissimè res specioso ex nomine pensari, ubi ex eventu penderent: quam

Andreas Pictius
Prælati Septimi-
ni nobilitate, ac
virtutibus conspi-
cui.

ob rem expectandum fore putabant, donèc quasi collatis signis utriusque partis vota, suffragiaque Comitium unum confunderet; indè enim facilè omnes intellecturos quam diuturnitatem consensio illa animorum polliceretur, quàmque præstaret securam. Et quidem haud vana visi sunt prælagire; cum enim primùm ad Comitìa coiissent; utrîque (ut pleraque rerum exordia lanoso gressu procedunt) utrîque, inquam, lenissimè est actum. Siquidem omnium habità ratione, ea sanxerunt, quæ utrîque parti maximè viderentur salubria. At secundo congressu minuta plebs in diversa Monasteria sensim spargi est cœpta; illudque fiebat, ut nullum unius gentis Cœnobium haberet alumnos, sive ut altera pars ad alterius normam morum disceret exigere vitam, sive ut suspecti invicem ægrius vergerent in conspiracyonem. Ut verò tertio contulère suffragia, Comitialiumque voluntates quasi ad cribrum vocatæ sunt; tùm demùm apparuit, quàm rarò sincera fides sit, ubi regnandi cupido semel mentes corruperit. Quid enim illa non tentet, non moliat, atque in omnem se partem versando non tandem efficiat? Si minùs procedat, quod velit, omni ejurato pudore, fursùm deorsùm miscet omnia, ut saltèm pertinaciter agendo videatur fuisse invicta.

Rach sincera fides, ubi regnandi cupido semel mentes veneno ambitionis infect.

FINIS LIBRI QUINTI.



NICOLAI BACCETTI

FLORENTINI

Ex Ordine Cisterciensi Abbatis

SEPTIMIANÆ HISTORIÆ

LIBER VI.



ECURRERANT ab hujusmodi condito fœdere vix quatuor anni, cum discordiæ semen diploma illud societatis fuisse, experientiæ dux ac magister eventus edocuit. Siquidem primò moribus, quos hauserant è diverso cœlo, dissidere cœperunt; mox ex diversitate morum, sensim concepto odio, in deteriorē partem omnia trahere, tum invidiâ subdente facies, acrius invicem infectari; dein imposita munia obire languidiùs; queri liberiùs, quicquid communis juris esset, non æquâ lance pensari: denique ex domestico luxu, Insu-
brum superante potentiâ, ita omnia questibus Monachorum perstrepere, ut Pontifex Alexander non majori

jori ardore animi olim vocârit ad fœdus, quam semel fœdere junctos præcalidis Pontificiis literis dissociaverit. Protegebat adhuc Infubres Ascanius Maria Sfortia, Thufci vero Francisco S. Eustachii Cardinali gravissimo parébant: rem autem Septimianam administrabat ad annum Marcus Granaccius vir nobilis, ac pius, cujus suprà alicubi meminimus, quique in missione illâ Claravallensi haud laudem tulerat mediocrem. Hic ergò ut Præpositi partes ageret, eam Thuscorum Monachorum consternationem cum Cardinali Francisco ita conquestus est, ut diceret, indignum sibi videri sub nomine consensionis, ac fœderis publicam salutem, atque tranquillitatem prodi, denuntiabatque libero ore omniâ certissimè dilapsura discordiâ, quæ olim summis conatibus, curisque ingentibus concordia collegisset: tempusque illud propemodùm advenisse dolebat, quod sanè graves curas olim injecisset Apostolis ipsis, cum quasi Christo diviso, quidam gloriarentur: *Ego quidem sum Pauli, ego autem Cepha; ego verò Apollo; hæcenusque unâ tranquillitate, paceque animorum claustra stetisse, fœdissimè verò lapsa, ubi cœpisset dissolvi.* Proindè si tempore Apostolorum cum adhuc Christi sanguis caleret, tantum impedimenti mensarum ministerium verbo Dei attulit vacaturis, quantum timeri debere tepidis, ac torpentibus exiti discordiam allaturam? Parùm prodesse, addebat, quæ sive solitudinem, malèque devovisse frequentiam, si in ipso secessu animi dissiderent, alienatæque voluntates in mutuam perniciem digladiarentur: omninò præstare corporibus procul esse, animorum verò consensione conjungi. Demùm ubi pax exuler, quicumque cœtus coeat, eum potius censerì debere dicebat, intestini belli seminarium, odii fomitem, discordiarum facem, quàm ad communem quietem salubriter institutum perfugium: ceterùm ut violentis morbis, violenta, acerrimaque remedia adhibere solemus; sic
ejus.

ejusmodi malum sævâ sanè serpigine crescens acerrimo, præsentique remedio censebat esse tollendum. Etenim si quatuor annorum tantula mora tantas turbas potuit commovere; quid putandum est, facturam fuisse ejus fœderis diuturnitatem?

Quâ sanè gravi, justâque querelâ Granaccius Cardinalem Franciscum ità commovit, ut nullâ injectâ morâ in gratiam Septimianorum Alexandrum Pontificem ad priores literas antiquandas nullo negotio traxerit. Itâ autem percussum antea fœdus Alexander convellit: *Nos qui cunctorum Religiosorum paci, & quieti quantum cum Deo possumus, libenter consulimus, Protectorum supplicationibus inclinati, literas nostras Thuscæ, & Lombardia Provinciarum, ac congregationem, unionem, annexionem, & incorporationem, ac ex illis sic invicem unitis congregationem Monasteriorum, Locorum, Abbatum, Prælatorum, & Conventuum dicti Ordinis in Thuscæ, & Lombardia Provinciis prædictis existentem S. Bernardi in Italiâ, hujusmodi congregationem, necnon omnia & singula statuta, decreta, & ordinationes in dictis nostris literis contenta, autoritate Apostolicâ tenore præsentium revocamus, cassamus, & annullamus, ac viribus vacuumus; ipsamque Congregationem S. Bernardi in Italiâ dissolvimus, ac quamlibet earundem Congregationum, quoad Monasteria, Loca, Monachos, & personas, privilegia, & indulta, quacunque etiam quoad Monasteriorum, & locorum quorumlibet uniones eis respectivè factas, in pristinum, & eum, in quo ante unionem, annexionem, & incorporationem per nos factas hujusmodi quomodolibet existebant, statum restituimus, reponimus, & plenariè reintegramus, non obstantibus literis nostris, & aliis præmissis constitutionibus, & ordinationibus Apostolicis, ac omnibus illis, quæ in dictis literis nostris volumus non ob stare, ceterisque contrariis.*

Nulli

Italia Cisterciensium S. Bernardi Congregatio, auctoritate Pontificiâ dissolvitur.

Charitatis genuinum
character.

Nulli ergò &c. Undè facile apparet, ità Hetruscorum, Insubrumque vix coeuntem societatem ob bonum pacis dissolvisse Alexandrum, ut improperi eventûs in morum disparitatem culpâ rejectâ, priorique revocato dissidio, præter vestium cultum, communeque vivendi institutum nullum; nullumque prorsùs commercii vestigium, inter eos relinqui voluerit. Salubre quidem pro tempore inventum, sed quod religiosum statum minùs decere videatur. Quis enim ignoret, vinculum perfectionis esse charitatem illam, quæ sine discrimine amat; quæ simplici oculo omnes contuetur; quæ non tam sua quærit, quàm quæ Jesu Christi; quæ sustinet omnia; quæ quidvis potiùs patitur, quàm divisionem illam subire; hâcque, inquam, omni consanguinitate tanquam potentiori vinculo illorum voluntates colligatas esse oportere, quibus incumbit, servire Deo humero uno?

At quando proprius amor, errorque sensuum in eas angustias charitatem conjecit, ut vel solos consanguineos amet, vel ad eos, qui sub uno cœlo coaliti sunt, extendatur; haud me pœnitebit dixisse, quemlibet cœtum præstare ex unius provinciæ hominibus coalescere, nullâque peregrinitate morum misceri, ut tranquillè agatur: Si secùs accidat, videmus indè anxias suspiciones oriri: mox suarum quemque rerum nimis superstitiosam divexare cautelam, tùm partes implacabile odium committere: postea verò ancipitem contentionem ità suspensos animos habere, ut quam semel in clauastro professi sunt, Christianæ demissionis oblivio subeat. Atque utinàm fecisset Deus, ut quantum Septimiani Hetrusci per Insubriam olim Cisterciensem rem protulère, tantundem in Hetruriâ acquisivissent; profectò, nec me vana conjectura fallit, & publicam rem firmiorem hoc tempore haberemus, & minùs frequenter, murmur illud Græcorum, quod malè olim ipsos Apostolos habuit, personaret in claustris.

stris. Pudor est dicere, non ità pridem exstitisse quodam, qui rem monasticam, quā sanctius nihil prisci Patres excogitârunt, politicis fraudibus conarentur fœdare, itaut pensatis nationibus, magis quàm meritis, trepida munera regendi alios, ut natio quælibet ex suis aliquem veneraretur ut ducem, perpetuò administranda demandarentur indignis. At cùm induimus cucullum, cùmque radente novaculâ, caput nudavimus per illa externa signa ostendimus nos carnem, & sanguinem exuisse. Cur iterum illa contrâ spiritum rediviva pertinacia insurgit, feralem belli faciem debacchando succendit, obarmat ad rixas, stimulat odiis, compellit ad injurias? Scilicet charitas illa refrixit, quæ sua paulò antè ut vile stercus generosè calcaverat, ut Christum ipsum omni thesauro ditior rem acquireret. Et mirabimur adhuc tam sancto abrupto vinculo nos abuisse in partes, dilabique in pejus, itaut sanctioris vitæ succisis poplitibus, totum religiosi statûs corpus enervetur, & cadat? Sed ad institutam redeamus narrationem.

Externa, quæ in Monachis propiciantur signa, eos carnem & sanguinem exuisse, not exere debuisse demonstrat.

Intereâ cùm Alexander VI. vitam cum morte commutasset; ei, post Pium III. Senensem, Julius II. suffectus est. Huic luxatum, seu veriùs sub Alexandro dissectum Cisterciensium Italicorum corpus haudquaquàm arrisit. Apparebat enim, eam sive scissuram, sive severius inflictum vulnus, sinceriores olim partem tracturum; nisi præsentissimum adhiberetur remedium. Idemque sentiebat, ferebatque indignè Angelus Blondus, qui per id tempus Septimianam rem regendam susceperat; qui cùm rem totam maturiùs considerasset, censuit per Cardinalem Protectorem deferendam Pontifici, ut aliqua saltem media iniretur ratio, quâ unius corporis tam fœdè discerpta membra, iterum coirent ad valetudinem. Inter cetera autem, quæ causæ videbantur adjumento futura, hæc ferè vehementiùs inculcabat; faciliùs videlicet unius

capitis in se membra præceptorum derivare influxus, ubi iisdem legibus juncta invicem conspirassent; sensim verò corrumpi, ac dilabi, si discindi contigisset dissidio: neque verò interim se metiri animorum consensum ex earumdem ædium usu, sed ex legum potius communione, ac similitudine studiorum; ac proinde eas leges in posterum ferendas esse censebat, quæ conjungerent animos, impermixtam domicilii decernerent consuetudinem, utrique verò parti ita caveri oportere, ne alteram alterius potentia superet, nevé supra leges imperet acerbior. Id si statueretur, pollicebatur futurum, ut pax rediret, nitèrent mores, monastica disciplina vigèret, omnesque lætabundi ex animo amplecterentur fœdus. Quid plura? valuit consilium senis, & sapientis, & providi, totaque res ad Julium delata, post diuturnam deliberationem ita constituta est, ut ex eo iisdem legibus ad hanc usque diem summâ animi consensione conjuncti utamur. Volebant enim, quæ in eam rem dimanârunt Pontificiæ literæ, ut Comitium unum omnium esset; alternatimque modò in hæc, modò in illâ Provinciâ haberentur confessus, quorum subsellia secretiora quatuordecim idest septem ex utràque parte Diffinitores, ut vocant, explèrent; Præsidem anni ex utràque Provinciâ electuri per vices. Denique sanctè, strictèque cavebant, ne quis Monachus unius Provinciæ in alteram demigraret, nisi vel ex gratiâ jussus, vel ex demerito relegatus. His itaque legibus constitutis, inter Hetruscos, atque Insubres aurea pax visa est rediisse, cum interim domicilio, consuetudineque utriusque Provinciæ Monachi haud permiscerentur, conjungerentur autem ejusdem disciplinæ instituto, eorundemque ad virtutem similitudine studiorum.

Jamque post Julium, Leo federat, cœperantque, residentibus bellis, mirificè excoli artes, splendidissimi Principis unâ munificentia provocante: adeout nec pietati

rati addicti homines in suo munere, æmulâ virtute trahente per id tempus viderentur cessare. Clarebat tum in Episcopis nobilitate, ac eruditione Johannes Marthæus Sertorius Murinensis S. Severinæ Archiepiscopus, ac S. Sylvestri Nonantulæ Commendatarius. Quem cum opulenti proventus Cardinalibus ipsis æquarent, in eo etiam maximè conniti videbatur, ut in ampliori Dei cultu provehendo nulli secundus haberetur. Itaque cum secum ipse versaret animo, quàm olim nobile S. Sylvestri fuisset Monasterium, quantamque Monachorum multitudinem aluisset; atque ad quem gradum, Præpositos, qui illud regebant, evexisset; itâut Italiæ Regum filiis, qui Deo forent vovendi, honoris sæpius, atque proveniunt gratia destinaretur, legarenturque ejusdem loci Abbates pro Christianâ Religione usque ad orientem solem, ut trepidis legationibus fungerentur: hæc, inquam, cum animo versaret Sertorius; ac, si non ex toto pristinæ Monasterii gloriæ renovandæ, at saltem monasticæ disciplinæ aliquâ ex parte restituendæ præclaras coqueret curas; ad Septimianos, quos ex felicioribus antea actis progressibus idoneos homines judicabat, per quos nobili Cœnobio suum qualecunque decus rediret, adjecit animum. Adit itaque Leonem, eumque in eam rem non modò primum, facilemque est nactus, verumetiâ itâ egregiè animatum, ut spectare virtutis homines, sibi ex Morimundianâ missione maximè notos impensè laudaret, affirmaretque rem bellè successuram, si pergeret. Nec mora, rem perurrit Sertorius, & jam ut res ad effectum spectaret, Septimianorum exprimebatur consensus. Accidit autem, ut eum annum Antonii Albici præfectura nobilitaret, qui cum eam missionem non improbaret, in eo tamen suspensus hærebat, quòd paucioribus alendis Monachis tenuior census videretur offerri. *Et non displicet*, inquit, *Ordinem Cisterciensem proferri, sed modum, quo*

Severissimâ,
ac religiosissimâ An-
tonii Albici Præfati
Septimiani verba.

salubriter proferatur, hæc vice fortasse cogor desiderare. Non enim, ut arbitrantur plerique, religiosa observantia vigor extensione, sed quâdam potius, ut ita dicam, multitudinis intensione confovetur, & crescit. Etenim cum rem, non secus ac in bello milites, in claustris agamus, quippe qui colluctemur non modo adversus carnem, & sanguinem; sed etiam adversus rectores tenebrarum harum contra spiritualia nequitia in cœlestibus: modò è re militari exemplum petere fortasse præstabit. Itaque mecum intuemini exercitum sive ex recenti, sive ex veteri disciplinâ ad dimicandum paratum, quàm ex præscriptis ordinibus spectabilis est, quàm undequaque justum circumfert terrorem. Iterùm fingite, milites desertis ordinibus ad prædam hæc illâque discurrere, vel ex multiplici irruptione diduci in partes, nil illâ confusione sedius erit, nil illâ divisione infirmius, & qua impetui hostium minus par esse possit. At qui nos sumus, si nostram illam nobilem conditionem agnoscamus, quos Spiritus ille divinus in Canticis terribili, ordinatæ acies castrorum componit & confert, Terribilis, cum inquit, ut castrorum acies ordinata. Quibus in verbis multitudinem advertite, cum, Castrorum, inquit: iterùm inspicite ordinem, cum expressis verbis, ordinatam, appellat: colligite demùm mixtam ordini multitudinem, atque ex utriusque rei pulchrâ mixturâ, terrorem, cum absoluto encomio Sponsam ut inexpugnabilem Sponsus collaudat, Terribilis, inquiens, ut castrorum acies ordinata. Quæ quidem sic explicata acies nos admonere videtur, ut confertis ordinibus, conjunctoque impetu collatis signis, rem per agamus: ne pauciores, & quasi in pluribus, tenuioribusque Canobiis ad vilem prædam dispersos, palatosque ex improviso hostes adorianur, turpiter fundant, trucidant crudeliter. Quò mea jam spectet oratio, certè periti rerum non poterunt ignorare. Hanc trans Scultemnam amnem

Se-

Septimianorum missionem tenuiori censu provocatam, ut plurimum Monachi decem explebunt. Qui siquid in piis mentibus nobilis institutio poterit, se à cetero Monachorum catu divulsos primum mirabuntur, atque horrebunt: mox ubi munia Ordinis ritè velle cœperint administrare, illum quidem absorbebit domestica cura; hunc verò rerum externarum procuratio distrahet; ad quisquilias alius devolutus extra culinam vix poterit exerere caput: reliquos, una divinarum rerum contemplatio, haud admodum ferventer incendet, itàut singulis singuli sint impares futuri muneribus, omniaque simul munera omnium sint superatura conatus. Hinc tantis curis minoribus, nullum erit sanctum silentium; statarum ad Deum precum plerumque tempora invertent; corporum castigationes ultrò susceptas, indictaque ex regulâ jejunia languor eludet, studiumque contemplatricis vita sensim frigescet; atque ad varia munera palati, dispersique patebunt injuria, suosque transgressi ordines hostibus facile cedent, jugumque vitiorum accipient. Adeo magni momenti est, ut quis in catu multorum vivat, atque ad virtutem colendam multiplici propellatur exemplo. Hac igitur sunt, qua mihi justum timorem faciunt, itaque reddunt sollicitum, ut huic mittenda colonia haud pleno ore arrideam. Vos si aliter sentitis, sapienter decernite quid factò sit opus. Impensè me lataturum recipio, si senis suspicionem, erroris eventus coarguat, illisque gratulaturum hanc mentem, qui ad commune commodum secusenserint, tulerintque in adversa partis favorem suffragia.

Dixerat Antonius, ac tamen si quamplures, viri sententiam pleno adorarent consensu, pars tamen major, censuit Pontifici, Sertorioque dandum quod postulârunt. Quamvis sequuta tempora abundè probârint, haud vana vaticinatum sapientissimum senem, cùm etiàm nunc lætiferam

feram moribus inflictam plagam gravissimos viros ex illâ missione querentes, non sine lacrymis exaudiamus. Ex eo enim pessimum inolevit exemplum tenuiora recipiendi Monasteria, sordida, commendata, distracta, & quæ tot Monachis vix aliquando sufficere posse videntur, qui divinum pensum commodè persolvere queant. Indè plusquam corruptelæ morum: horarias præcipitare preces, commissionem jucundiùs trahere: divagari liberiùs; otiosis sermonibus, ac lusione plerùmque fallere tempus; frangere stata jejunia; mollioribus indulgere plumis: omnia denique posthabere, ne quid privatis commodis detrahatur. Quæ sanè claustrî mala nullus erat, qui indè profectura non auspicaretur, nisi fortè qui in usu rerum adeò hospes esset, ut ignoraret, malè omninò cum illis agi, qui extrâ illam sociorum frequentiam exulant, cujus ut justî judicis salubriter oculos vererî poterant, ne plus æquo auderent. Jussi itaque Septimiani Nonantulanum S. Sylvestri Monasterium anno MDXIII. primâ die Martii receperunt, atque Cisterciensem cooptârunt in Ordinem, iis potissimùm legibus, ut latifundio seorsum fundato, separatam à Commendatario Monachi mensam, ut vocant, pleno jure, perpetuòque obtinerent: nullum Abbati jus esset in Monachos, sed tantùm Priori, quem Hetrusca Congregatio ad annum ad id loci legâret, præficeretque: quæ verò piè legarentur. Cœnobio, inferrenturque in templi capsulam, quæ piorum eleemosinis suscipiendis proflât, citrà litem Monachis ipsis censerentur cessisse. Qui decem omninò, ut die, noctuque nigro cucullo induti, ibi numen propitiarent, destinabantur; tùm plures etiam, si amplioribus fortunis ad eos alendos, contigisset augeri. Præterea pro Sertorio, grati animi ergo annuæ Cisterciensibus imperabantur inferiæ, Pontificio interminante decreto, immeniores de acquisito jure casuros, nî quotannis Benefactoris fecissent ex voto. Denique

Johanne Methæo
Sertorio Montinensi,
Sandæ Severinæ
Archiepiscopo rem
actis promouente,
Septuaginta Monachos
Nonantulanum
S. Sylvestri Commendatarius erat, à
summo Pontifice
confectus.

ea omnia Monachis indulgebantur, ut ecclesiastico cultui, alendisque antè altare facibus possent sufficere. Hoc illud celebre Monasterium est, de quo in suâ historiâ de Regno Italiæ ita Sigonius: *Anselmus Abbas Fanani alterum Mutinensibus in campis locum trans Scultemnam amenam nomine Nonantula legit, eumque Monachorum manibus asperis sentibus perpurgatum, altero ibi condito Monasterio decoravit. Indè ipsius Regis permissu Romam profectus sacram à Pontifice cucullam, baculumque accepit, et S. Sylvestri corpus impetratum eò deportavit. Id Monasterium magnis post Regum muneribus, ac possessionibus auctum, Monachorum suprâ mille multitudine, pradiorum numero, ac jurium amplitudine inter omnia Italia fuit clarissimum. Hactenùs Sigonius. Quam quidem fortunarum jacturam nostri hoc tempore æquiore animo arbitrantur ferendam, quòd septem Sanctorum integris corporibus, frustoque prægrandi salutiferæ Crucis, in quâ suffixus Christus ad necem usque pendit, quasi commutatis opibus, adhuc ditatur Cœnobium, quibus, si quam aliquando ex egestate patiantur, molestiam possint levare. Ceterum ædificium, quod visitur adhuc, haud luculentus satis testis videtur priscæ illius magnitudinis, atque nobilitatis, quòd sævientibus per Italiam bellis, bis, tervè ex exustione excidium passum, ad pristinam sui gloriam reparandi spem omnem ademerit posteritati.*

Sigonii observanda verius de Monasterio Nonantulano.

Hic autem Antonius Albicus Seprimi Abbas, sub quo nobilissimum Monasterium receptum est, hic ille est, qui eruditionis, ac nobilitatis gloriâ Septimianos Monachos suo tempore illustravit. Siquidem tùm sacrarum, tùm humanarum literarum studia adeptus, ita omnes conatus suos ad unam excolendam virtutem contulerat, ut quo literarum studia dirigi oporteret abundè monstraret. In iis coluit quàm maximè percalluitque Astronomicam ;
non

Antonii Albici Abbatis Septimiani luculentum eloquium.

non quòd ad Genethliacorum divinationem ridiculè declinaret, sed ut ex syderum dispositione, ac pulchritudine, statum, immutatumque vitæ ordinem sibi perscriberet, addisceretque ex orbium cœlestium irrequietâ conversione, nunquàm sive in actuosâ, sive contemplatricis vitæ muneribus obeundis sibi esse cessandum, ni vellet retrò compelli. Quamquam & publicæ utilitati aliquandò hoc Albici Antonii studium conduxerit plurimùm. Cum enim post Julium Cæsarem, à Patribus Nicæni Concilii emendata ratio temporum ità ad hæc usque nostra tempora lapsa esset, ut non tam currere, quàm prodigioso flexu annus videretur inverti, ad ejus correctionem, ut erat gloriæ avidus, Leo X. exarsit, propositisque præmiis, decora excitavit ingenia, quæ eò conatus omnes conferrent, ut tempora felici, idoneoque cursu quotannis revehorent sacra, neque tam fœdè annus eundo exerraret. Ut verò ad id studii Leo classicum cecinit, volârunt ex omnibus propèmodùm Orbis partibus luculenta, doctaque Mathematicorum scripta, computationes, quæ intrâ leges legitimi decursûs annum severissimè coërce-
rent. Nec tacuit noster Antonius, quin computando, ità rem propiùs est assecutus, ut cùm postea Antonianam hanc anni correctionem, cùm nuperâ Gregorianâ quidam haud infusus calculator conferret, minimùm discriminis inter utramque repererit. Apparebat enim per ea tempora ad Leonem undequaque perlata doctorum hominum scripta Gregorianæ postea magno adjumento fuisse. Et quidem haud dubito, nostrum Antonium suam anni correctionem Romam misisse, cùm ipse eam in Septimo legerim cum hæc præfixâ epistolâ ad Nicolaum Crescium nostri Ordinis virum egregium familiarem Leonis in hæc ferè verba: *NICOLÆ CRESCI .S.*

Quin ipse Romam veniam jamjamque Lateranensi Concilio coeunti interfuturus, & sæpè tentata prohibet
va-

valetudo, & qui me jam propius pulsat septuagesimus tertius annus. Castigatum tamen à me annum, & ipse castigatus ab annis, per te Pontifici post oscula pedum beatorum deferendum transmitto. Si & obsequio senis & munere latatum videris; munusculo addes & verba, scilicet cum bonis omnibus & sapientibus me quoque exhorruisse dubium errare solem, totumque quandoque immiscuisse annum: ideòque dedisse me operam, ut ad sacri ritus libellam reveheret dies, sub tanto præsertim Principe, cujus virtutibus, munificentiaque factum est, ut aurei prisca seculi mores redirent. Vale mi Cresci.

Ceterum quod volebat, non est assecutus Leo. Cum enim mulierosus Apostata Martinus Lutherus in Germaniâ impietatis extulisset vexillum; ut Ecclesiæ antiqua sacra convelleret: Pontificem in eam curam intentum, ut par erat, graviores distraxerunt curæ, ut serpenti scilicet hæresis malo opportunè occurreret. Itaque post Julium II. Lateranensi resumto Concilio, cum Luthera-nam causam scriptis, dictisque clarissimi jugulassent Theologi, diris ecclesiasticis obstrictum, à cœtu fidelium perhorrescendo vindictæ telo submôvit; deviusque anni cursus usque ad Gregorii XIII. tempora perduravit; qui meliori otio, & æquioribus Reipublicæ temporibus doctissimorum virorum studio, conatuque novam temporum rationem induxit, quâ, post Niceni Concilii Patres nil potuisse fieri absolutius omnes docti fatentur.

Decessit autem noster Antonius anno MDXXXII. decore senectæ venerabilis, meritisque præcipuus, ac Septimianâ præfecturâ summâ cum laude ter functus: cujus tanta dignitas oris fuisse narratur, ut virum repente dignum literis, dignum moribus, dignum nobilitate suâ prodere videretur. Huic coævus floruit Marinus Septimianus Monachus, vir in lectione Patrum apprimè versatus, è quorum purissimis fontibus tantum hauserat pie-

Marinus Septimianus Monachus in lectione Patrum versatissimus.

D d

tatis,

tatis, tantum purioris eloquii, ut quicquid egisset, dixissetque, priscorum illorum Patrum discipulus perpolitus è scholâ videretur prodire. Hunc profanam lectionem habuisse procul haud ambigo; cum jam inde ea opinio inolevisset in claustris, profanam scilicet eruditionem suis affectis officere magis, quam prodesse; quicquid verò, vel ad animi cultum, vel ad vitæ usum videretur spectare, id totum purius, uberiùsque divinis eminere in literis, sinceriusque è priscis Patribus peti posse, quam è profanis scriptoribus hauriri. Itaque ut SS. Patres sedulò versabat Marinus, sic illorum spiritum largiùs biberat. Stylus, quem scriptioni ferè adhibuit, ab eruditissimi illius seculi eloquentiâ haud longè aberat: quin amœnis salibus, florulentis, quæ scriberet, inspergebat. Quamquam extrâ ea, quæ divinum cultum respicerent, nunquam visus sit calamum extulisse.

Tardiùs, rariùsque, ingruentibus bellis, qui divinas laudes continerent, jam transalpina præla precarios codices emittebant; ac si qui ad Italos pervenissent, ita scatebant mendis, barbaricèque inflexis caracteribus confundebantur, ut vel ægrè, vel maximâ cum nausæa legerentur. At Marinus, qui in unâ Dei laude suavissimè conquiescebat, in eâque, die, noctûque meditabatur; ut procederet purius, omnes nervos, viresque suas contendebat libenter. Quam ob rem nostri Ordinis Breviarium, ut vocant, squalore, situque jam sædum, deterfit, reordinavit, detraxit multa, revexit non pauca, quæque ad sanctum Evangelium germanâ lectione ex fide depromsit, itaque quod cœperat, brevè opus absolvit, ut nec jota unum, aut apex in tam variâ, multiplicique texturâ rerum exerrare videatur. Apud nos etiam, qui precarium codicem Marinianum fortè possederint, pro reliquiâ habent, optimoque antiquitatis spolio, transalpinis editionibus præferen-

Marinus Septimianus Monachus Breviarium Ordinis Cisterciensis eruditissimè emendat.

rendo. Hymnorum aliquos panxisse Marinum, ut credam, non me vana conjectura ducit: in eo si quid erro, par styli suavitas, studiumque sefellit. Ceterum eâ Marinianâ correctione nil absolutius fieri potuisset, si quæ rhythmicâ desinentiâ in nostro Breviario sordent, ac jacent, æternâ liturâ damnasset vir bonus. Sed verecundas ab antiquitate abstinuit manus, ne in varios hominum sermones incurreret. Nostrum autem hoc doctissimum seculum vix jam eas scriptionis sordes æquo animo tulerit, cum non tam pietatem juvare, quàm vel mediocriter eruditio risum movere videantur. Igitur cum Marinus ad ecclesiastici cantûs elegantiam multa panxisset, germanæque restituisset lectioni, cantaturus æternum in cœlo, è vitâ migravit.

Per idem ferè tempus Florentini Stalis Alpes, cum splendidâ Septimiani juris prædiorum amplitudine summo Senatûs consensu Comitatum dixere, atque ab omni exactione liberum fore declarârunt. Hæ Alpes Florentinorum, ac Bononiensium Imperii confinia jungunt, ibique non semel de ditionis terminis, ut suprâ meminimus, conflixerunt utrique, sic ut, illis minutis præliis utri vicissent; à victis pariter, atque victoribus haud parva Septimiani acciperent detrimenta. Hujus Comitatus titulo insignitur Septimianus pro tempore Abbas, gaudetque libero jure, etiam post Hetruscum Imperium ad Medicæos Principes feliciter translatus.

Italæ autem Cisterciensibus haud tranquilla res erat, post mortem Julii tumultuantibus, atque querentibus Gallis sub nomine Cisterciensis Ordinis novum vitæ genus inolevisse: conspirasse quamplures specioso Congregationis titulo rem contegente, ut Generalis Præpositi jugum excuterent: novas præter regulas, jusque Ordinis procudisse constitutiones: perpetuitatem Prælaturæ communi jure firmatam per summam temeritatem evertisse:

D d 2

deni-

Florentini, summo Senatûs consensu, Stalis Alpes Comitatus titulum conferunt.

De Cisterciensibus Italæ Gallorum querelæ.

denique per Oratores caufarum in Curiâ, perque Regum Gallorum Legatos, apud Leonem Pontificem indignitatem rei, ut ipsi vocabant, sæpius conquerebantur, adeoque eâ de re Romana Aula Gallorum perstrepebat querelis, ut aliquando tandem necesse fuerit mediam aliquam rationem inire, quâ qui recesserat, iterum Cisterciensis Ordo coiret.

Ceterum, ut, quàm iustæ, quàmque graves causæ ad eam abscissionem impulerint Julium, Italosque Cistercienses ad secessionem vocarint non imprudentes propius contueantur; Juliani diplomatis hîc ipsissima verba non me modò pigebit ascribere:

JULIUS EPISCOPUS *Servus Servorum Dei &c.*
Romanus Pontifex ex commisso sibi desuper Apostolica servitutis officio circa felicem statum Ecclesiarum, & Monasteriorum, ac piorum locorum omnium ex visceribus charitatis intendens ea, per quæ Ecclesia, Monasteria, & Loca ipsa cum Dei honore in spiritualibus, & temporalibus salubribus proficiant incrementis, ac sublati dissensionum, discordiarumque fomentis, & aliis contrariis quibuslibet, in eis regularis observantia, divinifque cultus inviolabiliter observetur, personaque religiosa sub suavi Religionis jugo, in pace & quietis mansuetudine Altissimo vota reddere, & fructus in Dei Ecclesiâ proferre valeant ampliores, Christi que fidelium animarum saluti consulatur; statuit & ordinat, ac alia facit, & disponit, prout, pensatis circumstantiis, universis id conspiciit expedire. Sanè pro parte dilectorum filiorum Præsidentium, & Visitorum Congregationum S. Bernardi Tuscia, & Lombardia reformatarum Cisterciensis Ordinis Nobis nuper exhibita petitiō continebat; quòd licèt ipsa Congregationes, juxta privilegia Apostolica tam per sæc. rec. Sixti IIII. quàm alios Romanos Pontifices prædecessores nostros ei concessa, capitulum celebrent,
&

Julii II. diplomâ,
 in quo continetur
 causæ secessionis
 Cisterciensium Ita-
 lorum à Galis.

et annuales Abbates Monasteriorum, Congregationum, et Ordinis hujusmodi eligant, ac sub regulari observantia cum odore bona fama, exemplarique vita degant; tamen inter eos, et dilectum filium P. Abbatem Monasterii etc. Cistercii, et totius Ordinis prefati Generalem, ac Capitulum Generale dicti Ordinis, illorumque Officiales plurima dissensiones, et differentia in dies oriuntur: ipsique Praesidentes, et Visitatores, ac Congregationes prefatae, quae in communi vivunt, et Monasteria eisdem Congregationibus aggregata restaurant, et ampliant, ac illorum fructus augmentant et tam in spiritualibus, quam in temporalibus bene, et laudabiliter regere non cessant, et in illis divina officia majori diligentia, et exemplaritate vita, ac Christi fidelium spirituali consolatione peragunt; à Generali, et Capitulo prefatis, eorumque Officialibus, qui vitam ab eis differentem ducunt, quotidie vexantur, qui etiam unum ex fugitivis earundem Congregationum in Abbatem perpetuum unius ex principalibus Monasteriis eorundem promoverunt, eique facultatem, et auctoritatem visitandi dictas Congregationes concesserunt, et Monachos dictarum Congregationum, etiam fugitivos, cum facultate plenaria visitandi, et reformandi Congregationes hujusmodi ad illas miserunt. Ex quo ipsis Praesidentibus, et Visitoribus valde difficile, ac eorum statui periculosum existeret, Abbati Cisterciensi, et Capitulo prefatis in omnibus obedire, qui ipsis Praesidentibus, et Visitoribus sunt infesti; ipsarum Congregationum Monasteria semper perturbant, et ad eorum consuetudines reducere, ut verosimiliter creditur, conarentur, in dictarum Congregationum desolationem, et animarum eorum periculum, et detrimentum. Et sicut eadem expositio subjungebat, si statueretur, et ordinaretur, quod Generalis Abbas Cistercii pro tempore existens omnia dictarum

Con-

Congregationum & quatuor primi Abbates alia filiationum suarum Monasteria unâ cum Præsidentibus, vel Visitatoribus dictarum Congregationum personaliter dumtaxat, visitare, & corrigere tam in capitibus, quàm in membris; non tamen immutando statum, ritus, mores, & Ordinationes dictarum Congregationum, facultatem haberent. Et quoties Abbas Generalis Cistercii, & quatuor primi Abbates præfati ad Romanam Curiam accederent, in Monasteriis dictarum Congregationum honorificè reciperentur, & unâ cum eorundem familiâ charitativè tractarentur, & jura, seu contributiones Generali, & Capitulo prædictis occasione Monasteriorum, & aliorum locorum dictarum Congregationum ab antiquo eis debita, reciperent; nec ultrâ in quibusvis actionibus Monasteria, personas, & loca Congregationis prædictæ gravari possent; sed Congregationes, & illarum Monasteria, ac utriusque sexûs personas & loca ipsa ab omni aliâ jurisdictione, superioritate, correctione, visitatione, Abbatis Generalis pro tempore existentis, & Capituli Generalis, eorundemque Officialium prorsus & omninò eximerentur; quòdque pro tempore Dissiniores, & infra annum Præsidentes unâ cum Visitatoribus dictarum Congregationum pro tempore existentibus in Monasteriis, locis, & personis utriusque sexûs earundem Congregationum eandem facultatem haberent, aliaque facere possent in dictis Congregationibus dumtaxat, quæ ipse Abbas Generalis, & Capitulum Generale hujusmodi in omnibus Monasteriis dicti Ordinis, eorumque personis, & locis universis habent & facere possent, & in futurum habebunt, & facere poterunt, concederetur: Profectò ex hoc Congregationum, illarumque Monasteriorum, & locorum salubri regimini, ac Præsidentium & Reformatorum hujusmodi quieti, & tranquillitati salubriter consulere. Quare pro parte Præsidentium & Visitatorum asserentium, quòd ferè

ferè omnibus Congregationibus sub regulari reformatione degentibus, à Sede Apostolicà concessum existit, quòd proprios Praesidentes, & Visitatores habeant, qui de ipsis Congregationibus specialem curam gerant: Nobis fuit humiliter supplicatum, quatenus quod Generalis Abbas Cistercii omnium dictarum Congregationum, & quatuor primi Abbates praefati Ordinis hujusmodi, alia filiationum suarum Monasteria praedicta, unà cum Praesidentibus, vel Visitoribus dictarum Congregationum dumtaxat personaliter visitare, corrigere, & reformare possint & valeant, non tamen immutando statum, ritus, mores, & ordinationes dictarum Congregationum: & quoties Abbas Cistercii & quatuor primi Abbates praefati ad Romanam Curiam accesserint, in Monasteriis dictarum Congregationum honorificè recipiantur, & unà cum eorundem familià charitativè tractentur. Qui jura, seu contributiones Generali, & Capitulo praedictis occasione Monasteriorum & aliorum locorum dictarum Congregationum ab antiquo debita recipiant, nec ultrà in quibusvis exactionibus dicta Monasteria, persona, & loca Congregationum praedictarum gravari possint, statuere, & ordinare, necnon Congregationes S. Bernardi Thufcia, & Lombardia hujusmodi, illarum Monasteria, Prioratus, & alia loca, illarumque utriusque sexus personas ab omni alià, quàm in praemissis jurisdictione, superioritate, correctione, visitatione, potestate, dominio Generalis Abbatis Cistercii, & Capituli, eorumque Officialium, ac Ordinis praedictorum nunc & pro tempore existentium. Itaque nullam in eis jurisdictionem, aut superioritatem, vel auctoritatem exercere valeant, penitus, & omnino eximere, ac totaliter liberare, aliàsque in praemissis opportunè providere de benignitate Apostolicà dignemur. Nos igitur, qui Ecclesiarum, & Monasteriorum praedictorum salubre regimen in eisque divinum cul-

cultum, regularemque observantiam, & inter Religiosos pacem, & tranquillitatem vigere, Fideliumque prædictorum animarum saluti consuli supremis desideramus affectibus; ipsosque Præsidentes, & Visitatores, & eorum singulos, a quibusvis excommunicationis, suspensionis, & interdicti, aliisque ecclesiasticis sententiis, censuris, & pœnis à jure, vel ab homine quavis occasione, vel causâ latis, si quibus quomodolibet innodati existunt ad effectum præsentium dumtaxat consequendum, harum serie absolventes, & absolutos fore censentes, hujusmodi supplicationibus inclinati, quod Pater Generalis Abbas Cistercii omnia dictarum Congregationum, & quatuor primi Abbates dicti Ordinis filiationum suarum Monasteria unâ cum Præsidentibus, vel Visitoribus dictarum Congregationum personaliter dumtaxat, visitare, corrigere, & reformare possint, ac valeant, non tamen immutando statum, ritum, mores, & ordinationes dictarum Congregationum. Itâ tamen quod quando Pater Abbas, vel quatuor hujusmodi Abbates visitabunt, ut præfertur, alium Patrem Visitatorem, qui non de eo quod visitatur, sed alio reformato Monasterio existat, requirere teneantur: Quodque quoties Abbas Cistercii, & quatuor primi Abbates præfati ad Curiam accesserint, in Monasteriis dictarum Congregationum honorificè recipiantur, & unâ cum eorundem familiâ charitati vè tractentur. Qui jura, seu contributiones Generali, & Capitulo prædictis occasione Monasteriorum, & aliorum locorum dictarum Congregationum eis ab antiquo debita recipiant, nec ultra in quibusvis exactionibus Monasteria, persona, & loca Congregationum prædictarum gravari possint auctoritate Apostolicâ tenore præsentium perpetuo statuimus & ordinamus &c.

Cujus vigore diplomatis, cum in Congregantes omni penè jure se spoliatos cernerent Galli, nullum non mo-

movebant lapidem, ut ad antiquum illud despoticum imperium redirent. Sed ut multum conati sint; à Leone Pontifice impetrare non potuerunt, ut Julianis literis, ne latum quidem unguem, pondus suum abrogaretur. Extorsêrunt tamen à Monachis precariò, ut missis ad Generalia Comitia legatis, de pace, dèque concordia; mitiori icô fœdere, iterùm ageretur. Rem longior deliberatio traxit, asserentibus plerisque, privatè deliberaturis tantum non esse audendum, ut quod sapienti consilio Pontificium procudisset diploma, ad unas Gallorum querelas antiquare conarentur: verùm cùm ex alterâ parte tantùm concordiaë bonum præponderaret, ut omnem honorificâ tractationis speciem videretur obruere; tandem visum est Andreæ Piëtio, quem iterata Monachorum suffragia eo ipso anno ad Septimianam præfeturam extulerant, ut iret Nicolaus Crescius spectatæ virtutis, ac prudentiaë Monachus, Romanâque in Aulâ apud Leonem, ut postea dicemus, inprimis gratiofus iis oneratus mandatis: ut totius Congregationis nomine perantiquum Ordinis veneraretur Caput Cistercium; ut Juliani diplomatis justas, gravesque causas exponeret, ut paucis immutatis, & quæ minimi momenti essent, novum, ut res tulisset, cum Gallis percuteret concordiaë fœdus. Ivit ille jussus in Gallias, cùmque ei plenissimus daretur Senatus, hâc ferè oratione malè tunc animatos Gallos suspendit.

Patres Galli, non, ut putatis, à vobis alienatâ voluntate sumus, qui huc ex Italiâ per multos labores, perque certa pericula, vos nostri Ordinis rerum arbitros veneraturi advenimus. Agnoscimus Ordinis Caput, originem nostram non abnegamus, & qua hætenus inde dimanârunt salubriter leges, si meministis, amplexati sumus: quodque benè vertat, modò hic noster ad vos adventus, communi, si ipsi annuitis, velitatur concordia.

Ee

Si

Nicolaus Crescius
Monachus Sepel-
mianus ad Cister-
ciensia Gallia & Ci-
sterciensibus Italia
concordiaë & uni-
citia primitivæ con-
cilianda causâ mû-
titur.

Si quod autem inter nos aliquando videtur intercessisse dissidium, re verâ non tam dissidium fuit, quàm in utrisque priscos conservandi mores vehemens quoddam studium, egregiaque voluntas. Nempe per Hetruriam, perque Insubriam coivisse nos in cœtum, vos priscis ex moribus paulò aliter institutos, non mediocriter offendit. Fateor, habere videbatur causam justa offensionis, res nova, atque hactenus inaudita in Ordine. Sed, si benè animadvertitis, ad tuendum Ordinem ea res instituta erat, non ut hujusmodi saluberrima temperationi insanabile vulnus imponeretur. Circumspicite mecum, si libet, (collibuisse autem jam olim oportuit, Patres, cùm ageretur res nostra) qua in Galliis, aliisque nobilissimis Provinciis sparsa, ac profeminata sunt nostri Ordinis opulenta Cœnobîa: hoc Aulicus domini sui potentiâ succinctus invasit; illud ad clarioris alicujus domûs afflictas fortunas sustinendas destinatum videmus; alterius opes Purpurati cujuspiam ecclesiasticus splendor vorâvit: diversaque diversus, profanusque abstulit usus, corruptit occasio, delevit necessitas, pessundedit incuria, turpis denique luxus consumpsit. Cujus exitii causas si quaratis, haud alia veriores sapientibus fortassè occurrent, quàm quòd minùs inter se colligata erant, ideoque singula, ac seorsum posita faciliùs injuria patuerunt, languidiùs, impotentiusque rapientibus restiterunt. Receperamus dudùm in Hetruriâ, atque Insubriâ quasi postliminiò quàmplura tum Cisterciensis, tum alterius instituti Monasteria nullâ dominandi, alienaque rapiendi cupidines; sed vel à Romanis Pontificibus jussi, vel à munificentissimis Principibus evocati, non semel autem ejusmodi detrectantes provinciam, etiam anathematis mucrone compulsi, timuimusque post factum (ut cuique ingentis amor est, ea conservandi, qua peperit) brevì dilapsura, qua ingentibus curis, summisque conatibus parta erant.

Ita-

Nicolaï Crellii
Monachi Septimiani
confiderens ma-
verbo ad Cisterciens-
sa Gallon.

*Itaque admoniti incommodi, exitii non expertes, conspici-
rāvimus in eam rem, ut, Apostolica accedente autoritate,
cætum certis legibus colligatum celebraremus, quo quasi
in orbem collecti ad omnem injuriam tutiores essemus.
Nūm propterea ejuravimus Ordinem, cucullum immu-
tavimus unquam, si qua afferebantur è Galliis, rejeci-
mus leges; adventantes quasi alienos non excepimus Gal-
los: euntes, redeuntes, pecuniā presenti non juvimus;
imperatam quandoque, & quidem, ut liberè dicam,
acerbius statim non solvimus?*

*Constat igitur Congregationem non ad injuriam
Ordinis, sed ad decorem, sed ad firmitudinem, sed ad
Majorum nostrorum gloriam institutam fuisse. Interim
res nostra per Italiam promovebatur feliciter, in eoque
omnes conatus nostri erant, ut perditionis cujusque mores ad
correctionis incudem, lenitate malleatrice, recederentur.
Cum quidam perosus reprehensionum ictus, seu potius
veritus admissi sceleris pœnas transfuga ad vos pervenit,
eas profectionis suæ afferens causas, qua nos crudelitatis
damnarent, fugitivum absolverent. Fecerant reo fidem
apud clementes Gallos longissimi itineris tempore alienissi-
mo susceptus labor, squalor, situsque inde fœdissimè con-
tractus, lacryma, singultus, plena demissionis, officiique
prehensiones, verba denique qua dolor, odiumque per
summam fallaciam procuderant. In quo haud vitupe-
ramus opem vos ferre miseris, vel apud vos eosdem habe-
re effugium, sed quòd inauditos nos, ipsa rei absolute
vestrum tribunal damnarit; hoc demum summā animi
moderatione conquesti sumus. Dumque ejusmodi adhuc
arderemus dolore; ecce tibi qui fugerat titulo insignitus
Abbatis, atque ad faciendam vindictam visitorio mu-
nere succinctus, non adhuc toto benè se vertente anno fa-
sces in nos plenissima vestra potestatis intentat. Date ve-
niam falso, ingemuimus quotquot Ordinis eramus aman-*

tes, innoxios illum advenisse ulturum, quorum noxius; puniendusque non ita pridem excusserat potestatem. Quid igitur nos? Non tulimus injuriam; nobisque deferentibus, ad facinus exarsit Julius, seque longius proferenti, Pontificiis datis literis, salubres potestati vestra præscripsit cancellos. Hic Italorum moderationem advertite, PP. Cum enim ex toto Gallicum jugum excutere potuissent, haud tamen acquieverunt. Voluerunt autem utriusque nostrum concordia exstare ad aeternitatem impressa vestigia. Itaque per literas adhuc Pontificias nostrorum hominum correctores estis; sed nobiscum: Arbitri rerum, sed intra terminos aequitatis. Unum illud omnino sublatum volumus, crebras videlicet Comitiorum vestrorum in nos leges; atque illorum ad vos provocationes, qui ea quasita effugii larvâ nostrum judicium sunt non semel eludere conati. Nisi hoc statim ostendero, Patres, è dignitate Ordinis esse, ideòque è re vestrà, non renuo, quin primam, quam deinceps in hac perorandâ causâ sum vocem emissurus, clamoribus opprimatis. Sed ne hoc pertimescam, singularis vestra humanitas facit, atque hac audiendi alacritas tanta, quantam nunquam alibi me vidisse memini. Ac ad leges quod attinet, ut ut ex se salubres sint, nocebunt potius, illorumque statum evertent, ad quem potissimum erigendum constituebantur, si subditorum conditionem dedeçant, temporique non serviant. Quis enim Legislatorem illum non rideat, qui legibus servitiorum, liberos Cives vellet constringi; rursùmque qui in moderatissimâ, castaque Civitate Scatiniam promulgari curaret? Nulla lex satis commoda omnibus est, ut inquit Portius Cato, id modò quaeritur si majori parti, & in summam prodest. Modò verò si advertitis, Patres, ex Congregationis legibus ita instituti sumus, ut si uni Prapósito perpetuò servientium velimus jura subire, magna animorum consternatio se-

qua-

quatur, ac perturbatio rerum. *Ac tempus quidem magnum habere momentum, ut personis leges conveniant, nemo est qui non videat. Nôrunt omnes Oppiam aliquando legem (qua cavebat ne qua mulier plus semunciâ auri haberet, neu vestimento versicolori uteretur; neu juncto vehiculo in urbe, oppidovè, aut propius inde mille passus, nisi sacrorum publicorum causâ veheretur) in medio Punici belli ardore salubriter latam fuisse, qua postea florente Republicâ, bellicue metu cessante, prudentiorum consilio antiquata est. Non idem tempus est, Patres, ut iisdem legibus involvamus. Qua enim de aternitate præfectura olim rectè censebant; apud nos modò ut tyrannica invidiâ ardent, qui intrâ unius anni circulum coarctatam experimur salubrem: eas verò, qua de Monachorum, Cænobiorumque filiatione quondam non insulse præcipiebant, promiscua jam cohabitatio, rerumque omnium communio irritas fecit: quaque apud cujusque domus comitium Prælatos eligendi sanciebant potestatem, salubri modò consilio sapientum virorum regimine constituto, nullius momenti sunt, ut interim omittam cetera, qua præsens rerum status vix patiatur & ferat. Hùc accidit Legislatoris illas proprias esse partes introspexisse animos, novisse mores, propius civis tractasse. Nam quàm dedeceat, si Draco haud sibi notam Romanam Curiam severioribus latissimis legibus humano cruore defædet? Mistioraque Lycurgi jura meritò durus Partius derideat; Solonemque de militiâ præcipientem imbellis Indus horrebit. Diu est quòd à vobis longè absumus, Patres, non tam intervallo locorum, quàm institutione morum: vosque jampridè rem nostram eminùs, hoc est, per Procuratores vestros in Romanâ Curia administratis. Qui cùm crebrò abeunt, succedantque mox alii, ut vestrum imperium tulerint, necesse plerunque est confundere, atque confundi, dum imprudentes rerum, nec satis*
me-

*mores temporum, quæ nostris moribus recesserunt, pro novis inducunt, ac tanquam obsoleta convellunt, quæ adhuc adoleſcunt, & crescunt. Num verò vobis aliquid de imperio vestro in nos ideo desperire putatis, si nostris moribus, legibusque quæ item Ordinem tueantur & or-
nent usi fuerimus?*

Secus accidet, Patres, inde enim unâ tranquillitate duce vestrum in ceteras gentes proferetur imperium, stabitque dignitas Ordinis aequiorque potestas veros vos rerum arbitros arguet, atque ostendet, si qui Cisterciensi Ordini se adjunxerunt, eundem eos sinatis salubribus Constitutionibus juvare, atque ex hac corruptelâ morum quasi gravi tempestate ad portum devehere. Neque tamen nova nos invexisse in Ordinem dicendum est. Haud enim nova sunt, quæ cum ipso Ordine enata, alitaque videntur. Quid enim erant illa Cœnobiorum, Monachorumque in Cœnobiis filiationes, quid ad unius Capituli, ac Generalis arbitrium hætenus omnia administrata, nisi hujus, quæ modò coivit Congregationis certissima præludia? Atque utinam, Patres, Deus fecisset, ut non tam serò ex illis seminibus prodissent ii fructus, profectò modò aliquem Ordinem haberemus, qui, dilapsis, abreptisque fortunis, propemodùm hoc tempore nullus est. Sed una perpetua, uniusque loco affixa potestas, cum plus aquo saperet imperantibus communi incommodo, ut posteri experimur has salutareſ leges protraxit, atque morata est. Quam demùm cum, experientiâ duce, everterent meliorum consilia, quid aliud inde evenit, nisi ut ejusmodi Respublica corpus formaretur, in quo tanquam ad omne opus flexibilia membra emolliti animi, & sincerè parère addiscerent, & moderatè præcipere?

*Sed videamus jam quantum illa privatorum ad vos provocaciones vobis asserant decòris, Monachorum moribus adjumenti. Ac primùm non me latet, hujusmodi
appel-*

appellationes superioris judicis, ad quem provocatur, arguere, nescio quam amplio rem potestatem, quam mordicus retinere solent ii, qui summo civili jure, in eos agunt, quos semel quovis modo jugum accipere coegissent. At in religioso statu, quem jugum suave sacra litera vocant, si frequenter admittantur, deque privatis rebus sint, inferioris ordinis Superiorum contemptum inducunt, interque Superiores discordias pariunt, partasque sustentant & alunt; novandis rebus per amplam fenestram aperiunt; atque ad noxiam licentiam subditos acuunt, cum sibi, vel ad trahendas promeritas penas, vel ad eludendum judicium senserint patere appellationum effugium. Ac, ut qua modo dixi sigillatim, sed breviter perstringam; quis non videat unam animi moderationem adeo religiosum statum totum occupare, ut vix juris tergiversationibus locus videatur relinqui? Etsi enim non negaverim posse accidere, ut in judicio ferendo hominibus Deo votis aliqua aegritudo animi imponat, agatque transversos, ita ut aliquando necessarium subditis videatur ad superiorem judicem provocare; assero tamen, ut non semel dico, tanquam pharmacis, succisque amarioribus hujusmodi appellationibus utendum, cumque graviores causa perurgent: alias levibus in rebus illud Scriptura remedium ad manum esse debere, quo Angelus olim ad dominam suam, fugitivam compulsi ancillam cum diceret: Revertere, & humiliare sub manu illius. Nam si ubi quisque vecors pro merito slagro cadetur ad vos recurrat, ut iterum jactis calculis judicium recoquat, nullus discordiarum finis, nullus litium terminus inveniatur. Jam inter Superiores, ac subditos reverentia, amorque peribit, verecundia dilabatur, Ordinem totum corrumpet confusio, cumque suspecti invicem evaserint Superiores, gliscet odium, statimque odium sequetur contemptus, atque inter dissidentes impunis interim triumphabit audacia, indeque novarum

re-

rerum studium exastuare necesse erit. Siquidem dum præsens rerum status non placet; ejusmodi è vestigio, qui videatur profuturus, molimar. Ceterum quàm audaces ad omne scelus sunt, qui inter duo tribunalia pervident posse suspendi litem, ac dilatione ipsâ marcere judicium! Omitto provocationum occasione turpissimè initas fugas; ad expugnandum judicis animum sacrilegè comparatam pecuniam, maximo cum dispendio morum longissima suscepta itinera; secularium hominum non sine injuriâ claustris quasitum favorem; inexpiabilem in invidiam non semel adductos Superiores; denique, ut non procederet lata sententia, in omnem fallaciam, scelusque conficta commenta: Hac, inquam, omnia, ut dissidii causam inter nos sublata voluimus. An è Republicâ fecerimus nec ne, vos ipsos judices volo. Certum est vos inde minùs ardere invidiâ, litibus obtundi rariùs; nos verò omni ex parte quietiùs agere, nostrorum mores ad miraculum provehi.

Licet autem hac videantur aquâ lance pensata, intelligo tamen vos hætenùs improbare, vestrum non fuisse arbitrium requisitum, dum nova rei firmanda munimenta hac quærentur. Sed neque in hoc, meâ quidem sententiâ, Italorum Monachorum habetis, quòd vel modestiam requiratis, vel incusetis audaciam. Jam interceserat litigantibus Pontificia potestas, jam dimanàrat diploma: neque jam antea tutum fuerat, ut pars partis sibi propemodùm succensentis expectaret arbitrium. Modò verò cùm, residentibus animis, ultrò nos ad concordiam provocetis, non recusamus conditionem, statim, ut videtis, ad vos contendimus, legem accepturi, si equitate sequestrâ, haud iniquam feratis. De Juliano diplomate, ut video, jam tota controversia inter nos futura est, an scilicèt, eo sartotectò pax videatur posse coire? an aliquid necessariò demendum sit, ut concordia redeat?

Et si

Et si autem religio sit Pontificiis literis, vel in minimo detraxisse; adeo tamen magnum bonum est pax, adeo delectat concordia, ut per internicina bella, perque letifera vulnera eam persequantur mortales. Itaque aliquid de jure nostro patiemur perire, si vestrum mordicus volueritis retinere. Hac igitur nobis illibata sunt. Congregationis status non invertatur: Superior nullus amoveatur: nobiscum à vobis nostrorum hominum mores corrigantur. His, quæ modo dixi, quæque à Pontifice sancita sunt, adjicite quæ & vestram dignitatem deceant, nostrum statum non destruant. Illud postremò moneo & peroravero, vos scilicet parentes esse, nos filios, ideòque filios à parentibus ea expectare par esse, quæ salubria sunt, quæque divinum cultum, moresque promoveant. Huc si gerenda rei spectet deliberatio, conferantur consilia, & utriusque partis maximo commodo rem perfeceritis, & omnem discordiam fomitem sapientissimè abstuleritis.

Dixerat Crescius; & quamquàm nullus Gallorum esset, qui non probè videret per hæc postulata adhuc illibatum Pontificium diploma manere; cum tamen secum sapientissimè reputarent, quàm difficilè foret Pontificiæ sanctioni machinas admoveere; cum Italicâ consuetudine eminè depugnare; evellere demùm quæ altas radices egissent, transissentque in mores; cum evomissent impotentis iræ venenum, subditos, ac servos, Italos Cistercienses vocantes, fatiùs rati imaginem aliquam imperii retinere, quàm se fateri devictos, in hæc tandem verba dixere concordiam. Quæ deinceps Itali Cistercienses tulerint leges, ad nos, per nos approbandæ afferuntur: quarto quoque anno ad Comitìa nostra in Galliis accedunt: inter Diffinitores ex speciali gratiâ adleguntur: contributiones pro numero Cœnobiorum Procuratori nostro in Aulâ Romanâ solvunt: qui correcturi advenerint, eos in suis Monasteriis honorificè excipiunt. Quod

Ff

qui.

Conditiones concordie sanctæ inter Cistercienses Italos & Gallos.

quidē concordix fœdus quamquā dimanārit in scriptis, haud reperio tamen à Leone X. aliquando confirmatum fuisse. Eidem tamen postea in formam supplicis libelli proculso Pius III. Medicæus verbo, FIAT, appposito, impensius rogatus subscripsit. Ceterum pleraque quæ inter Gallos, Italosque convenerant, sensim, ac ultrò subsecutis temporibus consenuerunt. Siquidem sapientissimi Galli annuariis contributionibus, ut vocant, contenti, rem omnem ad arbitrium Congregantium permisere libenter. Quorum progressus adeo cessere feliciter, ut ad nostrorum exemplum, ut suprà diximus, quamquā eā in re serò sapere videantur, jam ipsi non renuant, per Provincias, perque cœtus coire. Itaque cū hoc concordix fœdus Nicolaus Crescius cum Galliis prospere percussisset, in Italiam rediit.

Flodium Nicolai
Crescii Monachi Cisterciensis
Septimianæ.

Hic ille Crescius est, quo Leo X. inter Bembo, Sadoletos, Longoliosque, idest illius eruditissimi seculi magna nomina, ad exquisitam eruditionem familiariter utebatur; quique inter primos illos purioris Latinæ linguæ assertores meritò connumerari possit. Siquidem scripsit multa, castigavit non pauca: tametsi ex illius operibus leve monumentum ad nos vel similium studiorum in nostris incuriā, vel lividum ævum transmiserit. Ejus tamen notæ est, ut quasi ex ungue Leonem possis agnoscere. Memini me in Cistellianâ Bibliothecâ (quam nostri Majores ex Septimianis ruinis, pretiosis manuscriptis codicibus fœtam reliquerant) ad Martialem, Lucanum, L. Apulejum, ceterosque politioris literaturæ Poetas, Nicolai Crescii ad marginem vidisse notas, eo acumine ingenii inventas, eā pereleganti phrasi, succinctæque prolatas, ut nullus Acron, Brittannicus, aut Calderinus nullus, doctiora commenta potuerint excogitare; quas nuper intercidiisse maximè indolui sub illius improbâ, malâque manu, quem amœniores musæ devovêre jampridem.

Cete-

Ceterum quantum quidem ex nuncupatoriâ Crescîi ad Severini Boëtii correctionem, quam olim doctissimè procuderat, assequi possum; ejus oratio dulcis erat, latina erat, denique grandis, & ut ita cum Petronio dicam, pudica, non maculosa, non turgida, sed naturali pulchritudine exurgens. Quas ille Orationis gemmas non modò scribendo intexebat feliciter, sed loquendo etiam extemporali illâ suâ facundiâ adamussim, & promptè ita promebat, ut prela statim possent excipere quicquid latine fuisset loquutus. Leonem ferunt adeò hominis ingenio, facundâque illâ extemporalitate loquendi fuisse delectatum; ut cum in coronis doctorum aliquid ancipitis è re literariâ quæstioni subjiceretur, post omnium dictas, libatasque sententias, ad Crescium, quò interruptior audiretur, quasi ad Triarios rem vellet redire. Verum in Crescio nil magis erat quod mirareris, quàm quòd musas suaviores ita cum gravioribus miscuerat disciplinis; iterumque utrasque ita cum dexteritate agendi sapienter conjunxerat; ut & elegans musarum alumnus Principem oblectaret in tempore, simulque de rebus gravibus subtilem disputatorem admirarentur plerique. Destinaverant jam inde viro rosei honorem pilei suffragia penè omnium haud insulsâ conjecturâ, ductâ sive à Principis familiaritate, sive à penitissimâ literarum omnium cognitione, quæ Leonem ipsum usque ad admirationem suspenderat; ipseque ad id decus se aspirare videbatur fateri; cum ad Camillianum Arcum, ut vocant, spectabilis molis erexit Palatium, cujus tanta laxitas esset, ut per cavædium variis florum generibus constitutum, duas conjungeret semitas. Sed omnium spes properum Pontificis fatum, veridicusque rerum eventus sefellit: & vel judicio Urbis contentus Crescius, æquiori deinceps animo privatam coluit vitam, vel satis habuit re ipsâ meruisse, quod habuisset in votis.

Perfancissima;
conlumnatissima-
que Nicolai Crescii
eloquentia.

Leo X. Pontifex
Maximus Crescii
Monachi Septima-
ni ore securissimo
valde delectatur.

Severus Monachus Cisterciensis variâ eruditione Romæ spectandum se exhibet.

Romæ etiam vivente Leone ex nostris Septimianis Monachus Severus in aulâ Bandinelli Saulii pro Theologo versabatur, Pontifici & ipse carus. Vir adeò reconditæ doctrinæ, adeò in aliorum scriptis dijudicandis emunctæ naris, severique judicii; ut nullus jam esset neque remotus, neque citimus, qui, quæ vulganda essent, non vellet Monachi Severi limam subire. Hic sive luderet versu, sive prosâ oratione gravis incederet; ubique, & semper mirabilis apparebat: eoque magis, quòd Hetruscas musas latinis ferè dicendo, scribendoque æquavérat.

Saulii Bartholomæi Cisterciensis Monasterium prope Ferrariam eximium Monachis huiusmodi actionis domicilium.

Septimianis Cisterciensibus per ea tempora pro bonarum artium domicilio erat S. Bartholomæi illustre Cœnobium prope Ferrariam, antequam terræ motu concussum totum concideret. Locus siquidè Musis tum sacris, tum profanis aptissimus videbatur, & quòd extrâ frequentiam esset, & quòd præter statas ad Deum preces nullâ proximorum curâ divexaretur. In eo Severus multos instituit, indèque adeò multi nobiliter eruditi prodierunt, ut publicis Academiis privatum jam illud museum non videretur invidere. Trahebat in dies fama multos ad invisendos viros, locumque frequentissimè celebrandum, in quibus præcipuus Ludovicus Areostus, is qui postea infinitæ eruditionis vulgato poemate nobilitatus est. Hic quamquàm Florentiæ diù moratus Hetruscas literas imbibisset; è Monachi tamen Severi Cisterciensis consuetudine tantum profecerat, eaque suo illi omni ex parte variegato poemati absolvendo, ab eo acceperat adjumenta, ut alioquin immortalis nominis vir haud verecundaretur fateri inter amicos, pleraque se Monachi Severi industriæ accepta referre debere. Areostus itaque cum, emenso suo illo dictionis pelago, sibi cum integrâ rate revertenti effusus in litore, gratulantesque sinxisset amicos; in his honoris, ac gratitudinis ergò Monachum Severum Cisterciensem his verbis annumeravit:.

Ludovicus Areostus Monachi Severi consuetudine multum proficit.

E'l

E'l Lascari, e Musuro, e Navagero;

E Andrea Marone, e'l Monaco Severo.

Et planè hunc illum esse, de quo scribimus nullus hæc-
nùs dubitavit. Unus Thomas Porcachius tandem reper-
tus est, qui doctorum omnium refragaretur sententiæ;
atque ad amicorum quorundam voluntatem ex albo illo
illustrium virorum nostro Severo dispuncto, alium quen-
dam Camaldulensem obscuri nominis Volaterranum re-
poneret.

Et sanè eâ in re nihil morarer Porcachium, nisi, ut
hoc evinceret, quædam de nostro Severo, quæ minùs
oportuit falsò commemorasset. Defendam itaque modò
Severum; Porcachium verò, sed priùs auditum, calum-
niarum postulabo, ut quam meruerit à minus invidâ po-
steritate demùm ferat sententiam. Ità ergò in suis ad
Areostum notis, inquit ille: *E Andrea Marone, e'l Mo-
naco Severo. Per il Monaco Severo intende il Fornari
D. Severo Monaco di Cistello;* & cum Symone Fornario,
cui in eruendis Poetæ sensibus Ruscellius, Pigna, Euge-
nicus, Lavezola primas deferunt, jam indè à Poetæ tem-
poribus omnes intellexerunt, constansque ad nos detul-
lit fama. *Che consapevole della congiura contro Papa
Leon X. fuggì in Lamagna, e quivi venne a morte.*
Audiamus undenàm viro innocenti, & in claustris à pue-
ro summâ cum moderationis laude innutrito conscientiam
Petruccianæ conjurationis objectet Porcachius. Verfa-
batur in aulâ Bandinelli Saulii Cardinalis pro Theologo
noster Severus, negotiis intererat assiduus, ad aures Do-
mini patentissimum habebat accessum. Conjurat interim
in Leonem Saulius; detegitur conspiratio; ejus sceleris
popularium alii sunt morte multati, exilio alii, nonnulli
privati purpurei honore pilei: conjuratorum aliquot fa-
miliares verecundæ probitatis viri, ne acerbiorē coge-
rentur subire quæstionem, hæc, illacque sunt ultrò di-
spersi,

Luigi Areo-
sti Monacho Se-
verum Cisterci-
ensem grati animi
monumentum.

Erre suppone Tho-
ma Porcachi.

Severo Mona-
cho Cisterciensis
Septimanus ab ac-
cusatione Thomæ
Porcachi defendi-
tur.

spersi, in quibus noster Severus gloriâ eruditionis apud Cæsarem graciosus divertit ad Belgas. Inde Porcachio suspicio facta, conspirasse eum, ideoque meruisse iram Leonis. Sed non video, cur Saulius Theologo potius, cujus præcipuæ partes erant conscientiam Domini severissime castigare, conjurationem detexerit, quàm cubi- culi Magistro, quàm Scribæ, quàm Agalonibus, Quasit- lariis, Coquo. Quis demùm ejus viri, pannosi scilicet claustralis, ideoque pertimidi in eâ conjuratione usus fu- turus erat, quæ tota in unius Vercellii argutiâ digitorum constituebatur? Aut quæ ejus sceleris macula in ceteris Saulii familiaribus potuit residere, cum à Pontifice ipso Leone, ut refert Jovius, Saulius sit judicatus auri- bus tantum, non item atroci voluntate peccasse, eoque nomine sit absolutus, iterumque rubro galero cumulatâ benigni- tate donatus? Putatne Porcachius, si ea conjunctio Mo- nachum Severum vel tenuiter involvisset, Guicciardi- num, ac Jovium, quos ne convivia quidém lautiora, aut manicatæ tunicæ, aut pugionum capuli, aut inaurata cal- caria vix præterierunt, celebri viro fuisse parafuros? Sed nec ullus illorum temporum scriptor inter conjuratos Leonis, vel suboscure Monachum Severum recensuit, aut recensere potuit; cum nec Severi nomen illius con- spirationis acta habeant, ut nostri testantur, quibus ea per- scrutandi Romæ potestas facta est, quò hæc fidentiùs scriberemus. Jam abitionem ad Belgas, quæ suspicionem sceleris fecerit, diluamus. Abiit itaque Severus, non ne- gamus, & ipse fatetur; at non sævitiâ tormentorum, con- scientiæque terrente, ut fecere plerique; sed charitate Domini impellente statim profectus est, innocentia Saulii apud Cæsarem patrocinator, ut, eo apud Leonem adhibito deprecatore, calentis quæstionis ira haud repente sæviret. Et vide ex Severi literis ad Cortesium, Cor- tesiique mox Cardinalis ad Severum quàm morâ illa apud Cæ-

Guicciardini, Jo-
vi, aliorumque Scri-
ptorum silentium,
Innocentium Severi
Monachi Cisterciën-
sis argumentum.

Cæsarem omni suspitione fœdæ fugæ caruerit, quàm fuerit secura, quàm gratiosa, quibus nobilitata studiis. *Bessarioni* (inquit Severus) is Monachus Cassinensis erat, ex gravi causâ à Cortesio missus ad Cæsarem. *Bessarioni*, qui mihi vir modestissimus visus est, omne meum studium, atque operam pollicitus sum in tuendâ vestri Ordinis dignitate: suam, arbitror, non amiserat dignitatem, qui alienam tuebatur. Eum existimo id omne, cujus gratiâ ad Cæsarem missus fuerat, summâ fide, ac diligentia transsegisse. Attamen, si quid in eâ causâ reliquum est; aut si quid de integro emerferit, in quo apud Cæsarem aut tibi, aut Ordini tuo alicui usui esse possim, id me omni studio curaturum polliceor, atque adeò prae me fero. Uti-que non agebatur lætæ majestatis reus, qui aliis se affuturum pollicetur. Sunt mihi nunc prae manibus emendationes in *M. Tullii Ciceronis Orationes*; quas si mihi diutius ab Italiâ abesse contigerit, ad te mittere decrevi, ut à *Calchographis* in officinâ *Aldi*, gratiâ, & favore tuo excudantur. Eas cum tibi, tum ceteris bonarum artium studiosis, neque inutiles, neque injucundas fore confido. Nec me, ut arbitror, post *Bucinensem*, & *Naugerum* in illud opus incubuisse pœnitebit. Ubi sunt jam illæ scelerum furæ, quæ erroneam exagitent? Cùm adeò nobili apud *Belgas* otio perfruatur, ut & opus exquisitæ eruditionis aggrediatur, & magnorum illius seculi nominum contentionem non perhorrescat? Ac ne putet *Porcachius* sub fictis ad Cortesium literis voluisse Severum maculam contegere sceleris; amiciora facta dictis respondisse Cortesius ipse testatur, cùm inquit: *Ex literis Bessarionis intellexi ipsum operâ, consilio, autoritate, gratiâ tuâ, sic usum fuisse, ut quod ea ex sententiâ confecerit, quorum gratiâ à nobis ad Cæsarem missus fuerat, tibi pricipuè ingentes gratias agat, quas & ego non meo tantum, sed universi Ordinis nostri nomine immortales ago, egregiè relaturus,*

Severi Cisterciensis Monachi verba libatissimè innotescunt ejus patet de apertâ demonstratione.

turus, cum tibi animos nostros libuerit experiri. Et post alia plena obsequiū verba: Ceterum non mediocre in nobis desiderium excitasti emendationes tuas in M. Tullii Orationes legendi. Quod opus, conjecturā ex ceteris operibus tuis factā, conjicio esse absolutissimum; ut non modo te nunquam pœnitere possit in eo opere post eos, quos nominas, elaborasse; sed magis futurum opiner, ut eos vehementer pœniteat, quod te in eo labore praeceperint. Quorum quidem Naugerum plurimum, etiam eo nomine tibi debitum polliceor, idque prae se laturum. An tanta apud Imperatorem gratia, Cortesiique Cardinalis æquē sanctissimi, ac doctissimi hominis encomia, transfugam, eundemque in Pontificem conspiratorem addeceant, ipse viderit Porcachius. Sed ut instituerat dicere persequatur. *Mà io sono informato, che non di questo, ma di D. Severo da Volterra Monaco Camaldolense, e Professo del Monastero degli Angeli di Fiorenza hà voluto intendere; perciocchè egli fu amico dell' Ariosto, & hebbe dolce, e delicata vena di poesia.* Antequam contumeliosum illud exordium complexionem pariat, designat quem in numerum illustrium illorum Scriptorum reponat. De quo iterum si roges, à quibus acceperit quæ subjicit; candidè fateretur, à Bartholomæo, Gregorioque Camaldulensibus. Quibus sanè facile fuit deinde in scriptis senis, cui monachalis culina, meliùsque claustra fumabant, quàm pauperes lares, inter scyphos extorquere fabellam. Vixit autem Camaldulensis Severus, quem jactat Porcachius, tempore Leonis sub regimine Petri Delphini ejus Ordinis Generalis, homo persimplex, æternumque claustro addictus. Quem non modò non laudat in suis epistolis Delphinus, sed inconsiderantiæ potiùs alicubi damnat, quod ad Religionem admisisset tyronem, qui postea, impellente irā, stricto gladio correctoris latus exhauserit. Hunc si gloria carminum, celebreque nomen per

Porcachius iterum Severo Monacho Cisterciensi de primario parum agnovit.

per Italiæ Academiæ extulisset, junxissetque cum seculi illius doctioribus; nunquàm indictum præterisset Delphinus, qui etiam minutissima quæque suorum colligere erat solitus, ut in suas epistolas jaceret ad æternitatem.

Sed esto fuerint in Camaldulensi Severo omnia, quæ Porcachius effusè commemorat; Areostum amarit, vicissim dilectus ab illo; scriptis demùm rithmicis, cantionibus invicem luserint: num propterea evincet, illum esse Severum, qui Lascarum, Musurum, Maronem, Naugerumque eruditione æquaret; quod de nostro affirmat Cortesius, in eaque octonarii clausulâ Areostus conatur ostendere, dum ejusdem artis haud absimilis excellentiæ viros cum laude conjungit? Alioquin difficile sanè negotium suscepisset Areostus, si omnes, qui ad se rythmica scripssissent, ut sibi ex ejus gliscente gloriâ nomen, famamque compararent, in suo poemate voluisset recensere. Utique non tam doctis, quàm incondito populo lirtus compleisset. *M'induco a credere più facilmente, che di questo habbia voluto quì intendere il Poeta, che del Cisterciense, del quale (tutto che fusse di buone lettere, e favorito del Cardinal Sauli, in Corte del quale stava) non è da credere, che l'Ariosto haveffe mai voluto far menzione, poichè ogn' uno in quei tempi sapeva esso D. Severo per la congiura esser stato condannato.* Cùm machinam hanc nequicquàm conjecturis oppugnari posse videret Porcachius, extremâ fortunâ confliens, non provocatus descendit ad maledicta. Quæro, qui isti omnes sint, qui per id tempus nostrum noverant damnatum Severum? Haud Imperator erat, non Cardinalis Cortesius, non Hercules Genfiagus Mantuæ Pontifex, non Naugerus, ceterique ex Italiâ docti; siquidem & apud Cæsarem in honore erat, & in viri laudes effundebatur Cortesius; ceteri vix tanti viri absentiam pati posse videbantur. Ergo Tonsores erant, & lippi, inter quos sedentarius fabulator

non sine alienæ famæ detrimento solebat Porcachius hujusmodi de rebus agitare sermones. *Onde perciò era fuggito, & odiato da' galant' uomini.* Hic intelligere oportet cum illis, quos modò dixi, projecti pudoris ganeones; si modò probi, dignique honore existimandi sunt Imperator, Principes viri, doctique omnes, à quibus colebatur Severus. *Anzi dirò ancora tanto più (e tutto però con modestia, e senza passione) che harebbe il Poeta fatto carico a se stesso, & a così honorata schiera di Scrittori illustri, se frà loro havebbe nominato colui, che per haver' havuto notizia d'una congiura fatta contro la persona del Pontefice sacrosanto, era perciò caduto d'ogni honore, & aborrito da tutti gli huomini di sana bonà, e cattolici.* Hæc est modestia Porcachiana, omnem ejurare modestiam, dum eidem litare inverecondè perjurat. Sed audi, Porcachi, Cæsar catholicus est; sanæ tùm probitatis, tùm doctrinæ Cortesius; nec violatæ catholicæ religionis Genisagus; tùm Naugerus, tùm docti omnes, qui seculum illud illustrârunt haud aberrârunt à fide: & tamen post detectam conjurationem amplectuntur Severum, eidem favent; illum laudibus ornant. Ergo tam ille immunis à conjuratione est, quàm illi sincerè catholici, quàm tu senex fatuus, qui isthæc sine cerebro, & mente comminisceris. Potuit igitur & Areostus vel sine suæ famæ jacturâ, vel illustrium Scriptorum injuriâ, amici Severi in suo poemate meminisse: nisi fortè in eo possit videri exuisse pudorem, quod ibi tot clarorum hominum cum Severo voluerit exstare memoriam, ubi Bernæ, Aretinique Principomastygum mentio perennabat. Sed duo jam testes omni exceptione majores Severi laudes enarrent, ut ex iis quales ante conjurationem ejus mores fuerint, qualisque apud doctos, & bonos post conjurationem habitus sit, possit dijudicari. Et Cortesius quidè Paulus omnium sui seculi longè doctissimus, in eo quod de

Thomas Porcachi
pudorem, & sinceritatem
ingenuitatem de
Severo. Monacho
Cisterciensi Septi-
miano refut.

Exaginetur Porcachi-
chus, ejusque co-
njuratione absteruntur,
atque contendantur.

de Cardinalatu confecit opere, ità Severum exornat, ut ejus spectatam sivè probitatem, sivè doctrinam, ad paradigmaticos excogitata præcepta eleganter accommodet. Modò enim illum peritum linguarum deprædicat, cùm inquit : *Ut si ego quotidie, aut Severo Cisterciensi Græco paraphraste, aut munice meo M. Margatto Fanensi syllabico cognitore utar, quo societas vitæ sit studiorum conjunctione latior.* Modò vitâ, doctrinâque præcipuum extollit. *Nuper cùm esset mecum* (inquit) *Severus Monachus, homo ut vitâ, sic doctrinâ exquisitâ nitens &c.* Rursus in eo eas naturæ, artisque dotes agnoscit, quæ Regios irritatos spiritus nomine publico possint sedare. *Ut si dicamus, inquit, Ludovicum Gallorum Regem Senensium Reipublica succensere solere valdè, propterea quòd ejus sit quadragies mille persolvendi tarditate offensus, quòd ei se bello Aretino soluturam pepigisset; faciliè credendum sit, eum, hoc maximè tempore à Senensi Republicâ leniri posse, quo vehementer est victoriâ transpadanâ latus; idque cò faciliùs eventurum, quò celerius Reipublica nomine est Severus Monachus ad eum conciliandum missus, quo nemo est aut naturæ suavitæ gravior, aut artificiosâ eruditione ad hominum ingenia placanda aptior.* Tùm illius sapientissimè translata verba admiratur, & colit : *Simile potest judicari illud, quod iis messoris feriis est à Severo Monacho in Cortesiano dictum.* Nam cum in conventu, in Petri Soderini Florentini Dictatoris mentionem incidisset, maximèque probaretur omnibus ejus in animi affectione temperandâ virtus; perindè eum in prosperarum rerum ambitione moderandâ, ut male putari debere dixit, quod nullâ externarum aquarum accensione redundet, nec fines suos naturâ intemperatâ transeat. Demùm ejus suavissimum ingenium ità describit, ut ad omnem moderationem possit pro incomparabili proferri exemplo. *Cùm homines, inquit, interjectâ*

Severi Monachi
Septimiani Ordinis
Cisterciensis moni-
formis ac eximium
elogium à Cortesio
adornatum; quo
omnes suspitione,
ac malignitatis Poe-
cachiana nebula
mirum in modum
dissolvitur, ac dissipatur.

quādam bilis mediocritate temperantur; tum nihil fieri posse videmus, eorum naturā moderatā lenius. Quo in genere maximè hodie Severus Monachus placidā naturā suavitatem floret. An verò ex istis suavissimis moribus, præclarāque doctrinā, atrocitas ulla in sacrosanctum Ecclesiæ Thronum proficisci potuerit, conjectabunt prudentes? Certè Gregorius Cortesius, Pauli gentilis, ac sub Farnesiano Pontificatu mox Cardinalis, non modò Severum in Germaniā versantem conjurationis non accusat, coarguitque, (ut non semel dico) ut etiam in hæc tanto Cardinali dignā verba collaudet: *Dedissem, inquit, omnino antea ad te literas, si mihi exploratum fuisset, diutius te apud Cæsarem commoraturum. Cave enim putes, quippiam gratius, aut jucundius mihi eo officio potuisse accidere, nisi fortè, ut te viderem, & alloquerer, contigisset. Nescio enim quo meo malo fato accideris, quod ex quo Religionem istam, quam tu profiteris, & ego professus sum, cum te semper, ut ita dicam, vestigiis fuerim infectatus, nunquam tamen assequi potuerim. Nec adeò antea multis diebus, ut te potissimum consiliario, & mysagogo tantum opus aggrederer. Et quidè quantum memoria repetere possum, nemo te mihi est amicus antiquior, nemo magis conjunctus, nemo cui equè omnes studiorum meorum qualescunque fructus acceptos referre debeam. Non enim memoria nobis excidit, nec excidet profectò aliquando, cum tu jam tum Princeps Ordinis tui, atque adeò maximā dignitate pradius me adolescentulum, & adhuc in literis balbutientem, tantum aberat ut sperneres, ut ultrò etiam facilitate, comitateque tuā ad continuum contubernium semper provocaveris. Cum noctes, diesque me quietem studiorum tuorum interpellantem non modò non repellebas, sed ne vultu quidem subtristiore molestè id ferre unquam mihi visus fueris. Resonant adhuc in auribus meis sanctissima illa*
adhor-

adhortationes, & gravissima praecepta, quibus me assidue, & ad bonarum literarum studia, & ad Christianam pietatem hortabare. Cum ea ordinis gravitate, qua tunc eras, etiam circa incunabula mea cum latinarum, tum graecarum literarum, mecum, ut ita dicam, repuerascere non gravareris, ut ad ea, ad qua verbis me hortabare, te ipsum ducem, & praeivum nobis exhiberes.

Hæc itaque Porcachium, posteritati melius, melius nobis, melius famæ suæ consulturum legisse oportuit, antequam stricto stylo in putidis illis suis notulis contra Severum Monachum ad aliorum gratiam inveheretur. Sed quicquid dicendo molitus sit; haud potuit tamen, neque deinceps apud cordatos poterit à suo Marone, Naugeroque Monachum Severum distrahere. Id modò suâ maledicentiâ abundè testatus est, quàm verè de invidiâ dixerit ille: **ARRIPIT BONOS PERPETUO; NEC CERTAT CUM PEJORIBUS.**

An ego interim defendendo Severum, refellendoque Porcachium è lege historiæ fecerim, præsertim cum ad ejus dicta, quæ extra modestiæ confinia videbantur vagari, stomachatus plerùmque, responsionis pertulerim æstum, haud satis scio. Certè constat, non in totum me à munere abiisse historiæ; cum lucem attulerim veritati, sitque historia, ut Princeps eloquentiæ loquitur Cicero, lux veritatis. Si qua autem in nostrâ responsione videantur sordere; pietas primùm, post ipsa indignitas rei omnem maculam delebit. Siquidem hæc nos acrius stimulavit, illa coëgit, ut nostri Ordinis virum clarissimum haud omninò indefensum relinqueremus. Ceterùm tametsi quæ facta sunt, infecta esse non possint; indè tamen capere nostros consilium monemus, nunquam, aut rarò commorandi in aulis, certos se famæ maximam jacturam facturos, etiam si in illis sanctissimè versarentur. Etenim ea est erga Deo votos homines parata perfectioris

Periculosissimam
Monachi in uni-
versam Christianam
conspirationem
exemplum Severi
Monachi Cister-
ciensis ostendit.

Basilius Magnus
Monachos cum pi-
cturis egregiè com-
parat.

ctioris vitæ expectatio ; ut si vel tantisper ab officio ces-
sent , fœdissimè labi putentur , levique momento eorum
existimatio corrumpatur . Undè ille , melioris seculi gem-
ma Basilius cum picturis Monachos elegantissimè con-
tendebat . Ut enim illæ pulchræ , si à longè , fœdæ verò ,
atque deformes apparent , si propiùs aspiciantur ; sic istos
tamdiù dicebat videri perfectos , quamdiù insipientium
hominum oculos defugissent . Res est in promptu . Nihil
egerat noster Severus ; Italiam , Germaniamque exquisitâ
illustraverat eruditione ; laudem tulerat inter doctos , quæ
ejus seculi summum deceret ; & tamen , quòd in aulâ con-
jurati fuisset , ne mortuus quidè , ac post seculum inte-
grum putidæ calumniæ morsus defugere poruit .

FINIS LIBRI SEXTI.





NICOLAI BACCETTI

FLORENTINI

Ex Ordine Cisterciensi Abbatis

SEPTIMIANÆ HISTORIÆ LIBER VII.



OC eodem fermè tempore, Antonio Albico iterùm Septimi Abbate, Leo X ad capeffendum Trium Fontium Monasterium ad Aquas Salvias Septimianos liberaliffimè invitavit. Monasterium antiquiffimæ foundationis eft, fedesque Græco-

rum fuit, quos non tam ex instituto, quàm ex atrato veftium cultu Philippus Malabaila in vitâ Bernardi Monachos nigros appellat, qui ad præfcriptum S. Basilii etiam ad hanc diem in Criptâ Ferratâ, ut vocant, propè Tusculanum vitam inftituunt. Sed poftèa, fivè labentibus moribus, fivè graviore expellente cælo, fivè è bel-
lorum excidio, occultâque rerum humanarum inftabili-

tate

Leo X. Septimianum Monachos amantiffimè ad capeffendum Trium Fontium Monasterium ad Aquas Salvias invitavit.

Quemodo Monasterium Sanctorum Vincentii & Anastasii ad Aquas Salvias ad Cistercienses transierit, referitur: variisque ad idem Monasterium spectantibus memoratur.

tate in Cisterciensem Ordinem jam indè à D. Bernardi temporibus coopatum est. Cùm enim Bernardus septem ipsos annos cum perviciâ Petri Leonis Pseudopontificis depugnasset; tandemque Romæ repentino propemodùm fato rebellis fuisset extinctus; hortatu Siculi Regis, qui teterrimum schisma fovebat, factiosissimi quique, sive deperditæ causæ honestum titulum adhuc ignorati juris facturi, sive eâ morâ ab Innocentio vero Pontifice æquiores laturi pacis conditiones, in demortui Anacleti locum Gregorium Cardinalem sub nomine III. Victoris illicò substituerunt. Sed non minùs hos salutariter perurisit Bernardus. Hortando enim, terrendoque ita effecit, ut, relicto Idolo, ad verum Pontificem cum illo suo devicto Victore omnes redirent. Indè pax aurea Urbis, & Orbis sequuta. Quam sibi latissimè ad Gaufridum Cisterciensem scribens gratulatur Bernardus, cùm inquit: *Ecce venio citò, etiam & merces mea mecum est, victoria Christi, & pax Ecclesie. Itaque venientes veniemus cum exultatione portantes manipulos pacis.* Nec defuit dicto fides. Quinto enim die post redditam Ecclesiæ pacem, ad Claramvallem properè rediturus urbe excessit, ne ob gratulantium voces, inani gloriæ, quæ præclarè gesta ferè solet comitari, fieret opportunus. Sed abeunti Pontifex Innocentius SS. Vincentii, & Anastasii Monasterium dono dedit, ut in urbe potissimùm ejus exstaret memoria, cujus septennii labore factum esset, ut stabili, fidâque pace frueretur. Rediit victor in Gallias Bernardus; Pontifex autem ei se curæ dedit, ut penè collapsum reædificaretur Monasterium. Ea enim à multo tempore incommoda perpeßum fuerat, quæ solitudo, quæ insalubritas aëris, quæ bella, quæ demùm invidiosæ opes hujusmodi locis solent afferre. Itaque luxuriantes sentes à multo tempore metu solutæ falcis occupaverant omnia, detruncatosque muros, vibratis ad excidium in juncturas radicibus spuria,

spuria, ultrôque enata virgulta premebant; Salvias Aquas nullo certo conceptaculo castigatas, temerè autem fluidas, divagantesque arenosum solum sorbebat, itàque jàm invisæ inane nomen celebri loco facere viderentur. Templum solum è tantâ mole vetustas reliquum fecerat, causâ expiandorum peccatorum novem Ecclesias obeuntibus venerationi futurum. Cùm ergo Pontificis munificentia veteri fundamento novi parietes accessissent, satisque idoneum domicilium pollicerentur mortalibus, D. Bernardus altero è Galliis misso Bernardo è Paganellâ gente Pisano nobili alumno, illic felici sanè progressu Cisterciensem Ordinem propagavit. Hic ille est, qui sub III. Eugenii nomine ad Pontificiam Sedem evectus Romanorum Pontificum absolutissimum, atque incomparabile exemplar se præbuit, quique, ut Sigonii de Regno Italiæ utar verbis, *gloriam Pontificatus Romani insigni humilitate representavit. Admirationi erat omnibus in tanto dignitatis fastigio, tam constans sui demisso. Etenim & tunicâ laneâ carnem premebat, & dies, noctesque cucullâ indutus non solum incedebat, sed etiam cubabat. Intus Monachi habitum gerens, extrinsecus Pontificem se, & moribus, & indumentis præstabat. Segmentata ei circumferebantur pulvinaria, lectus pallis instratus cortinâ ampiebatur purpureâ, at cum evolverentur operimenta, superjectis laneis, complosa stramina, & palea conglobata reperiabantur.* Hactenus Sigonius. Ex cujus quidè exemplo tam multa postea è fontibus illis Ecclesiæ dimanarunt decora, ut eorum numerum vel instructissimus scriptor possit reformidare. Duo tamen in his itâ Ecclesiæ præluxerunt, ut nullius silentii tenebris possint obduci, Raynerius scilicet Capoccius, & Jacobus Pecoraria notissimæ prudentiæ, ac sanctimonix Cardinales; quorum ille ter in Hetruriâ contra Fridericum functus legationibus, cùm eidem nobilissimæ Provinciæ salutis fuisset, &

Raynerius Capoccius, & Jacobus Pecoraria Cistercienses Cardinales laudantur.

H h

com-

Hentii Regis, Fri-
derici Imperatoris
ex Pellice dñi im-
manis crudelitas.

Nimia Monas-
terii Titani Fontium
ad Aquas Salvas
opulencia.

Augustini Ghet-
tini Florentini Mo-
nachi Ordinis Ci-
sterciensis perfecti,
cumulatæque vir-
tutes.

commodo; Cisterciensem rem suo favore fundavit in Se-
ptimo. Hic verò cum inter Florentinos, atque Senenses,
quorum, mutuis illatis cladibus attritæ fortunæ erant,
pacem fecisset; à IX. Gregorio missus in Gallias, ut in-
dè doctissimos, atque sanctissimos viros adversus Fride-
ricum deduceret ad Concilium; inter Corsicam, atque
Pisanum Portum ab Hentio Friderici ex pellice filio,
plerisque itâ crudeliter interfectis, ut ecclesiastico sangui-
ne propemodum unda maris tepêret, capitur; sed maje-
state viri deterrente Tyrannum, cultus muneribus postea
dimissus ecclesiasticam rem defendit egregiè, donec nu-
tanti Christiano Orbi ad perniciem mortalium fuisset
subtractus. Ceterorum verò illic pro tempore commo-
rantium Monachorum tanta sanctitas fuit, ut ad eam or-
nandam certatim pii mortales ingentes profudisse opes
possint videri. Numerat enim Monasterium illud nobiles
suz ditionis Pagos, maritimos Portus, Castella, ingentif-
que opulentiz latifundia. Manet autem hætenus sua lo-
co sanctitas. Divi enim Anastasii capite, ejusdémque
cacodæmoni perhorrescendâ effigie, aliisque venerandis
Sanctorum Reliquiis condecoratur, quem jam olim ex
Apostolici capitis à cetero corpore sub liectore divulsi,
triplici saltu totidem perennes fontes nobilitaverant. Hoc
ergo tam insigne Cœnobium, liberalitate primùm Ra-
phaëlis Episcopi Ostiensis, deindè Julii S. R. E. Cardina-
lium, approbante Leone, Septimiani Cistercienses sui
juris fecerunt anno MDXIX, in eoque sanctimoniz fructus
protulere mirificos. Nostrâ memoriâ ejus Monasterii Præ-
positus floruit Augustinus Ghetinus Florentinus, eximiz
sanctitatis Monachus, ac spiritu prophetiz clarus; de quo
itâ Antonius Gallonius Romanus in vitâ S. Philippi Ne-
rii. *Eodem hujus seculi anno quinquagesimo septimo, cum vesperi, post fusas Deo preces, epistola de rebus In-
dicis in ejus cubiculo legerentur; tantâ cupiditate ardere capit*

cœpit infideles ad legem evangelicam reducendi , ut statuerit ad Dei gloriam , difficultatibus omnibus , periculisque spretis , qua plurima , maximaque se se ei offerebant , unâ cum Francisco Mariâ Taurisio , & Joanne Baptistâ Modio , & Antonio Fuccio , aliisque è suis alumnis ad viginti , in Indias proficisci . Verum , ut in hujusmodi deliberationibus fieri solet , cogitavit primùm , ut rem Deo assiduis precibus commendaret . Nihil enim ille aggrediebatur unquàm magni , vel parvi momenti id esset , nisi consulto prius , ac propitiato Domino ; deindè , quò de divinâ voluntate certior esset , ut pios viros consuleret : postremò , ut qui inter eos sacerdotii capaces essent , sacerdotio initiarentur ; tum , ut petitâ à Pontifice Maximo benedictione , atque licentiâ , longinquo , ac periculoso itineri se se committerent . Is profectò omnium ardor erat , ut terrores , vita pericula , Dæmonum tentamenta , arumnas pro nihilo ducerent ; gravia quaque nimirum ob Christi fidem disseminandam patiendi cupidissimi . Ergo , Philippo eam in rem intento , hanc mentem injecit Deus , ut Religiosum quendam è S. Bernardi familiâ sanctitate conspicuum adiret ; ejus voluntatem illo interprete , ac deprecatore auditurus , quod fecit . Præerat is eo anno Monachis Cisterciensibus apud Cænobium Sanctorum Vincentii , & Anastasii Martyrum ad Aquas Salvias . Parentes habuit , ut Francisco Mariâ referente didici , eâ sanctimonia laude exornatos , ut præter ceteras consuetudines Christiano homine dignissimas , hanc perpetuò tenuerint , ut biduo antequàm procreandis liberis juxta matrimonii sanctissimas leges operam darent , peccata confessione exponerent , sacrâque se se Eucharistiâ reficerent . Quibus peractis Deum rogabant enixè , ut ipsis filium daret , qui dignus esset in numerum servorum ejus adscribi . Migrârunt hi è vitâ eâ sanctitatis famâ , ut illos existimârint omnes ad eum locum , qui rectè morientibus patet , sibi

Hh 2

adi-

Antoni Galloni
Romani luculentis-
simum de præstan-
tissimâ virtute Au-
gustini Ghettini Ci-
sterciensis testimo-
nium .

aditum aperuisse. Horum filii, filiaque ejusmodi in rebus piis progressus habuere, ut sanctissimè & vixerint, & obierint. Nunc ad Philippum, cujus cum animum Augustinus Ghetinus (id erat Monacho nomen) cognovisset; inducias petit, oratione enim rem à Deo respondit quari oportere. Supplicatione completà, Philippo narrat, Romam non ad Indias evocari, Indiasque ejus Romam esse, apparuisseque sibi Johannem Evangelistam, qui diceret, Deum ita velle, ut Roma ad ipsius vineam excolendam maneat, ubi multos eidem filios aggregabit. Roma quippè, & ejus, & alumnorum operà ad plurimorum salutem uti decrevisse. Retulit is etiam vidisse se aquas, vulgò Trium Fontium appellamus, in sanguineum colorem mutatas, quà re apertissimè significari dicebat, novam urbi procellam impendere, quod etiam ab eodem Apostolo se accepisse narravit, totiusque visionis ordinem Philippo exposuit. Tùm, his ille auditis, ad omnia se pro Christi arbitrio paratum ostendens, sermoni Servi Dei cessit; Roma manere statuit: ubi quàm strenuè in animarum salute procurandà elaboraverit, quotvè fructus ediderit, nullus est qui non nòrit. Hæc de S. Philippo, dèque nostro Ghetino feriò, & eleganter Gallo-nius. Impendens autem urbi procella, quam è tinctis cruore fontibus Augustinus conjectabat, ea proculdubio fuisse videtur, cum purpuratus Caraffa, sub Paulo III. avunculo, Gallica, peregrinaque arma in Italiam publico malo, sed irritò conatu devocavit. Augustinus verò hic noster ex assiduis in cœlum aspirationibus admodum difficilem diphnæam contraxit, itaut sedens ferè semper somnum sollicitaret, ægréque conciperet. Compensabat autem infomniæ tædium continentibus ad Deum precibus, divinisque colloquiis, quibus ita insueverat; ut beatissimi illius ævi jam civis esse factus videretur. Indè illi in res futuras certissimi contuitus. Constat enim omnia evenisse

se ad punctum quæcunque nostri Ordinis hominibus aliquando denunciaverat. Monachum per id temporis induerant ex Florentinâ juventute duo. Quorum cum Augustinus vultûs lineamenta fortivo intuitu semel, & iterum percurrisset, methoposcopo major, & quasi recepto Deo ita vaticinatus est: Tu quoad vives (ad alterum conversus inquit) non tam ex vitæ merito, quam errore hominum ad honores obrepes, exitu tamen infortunato, ac tristi. Te verò (alterum alloquens) humanarum vicissitudinum, inquiebat, superbior unda jactabit, duraque experieris hominum judicia, evades tamen ad litus, factusque senior imperandi dulcedinem paululum degustabis. Constitit dicto fides. Ille enim cum ad satietatem imperasset, tandem subitâ apoplexiâ miserabiliter oppressus interiit; hic verò cum propemodum invisus omnibus usque ad senectam vixisset inglorius, variantibus aliquando partium studiis ex æstu Comitiorum pudendo sanè fortunæ lusu Diffinitor renunciatus est, judicemque illum tribunal illud aspexit, ad quod non ita pridem perditissimæ causæ peregerant reum. Non semel etiam communes nostri cœtus misérias vaticinando conquestus est, cum valentiùs solo pede percusso affore tempus inclamaret, quo nostrorum fœdissimè laberentur mores, unaque ad commune exitium propria triumpharet voluntas. An hætenus nos hæc olim prævisa temporis iniquitas deprehenderit, nec ne, prudentiores judicium-ferent. Sibi verò fatalem diem ita certò prævidit, ut tam exactæ prædictionis exitum meritò mirentur omnes. Cum enim ad S. Lucie Faventiæ nostri Ordinis Monialibus summâ cum pietatis laude moderaretur, prædixit, se cœlesti pane refectum tali die, talique horâ, Johanne Evangelistâ Divo tutelari suo invitante, devocandum ad Cœlum. It ergo condictâ die, conficit sacrum, ex eoque reficit filias ad unam omnes, ipseque cœlesti alimoniâ satur, lætissimus se domum reci-

Augustinus Gher-
tines spiritu Pro-
phetie illustris;
quod certissimis ar-
gumentis ostende-
ret.

recipit, ibique de more sedens ex divinis literis aliquid meditaturus, erectis in cœlum oculis felicissimè animam exhalavit, conditusque Faventiæ est in Monasterio S. Mariæ ab Angelo, vir planè sanctus, & qui inter suos ità virtutes contegeret, ut delirio, quàm sanctimonix propior aliquando posset videri. Nam & diæteriis, salibusque se divexari gaudebat, exhilaratâque ex insperato interdum fronte, stultitiam simulabat, ut quasi alter ille SALÒ novâ arte mundum deludens, ex subrepente inani gloriâ, virtutum quamminimam jacturam facere cogere-
tur. Haud satis recto, decoroque habitu corporis fuit. Singuli enim artus ad totius corporis structuram concin-
nandam non satis consensisse videbantur. Siquidem brachia se se protulerant longiùs, quàm humeros, pectusque deceret; promissumque ventrem breviores coxæ rege-
bant, pedum subjectâ basi, quæ justam aliquantò mensu-
ram excederet. Facies adeò illiberalis erat, ut Oscum putares. Mentum quippe, genæque senticoso inhorru-
rant pilo, atque inter densa, incultaque supercilia, minùs lenis fulgurabat obtutus: cum interim virtutum exem-
plum in se egregiè expressum unam saperet animi mode-
rationem. Itaque qui ejus sinè ullâ symmetriâ coeuntia membra cum moribus pensabant, tam bonum hospitem,
tam malam domum incolere voluisse meritò se mirari di-
cebant.

Interea vitâ functo Leone, quique ei suffectus fue-
rat, Adriano Pontifice non multò post è vita sublato,
cùm aliquandiù sævis studiorum vorticibus fluctuasset
Comitium, Julius tandem Medices sub nomine Clemen-
tis VII. ad Pontificatum evasit; qui (ut Medicæum no-
men Cisterciensibus nunquàm non favorable fuit) octa-
vo à suæ assumptionis die Monasterium Sanctæ Mariæ
ab Angelo Faventiæ contulit Septimianis. Locus abdi-
tæ, obscuræque foundationis est, ideoque, ut arbitror,
per-

Clement VII.
Monasterium Fa-
ventinum Sanctæ
Mariæ ab Angelo
Monachis Cister-
ciensibus Septi-
mianis benedixit,
ante ingressum.

perverustæ. Post diligentem tamen, accuratamque inquisitionem è nostris nonnemo reperiebat, illic olim Fontis Avelliani Monachos domicilium habuisse; quibus ad Camaldulenses abeuntibus, Cœnobium mutasse dominos, ut Commendatariorum libido, variantiumque temporum vicissitudo tulit: donec Septimiani tandem sub Clemente VII. sui juris fecerunt. Haud tamen vetustas, iniquitasque temporum potuit suam loco adimere religionem. Conditorio enim Petri Damiani sanctissimi, ac eloquentissimi Patris, ac patrocinio Deiparæ Virginis adhuc condecoratur. Sensere namque Faventini Cives utriusque non semel præsentissimam opem, sive cum bella ingruerent, sive cum pestilentia defæviret teterrimalues: sive denique cum aliquid mali è proximo videretur impendere.

Non longè ab iis temporibus floruit Basilius Lapius Septimianus, qui suo ævo Mathematicarum artium peritiâ nulli secundus fuit. Hujus meminit Jovius, suppresso, incertum quâ causâ, cucullo, lib. 3 8. Historiarum sui temporis. Hic ille est, qui Cosmi Medicæi parem genituræ Horoscopus cum Augusto Cæsare, Quintoque Carolo ex syderum conjectatione deprehendit: quique multò ante, quàm à Laurentio Medice perpetraretur nefarium parricidium, eidem ingentis opulentia hereditatem vaticinatus est, evenitque quod dixerat. Siquidem paulò post verè vir ille magnus Hetruscum imperium intulit in Medicæam domum; iisque consiliis, momentisque stabilivit prudentiæ, ut nil ad æternitatem videatur fieri potuisse sapientius. Basilio parem in Theologicâ tamen facultate insignem virum Severinum Massaconium illustrior nobilitaverat fama, qui majorum suorum gentilitia insignia, utpotè ejus gentis postremus, magno tùm Monachorum, tùm Civium mœrore detulit ad sepulchrum. Hunc itèm æquavit Hieronymus Magrezius vir nobilis, & ad quem ornant-

Basilius Lapius
Monachus Cisterciensis Septimianus
in Mathematicis disciplinis exercitissimus.

Severinus? Massaconius Monachus
Cisterciensis Septimianus multi
sacrarum rerum lectione & eruditione
speciatissimus.

Hieronymus Magrezius Monachus
Cisterciensis Septimianus nobilitatem
disciplinarum scientia conspicuus.

Johannes Bernardus Gualandus Monachus Cisterciensis Septimianus Græcis literis eruditissimus.

Thomas Mormorarius Monachus Cisterciensis Septimianus perfectus rerum Astronomicarum notitia decoratus.

Justus Bupholotus Monachus Cisterciensis Septimianus rerum Cisterciensium in utriusque Siciliae Regis relictore, & promotor.

Justi Bupholotti Monachi Septimiani utriusque Siciliae Cisterciensis Praefecti elogium.

Gabriel Franciscus Florentinus Monachus Cisterciensis Septimianus politioris literaturæ laude multo sibi concavo Scriptori secundus.

ornandum nobiliores artes conspirasse videbantur. His Jo-
hannem Bernardum adjungo Gualandium, hominem
Græcè peritissimum, Græcorum illorum à puero nobilem
alumnus, quos sub excidium illius gentis Medicæi Prin-
cipes munificentissimè aluerunt. Horum gloriosa vestigia
deinceps sequutus est Thomas Mormorarius Astronomiæ
scientiâ clarus. Nec suo tempore cessavit Justus Bupho-
lottus Septimianus, quamvis obscuro loco natus. Hic
enim à Gallis ipsis accitus in utriusque Siciliae Regno Ci-
sterciensem rem mirificè promovit, & auxit. Erant enim
illius Regni commendata Monasteria ferè omnia; itaque
opibus, Monachisque exhausta, ut nihil fœdus, fordio-
susve posset excogitari. Restituit igitur mores, Cœno-
biorum fortunas adauxit, amplioremque numerum aluit
Monachorum, iisdemque adeò salutare edixit leges, ut
sanctioribus moribus, disciplinisque imbuti Hetrusco-
rum exemplo ad vitæ normam, CONGREGANTIUM (ut
nos vocant.) Siculi cum Calabris audeant aspirare. Me-
minit Justi Jacobus cognomento Græcus ejusdem alun-
nus in suâ nuncupatoriâ ad vitam Joachim Florentis Ab-
batis, quam ejus hortatu edidit luculentam, in quâ Justum
*Religione conspicuum, ac utriusque Sicilia memorabilem
Praefectum* appellat. Huic temporis propior, variè lite-
ratorum in se admirationem traxit Gabriel Franciscus
Florentinus noster Septimianus. Qui cum severioribus
musis politiorum prætulisset literaturam, eamque impen-
sè excoluisset; adeò in eâ exornandâ valuisse dicitur, ut
nullus jam esset, qui cum illo ad eam gloriæ metam con-
currere auderet. Certè nullus Scriptorum, quos lege-
rim, propius Areosti vestigia, sive facilitate, sive amœ-
nitate dicendi sequutus est, ac noster Gabriel. Ità enim
Poetæ versiculis suos mentis conceptus exordiretur expli-
care, suisque demùm absolveret, vix ferè esset, qui non
ex

ex eadem officinâ haud ejusdem alioquin incudis carmina arbitraretur prodire. Satis rei, quam dico, luculentus testis est poëma illud, quod ex ternariis Arcostocentoni- bus coalescit, in quo vesanum juvenem suos conqueren- tem errores eleganter inducit, cùm inquit:

Se 'l Sol si scosta, e lascia i giorni brevi,

Misero me, chi mi darà ricetto,

Da coprirmi dal freddo, e dalle nevi?

Ceterùm Gabrielem Hetruscæ Poësi, plusquàm par esset, additum sive cupido gloriæ, sive communis abstu- lit error, ut amatoria scriberet. Nescio enim quo pacto fit, ut qui Hetruscæ noverit, haud sibi sapere videatur, nisi, vel amet, vel se fingat amare, vel editis poëmatibus vesanæ juventuti turpitudines suas obtrudat. Quasi verò Hetrusca lingua post Græcam, Latinamque omnium lo- cuples, ac suavissima non possit sacris accommodari; sed quasi adulterii comprehensa videatur virili togâ damnan- da. Omnino apud istos vecordes, *Altaria frigent*. Ego ad istas naniâs juvenis adhuc adeò nauseavi, ut quanti- quàm planè ridens Minerva, Hetruscumque cœlum ad hujusmodi Poësim me ducerent; virique docti tùm Flo- rentiæ, tùm Romæ ad eam laudem me adhortarentur, invitarent; longiùsque progressus aliqua non temnenda monimenta ingenii in eo studio politissimis quibusque probassem: opportunè tamen retraxi pedem, in sacris commentationibus operam meliùs collocaturus, inque scholastico pulvere solidiori cum laude, & fructu exer- turus vires ingenii. Tamen verò Gabriel noster juvenili calore amatoria fuderit; in eo tamen, ita verecundè ver- satur, ut cum Francisco Petrarchâ in pangendis carmini- bus de moderatione videatur certare. Nisi fortè in eo peccet; quod eò accesserit propiùs, undè posset timeri piaculum. Haud siquidem facilè discusserit viscum tur- pioris cogitatus, qui in incipiti, trepidoque labendi con-

Religiosissima, pro-
dentissimaque Ni-
colaus Buccelli Illi-
strum Septimanæ
viretis digressio
in eâ, qui amato-
rius verba scribitur
non dubitant.

finio versatur incautiùs. Exornabat autem hanc ejus vāriam literaturam ars organa, citharamque pulsandi, quam callebat mirificè. Ejus amœnis dotibus Aloysius Atestinus itā dicitur delectatus, ut ad voluptatem aurium inter honorarios aulicos aliquandiū Gabrielem habuerit. Maluissem ego in claustris, atque ad Dei laudem. Etenim sicut divina cantica pleno ore collaudo, sic non possum non abominari ea, quæ amatoriā vesaniā sordescunt. Animum quippè primū trahunt ad levia, mox inconstantiā urgent, curiositate deinde dissolvunt, philogyniā postremū defordant; quā unā grassante, vidimus plures deservisse claustra, repetiisse vomitum, sibi exitium, ceteris, quorum erant aliquando dignati convictu, nunquam interitum dedecus peperisse. Quo minùs jam miror Magnum illum Basilium ejusmodi Dæmonum cantica appellasse; ideoque obseranda Cœnobiorum claustra, ne aliquo specioso prætextu interrumpant. Sicut enim Gaditana saltatio ab honestissimā primū, plenāque decoris exercitatione, in turpes, fractosque corporis motus sensim degeneravit; sic cantus, quanquā honesti, verendum est, ne cū minùs oportuit, muliebriter animos frangant; expectorentque incautis omnem morum rigorem, apostasiā mentis inductā, quam ad hujusmodi levia desidiolis interminatur Bernardus.

Erat Gabrieli gracilior corporis habitus, os, oculi, supercilia, frons, quæ vividam indolem, atque aptam ad omnia proloquerentur. Fuiſſet proculdubio summus; si studia severiora excepiſſent adolescentem, neque citharæ, cantusque molliùs ad jucundiora fregiſſent.

Interea Septimiana res, injuriā temporum, quā opibus, quā moribus destituta severioribus cœpit labare, sensimque referri in pejus. Nostri quippè in ea calamitosa tempora inciderant, in quibus Solimanus Turcarum Rex post acceptam ad Viennam sive ignominiam, sive memo-

rabi-

Profana, & amœna cithara lascivitiis Baccæ detestatur, necnon eorumdem pœniculo elegantissimè delinbit.

Basilus Magnus, quæ amœnâ turpitudine sordescunt, cantica Dæmonum appellat.

Septimianorum Monachorum admodum hâ primigenio rigore mores labantur.

Temporū iniquitas præcipue apud Colonienses Septimianæ labantis discipulæ causa.

rabilem cladem, totum penè Orientem exciverat, ità ut cum Austriacis Fratribus, Carolo V., Ferdinandoque Rege Augustis, extra fines Pannoniæ de summâ Imperiî videretur velle certare. Exhorruit Occidens penè totus ad triste nuncium, præcipuèque Germania, quam propius malum urgebat imminenti occursura periculo statim in armis fuit; descripti undique milites, imperatæ pecuniæ, constrata classibus maria, portubus firmiora quæsitâ præsidia, sollicitatæ gentes, notæ felicitatis armati Duces, nova cum fœderatis, amicisque percussa fœdera. Tùm Clemens ipse Pontifex ad Cæsarianas partes accessit, quarum potentiâ, armisque dudum expugnatæ Patriæ in Medicæorum domum invexerat Principatum. Has autem quâ viâ, quâ vi foverit ad victoriam, unusquisque ex Paulo Jovio intelligere potuit.

In iis autem, qui nonnisi aut divenditis, aut oppignoratis prædiis, decumis persolvendis pares erant, Septimiani Cistercienses fuere; eò quidem majori incommodo, quò non multò ante à Florentinis inauspicatæ, ac jamjamque expiraturæ libertatis jura tuentibus, similem aut etiam superbiorē exactionem toleraverant. Ut enim si in corpus recenti morbo tentatum, ex ægritudinis vixdum deterfæ reliquiis lenta febris insurgat, spem omnem salutis decumbentibus solet eripere; sic ex frequenti decumarum impositione, profanæque in sumtus belli solutione, Septimiano semel, & sæpius debilitato Cænobio, recuperandi fortunas, implicitæque dissolvendi nomina, vires omnes deciderant. Ex eo itaque fœda facies rerum. Nostri siquidem duriores passim adire Danistas; præcipiti consilio, vilique pretio fortunas profundere, sordidiores, voracesque condere census, omnia fursùm, deorsùm miscere, ut vel existimationem tutarentur ad tempus, vel decoctoris infame nomen deprecarentur.

Ceterùm hæud diù potuit regularum nostrarum bre-

ve pallium, se se prodentis inopiæ fœditatem illam contegere; statim ut unus vel alter creditorum nostram tenuitatem subodoratus est, simul ferè omnes datum repetere instituerunt; eò quidem molestius, acerbiusque, quò clarius in dies gliscens indigentia illa creditoribus metum incusserat amittendi, quæ dederant. Atque cum iis rei familiaris angustiis nostri luctati sunt usque ad Pii V. Pont. Max. tempora: valuitque apud se positos habuisse viros, qui dicendo, agendoque præverterent dedecus, quod toti publicæ nostræ rei videbatur imminere. Florebant siquidem per id tempus Malachias Forasaxius, ac Cherubinus Salvaterra, par nobile Monachorum in Septimo, ille eloquentiâ, hic pietate in Deum, ac monasticâ disciplinâ insignis, qui cùm non possent opibus; autoritate tamen, morumque reverentiâ, vel frangebant, vel saltem mollebant illos repetentium æstus; donec prementibus aliquando creditoribus, eorundemque questibus Pontificio perstrepenste tribunali; ratio omnis solutionis arbitrata Pii V. Pontificis ad Benedictinum quendam, è familia Bonsignoriâ, virum egregium delata est. Quo agente, cùm nihil propius factum esset, quàm ut profanis licitatoribus illustre Cistelli Cœnobium addiceretur; Malachias, Cherubinusque apud Cosmum Medicæum Magnum Hetruriæ Ducem, adeò gratiosi fuere, ut in illorum favorem Princeps jam olim in nostros egregiè animatus, præcipitem illam, exitiosamque repetitionem ad æquiorrem solutionis rationem revocari mandârit. Itaque inter cetera, eaque maxima beneficia, quæ in nos Cistercienses Medicæi Proceres contulerunt, hoc unum postremum, haud in postremis potest haberi: Forasaxium verò, ac Salvaterram inter nostros tutelares Patronos adscribet grata posteritas, qui suâ autoritate, probitateque morum, usque ad hæc nostra tempora illustre nobis servârint Monasterium, ad sanctiorem vitam adolescentium Seminarium, domicilium disciplinæ.

De-

Malachias Forasaxius, & Cherubinus Salvaterra insignes Monachi Septimiani: ægræ Cisterciensis Reipublicæ præsentissimi reuerentiam asserunt.

Cosmus Medicæus Magnus Hetruriæ Dux. Primus erga Cisterciensium Monachos munificentissimus.

Detonuit hæc, utcūque procella; tametsi nihilo magis deinceps ditiores evaserint Cistercienses. Alebat enim egestatem illam, præter ceteras causas, quas suprâ commemoravimus, publicam rem administrandi ratio, quæ apud Italos Cistercienses, qui nomine Congregationis censebantur, itâ comparata erat, ut in singulos annos, modò ex Insucribus, ex Hetruscis modò eligeretur Præses, ceterique Prælati, statim munere abituri, ut se se convolvisset annus, urnaque comitalis iterum commiscuisset suffragia. Ex quibus dominandi angustiis fiebat, ut frequentiores illæ itiones, reditionesque in Provinciis à Comitibus destinatas censum omnem Monasteriorum consumerent, quique ad annum Cœnobii præficiabantur in rem presentem intenti, minus futura curarent; quòque minus temporis suppetebat, eò acerbius, calentiùsque ad domesticum peculatum incumberent. Hæc inquam, administrandi ratio, inopiam illam auxisse, aluisseque visa est, æstumque illum furentis propemodum ambitus commovisse, quem utique ea sanctioris vitæ incommoda subsequuta sunt, quæ vix hætenus eluctari posse videmur. Accidit tamen aliquando tempus, quo callidiores ad Præfecturam emersi, indutique communis commodi larvâ, se, remque communem, ut videri volebant, respicerent, pro annuâ, æternâ Præfecturâ inductâ. Salubrem ausum, tametsi multis difficultatibus septum adjuturus videbatur Moronus, qui Purpuratorum sapientissimus, per ea tempora Cisterciensibus moderabatur. Itaque apud eundem, præsentem rerum statum conquesti sunt, qui publicæ rei administrationem nuper susceperant; quorum prudentior in hunc ferè modum dicitur fuisse loquutus.

Eo libentiùs apud te modò (Morone sapientissime) orationis vela expedio, quòd pro communi jure mihi certandum est, quòd hanc de quâ modò deliberamus, perpetuam Præfecturam invexit, usu comprobavit, atque ad

nos

nos usque incredibili commodo bonorum deduxit. Tametsi enim anceps, dubiumque argumentum plures ita urere scribendo, ut dubium planè reliquerint utrius commoda, alterius incommodis præponderent, idque & timide ipsi recenseant, & agrius ille, qui legerit videatur posse colligere: disciplinato tamen, atque ex usu bene instituto ingenio in expedito res est, perpetua scilicet Præfectura, præ temporariâ, palmare decus debere deferri. Græve iudicium tuum si accedet ad partes, haud iterum privatum, commune jus impunè castigare audebit, cum in hoc plurimum insit aequitatis, in illo autem, quod usus ipse plerumque redarguat; si quid ea, quæ è causa visceribus eruuntur rationes evincunt. Etenim, si creari, & iterum premi Abbates possent à subditis, quis non videat in subditorum animis Superiorum sensim exoleturam Imperiî majestatem, quod idèò timide exercerent in eos à quibus propediem abeundi munere expectarent arbitrium? Tum vicissitudo illa electionum, suoptè alioquin ingenio furentem multorum ambitionem succenderet. Quæ ubi semel humanum pectus invasit, nil pium, nil sanctum ducit, dummodò quo jure, quæve injuriâ obrepit ad sedem. Deindè consuetudo ipsa, commune jus procursura pervicit, ut qui ad clavum in claustris sederent, perpetuò imperarent, Episcoporum, ceterorumque Præpositorum Ecclesiarum amulaturi exemplum, quos semel ad id muneris ascitos, nullus deinceps ad privatum jus novus successor deturbat: ut hinc jam faciliè videre sit, Euripum insanam illum frequentium electionum, & illa, superius commemorata, ebullire incommoda, & ex unâ perpetuitate, quam recta ratio regat plures utilitates lenius dimanare: ut cetera absint, ejus certè beneficio Rectores ex usu diuturniori prudentiores, publicique amantes evadunt, vetantique illà suâ perseveranti munerum persunctione, ne dignitas Præpositura in improbos cadat, armetque viribus

Gravissima ambi-
tione damna;

ribus suis temeritatem illorum, qui ambitu, vel errore hominum in eam succedunt.

Et iis quidem si vè rationibus, si vè conjecturis nobiliores Canonista pro perpetuitate depugnant, quas haud abnuo despici, contemni non secus, ac olim senem philosophum de suggestu militariter nescio quid ad laudem ingenii precipientem Dux Carthagenensis derisit, si suis experientia destituantur momentis. Intuere in mores, consultissime Princeps, temporaria illa Prapositura, angustisque definita cancellis, illos corrumpit, fœdissimèque infecit; dum, & qui præsunt desituros mox Magistratus traducit; & qui subsunt, irrequieto motu illos torquet ambitio, donec in diu cupitam sedem tandem invadant. Rursus in opes, fortunasque despectas, illa populabunda manus, quam turbulenta suffragia victricem renuntiârunt, partim diripuit, partim ad comitiales illos, frequentesque discursus conductâ jumenta, diversoriaque taberna voravit. Ecclesiasticus inde, divinusque cultus elanguit, quippè cui, nec animi perpetuam in seditionem versi pro dignitate sufficerent, nec posset forveri opibus, quas turpis, inconsultusque luxus exhaustis. Etenim quid aliud medio illo inter Comititia tempore meditantur Monachi ignobili otio marcentes, quàm pradam, & domesticum peculatum, quo facti ditiores ambitioni suæ subseruitura plura coëmant suffragia. Mitto murmurantium coronulas, seditiosa colloquia, cachinnos, dicteria, scommata, quibus, proh pudor, toto illo tempore claustra exsonant, quæ unam Dei laudem, solidarumque virtutum exercitium occupasse par erat. Ipse nosti, Princeps Morone, quas inde vel ad nauseam hauseris querimonias; quos plerumque tumultus sedasti; quantos in componendis Cisterciensium moribus exantlâris labores. Prudenti indagine fons ipse repertus est, undè noxiosissima factiones ebullierunt, obstruatur: exarmetur ambitus, inquam, qui

qui quotannis populabundus dissensionis arma intentat & diuturniorem potestatem pati, & ferre addiscant, ut inde inquietos mores dediscant. Videbis inde pacatiores animos ejurare tumultus, publicæ listare concordia, nobiliores colere artes, interiori cultui intentius assuescere; cum ad perpetuò ab aliis occupatam jam dignitatem, vel illos aspirare pigebit; vel diuturniori expectatione frustrati aliis oblectamentis, & iis quidem magis homine dignis, vacuos animos cogentur implere. Nam quæ, quantaque inde futura sit fortunarum accessio, etiam me tacente, cujusque animus, qui à communi sensu non abhorreat, poterit augurari. Ut enim temporarii Abbates, quæ communis juris sunt, privatarum rationum amore cæcati, vel in se trahere solent injustè, vel mansura aliis maximo neglectu tractare; sic perpetua administrationi admotos amor, curaque subeat necesse est, ut commune commodum tanquam proprium sanctiori curâ perurgeant. Si qui autem aliquando reperti sunt, quos publico neglecto, ad propria commoda turpior luxus detorserit; de numero illorum fuisse constat, qui cum uni Monasterio perpetuò essent affixi, ideòque haud superiores fasces, vel revereantur, vel timerent, facile illis fuit ex impotenti, diuturniorique dominatu, claustrales fortunas cum moribus traxisse ad casum. Modò verò res aliter constituta est. Jam in cætum coivimus omnes, jam plura Monasteria invicem sibi dant manus. Jam unumquodque Canobium ita uni paret, obtemperat, ut iterum simul omnes Monasteriorum Praefecti, unius Magistratus (Regimen vocant) leges præstolentur, adorent. Undè fiet, ut qui modò uni, modò alteri, ditiori modò, modò tenuiori Monasterio ad Comitium Patrum arbitrium sufficientur; & perpetui nomine tennus habeantur Abbates, & re verà temporarii sint: quippè quibus per triennium commutatio ipsa locorum videatur. extortura tyrannidem.

Hu-

Hujusmodi rerum status, si semel fuerit sancitus in claustris; nullus jam arbitror, erit, qui vel communis juris vetustissimum, sanctissimumque de perpetuitate morem desideret, vel municipalium legum aequitatem de commutatione locorum conqueratur abesse. Saltè ea sanctio, tametsi cetera concedantur deesse, non abibit à Regulà; in quà ne verbum quidem collegeris unquam, quo muneribus functi gravioribus, vel ad minora, vel ad privatum jus Monachorum jubeantur descendere. Quippè ab ortu legum, ipsis Legislatoribus, quasi à naturà insitum federat, non nisi imperandi, parendique assiduitate claustrale decus, dominiumque posse diù illibatum servari.

Dixerat ille; nec tamen adhuc Principis vultus in eam sententiam inclinantis animi signa prodiderat. Quin gravitate illà suà Moronus supplices valdè suspendit, inque se plenà deinde consultationis taciturnitate convertit: mox subridens leniter hilaritatis plenam frontem porrexit. *Et conjecturale, inquiens, argumentum est, non igitur mirum si pro utrâque parte, qui in illud viri docti, et graves hætenus sedulò incubuerunt magis philosophandi causà, atque ad laudem ingenii, quàm quod ità reverà sentirent, expertique essent, vixi sunt rationum aciem instruxisse. Quorum quidem conflictus non tam de sincerè victis agit triumphum, quàm ut quisque affectus est, ità ad illas partes accedit, qua magis ob commodum, vitæque splendorem placuerunt, quàm qua adhuc dubios, suspensosque suà vi rapere posse viderentur. Et quod ad me attinet, neuter mihi status improbatur; modò probi, benèque in publicam rem animati sint, qui vel æternum regnabunt, vel dispensatis laboribus invicem sibi succedent. Sed quia hoc magis optandum, quàm sperandum est; nullusque jam reperitur, qui non liberè, verèque confiteatur, ex legum statûsque conditione, morum con-*

Kk

ver-

versionem plerumque pendere, demum is rerum status (cum utriusque commoda, incommodaque invicem contulerimus) preferendus erit, cui insint minora mala, commoda potiora secum vehat.

Ac primum, si verum est, in unâ abdicatione rerum omnium, Religiosum statum contineri, itaut semel cuculato non liceat, nec ipsum corpus, nec voluntatem propriam, ne diu cetera, qua extra nos sunt, habere in potestate; jam ipsâ perpetuitate imperandi hujusmodi status evertetur, cum iis, qui imperabunt, omnium, inque omnes nunquam destituta potestas asseretur. Tamen si autem pauciores futuri sunt, quos Oligarchia illa tollet ad sedem, plures verò, quos illa rerum omnium nuditas coercet; non ideo tamen inde efficietur, ut abdicatio illa in claustris facta tecta servetur. Siquidem vulnus in eâ parte corporis, hoc est in capite, insitum erit, unde mox sincerior pars pessimo exemplo trahatur. Ut non hac fiant at illud satis incommodi erit, pauciores impotentiùs, superbiùsque abuti dominio, quod, moderationis lege dictante, ad plures pertinere oportebat. Contra, temporalitas illa dominandi ejusmodi malum prudenti definitione temporis devitabit. Quis enim ut propriam, mox exuendam potestatem in ceteros exercebit? Cumque abierit munere, aliisque idem subeundi fecerit locum, planè ostendet, omnibus commune esse, quod omnium suffragiis cuique obvenire posse constabit. Atque ita fiet, ut obtemperandi non dediscat ille virtutem, qui Praefectura fasces in alios mox sibi superiores futuros expediet. Nec mihi hinc temporariam illam imperii majestatem exoleturam, perpetuitati nimis addicti proclamant. Quæro enim apud quos tandem dominium illud vilescet? Reponent namque, si sapiant, illis ipsis, quibus ad tempus imperabitur. Sed cum iidem, ad ejusmodi fastigium se mox sublevandos cogitabunt, ne ex aliorum desipientiâ, sibi deinceps subdito.

ditorum parent contemptum, si vè verà, si vè simulatà superioris potestatis reverentià illorum maximè cavere intererit; degenerique discusso timore, ex propiore aliorum contentione publicam rem viriliter promovere. Illud verendum potius, ne diuturnus, perpetuusque dominatus, ceterorum omnium incurrat invidiam, stimulantemque odio non modò contemptui pateat, sed exitio etiam. Etenim si hoc ipsum accidere solet, cum concors catus ex suo numero aliquem provexerit ad honores (quem tamen ut suum alioquin fuisse oportuit) quid eventurum putatis, cum sexviratus censura multitudini propemodum reluctanti Rectorem imponet?

Nam qui ex vicissitudine illà electionum vehementius arsurum ambitum arbitrantur, quid demùm velint haud satis mihi videre videor. Siquidem præter quod ità naturà comparatum est, ut ad vetita immoderatus anhelemus (quod ex unà perpetuitate evenire necesse est) sedationi verò animo præstolemur redituram felicitatem, (qua temporariam illam Praposituram concomitabitur) ipsi subditi spem succedendi in munus, degeneri, abjectàque servitute in eos, qui tunc dominabuntur, precipient, minoribusque interim muneribus ambiendis, si ea tanquam ad majora gradus, lege latà constituentur, conatus suos omnes convertent: non cessantibus interim iis, qui perpetuò Abbates erunt, quos subtilior torquet ambitio, ut inter Prapósitos digniori Prapositurà, ampliori-que censu ditentur. Quod ipsum ut assequantur, quibus vel precibus, vel promissis, vel etiam pecunià (quod absit) suffragia non còment? Atque ità fiet, ut temporaria Præfectura non abscisso incommodo; ex perpetuà, tanquam ex Hydrà Lerneà plura subindè malorum capita suboriantur. Nec ideo tamen me movet Episcoporum exemplum, cum illorum status, status Prælationis, atque excellentia sit; horum verò humilitatis, atque abjectionis; itàut, si

quis perpetuò imperet, hunc evertat, illum etiam dive-
xet acerbùs, si antequàm vità fungatur, successorè
accipiat. Jam prudentiam ampliorem, amorèque præ-
cipuum in publicum, ut ex unà perpetuitate dimanare
posse non abnuam, haud video tamen, cur hanc ipsà, &
quidem aequè exactà rerum gerendarum scientià, tempo-
raria Præfectura claustrì Rectores subornare non possit, ut
scopulis, taniisque vitatis, in consiliis explicandis rectà
cursum instituant. Quippe, vel ex repetitis imperandì
vicibus illam acquirant, vel ad exemplar aliorum sa-
pient, vel ceteri sub quorum oculis imperabunt, non sinent
eos à recto cursu deflectere, vel ad præfinitì temporis me-
tam ità verecundè respicient, ut omninò nolint esse Ty-
ranni. Quin illud etiam temporaria commodi accedet, ut
si probi illà fungantur, propiora rectà administrationis
successuris relinquant vestigia: sin improbos præesse con-
tinget, devolutum ex lege tempus (nullà apud contentio-
sum forum perstrepen- te lite) leniter illos munere abire ju-
bebit. Demum si sub temporarià Præfecturà pradabun-
dus peculatus opes absumsit, omnia si in claustris irre-
quietus ambitus turbat, ac miscet; si murmurantium
voces, à Regulà jussu silentium jugulànt; si factiosa
consultationes abruptunt quietem; si denique concordés
armant in prælia Fratres; non ideo tamen status mode-
rationis plenissimus vituperandus est, quem spreta magis
deservire leges, quàm ipse ea mala invexerit, quæ memo-
ratis. Dicatur lex, & quidem non ad speciem mox eva-
nescentis timoris, quæ depopulatores mulctet infamià, ve-
sanos ex ambitu coercet; quæ munere sanctos superioris
arbitri vocet ad calculos, trepidabunt, ni fallor, ex tem-
poris angustiis, in fortunas, opesque invadere, res novas
moliri, omnia demum sursùm, deorsùm miscere. Nec
tamen hoc ipsum abhorrebit à Regulà, quæ tametsi nullum
de successore ingerere verbum videatur, imbecillibus hoc
dedit

dedit initiis, in quibus diuturnius unum regnare è Republica fore omnino censebatur, donec firmiores universo corpori vires accederent. Quibus cum roboratus jam valeat, ceteris sanè solemnibus injuria fiat, si aliquibus perpetuo duratura deferatur potestas. Quid adhuc igitur commune jus, tanquam eam fœditatem contecturum, obtenditis; cum eidem non semel privata, ac municipales leges fecerint medicinam, eluerintque sordes, qua mortalium inde dimanarunt in mores?

Hæc raptim, ac stans Princeps Moronus effudit, non tanquam perpetuæ Præfecturæ statum omnino improbaturus; sed ostensurus potiùs, quam temporariam, tam perpetuam de illarum numero esse, quæ, tamen si hæud ex se malæ sint, ex mortalium tamen usu, sive bono, sive malo, ita vel bonas, vel malas esse judicandas; ut est firmior corporis constitutio, ut divitiæ, ut decor, ut cetera hujusmodi quarum utilitatem illorum improbitas, qui utuntur, plerumque solet corrumpere, ita ut incautis mortalibus invidiosa reddatur: ac proinde defæcatissimos mores, utrique statui, quicumque tandem eligatur, in claustris afferendos esse, ne administrationis momenta, aut in tyrannidem, aut in seditionis æstum degenerent.

Cum itaque ex vultu perorantis Moroni inter rationum pondera humanitatis quædam lux affluisset, quæ supplicum spem videretur erigere; enixius illi versi in preces, Protectorem deprecabantur, ut in experimentum melioris redituri seculi, Monachos iterum in claustris perpetuo pateretur præesse. Ipse, & quod à supplicibus commune tum jus, tum ceterorum Monachorum staret exemplum; quodque caput erat, jam jam expiraturam temporariam Præfecturam, notarum, morumque aspectabiles ruinæ viderentur arguere; ne aliquid unquam, quod speciem communis commodi præferret, contemneret; capessit negotium, adit ad Pontificem, cau-

Tum temporarium, quàm perpetuam Præfecturam commodam & incommodam sibi habere ex bono vel malo Prætorum administratione usu quotidiano comprobatur.

sam

Perpetua imperandi ratio, locorum commutatione inclinetur.

sam perorat, evincitque tandem, ut qui præficerentur, perpetuò onus administrationis subirent. Quam tamen imperandi rationem commutatione locorum mollivit, ne patituris diuturnius imperium amaresceret; neve ii, qui perpetuò imperarent, evaderent crudeliores?

Pontificium placitum evulgatum est (inconditâ nequicquàm reclamante multitudine) in Comitii Romæ habitis in Monasterio Trium Fontium anno MDLXXX., in quibus pleraque vel noviter procusa sunt, vel adaucta. Quæ quoniam, jussu Diffinitorum Hilarion Rangonius postea, hoc est anno MDLXXXIX., Mediolani in unum volumen digessit, undè Cistercienses sibi præcepta vivendi desumerent, teriturque ab omnibus nostræ Congregationis hominibus, quibus candor Ordinis cordi est, atque curæ; supervacaneum duxi, si hic longiori narratione recenseantur. Hic ille Hilarion Rangonius est, qui juvenis adhuc, adeò felici conatu scholastici pulveris metam percurrit, ut ad calcem studiorum (Pici Mirandulani, quem literatorum Phœnicem superius, doctiusque seculum jactat, in eo ingentes ausus æmulatus) ad duo, & eo amplius millia philosophicorum problematum proposuerit defendenda; itaque repetitis congressibus defendit, ut Papiensis Academiæ Rectores ad profitendum ibidem philosophiam, illum sollicitarint ex publico. Hanc autem in eorum maximarum scientiam, Musarum amœniorum studium extrulerat ad miraculum. In quo quantum potuerit, luculenta illa Oratio de laudibus S. Hyacinthi non ita pridem à Clemente VIII. in Beatorum album relati, habita Papiæ apud Dominicanos abundè testata est. Sed non modò studiosis Italis suum in artibus probavit acumen; Ibericis etiam admirationi fuit. Quippè apud Populeum Cisterciensis Ordinis celeberrimum Monasterium, quò purioris monasticæ vitæ gratiâ se aliquando contulerat, & sapienter docuit, & moderatè vixit, & san-

Hilarion Rangonius Monachus Cisterciensis plurimum duo millia problematum repetitis congressibus junior animosè, & eruditè defendit.

Laudatur Hilarion Rangonius Monachus Cisterciensis.

Et if-

Ætissimè diem clausit extremum . De quo quidem, illinc ad nos adeuntes solent mira narrare : quorum si certior fides ad nos contigisset afferri , ejusdem meritis laudes hæud hîc desiderasset grata posteritas .

Ceterùm cùm multa in Comitîis illis Romanis salubria, præclaraque sancita sint ; tùm illud in primis lætâ , festâque acclamatione excepêre prudentes, quòd causarum Arbitri curam muliercularum à nostris opportunissimè absciderunt : curam utique plenam alicujus, atque periculi, sive sexum garrulum, inquietum, atque ad amatoria proclivem spectes, sive iterùm mortalium in illum penes favorem . Etenim dùm imbellibus, destitutisque auxilium ferimus, illarumque vicissim auxiliariis suis munusculorum vicem rependunt ; piam illam, ac initio plerunque rigidam curam, mollior sensuum remissio enervat, ac frangit : itaut ad amatoriæ viscum priùs hæsisse te sentias, quàm primos assultus potueris eluctari . Indè invensendi gratiâ frequentes itiones, rediciones, anxietas curæ, cogitationum morsus acerbior, zelotypiæ anxietas simillima, instabilitas mentis, molliora colloquia, amatorii joci, qui quominus caveantur, efficit larvata libertas .

Interea Florentinum Cœnobium, Cistellum vocabant, suo ingressu, nuncupatisque votis nobilitaverat Horatius Aquaviva filius Atrienfis Dynastæ : is qui postea Episcopus Cajacensis renuntiatus tanto nihilominus ardore animi Cisterciensem Ordinem, cujus erat alumnus, coluit, ut à fundamentis crexerit Monasterium, quò, statis diebus, ex ejus Ordinis instituto, munera obiturus secederet .

In Romanis verò Comitîis, Monachum induit, jam triginta, & eo ampliùs natus annos, Philosophiæque Baccalaureus Marsilius Vasquez Toletanus, Florentinæ postea universitatis insignis Theologus, ac S. Lucie Stalis Abbas Cisterciensis; cujus copiosa manuscripta ad

Ari-

Muliercularum
plena alicujus, atque
periculi cura oppor-
tunissimè in Comi-
tîis Romanis anni
1780. à Cisterci-
ensis absciditur .

Horatius Aqua-
viva filius Ducis A-
trienfis Cistellum
Florentinum illu-
stre Monasterium
ingressu suo, exi-
mitique vicinioribus
nobilitat .

Marsilius Vasquez
Toletanus Abbas
Ordinis Cisterci-
ensis, & insignis Theo-
logus laudatur .

Aristotelem, D. Thomam, Sacroboscum adhuc in Cistellianâ Bibliothecâ visuntur. Hic apud nos nobilia ingenia instituere aggressus, fructus tulit uberores, submovitque ingenuarum artium ignorantiam, quæ rude illud seculum fœdè infecerat. Certè mihi adeò adjumento fuit; ut ubertim sub ejus disciplinâ philosophicis haustis fontibus, Romæ deindè Theosophiam, Gregorio de Valentia, Petro Arrubale, Didacoque Alvarez præceptoribus usus, feliciori conatu sum assecutus: itaut primus in hac nostrâ Hetruscâ Congregatione de illius facultatis universis dogmatibus initi certaminis, in Romanâ publicâ Academiâ anno MDXCIX. lauream tulerim.

Cistellianam Bibliothecam Marcellus Vasquez Telecanus ornata.

Verum non modò feliciori proventu docuit Marcellius, sed etiam studiosæ in posterum consuluit posteritati. Siquidem Bibliothecam Cistellianam ornavit, cupressinis ad parietem pluteis distinxit, eaque ratione veteres manuscriptos codices, qui acervatim situ, squalloreque marcebant, in gratiam studioforum ab injuriâ temporis vindicavit.

Lapsi ex eo duodecim anni erant adeò vacui argumento, ut nisi una Septimi cultior restauratio intercessisset, perpetuo omninò silentio mihi viderentur tegendi. Quam tamen prudenti consilio præstabit suppressere, ne privatos, benèque nummatus Monachos, à quorum liberalitate profecta est, cogamur proprietatis criminis incusare, si illos præposterè liberalitatis laudaremus, à quibus omnem, vel levem habendi cupidinis suspicionem abesse decebat.

Monasterium Montis Amiatini antiquissimum Abbatem seligendi ad arbitrium Monachorum, quibus per triennium domitæ præfuit, diti fuerat.

Interea Paulo V. rebus humanis perfuncto, Gregorius XV. successerat: jamque indè Cœnobium Montis Amiatini Hetruscæ Congregationi Septimiani tentant adjungere. Adhuc enim Monasterium illud antiquo Ordinis ritu seorsum rem suam agebat, atque ad arbitrium Monachorum seligebantur Abbates, qui per triennium

ce.

ceteris imperarent, munere statim abituri, ut præfinitum tempus se convolvissent. Cui quidem administrandi rationi speciosum libertatis titulum, ut re verâ inerat, obtendebant; nisi provectiores quique ut pluribus suffragiis suffulti erant, per orbem sibi invicem succedentes, ita Monasterio præfuissem, ut simul privatis suis commodis studerent impensius; Gallis ad id conniventibus, quos sedulo annua repræsentata pecunia, quam pro opibus cujusque Cœnobii ab Italis Cisterciensibus, taxationis nomine exigebant, trahebat in partes. Cum itaque ea vivendi ratio recessisset è moribus, & tamen mordicus adhuc ab Amiatinis retineretur: à Pontifice tandem edictum est, ut quæ Ordinis Cisterciensis seorsum administrarentur Cœnobîa, alicui Provinciarum, quæ tunc in Italiâ vigebant, adjungerentur. Celebrabant tunc per Italiam cum laude ejusmodi coetus, cum Hetrusci, tum Insubres; eaque de re ferò sapuerant Calabri.

Gregorius XV. decrevit, ut quæ Ordinis Cisterciensis seorsum administrarentur Cœnobîa, alicui provinciarum, quæ tunc in Italiâ vigebant, adjungerentur.

Amiatini ergo cum vel Pontificium Romæ conarentur eluctari diploma; vel si parendum foret, ad suam illam antiquam libertatem tuendam, unam, illamque novissimam Calabrorum Provinciam prospectarent; Antoninus Curradius tunc in Aulâ Romanâ nostrarum causarum Orator contranitentium egregiè fregit conatus. Qui cum deindè propiori Pontificis premerentur imperio, nec satis opis in Medicæorum invenirent favore; facile fuit, eisdem Principibus ad omnem pietatem unice animatis, annuentibus, illos tandem Septimianas leges subire. Prodiit in ejus rei favorem Pontificium diploma anno MDCXXII. Die XXV. Januarii. Cujus præsidio fultus, missuque Patrum Regiminis, idem Antoninus Curradius, qui in ejus acquisitione strenuè desudaverat Romæ, eodem anno, die vero XI. mensis Maji, Amiatinum Monasterium solemnî ritu, Septimianæ jurisdictionis fecit.

Mons Amiatini Monasterium Septimianæ jurisdictioni subicitur.

Monasterium Jesu Christo Salvatori dicatum adeò

LI

per-

Monasteriū Mon-
tis Amiatī brevī
hīstoriā exscit.

pervetustum est, ut ipsius initia in Longobardorum Regum quempiam rejiciantur. Quis autem ille fuerit, Johannes Gobellinus in Commentariis Pii II. liquidò monstrat cum ait: *Vetustum hic Monasterium jacet Salvatori Domino dedicatum, Templo, & Monachorum habitaculis egregiè structum. Rotharim Longobardorum Regem fundasse perhibent: & magnis donasse possessionibus.* Atque ut dicto magis astrueretur fides, post pauca subjungit: *Mille circiter, & quingentis passibus ab hoc Monasterio summitatem Amiata quarentibus vetus sacellum occurrit, in quo Reginam conditam tradunt, Rotharis, ut putant, Conjugem.* Ego, si quid in hac re historica veritas valet, arbitror vel in Gobellianos Commentarios irrepsisse mendum, vel imperitum vulgus, à quo fortasse Gobellinus acceperat, dicendo, jactandoque germanum Fundatoris nomen mutasse. Rotharis enim is, ille est, qui à Gundeburgâ Reginâ, earum commendatione virtutum, quæ Regno viderentur idoneæ, in sortem sceptri, torique vocatus, majori ope, quàm ad eam diem alius quisquam Arianam impietatem, Arianus ipse defendit, ac fovit: tantùm abest, ut Monachis ejus pestis acerrimis hostibus, domicilium, Templumque effusâ liberalitate parârit. Facile ergo fuit, Rachim transire in Rotharim, propter aliqualem illorum nominum affinitatem. Et Rachis quidem, si ulli munificæ illius foundationis laus, decusque debetur. Quanquàm enim, & ipse libidine proferendi Imperii, aliquando infestis armis Romanum Ducatum, Pontificisque ditionem vexasset; à Zachariâ tamen Pontifice verbis severioribus castigatus, itâ belli consilia abjecit; ut ad ejusdem oscula pedum beatorum provolutus, novâque religione perfusus, sequenti anno, relicto Regno, cum uxore, ac filiâ lectissimâ virgine, ab eodem Pontifice in Monte Cassino monasticam vitam professurus cucullum acceperit.

Sivè

Sivè ergo cùm Romam pergeret, cœlitùs admonitus, Amiatinum Cœnobium construendum curavit; sivè jam Cassinensis effectus, indè deductâ coloniâ, ut Ordinis, quem colebat, fines amplificaret, in Amiatino Monte cum uxore haud procul monasticam vitam ducente, sedem sibi delegit. Huic, inquam, Rachis propter præcipuum Religionis studium, vitæque monasticæ amorem, tanti Monasterii exordium attribuendum videtur: tametsi eam munificentiam regiam, ne obscurè quidem Scriptores, quos legerim, jecerint in Commentarios.

Sed & perantiqua Amiatini Templi pictura nostræ narrationi maximè favet. Ibi enim ex arbore cum face Regi Rachis, ut inscribitur, se ostentat Salvator, tanquam rationem, modumque fundandi Cœnobii in genua provolutum Regem docturus. Denique quisquis ille mortalius fuit, qui inter fragrosa montium Salvatori Templum illud crexit, magno illum animo, eximiâque in Deum pietate fuisse oportet, qui monitis cœlestibus ad tantum opus meruerit excitari.

Et Monasterio quidem Amiatino imminet jugum, si unas Pistorienses Alpes excipias, ceteris celsius. Ad Occidentem Solem Thyrræni maris litus latè prospectat; eidem Ortus arduam, supinamque Radicofani Arcem objectat, in cujus subjectâ planitie Clanianis aquis amnis Palea seipso major effectus, Tyberim cum tributo adoraturus decurrit. S. Floræ Oppidum Sfortianorum Principum ditionis ad meridiem habet; certantque ad Septentrionem, quasi se prodere conspectanda, Pientia, multaque alia, cum Senis ipsis, non ignobilia ejusdem Civitatis ditionis Castella, quorum subjectam vallem furibundus amnis Urcia terit, limosum alicubi, ideoque malè fidum vadum Romam euntibus præbens. Ad summum verticem, cùm nubibus quandoque incubantibus, tum inaccessis nemoribus mons totus inhorret: medium humano

viçtui commodior, proceraque castanea cingit: postremum vites, operâque mortalium consitz arbores, ardentibus pratis, exornant. Ad medium, natura lætam, latamque explicavit planitiem, quam mille omninò passus circumdant. In eâ S. Salvatoris exsurgit Cœnobium quadrato, impolitoque lapide constructum, eo Architecturæ artificio, quod magis oculorum arbitrium, quàm perpendiculum ex arte dimetiatur. Rudioris item seculi Templum redolet operam, studiumque. Atria, quæ per distinctas cellulas fessis præbent quietem in quadrum satis decenter recurrunt, subjecto cavædio, cujus fornicem satis amplæ lapideæ columnæ suffulciunt. Qualecunque sit opus, si inculta nemorum spectes, non omninò temnendi ausûs videtur.

Ceterum solum, quod adjacet principi Monasteriî portæ, jam inde egestis sentibus, didicit tandem aratrum ferre, acceptique seminis cum fenore fructus proferre. Itaque ubi, mitescente cœlo, solutz nives ad vallium ima decurrerint, cœperintque culmi ad palmum erecti minari, tum è vicino Abbatiz frequenti Castello acies puellares prorumpunt, noxiarum herbarum expugnatutz proterviam. Cum verò, jam adultâ ætate, ventorum Etelizæ justis frugum agminibus indixerint bellum, factæque aridiores aristæ, minùs jam grave caput extulerint, sub diiori falce ad horrea ditanda procumbunt, plaudente messore, sibi que quodâmmodo gratulante felicioris, annique proventus victoriam. Reliquam tellurem, quæ circumstat Cœnobium, proceræ castaneæ inumbrant, eo inter se decenti intervallo disjunctæ, ut quod inter ipsas exstat herbidum solum pascendo pecori abundè sufficiat. Colludant umbris perspicuæ promanantes aquæ, ut cum eò perveneris, credas te in fabulosos illos, amœnosque Nympharum recessus, lascivientium quandòque Deorum amiliare secretum, penetrasse. Sed Poëtarum festiva natio,

tio, ut nemoribus suis mendacem famam conciliet, fabulas comminiscatur. Nobis interim Amiatina juga fortunata liceat deprædicare, quæ Romanam Aulam cum Pontifice ipso Pio II., suâ ad se traxerint amœnitate; quæ publicis, privatisque consiliis interfuerint, quæ Purpuratorum Senatum suis incultis sedibus exceperint, legationes audierint, legum latarum conscia fuerint; ita ut si stirpibus, sentibusque aliquis sensus inesset, futurum erat, ut non modò Poëtarum nemoribus fictorum illorum Deorum recessus non inviderent, sed etiam præ Romano splendore, luxuque Amiatina tesqua suum illum gloriarentur horrorem. Sed quod jam decus nemoribus illis non liceat gloriari, cum geminâ hætenus majestate splendescant, alterâ Pii II., ut non semel dico, alterâ Ferdinandi II. Magni Hetruriæ Ducis? Is enim si quid illis potuit deuisse videri, suâ præsentia, majestateque cumulare implevit. Siquidera cum annos pubertatis egressus, trepidâ ægritudine cœpisset tentari, levandoque languori ad Philippæa Balnea properaret; ad Amiatinum Cœnobium ex itinere divertere placuit, tempore Eugenii Totti Florentini Abbatis, tantâ munificentia in populos, eaque in Monachos clementiæ laude, ut Monasterium illud singulari suæ felicitati adscribat, unicam spem Hetrusci Imperii, Principumque amores, obsequio, muneribus excolere potuisse.

Jam Cœnobium illud à suo exordio Cassinensis ditionis fuisse, nullus est, ut arbitror, qui possit ambigere; cum per ea tempora non modò per Italiam, sed latè ad Occidentem Solem nulla alia monastica disciplina præter eam floreret. Jurisdictionis verò adeò amplæ, splendidæque fuisse affirmant; ut loci Abbates merum, mixtumque, ut vocant, imperium in pleraque circumadjecta Castella exercerent. Et eadem quidem civili potestate, nostri etiam Cistercienses potiti sunt, cum anno MCCXXXII. donante IX. Gre-

Cœnobium Montis Amiatini Pii II. Pontificis Maximi, & Ferdinandi II. Magni Hetruriæ Ducis præsentia nobilitatur.

Montis Amiatini Monasterii prius locum Monachi Cassinenses.

Monachorum Cœnobia Montis Amiatini amplius jurisdictione.

*Monasterium Mor-
tis Amiatini à Grego-
rio IX. Cisterciensis
accipimus.*

IX Gregorio, Monasterium illud in suum Ordinem cooptârunt. Sed cùm deindè ea tempora successissent, in quibus nil usitatus erat, nil familiarius, quàm aliena diripere; coactique demùm essent ceteri tenuiores Tyranni, qui per Hetruriam latrocinabantur veriùs, quàm imperitabant, vel Florentinorum, vel Senensium jugum accipere; indèque sumtis animis cùm ad periclitandas vires, tum ad proferendum Imperium uterque Populus assiduè in armis esset: Amiatini, sive ignobilioris, marcentisque propemodùm Monachalis pertæsi imperii, sive ex continentibus præliis spe prædæ illecti, sive demùm in odium Florentinorum, Senensium vires aucturi, Abbatiali jugo excusso, ad Senenses deficiunt. Adhuc tamen expirantis domini imagine, spiritualique in pleraque Castella potestate Amiatinus Abbas condecoratur. Atque ejus Monasterii is status erat, cum Gregorius XV. annuentibus Medicis Principibus, Hetruscæ Congregationi adjungi mandavit.

Adcò verò lenibus fœderibus cum noviter receptis actum est, ut hætenùs eos haud Septimianarum legum potuerit pœnitere.

Ceterùm (ut tristitia jucundis solet Deus miscere mortalibus) haud diù læta ea celebris Monasterii accessio Septimianis Cisterciensibus fuit. Siquidem non multo post, ut ipsi Amiatinos ad Congregantium jugum compulerant, sic ipsi è Cistellò, vèteri observantiæ domicilio, pulcherrimoque Cœnobio ad Urbani VIII. Pont. Max. æquissima postulata demigrare coacti sunt, eorum quidem, qui tunc præerant, dubiâ, ancipitique prudentiæ famâ: tantâ autem Principum Barbarinorum munificentia laude, ut nobilissimi amissi Cœnobii in plerisque potuerit lenire dolorem. Etenim pro unius Cistelli pretio, & illius quidem nondùm absoluti Cœnobii; Monialium Monasterium, ad quas nostrum transferendum erat, Spi-

*Urbano VIII. Apo-
stolice Monachi
Cistercienses Flo-
rentini Cistellum
vetus observantiæ
domicilium dele-
runt: dolorem an-
tem plerisque in-
grata desertionis
levit incredulitas
ejusdem Summi
Pontificis munifi-
centia.*

Spinetumque propè Sarteianum nobile oppidum, non temnendi censùs sacerdotium Septimianis attribuerunt, additâ ingenti pecuniâ summâ, quæ numerosioribus, ac edacissimis censibus jugulandis, novoque construendo Cestello ejusdem pecuniæ annui fructus abundè sufficerent. Et Monasterii quidem Carmelitanæ temperationis Monialium ejusmodi fuisse exordia, ejusdem loci antiquæ tabulæ tradunt.

Urbanus VIII.
Pontifex Maximus
Septimianis Mona-
chis Spinetum Jac-
gitur.

Anno MCCCCCL., eximiæ tum pietatis, tum nobilitatis Florentiæ quatuor feminae erant, Innocentia scilicet Bartola, Sara Lapaccina cum Magdalenâ filiâ lectissimâ virgine, & Anna Davanzatia. Quæ omnes itâ in Deiparæ Virginis obsequium communi voto exarserant, ut seculi vanissimum cultum, cum Beatissimæ Virginis Carmelitanæ humili veste commutare studuerint. Itaque adeunt ad Carmelitas, commune votum exponunt, Innocentium ejus Provinciæ Præfectum, virum claustrali observantiæ clarum offendunt, qui non modò non refragatus est postulantibus, sed illud institutum apud Hetruscas, Italicasque feminas tum primùm fundaturus, gaviscus est, repertas Florentiæ fuisse feminas, quibus ea instituti laus tutò committeretur; undè postea in ceteras Provincias ad ampliorem pietatis cultum dimanaret. Itaque ab eodem Innocentio die B. Virgini in cælum assumptæ sacro, anno MCCCCCL. in Templo Carmelitarum, publico, solemnique ritu Deiparæ Virginis cultu, vesteque donatæ sunt; tantâ omnium Ordinum, sive lætitiâ, sive admiratione; ut inde (ut postea evenit) magnum pietatis incrementum toti Hetruriæ augurarentur mortales. Adhuc tamen nullum commune domicilium, eodem monachali cultu indutas exceperat; sed unaquæque domi suæ solitudinis sibi cancellos præscripserat, ibique divinum pensum persolvere, tusca vellera convolvere manibus, orationum instantiâ cælum pulsare, frenare sensus, subdere rationi, rationem-

Cistalli Monaste-
rii celeberrimi pri-
mordis, & progres-
sus describuntur.

que ipsam ad divinum præceptorum cotem intentiùs expolire. Quæ perfectionis munia, tametsi singulari congressu possint urgeri, juvat tamen, ubi plurimorum exempla in virtutum studio veniunt in contentionem. Etenim dùm singulariter, quamquàm ab omni contagione semotam vitam traducimus; vix possibile factu est, ut impetus ille, quo primordia ferè rerum vigent, & calent, tanquàm fundâ impellentis, rotâ cessante, semel, & iterùm non elanguescat. Quod ipsum, cùm plurimùm Innocentia Bartola secum ipsa fuisset meditata; adjunctis sibi duabus sociis Mathæâ Chelliniâ, Cosâque Philippi virginibus ad omnem pietatem unicè factis, vitam communem excolere aggressa est. Neque præclarum facinus audentibus divina providentia defuit. Siquidem Andrea Bonarlia, multarum virtutum vidua, paternam domum monasticam vitam professuris liberalissimè dono dedit, ubi seclusis arbitris, inque mutuis aspectibus orbitam perfectionis possent decurrere. Crevit interim Monialium numerus ad duodecim, vel tredecim omninò, extensisque domicilii finibus, intrâ quos monasticæ vitæ munia possent impleri, de nomine Deiparæ Virginis, Angelorumque auspiciò sibi fecèrè cognomen: Carmelitanis eisdem Virginibus scribentibus leges, donec X. regnante Leone, earumdem administratio Clericis delata est; Pio deindè V. Leoninum approbante diploma. Cùm igitur earum Virginum bonus odor dimanasset in vulgum, omnibusque Ordinibus admirationi essent; ex piorum largitate, iterùm Monasterii protulèrè fines, tanto flore, odoreque virtutum; ut ibi ad præsens ad octoginta primæ nobilitatis Virgines profiteantur. In quibus, ut semper enituerint plures præcipuâ sanctimonix laude præstantes; tùm verò in primis Maria Magdalena Pazzia, nobilissima Virgo, miraculis, divinique amoris incendio exstitit admiranda; ita ut VIII. Urbanus Pont. Max. cum acclamatione fidelium

can-

Sancta Maria
Magdalena de Pazzi
sacrosancta.

eandem in album Beatorum retulerit . Cujus quidem beatitudinis encomia non leviter redundant in Evangelistam de gente JUCUNDA virginem Florentinam , quæ Beata illi lac pietatis prima depromsit ; quæ vitam illic ab omni labe proprietatis semotam ceteras excolere docuit ; quæ sanctioris vitæ rigorem suo exemplo sustentavit , adauxit : quæ denique post omnium virtutum decora sanctissimè moriens ea perfectionis Christianæ reliquit vestigia , per quæ ceteræ illic reclusæ virgines gradientes , expeditum sibi in cœlum iter possunt parare .

At quàm pulchra est , Carmelitarum Virginum casta generatio cum claritate ! Nobiles quippè penè omnes ad unam ibi perurgent divinum obsequium ; itaut inter alumnas hoc tempore duas Urbani VIII. Pont. Max. neptes ex fratre filias, Mariam Gratiam, Innocentiamque Barberinas clarissimas virgines se gloriantur habere . Quorum Innocentia natu major , cum puellarem deponeret cultum , cucullum demissionis indueret , eo præfagio Innocentia dicta est , ut primam illam Innocentiam Bartolam æmularetur , scilicèt , ut sicut illa , informis adhuc Monasterii jecerat fundamenta , sic per istam nobiliori schemate , absolutissimo , visendoque Cœnobio imponeretur fastigium . Nec sua præfagio defuit fides ; quippè cùm in Hispaniâ , Galliâque trepidis perfunctus legationibus Franciscus Cardinalis Barberinus sorores invisurus Florentiæ , ad Monasterium illud divertisset , horruissetque ad angustias loci , illasque ratus haud decere virginum præsentem fortunam , de sororibus aliò transferendis cœpit seriò agitare sermones . Illicò in Cistellum nostri Ordinis nobile Cœnobium , ex multorum delatione , injecti oculi . Locus in primis placebat , tùm quòd ab urbano strepitu remotior esse videretur ; tùm quòd attiguas hinc inde Moniales haberet ; quodque caput est , Fesulano , liberoque cœlo gauderet ad salubritatem . Accedebat commo-

M m

da

da ædificiorum constructio, à Monialium usu haudquaquam abhorrens, implebantque apud Principem partes suas, locum approbantium officiosæ voces, ut Domini gratiam nullo suo dispendio colligerent suaviorem. Igitur post Florentiæ, Romæque agitata consilia, postulanti Pontifici, nostri venerabundi cessere: translatumque nostrum Cistellum est ad Moniales, tantâ in eas, inque nos Principum Barberinorum munificentia, ut non semel dico, ut illam, nulla unquam videatur deletura oblivio.

Jam quod attinet ad Spinetum, nomen ipsum, locum condemnat horroris. Et re verâ inter Spineta, nemoraque Monasterium illud fuisse aliquando constructum, ab illorum temporum consuetudine haudquaquam aberrat. Quippè persuasum ejus seculi hominibus erat, vix posse fieri, ut quis purius divinis rebus vacaret, idemque versaretur in turbâ. Itaque inter actuosam, & contemplatricem vitam per id tempus longum dissidium injectum est; itaut qui alienam provehebant salutem, contemplatricis vitæ fines rarò attingerent: quosque à cetero populo divinorum amor seduxerat, vix aliud quicquam, quam æstum illum mentis experirentur. Solitudines ergo, pleraque ejus temporis Monasteria occupaverant, Thebaitarum, Ægyptiorumque gloriam æmulatura. Et quidem quandiu institutum illud illibatum permansit, adamavitque solitudinem illam, piarum cogitationum altricem, virtutum alumnam, divinique timoris, ac vitæ purioris custodem, tandiù occulto quodam vigore Ecclesia valuit, sive hæresum rebellantium procurrerent acies; sive persecutionum rabies defæviret, sive illecebræ voluptatum animos enervarent, sive demùm defœdati mores, solidæ pietatis ruinam minitarentur. Quin inde illorum conatus, qui animorum curatores erant, evadebant robustiores, non secius, ac alieno auxilio sublatae in cælum Moyfi manus propugnatores Judaicæ gentis ad
lx-

De Spineto non
tenendi censûs
sacerdotio Urbano
VIII. Septimianis
attributo, pauca
referuntur.

Solitudinis laudes.

lætā victoriam provexêre. Existimaverim itaque eo consilio hujusmodi Monasterium (cujus hoc tempore nullius aut lineæ, aut levis vestigii indagine, ubi, aut quantum fuerit, ne curiosi quidem possunt advertere) in solitudine, atque à frequentia procul fuisse fundatum: ac tandiū spineta, nemoraque sævientis ferri devitasse injurias, quandiū divinorum amor ex secreto coaluit. At cū deinceps sensim pietas deferbuisset; cœpit placere apicitas, vibrataque bipennis nemora submovit, ac spineta decidit. His subindè aratrum successit, didicitque profcissa terra segetum ad lætum usque virorem jactatum semen fovere. Ditiores indè proventus; uberrima luxûs materies, facinorum fax, instrumentum cupiditatis. Quæ ubi demū invidiosas opes paravit; perplures insidiatores invenit, quorum manus, ingluviemque haud diū potuit eluctari, quin in illorum aliquando veniret potestatem. Sicque factum est, ut pleraque in solitudine fundata Cœnobia in Commendatariorum cesserint ditionem. In quibus numerari potest Spinetum. Etenim à Julio III. Pont. Max. usque ad VIII. Urbanum, Sacerdotium illud in Nobilium gente Politianā cum munificentia laude cohæsit: primusque Robertus Nobilis Cardinalis eā fortassis commendā sub Patruo Julio potitus est: adolescens pro pietate, quā ergā Deum fervebat, planè dignus, qui amplioribus divitiis ad egenorum sublevandam pauperiem inspergeretur. Is ille Robertus est, qui ætatem omnium virtutum ornamento præcurrit adeò feliciter, ut Romanam purpuram prius meruerit, quā fuerit assecutus; prius ex Christianā demissione contempsit, quā ex eā vel minimum quid elationis retulerit. Cū igitur sub purpurā edomandæ carnis sæviora argumenta laterent, ægritudinum tandem confectus ærumnis, invictum spiritum exhalavit; cū prius in vitæ, mortisque confinio risisset, ac de mundo, de carne, de diabolo lætum trium-

*Divitiis confectus
maiorum omnium
varietate.*

*Robertus Nobilis
Cardinalis laudatur.*

phum egisset. Plura de Roberti virtutibus apud Garimbertum, aliosque, qui ejusdem suis in scriptis cum laude meminerunt, studiosi historiarum poterunt haurire. Ego quod ad nostros Cistercienses quoquomodo spectare videtur, quodque de Catharinâ Nobili Sfortiâ, Roberto simillimâ sorore, quam Romæ tempore Clementis VIII. officiosissimè colui, vicissim studiosè cultus ab illâ, accepi, libenter retulero.

Ajebat itaque, Robertum sacrarum studia literarum ità urgere fuisse solitum, ut nonnisi consiliariis adhibitis Patribus, in earum abdita se penetraret. In iis autem Bernardum consuluisse præcipuè, suavissimæ eloquentiæ hominem, cujus mellitâ oratione adeò tenebatur, proficiebatque; ut omnem sanctimoniam vitæ indè se retulisse gloriaretur. Ex eo in gente Nobilium grata, suavisque Bernardi memoria fuit, crevitque adeò cum Catharinâ Nobili Sfortiâ principe feminâ; ut jam provectæ ætatis, perpurgatis Diocletianis Thermis, ingenti animo, sumtutque, operosum, pulchrumque D. Bernardo Templum addito Monachorum satis decenti Cænobio, prima Romæ in Quirinali statuerit, consecravitque. Ob quam pietatis, ac munificentiæ laudem, ut piorum omnium encomia meruit; sic nostram tenuitatem, cum, fato urgente rebus humanis eximeretur, excivit, ut scripto panegyrico, & bonorum omnium luctum, mœroremque, & ejusdem vitæ decora cum lacrymis proderemus.

A Roberto Nobili, Aurelius item Nobilis (nisi Commendatariorum me planè series fallit) illam Commendam obtinuit, quò diuturniùs, eò censùs illius, ditiorisque, cum civilis, tum spiritualis detrimenti majori. Aurelius deinceps Nobilem Vidonem excepit: Vido Franciscum Sfortiam Cardinalem, Catharinæ Nobilis Sfortiæ filium, qui in Nobilium gentem munificentissimè adhuc vivens, iterum illam refudit, donec Nobilium po-

Catharinæ Nobiliæ Sfortiæ Principis
feminæ virtus exi-
mيا celebratur.

postremo Abbate defuncto, ab Urbano VIII. Pont. Max. Francisco Cardinali Barberino nepoti fratris filio delata est, quo demùm cedente, in Cisterciensium ditionem Spinetani census cessere; tùm ob vetus Cistellum ad Moniales translatum, tùm ut illis opibus suffulti novo exædificando Cœnobio Septimiani pares essent. Cisterciensium autem primus Spineti Abbas renunciatus est Ferdinandus Ughellus, qui modò Septimianorum Abbatum seriei calcem exornat, is ille, qui paulò ante Romæ inter doctos viros Pontificiam Ciacconii Historiam suis clarissimis additionibus illustravit, adauxit, quique modò prægrande, variegatumque de Episcopis Italiæ opus molitur, cùm priùs auspiciatissimè huic nostræ Septimianæ Historiæ, hæud ignobilia fundamenta jecisset, quique demùm post Marsilium Vasquezium Toletanum novam Bibliothecam Cistellianam, æmulâ virtute, in gratiam studiosæ posteritatis dedicandam curavit. In quam non ità pridem Antoninus Curradius olim & ipse Septimianus Abbas, iteratâ liberalitate multa contulerat ornamenta.

Spineti primus è Cisterciensibus Abbas Ferdinandus Ughellus, qui jure ac merito vivens ab ætate laudatur.

Ceterùm cave credas qui legis, autorem Spineti mihi per incuriam excidisse, narrationem potiùs simillimam fabulæ de Altobellâ Comitissâ Mojanæ Spineti fundatrice, quam à nescio quibus malè feriatis acceperam, censui funerandam silentio, donec, incompetis damnatis, possent certiora narrari.

Et hæc quidem hætenùs habui, quæ de Septimianis rebus historicè commemorarem. Quæ si ad aliquem usum vitæ prudenti consilio convertantur (ut finis historiæ postulat, ejusdemque studiosum addecere videtur) ut tenuia, ut modica sint; auguror futurum, ut in magnam exemplorum segetem olim excrescant.

FINIS SEPTIMIANÆ HISTORIÆ.

1. The first part of the document discusses the importance of maintaining accurate records of all transactions. It emphasizes that proper record-keeping is essential for the transparency and accountability of the organization. This section also outlines the various methods used to collect and analyze data, ensuring that the information is reliable and up-to-date.

2. The second part of the document focuses on the financial aspects of the organization. It provides a detailed breakdown of the budget, including income and expenses, and discusses the strategies used to manage the funds effectively. This section also includes a comparison of the current financial state with previous years, highlighting any significant changes or trends.

3. The third part of the document addresses the operational aspects of the organization. It describes the various departments and their functions, as well as the processes used to coordinate and execute tasks. This section also discusses the challenges faced by the organization and the steps taken to address them, ensuring that the organization remains efficient and effective.

4. The fourth part of the document discusses the future plans and goals of the organization. It outlines the strategic vision and the specific objectives that the organization aims to achieve in the coming years. This section also includes a discussion of the resources needed to implement these plans and the steps taken to secure the necessary funding and support.

5. The fifth part of the document provides a summary of the key findings and conclusions of the report. It highlights the main points discussed in the previous sections and provides a clear overview of the organization's current state and future prospects. This section also includes a list of recommendations for further action and a final statement of the organization's commitment to transparency and accountability.

I N D E X

RERUM MEMORABILIU.

*Locorum, & Personarum, quæ in hoc
Opere continentur.*

A

ABBATES xli. ex Hispaniâ
Cistercienses ad Albigenfes
instruendos mittuntur. p. 72.
Acciajolia familia Mediolanum colit
sub nomine Ferrariorum. 187.
Actuosa cum contemplatrice vitâ re-
ctè conjungitur. 64. 111.
Ærario publico Florentino præficiun-
tur Monachi Septimiani. 79.
Quâ de causâ. ibid.
Agésilai luculenta sententia. 114.
Idem Statuis & Colossis præclarè sa-
cta præferre solebat. 158.
Agricultura apud Septimum. 11.
Alalasia conjux Lotharii Comitis. 9.
Antonii Albici sententiosissima verba.
pag. 203.
Ejusdem luculentum elogium. 207.
Mors. 209.
Albigenium Hæresis duce Bernar-
do. 70.
Alexander III. 10.
A Friderico Ænobarbo ejectus & fu-
gatus. 28. 29.
Alexander VI. Innocentio VIII. sus-
fectus. 184.
Ejusdem Bulla ad dissolvendum Con-
gregationem Italicam S. Bernardi.
129
Alexandriæ urbis in Insubriâ nomen
unde factum. 29.
Alfonfus Atestinus Ferrariensium.
Dux. 175.
Dantber Aligerius. 4.
Alpes Stalis Septimi Monasterio da-
tæ. 5.
Altobella Comitissa Mojanæ Spiueti
Fundatrix dicta. 277.

Ambitionis periculosa & gravissima
damna. 161. 254.
S. Ambrosii Majoris Mediolanensis
Cœnobium reformatur. 188.
Ambrosius tertius Abbas Septimi eli-
gitur. 77.
Moritur quinto administrationis an-
no. 78.
Carolus Amerinus Florentiæ Prætor. 94.
Amiati Montis Cœnobium ad fines
Senensium. 110. 264.
Septimianæ Jurisdictioni subicitur.
pag. 265.
Hujus Monasterii brevis historia. 266
Primi ejus incolæ Cassinenses. 269.
Eorum amplissima jurisdiction. ibid.
Pii II. & Ferdinandi II. Magni Ducis
Etruriæ præsentia nobilita-
tur. ibid.
Monasterium illud à Gregorio IX.
Cistercienses accipiunt. 270.
Amiatinus Abbas spiritualem in plu-
ra Castella jurisdictionem exer-
cet. ibid.
Scipio Ammiratus. 4.
Anacletus Pseudo pontifex. 240.
S. Anastasii caput in Monasterio
Trium Fontium asservatur. 242.
Andreas Notarius Florentinus. 1.
Andreas septimus Abbas Septimi eli-
gitur. 99.
Ei Bonislatii Monasterium regen-
dum traditur. 100.
Illuc plurimos Monachos mittit. 106
Cœnobium Monialium S. Donati
reformat. 108.
Post decem & octo ann. moritur. 116
Annichinus Mangardus Pisanorum.
Dux. 21.
Anselmus Abbas Fanani Nonantulani
Monasterii Fundator. 207.

Jaco-

INDEX

Jacobus Antiquarius Ludovico Sfortia
Duci à Secretis . 149.
S. Antoninus Florentiæ Archiepisc. 96.
De Cisterciensibus malè sentit. 124. 125
Antonius Cassinensis Cisterciensem
Monachum induit . 136.
Antonius decimus septimus Abbas
creatur . 139.
Sexdecim Septimianos Mediolanum
mittit . 150.
Ejus ad eoldem sapientissima ver-
ba . ibid.
Luculenta ejusdem monita . 154.
De abdicandâ dignitate seriò cogi-
tat . 156.
Abdicationis causæ religiose . 157.
Abdicationi Septimiani inviti con-
sensum præbent . ibid.
Pictate & gravitate plenum ejus di-
ctum . ibid.
Iterum Abbas eligitur . 158.
Ejus utilissima in annuam Abbatum
administrationem monita . 159.
Denuò Præfecturæ cedit . 160.
Post triginta sex annos moritur . ibid.
Ejus eximie dotes . 161.
Aquæ Salviæ propè Romam . 239.
Horatus Aquaviva Cisterciensis Mo-
nachus , Episcopus Cajacensis . 263.
Ardinghus Florentiæ Episcopus . 24.
Cistercienses in Septimum excipit . 41
Ludovicus Aroostus Monachi Severi
consuetudine multum proficit . 228.
Quem laudat cum ceteris Eruditis
grati animi ergò . 239.
Maximus Aretinus Septimianus Mona-
chus . 177.
Argumentus Septimianus Florentiæ
Quæstor deputatur . 82.
Armamenta Florentiæ Septimianis
credita . 98.
Arnoldus Cistercii Abbas & Archie-
piscopus Narbonensis Legatus &
Dux contrâ Albigenes . 71.
Arnus Fluvius Ognanum vicum propè
diruit . 2.
Et tres pontes Florentiæ . 83.
Septimi Monasterium invadit . ibid.
Atho Pacensis Pistorienfis Episcop. 24
Augustinianis Monialibus ejectis suc-
cedunt in Cœnobio Misericordiæ
Septimiani . 174.

Aula Monachis periculosissima . 217.
Aulæ Regiæ Cisterciensæ in Bohemiâ
Cœnobium ab Hussitis planè diru-
tum . 139.

B

Nicol. **B** Accetii in eos , qui amatorios
versus scribunt invectiva . 249
Profana cantica detestatur . 259.
Balnea Philippæa . 269.
Baccius Bandinellus Sculptor Florenti-
nus . 63.
Maria Gratta & *Innocentia* Barberinæ in
Cistello Carmelitæ . 273.
Barberinorum munificentia in Cister-
ciensæ Cistello ejectos . 270.
Franciscus Barberinus Card. Carmelitas
Moniales in Cistellu transfert . 274.
Johannis à Barrerâ historia . 168.
S. Bartholomæi Ferrariensæ Cœno-
bium reformatur . 165.
Titulo honorario Abbatæ à Johanne
XIII. decoratur . 165.
Bonarum artium domicilium . 228.
Baronius redarguitur . 28.
Innocentia Bartola 271.
Thomas Bartolus auctoritate Pontificiâ
duodecimus creatus Septimi Ab-
bas post menses paucos moritur . 129
S. Basilius Magnus Monachos cum pi-
cturis comparat . 228.
Ea quæ amatoriâ turpitudine sorde-
scunt cantica Dæmonum appel-
lat . 25.
Della Bella dicti Comites Gangalaudi . 7
D. Benedicti Institutum in Septimo . 55
Benedictus XII. Remigium Abbatem
Septimi confirmat . 117.
Benedictus decimus nonus Septimi
Abbas primus ad annum creatur .
pag. 160.
Guillelmus Benozzii Monachus . 12.
S. Bernardus in Cistercium ingredi-
tur . 27.
Ejus verba ad infirmos Monasterii
Trium Fontium . 130.
Ejusdem verbis , quæ laxitati favere
videntur abutendum non est . 152
Bernardus Albigenfium Hæreticorum
Dux . 70.

Ber-

RERUM MEMORABILIVM.

Bernardus Monachus Septimianus ,
 109.
 Montis Amiati Abbas eligitur , 110.
 S. Bernardus Antellensis Abbati Septimiano subest . 139.
 Ubertus Bertaldius Abbas Septimi quartus . 79.
 Post quindecim annos moritur . 81.
 Bibliotheca Septimiana describitur . 10.
 Angelus Blondus Septimi Abbas . 192.
 201.
 Johannes Boccaecius de Bonamico Busfalmaeo . 91.
 Andrea Bonarlia Carmelitis Monialibus domum suam donat . 272.
 Bonifacius Ordinis Cisterciensis Generalis . 41.
 Bonifacius VIII. Davidem Septimianum Camaldulensibus præponit . 92.
 Bonifolatii Monasterium ab Hugone fundatum . 100. 103.
 Ab Andrea Abbate receptum . 106.
 Loci egregia descriptio . 107.
 Monasterio pristinum jus , titulusque honorarius Abbatis restituitur . 107.
 Vincentius Borghinius . 4.
 Constantia Borroce præcipua donorum , celestium insignia . 194.
 Breviarium Cisterciense à Marino commendatum . 210.
 Dominicus Brunaccius Vineentii filius & Margharætæ Guidæ à Deiparâ Virgine salutem recipit . 147.
 Johannes Pusens Brunellus Prior Claravallis Mediolanensis . 148.
 Bulgarus Comes . 5.
 Justus Bupholottus in utraq. Siciliâ Cisterciensium res restituit . 248.
 Bonamicus Busfalmaeus Pictor . 91.

C

Accus Gibellinæ factionis princeps occiditur . 81.
 Calendarii emendationem tentat Leo X. 208.
 Gregorius XIII. perficit . 109.
 Calixtus II. 10.
 Camaldulenses per Hetruriam à Da-

vide Septimiano reformatur . 92.
 Camaldulensis Eremitæ Iconographia . ibid.
 Petrus Cambinus decimus Abbas eligitur , & post duodecim annos extinguitur . 120.
 Camillianus arcus ubi palatium Crescius erigit . 227.
 Cantica Dæmonum amatorii versus à S. Basilio appellantur . 250.
 Raynerius Capoccius Cisterciensis Cardinalis . 31. 241.
 Dominicus Capranica Cardinalis Firmannus Septimum ab Eugenio . I V. Commendatum recipit . 135.
 Ejus in Monasterium Septimianum regia munificentia . 139.
 Ejusdem dictum de Abbatibus Commendatariis celeberrimum . ibid.
 Angelus Capranica Cardinalis Abbatiam S. Bartholomæi Bernardo à Vultâ spontè transcribit . 166.
 Gerolus Caraffa Cardinalis externâ Armâ in Italiam advocat . 244.
 Carolus Andium Comes à Clemente Pontifice utriusque Siciliæ Regnum obtinet . 80. 81.
 Carolus Regis Roberti filius moritur . 110.
 Pellegrinus Carpenfis virilis animi femina . 173.
 Annua pensio ei assignatur . 175.
 Castia uxor Hugonis Comitis dicta . 4.
 Casemarii Abbas S. Galgani Cœnobium fundat . 25.
 Calentinus nobilissimus Hetruriæ tractus . 93.
 Cassienses seu Benedictini primi Septimiani Cœnobii incolæ . 23.
 Petrus Castrinovi Montisfrigidî Abbas contra Albigenes . 71. 72.
 Charitatis genuinus character . 200.
 Charta charitatis apud Cistercienses . 45.
 Ciacconius vitarum Pontificum & Cardinalium scriptor . 251.
 Cilla Bulgari Comitis uxor . 7.
 Michael Cipollonus decimus tertius Abbas . 120.
 Magistratu excedit . 21.
 Cistelli Monialium Cœnobium . 137.
 Et Cistello Moniales in S. Donati Mo-

INDEX

- Monasterium migrant. [138.](#)
 In hospitium Septimi Administrit
 cedit. *ibid.*
 Licitationibus ob æs alienum dissol-
 vendum addicitur. [252.](#)
 Urbano VIII. jubente deseritur à Se-
 ptimianis. [270.](#)
 Ejusdem Cœnobii primordia & pro-
 gressus. [271.](#)
 Cisterciensis Ordo anno 1098. cœpit.
[27.](#)
 Ordinis Cisterciensis æquissima com-
 mendatio. [125.](#)
 Cause navorum quibus ille Ordo in-
 spectus est. [127.](#)
 Cistercienses cur tantoperè ubique ex-
 petiti. [30.](#)
 Per viarum errorem ad montem Sæ-
 pium pergentes S. Galgani Cœ-
 nobium fundant. [25.](#)
 In Albigenium hæresim quid ege-
 rint. [70.](#)
 Antiqui locorum insalubrium cultor-
 res. [120.](#)
 A Dominicani & Franciscani pro-
 idiotis & rudibus habentur. [118.](#)
 Italarum Congregationum quibus de cau-
 sis coaluit. [189. 212.](#)
 Ejus primigeniæ leges. [191.](#)
 Alexandro VI. jubente formatur.
ibid.
 Eodem ordinante dissolvitur. [199.](#)
 Julius II. eam restituit. [202.](#)
 Claustrum, quætuosum emporium est
 Monachis. [67.](#)
 Clamationes apud Cistercienses. [74.](#)
 Claves Civitatis Florentiæ Septimia-
 nis datæ. [98.](#)
 Clemens III. [10.](#)
 Clemens VII. gentilis Leonis X. [176.](#)
 Faventinum S. Mariæ ab Angelo
 Monasterium Septimianis tradit.
[246.](#)
 Clusidinum oppidum propè Senas. [32.](#)
 S. Columbanus, vicus propè Arnun. [2.](#)
 Columbanus sibi nomen asciscit Hugo
 Bonislatii Abbas. [105.](#)
 Pyrrhus Salustius Colutius de Fortunâ &
 Fato scribit. [121.](#)
 Reipublicæ Florentinæ à secretis.
[122.](#)
 Comitiorum Generalium apud Cister-
 cium ritus ac causæ. [68.](#)
 Quinam intererant Comitibus. [74.](#)
 Comitibus anni 1580. habita Romæ
 Præfecturam annuam, perpetuam
 reddunt. [262.](#)
 Commendatarii Monasteriorum rui-
 nam cumularunt. [122.](#)
 Dictum Cardinalis Dominici Capra-
 nica de Commendatariis cele-
 berrimum. [139.](#)
 Commoratio in aulâ Monachis peri-
 culosa. [227.](#)
 Ubertus Comus Portus Herculis domi-
 nus. [37.](#)
 Concordiæ sanctæ inter Cistercienses
 Italos & Gallos conditiones. [225.](#)
 A Pio IV. approbatæ. [226.](#)
 Congregatio Italica Cisterciensium.
 S. Bernardi quibus de causis coaluit.
[189. 212.](#)
 Conradus Episcopus Cardinalis con-
 tra Albigenes. [72.](#)
 Consuetudinis inveteratæ dirum ju-
 gum, atrox, ac pertumescendum.
[154.](#)
 Correctoris partes. [43.](#)
 Pauli Cortesii Cardinalis literæ ad Se-
 verum Monachum. [221. 221.](#)
 Gregorius Cortesius Cardinalis Severum
 laudat. [236.](#)
 Contalbertia gens. [7.](#)
 Conversi Septimiani Reipublicæ Flo-
 rentinæ Cancellarii. [96.](#)
 Iis amotis Sigillum publicum Mona-
 chis traditur. [172.](#)
 Crescentius Consul Romanus. [100.](#)
 Nicolai Crescius vir egregius. [108.](#)
 Ejus elogium. [226.](#)
 Præstantissimâ ipsius eloquentiâ val-
 de delectatur Leo X. [227.](#)
 Ad Camillianum arcum palatium,
 erigit. *ibid.*
 Cistercium petit. Ejus oratio ad Gal-
 los. [217.](#)
 Concordiam sancit Gallos inter &
 Italos. [225.](#)
 Johannes Crispinianus Vallis Umbrosæ
 Abbas. [108.](#)
 Culparum in Capitulo apud Cister-
 cienses correctio. [49.](#)
 Cura in providendis Monachis adhibi-
 ta. [59.](#)

Antoninus Curradius Amiatinum Monasterium Septimiani juris facit . 265.

D

S. Petrus **D** Amianus . 6.
Faventix in Monasterio
S. Mariæ ab Angelo conditus .

247.

Danthes Aligerius Poeta . 4.

David Septimianus Monachus . 91.

Moritur in Eremitio . 94.

Anna Davanzatia . 271.

Petrus Delphinus Camaldulensium Generalis . 172.

Despotici seu Summi Imperii infinita
incommoda . 124.

Diomedæ Insulæ in Adriatico . 139.

Divitiarum confectæ malorum omnium
varietate . 275.

Hieronymus Dominici Clarævallis Mediolanensis Abbas . 147. 156.

Johannes Domini Cardinalis contra
Colutii librum de Fortunâ & Fato
strinxit styli . 122.

S. Donati Monialium Monasterium
reformatur . 109.

Monasterium S. Donati pulverosum
undè dictum . 118.

Indè Moniales quidam ab Hieronymo
Ursinâ Farnesâ Viterbium
deducuntur . ibid.

Cursus Donatus factionis apud Florentiam Dux . 97.

E

E Ligendi Abbatem jus olim apud
Monachos . 45.

Ex Epidauri latrones egressi Cistercienses
in Insulâ S. Mariæ trucidant .

129.

Quos sequitur divina vindicta . ibid.

Eugenius III. P. M. qui prius fuit
Bernardus de Paganellâ gente . 241.

Eugenius IV. Lapinum Abbatem rem-
ovet . 124.

F

F Aventinæ Monasterium S. Mariæ
ab Angelo Septimianis traditur .

246.

Felix nobilis Perusinus decimus quartus
Septimi Abbas . 121.

Post annos sui regiminis 21. moritur . 122.

Ferrarii nomen in Insulâ Acciajoliæ
Familie . 187.

Ferdinandus II. Magnus Hetruriae
Dux ad montem Amiatum diver-
tit . 269.

S. Floræ oppidum Sfortianorum Prin-
cipum ditio . 267.

Florentinæ Civitatis lugenda facies sub
Carolo Calabriæ Duce . 211.

Florentini mortuo Carolo Roberti fi-
lio ad pristinam libertatem conspi-
rant . ibid.

Malachias Forasaxius Cisterciensem Rem-
publicam insigniter juvat . 212.

Forensis nobilis Gallus Cisterciensis
Monachus primus Septimi designa-
tur Abbas . 26.

Moritur post annum vix expleti sui
regiminis . 45.

Jacobus Fornerius Cisterciensis Mona-
chus , postea Benedictus XII. 117.

Nicolaus & *Vincentius* Fortinii ambo Ci-
stercienses clari Miniatores . 19. &

61.

Fossæ novæ Abbas Cisterciens . S. Gal-
gani Cœnobium fundat . 21.

Gabriel Franciscus politioris literaturæ
laude celebris . 248.

Fridericus Aenobarbus Alexandro III.
inensus Cisterciensium persecutor .

23.

Florentinis agrum adeptum resti-
tuit . 21.

Fugalia , idest perpetuæ Præfecturæ
exactio . 163.

Fulienis institutor Johannes à Bar-
rerâ . 168.

Fondator Septimi quis . 1.

G

Jobannes **G** Aleatius Mediolanensium
Dux de Salutato Colutio.

122.

Galgalandi Comites vocati *Della Bella*. 7.

S. Galgani Guidotti Cœnobium . 31.

Galli Cistercienses Cœnobiorum per
Hispaniam unionem damnant. 167.

Morimundi Mediolanen. fundato-
res. 186.

Juris electionis Abbatis Generalis
retinentissimi. 190.

Eorum de Italis querelæ. 211.

Taxationis nomine annuam pecunie
summam ab Italis exigunt. 265.

Gallix Cisalpinæ Cisterciensis Cou-
gregatio laude virtutum conspicua.

155.

Antonius Gallionis vitæ S. Philippi Nerii
scriptor. 242.

Ejus de Augustino Ghetino testimo-
nium. 243.

Gartias sextus Abbas Septimi. 88.

Sacras ædes restaurat, & in primis
templum S. Martini ad palmam.

89.

Gasdia Hugonis Thufci mater. 8.

Hercules Genfiagus Mantuæ Episcopus.

232.

S. Georgius à Ruballe Abbati Septimi
subest. 139.

Augustinus Ghettricus eximie sanctitatis
Monachus. 242.

Spiritu Prophetiæ illustris. 245.

Gibellinorum & Guelforum factiones
undè ortæ. 28.

Jobannes Gobellinus in commentariis Pii
II. de Amiatino Monasterio. 266.

S. Gothardi montes. 184.

Jacobus Græcus autor vitæ Joachim Flo-
rentis Abbatis. 248.

Marcus Granaccius Septimi Præfes. 180.

Gregorius VII. 10.

Gregorius IX. Septimiani Abbatis ad
se consecrationem trahit. ibid.

Ejusdem diploma in favorem Cister-
ciensium contra *Benedictinos*. 24.

Jacobum Pecorariam mittit in Gal-
lias. 242.

Montis Amiati Cœnobium Cister-
ciensibus tradit. 270.

Gregorius XI. Apostolicam Sedem in
Italiam revehit. 120.

Gregorius XV. decernit ut Cœnobia
quæque Ordinis Cisterciensis in Ita-
liâ alicui Provinciarum adjunge-
rentur. 265.

Gregorius Cardinalis sub nomine Vi-
ctoris III. Pseudopontifex. 240.

Dominicus Grillandarius Pictor. 12.

Grumbaim celebre Cisterciensium in
Bohemîâ Cœnobium ab Hussitis di-
rutum. 128.

Placidus Guadagnius. 247.

S. Ambrosii Majoris Mediolanensis
Cœnobium reformat. 116.

Jobannes Bernardus Gualandius Græcè
peritissimus. 248.

S. *Jobannes* Gualbertus Septimi reforma-
tor. 5.

Jacobus Gualla Cardinalis. 72.

Guelfi exules Florentiam occupant. 81

Guido Comes Gibellinorum Florentiæ
Princeps urbe excedit, Prato se tu-
taturus. 81.

Guido Septimianus Camaldulenses re-
format. 172.

S. *Galganus* Guidottus Eremita. 12.

Guillelmus Comes Lotharii filius. 5.

Gundeberga Regina Rotharim Aria-
num sibi conjugem asciscit. 266.

H

Henricus II. & III. Cæsares Septi-
mum gratiosis diplomatibus or-
nant. 10.

Henrici III. tempore Cistercienses in
Academias celebriores aditum im-
petrant. 118.

Henricus VI. Friderici Aenobarbi fi-
lius. 29.

Henricus VII. contra *Hetruriam*. 107.

Henricus Claravallensis Abbas contra
Albigenses. 71.

Hentius Rex Imperatoris Friderici ex
Pellice filius. 242.

Hercules Ferrariensium Dux Augusti-
nianarum Monialium Cœnobium.

dat Septimianus. 174.

S. Hie-

RERUM MEMORABILIVM.

S. Hieronymus de labore manuum in Cœnobiiis scribit ad Rusticum . [53.](#)
Hispanis Cisterciensibus multum tenetur uniuersus ordo Cisterci . [168.](#)
Honorius III. Legatum Conradum contra Albigenes mittit . [72...](#)
Hospitum aduentantium cura apud Cisterciens . [64.](#)
Hugo Comes Magdeburgensis cum Othone III. in Italiam [venit. 3. 100.](#)
Deipara Virgo ei se visendam exhibet . [101.](#)
Stupendâ visione ad frugem meliorem reducit . [102.](#)
Septem Monasteria edificat . [103.](#)
Hugo Comes Huberti seu Alberti filius Italiæ Regis Italus Hetruriam rexit . [6.](#)
Hugo Abbas Bonifolatii Cisterciensium ritus amplectitur . [105.](#)
Columbani nomen assumit . [ibid.](#)
Huguccio seu Hugo Bulgari Comitis filius . [1. & 7.](#)
Huilla mater Hugonis dicta . [4.](#)
Florentinæ Abbatix fundatrix . [1.](#)
Humboldus Austrix Dux iniustus Richardi Regis Angliæ detentor . [39.](#)
Humiliati Religiosi cum Septimianis ærario Florentino præficiuntur . [83.](#)
Quorum Ordo à S. Pio V. deletus est . [ibid.](#)
Hussitæ duo celeberrima Bohemice Cisterciensium Monasteria diruunt . [128.](#)

I

S. Iacobus è Montero Cisterciens. Monachus . [16.](#)
Jacobus Abbas primus post Forensensem eligitur . [47.](#)
Post [18.](#) annos moritur . [77.](#)
Augustinus Infangatus Cisterciens Monachus . [123. & 192.](#)
Innocentius II. Divo Bernardo concedit Monasterium Trium Fontium . [240.](#)
Innocentius III. tempore Albigenium heresis [origitur. 70.](#)
Innocentius IV. Cisterciensibus ingressum in celeberrimas Academias concedit . [118.](#)

Innocentius VIII. Camaldulenses per Guidonem reformat . [172.](#)
Ejus Bulla pro reformatione Morimundi . [180.](#)
Insanabiles sunt qui in claustro voluptatibus parere assueverunt . [149.](#)
Invidia bonos arripit perpetuò . [217.](#)
Johannes XXII. Italiæ Johannem Cardinalem S. Theodori præficit . [112.](#)
Evangelista Jucunda S. Mariæ Magdalene Pazziæ magistra . [272.](#)
Juditha Comitis Hugonis uxor à quibusdam dicta . [8.](#)
Juliana Virgo Cisterciens apud Leodium festum Sanctissimi Corporis Christi celebrandum curat . [78.](#)
Julius II. armatur contra Gallos . [175.](#)
Ejus diploma causas continens secessionis Italorum à Gallis . [112.](#)

L

Labor manuum in Septimo . [13.](#)
Lactantii Firmiani sententiosa verba . [114.](#)
Bernardus Lambertescus novus Septimi Abbas . [119.](#)
Post [12.](#) annos extinguitur . [120.](#)
Christophorus Landinus . [4.](#)
Sora Lapaccina . [271.](#)
Julianus Lapinus decimus quintus Septimi Abbas . [122.](#)
Ejus mors deploranda . [124.](#)
Basilus Lapinus Septimianus in Mathematicis exercitatus . [247.](#)
Lateranense Concilium sub Innocentio III. de Capitulis Monachorum . [72.](#)
Lateranense Concilium post Julium II. à Leone X. resumitur . [209.](#)
Latrones ex Epidauro egressi Cisterciens in Insulâ S. Mariæ interimunt . [139.](#)
Leo IX. 10.
Leo X. ad Pontificatum evectus . [176.](#)
Calendarii emendationem tentat . [208.](#)
Concilium Lateranense [resumit. 209.](#)
Liberras Monachorum in proferendâ propriâ sententiâ . [49.](#)
Vincentius Longaspâ Procurator Generalis

INDEX

ralis Cisterciensium Romæ . 169.
 Lotharius Comes Septimi fundator . 5.
 Lucula libri nomen quem scripsit Johannes Dominici Cardinalis in Colutium . 122.
 Ludovicus XII. Julio II. adversus . 175.
 Senensibus ob Aretinum bellum infensus . 235.
 Ejus diplomata favorabilia Cœnobio S. Bartholomæi Ferrariensis . 165.
 S. Lutgardis Virgo Cisterciensis. Albigensium Hæresim futuram prænoicit . 71.
Martinus Lutherus Apostata . 209.

M

Hieronymus **M** Agrezius scientiâ variâ conspicuus . 247.
Philippus Malabaila scriptor vitæ S. Bernardi . 239.
 Mandella Rubacontius Florentiæ Prætor . 41.
 Manfredus utriusque Siciliæ Rex . 79.
 Ejus scelera . 80.
 Victus occiditur à Carolo Andium Comite . 81.
 Mangardus Anniehinus Pisanorum Dux Milanensis . 35.
Petri Marginet Monachi lapsus . 133.
 Ad saniores frugem se recipit . 134.
 S. Mariæ ab Angelo Monasterium Faventinum Septimianis traditur . 146.
 S. Maria Magdalena Pazzia ab Urbano VIII. in Sanctarum album relata . 272.
 S. Mariæ Insula in Adriatico hodiè *Tremisi* vulgò dicitur . 129.
 S. Mariæ Cœnobium Florentinum reformatur . 113.
 S. Mariæ Mattinæ Diocesis S. Marci in Calabria Abbas Petrus Cambinus Septimianus . 120.
 Marinus Monachus Septimianus . 209.
 Breviarium Ordinis Cisterciensis emendat . 210.
 S. Martini Turonensis Episcopi apud Carnutum miraculum . 90.
 Martinus quintus Septimi Abbas . 85.
 Ejus egregiæ dotes . 86.
 Armi portoria Signiæ Portui propiora cœmit . ibid.

Accepta beneficia gratâ memoriâ prosequitur . 88.
 Post annos regiminis sui septem moritur . ibid.
Severinus Massaconius eruditione illustris . 247.
Marcus Mallarius è Confandolo Miniator . 62.
 Maximus Aretinus Septimianus Monachus . 177.
 In Castello diem claudit extremum . 178.
Cosmus Medicus 1. erga Cisterciensium munificentissimus . 252.
 Ejus Horoscopum evulgat Basilius Lapius . 247.
Johannes Medices , qui postea Leo X. Morimundum Septimianis dat reformatum . 179.
Laurentius Medices Camaldulenses opulento Sacerdotio diat . 173.
Laurentius Medices parricidium perpetrat . 247.
Georgius Merula de Clarævallis Mediolanensis Cœnobio . 147.
 Misericordiæ Cœnobium à Mutinensibus Septimiani accipiunt . 173.
 Mutinensibus diripiendum datur . 175.
 Monachi officium est lugere , non docere . 126.
S. Jacobus è Montero Monachus Cisterciensis . 36.
 Montis Amiati Monasterium sui juris in electione Abbatis retinens . 264.
Franciscus Moralva Dux copiarum Pontificiarum . 175.
Rusticus Moranduccius . 108.
 Morimundi Monasterii Mediolanensis brevis historia . 184.
 Galli Cisterciensium fundatores . 186.
 Hoc Cœnobium reformaturi mittuntur Septimiani . 180.
 Cause lapsus Monachorum . 182.
 Mediolanensium Ducis literæ ad reformationem Morimundi . 181.
 Priori hujus Cœnobii pro tempore dat Abbatis ornamenta Alexander VI. 184.
 A Pio IV. titulo Abbatis insignitum est , cum ejus opes Xenodochio Mediolanensi attribuit . 187.

Tobias Baronii Mormorarii prudentiâ Itali Cistercien. in unum coeunt . [190.](#)
Thomas Mormorarius Astronomiæ scientiâ clarus . [248.](#)
Johannes Moronus Cardinalis Cistercienſium Protector . [231.](#)
 Ejus reſponſum de Præſecturâ annuâ in perpetuam mutandâ . [257.](#)
 Quam mutationem à Pontifice obtinet . [262.](#)
 Mugellum feraciſſimus Hetruriæ tractus . [110.](#)
 Sub Ubaldinorum dominio . [103.](#)
 Muliercularum cura Cistercienſibus amota in Romanis Comitibus . [263.](#)
 Mutina à Julio II. occupata . [175.](#)

N

Narbonenſis Abbas Michael Cippollonus . [122.](#)
 Neapolitani Cistercien. cum ceteris Italici unionem renunt . [190.](#)
 Nerlii Florentini . [7.](#)
 Nicolaus Morimundi reformator . [180.](#)
Robertus Nobilis Cardinalis laudatur . [275.](#)
Aurelius Nobilis Roberti frater . [276.](#)
Catharina Nobilis Sfortia apud Thermas Diocletianas Monasterium S. Bernardi erigit . [ibid.](#)
 Nobilitas in clauſtris faſtidioſe ſuperba . [44.](#)
 Nonantulanum S. Sylveſtri Monasterium Septimianis cedit . [206.](#)
 Sigonii verba de hoc Monasterio . [207.](#)
 Novæcellæ celebre Cistercienſe in Bohemiâ Cenobium ab Hufſitis dirutum . [128.](#)

O

Ognanus vicus ad Arnun ſitus . [2.](#)
 Opum invidioſarum gravia incommoda . [176.](#)
 Ordinationis Abbatis ritus . [46.](#)
 Orho III. in Italiam advenit . [100.](#)
 Ejus gratioſa erga Septimum diploma . [2.](#)

P

PAcenſis Piſtorienſis Epicoſopus . [24.](#)
 Pacificus Septimi Monachus ſtatuaris Buccii Bandinelli alumnus . [63.](#)
 Pacificus unus ex Reformatoſibus Mediolanenſibus Septimi Abbas decimus octavus creatur . [157.](#)
 Repentinâ morte extinguitur . [158.](#)
Bernardus à Paganellâ gente Abbas Trium Fontium Summus Pontifex ſub nomine Eugenii III. eligitur . [241.](#)
 Palca amnis Clavianas aquas propè arcem Radicoſani exceptas in Tyberim deſert . [267.](#)
Mathæus Paris hiftoriæ Anglicanæ ſcriptor . [118.](#)
 Paſchalis II. [10.](#)
 Pauli Ferrarienſis Monachi obitus . [171.](#)
 Paulus II. Monachos Septimianos ad Claramvallem Mediolanen. mittit . [149.](#)
 Paupertas Monachorum Septimi . [22.](#)
 & [66.](#)
 Paupertas in clauſtro ambitioſa, proclivis ad commoda . [44.](#)
 Pausaniæ dictum argutiſſimum . [215.](#)
S. Maria Magdalena Pazziæ elogium . [272.](#)
Jacobus Pecoraria Cistercienſis Cardinalis . [31.](#) & [241.](#)
 Pacem inter Florentinos & Senenſes conciliat . [18.](#)
Bartholomæus Perius reformandis Caſtinenſibus S. Mariæ præſicitur . [112.](#)
 Petrus Leo Pſeudopontifex . [240.](#)
 S. Petrus Damianus . [6.](#) & [63.](#)
 Petri Ignei miraculum in [Septimo](#) . [11.](#)
 Petrus Ticinenſis Florentiæ Epicoſopus . [12.](#)
 Philippæa Balnea . [269.](#)
 Phrygionia ars apud Septimum . [13.](#)
 Ejuſdem artis monumenta quæ exſtant . [56.](#)
Andreas Piſtus virtutibus conſpicuus . [191.](#)
 Piſtura apud Septimum . [53.](#)
 Pientia Senen. ditionis oppidum . [267.](#)
 In-

INDEX

Innocentius Pinius Florentinus Cisterciensis *Miniator*. 63. & 185.
 Pius II. cum Aulâ Romanâ ad Montem Amiatum *secedit*. 269.
 Pius III. Alexandro VI. succedit. 201.
 Pius IV. concordiam Cistercienses inter Italos, & Gallos à Crescio initam approbat. 226.
 S. Pius V. calamitosâ Ordinis Cisterciensis conditione movetur. 132.
 Bonifacio Benedictino Cisterciensium Hetruscorum lites committit. 152.
 Politianum oppidum Senenses diruunt. 37.
 Pontificum Romanorum in corrigendis moribus cura. 43.
 Eorum in restituendâ primigeniâ Monasteriorum disciplinâ, plena prudentiæ adhibita ratio. 114.
 Populetum Cisterciensis Ordinis Coenobium. 135. & 264.
Thomas Porcacchius in Severum Monachum iniquus refellitur. 239. 132. 234.
 Ejus calumniæ in Severum obteruntur & exagitantur. 234.
 Portinarii nobiles Florentini Xenodochii S. Maritæ Novæ fundatores. 169.
 Portoria Arni coëmit Martinus Septimi Abbas. 86.
 Quomodo Septimianis adempta. *ibid.*
 Præfectura Septimiana annua redditur. 160.
 De annuâ in perpetuam mutandâ oratio. 253.
 Tâmi annuæ, quàm perpetuæ commoda & incommoda ex Prælatorum administratione *derivat*. 261.
 Perpetua, locorum commutatione, mollitur. 263.
 Precum assidua frequentatio. 51.
 Principatus initia non semper lenia sunt. 176.
 Privilegia Cisterciensibus collata, intacta servantur, dum ceteris Religiosis auferuntur. 112.
 Pulciorum gens. 4. 7.

Q

S. **Q**uintini Martyris inventio in Templo Septimiano. 12.
 Miracula ab eo patrata. 17. & *seqq.*

R

Rachis Rex in Montem Cassinum cucullum indutus *secedit*. 266.
 Amiatini Monasterii fundator jactatur. 267.
 Rangonius Cisterciensium Protector. 176.
Hilarion Rangonius Cisterciensis Monachus ex Insubiâ laudatur. 119. 262.
 Rectoris veri Xenodochiorum dotes. 170.
 Regnandi cupido raro cum sincerâ fide conjungitur. 196.
 Religiosi mali, ceteris pejores. 133.
 Remigius è Sapidâ gente Abbas Septimi octavus. 117.
 Post decem annos moritur. 119.
Justus Ricciabanus Mutinam evocatur. 172.
 Robertus Cistercii fundator. 27.
 Robertus Rex Neapolis. 110.
 S. Romualdus Camalduli *fundator*. 91.
 Rota Romana judiciaria. 176.
 Rotharis Longobardorum Rex Amiatini Monasterii fundator creditur. 66.
 Rubacontius Mandella Florentiæ Prætor. 41.
 Rusius Tola. 97.

S

S. **S**æpius mons propè Senas. 32.
Hugo Saladinus ex Comitibus Anagninis Episcopus Volaterranus. 24.
Cherubinus Salvaterra Cisterciensibus Hetruscis præfens auxilium affert. 252.
 S. Salvatoris templum Amiatinum. 268.
 Salvius Morimundi reformator. 180.
 Sanctimonix primævæ Monachorum Se-

RERUM MEMORABILIVM.

- Septimi descriptio . [48.](#)
Jobannes Sangallus per septem dies undecimus Septimi Abbas . [120.](#)
Remigius Sapius octavus Septimi Abbas . [117.](#)
Saraceni è campaniâ expelluntur . [100.](#)
Bandinellus Saulius Cardinalis . [228.](#)
Petruccianæ conjurationis in Leonem X. accusatur . [229.](#)
Scriptoria ars apud Septimum . [53.](#) [18.](#)
Scrutinio suffragiorum viri Religiosi à Florentinis adhibentur . [112.](#)
Sultemna amnis propè Mutinam . [207.](#)
Sedelitz illustre Cisterciensis Bohemix Cœnobium ab Hussitis funditus eversum . [128.](#)
Senenses Politianum oppidum diruunt . [17.](#)
Ipsis infensus Ludovicus XII. [235.](#)
Septimi Monasterii accurata descriptio . [1.](#)
Ejus muniendi more bellico causa . [2.](#)
E nomine Pagi Septimum dictum . [2.](#)
Ejus fundator . [ibid.](#)
Splendor & latifundia , unde ? [8.](#)
Septimiani Monachi ad præcipua Reipublicæ Florentinæ munia adhibentur . [94.](#)
Conversu Reip. Flor. Cancellarii . [96.](#)
In custodiâ civitatis religiosissimus procedendi modus . [98.](#)
Reformatores Claravallis Mediolanensis in Hetruriam se referunt . [151.](#)
Ad molitiem à primigenio rigore , quibus de causis labuntur . [150.](#) & [251.](#)
Serena valis prope Senas . [22.](#)
Assenius Sergaddius vir perfectæ virtutis . [146.](#)
Cœnobio Claravallis Mediolanensis præsitur . [151.](#)
Jobannes Matthæus Sertorius S. Severinæ Archiepiscopus S. Sylvestri Nonantulæ Commendatarius . [201.](#)
Nonantulanum Cœnobium Septimianis regendum tradit . [206.](#)
Severus Monachus Septimi . [228.](#)
Falsò à Thomâ Porcacchio Petruccianæ conjurationis in Leonem X. accusatur . [229.](#) & [231.](#)
Autorum silentium innocentie ejus suffragatur . [230.](#)
Ejusdem literæ ad Cortesium Cardinalem . [231.](#)
Ad Ludovicum XII. pro Senensibus missus . [231.](#)
Severus Camaldulensis homo per simplex . [232.](#)
Franciscus Sfortia Dux Mediolani . [147.](#)
Asscanius Sfortia Cardinalis Claravallis Cisterciens. in Insubriâ Abbas. [ibid.](#)
Labantem disciplinam ibi restituere conatur . [148.](#)
Septimianos in hoc Cœnobium inducit . [149.](#)
Commendâ S. Ambrosii Majoris se abdicat , & in Cisterciens. munificentissimus est . [156.](#)
Beneficia in Cisterciens. ab eo collata . [188.](#)
Ludovicus Sfortia unionem Cisterciensium Italicorum adjuvat . [191.](#)
In Carolum VIII. arma movet . [ibid.](#)
Siculi Cisterciens. in unum cum ceteris Italis coire recusant . [190.](#)
Sigillum publicum Florentinum . [97.](#)
Signa externa in Monachis , carnem eos exuisse demonstrant . [201.](#)
Signæ portus Abbati Septimi portoria pendit . [9.](#)
Sigonius de Regno Italiæ laudatur . [10.](#)
Idem de Monasterio Nonantulano . [207.](#)
Silentii religiosa observatio in Septimo . [48.](#)
Ignatius Signorinius Septimi Monachus Miniator . [62.](#)
Sixtus IV. Septimianam Præfecturam annuum reddit . [160.](#)
Sobrietas singularis Septimianorum . [66.](#)
Petrus Soderinus Florentinus Dictator . [235.](#)
Solimanus Orientem totum contra Germaniam armat . [251.](#)
Solitudinis laudes . [274.](#)
Sortis ducendæ mira ratio apud Florentinos . [112.](#)
Spinetum propè Sarteantum Septimianis ab Urbano VIII. datum . [271.](#)
Ejus descriptio . [274.](#)
Lapus Spinus magnam vim pecunie Se-

INDEX

Septimo legat. 90.
 Stalis Alpes Septimo datæ. 5.
 His Alpibus comitatûs titulum con-
 ferunt Florentini. 211.
 Studiorum rationem apud Cisterciens.
 multi gravissimi Monachi impro-
 bant. 119.
 Sulci S. Quintini undè dicti? 22.
 Supellex Monachorum in Septimo. 51.
 Sutoria ars apud Septimum. 53.
Bonifatius Symoneta Abbas Cisterciens.
 Cortu. 148.

T

T Alentus Monachus Septimianus.
109.
 Abbas S. Galgani eligitur. 110.
 Taxationis nomine ab Italie Mona-
 steris Cistercienses Galli summam
 pecuniæ annuam exigunt. 265.
Offavianus Terrenus Laudensis Septi-
 mianus Miniator. 62.
 Textoria ars apud Septimum. 53.
 Tiberis fluvius undè oritur? 92.
 Ticinum celebre Insubria flumen. 184.
 Ticini vallis. ibid.
 Timotheus Cassinensis Septimianum
 Monachum induit. 136.
 Decimus sextus Abbas Septimi eli-
 gitur. 137.
 Post septem Præfecturæ annos mori-
 tur. 139.
 Tolosanus Comes Albigenfibus pa-
 trocinatur. 72.
Rufus Tosa Dux factionis Florentinæ.
97.
Johannes à Toffignano primus Abbas
 S. Ambrosii Majoris Mediolanen-
 sis. 156.
Eugenius Totius Montis Amiat Abb. 269.
 Tremeti Insula in Adriatico, olim.
 S. Mariz dicta. 139.
 Trium Fontium ad Aquas Salvias
 Monasterium Septimianis datum.
239.
 Quomodo primùm ad Cistercienses
 transierit. 240.
 Nimia ejusdem opulencia. 242.
Gregorius Tuccius reformandis Cassinen-

fibus S. Mariz deputatur. 113.
Antonius Tuccius Conversus Septimia-
 nus. 140.
 S. Antonini animam ad cælum vo-
 lantem vidit. 144.
 Eximio beneficio à Deiparâ Virgine
 decoratur. ibid.
 Post devictum salutis hostem, ad
 Deum evolat. 145.

V

V Argas Cisterciensium Cœ-
 nobia per Hispaniam in-
 ter se colligat. 167.
Georgius Vafarius Pictor & Historicus.
91.
Marshallus Vasquez Toletanus insignis
 Theologus. 261.
 Cistellianam Bibliothecam ornat.
264.
Johannes Baptista Ubaldinus Laurentii
 filius. 104.
 Ubaldinorum gens toti Mugello do-
 minatur. 101.
 Verbanus lacus. 184.
Ferdinandus Ughellus Septimianos Ab-
 bates digessit in ordinem. 164.
 Primus Spinetti Abbas eligitur. 277.
Placidi Ugolini ausum effrene. 117.
 Viator Episcopus Ferrariensis. 265.
 Orbo Vicecomes Miles & Antistes. 147.
 Turrianorum vires perfregit & Mat-
 theo nepoti Ducatum tradit. 148.
Maria Blanca Vicecomes Sfortia. 187.
 Victor III. Pseudopontifex. 28. & 240.
 Vido Cisterciensis Archiepiscopus Ra-
 vennas. 20.
Johannes Villanus Historicus. 3.
 SS. Vincentii & Anastasii Monaste-
 rium ad Aquas Salvias. 240.
 Vindicta divina in sacrilegos Prædo-
 nes. 129.
 Virginis Deiparæ Icuncula Septimia-
 no Monacho salutem reddidit & Do-
 minico Vincentii Brunacci filio.
147.
 Virgo Deipara se Comiti Hugoni vi-
 sendam præbet. 101.
 Nicolaum Baccetium miraculo sa-
 nat. 185.

Vir-

RERUM MEMORABILIVM.

- Virtutis vitique dispares dotes . 183. *Antonius* Urfinus Florentiæ Episcopus .
 Visitatoris officia . 76. 104.
Bernardus à Voltâ laudatur . 164. Henrico VII. sese opponit . 105.
 Ad Monasterium Ferrarientiæ S. Bartholomæi restitutor accedit . 165. Moniales ad portam Pinetiam reformat . 108.
 Xenodochio S. Mariæ Novæ præfici-
 tur . 169.
 Pauperrimus moritur . 170.
 Urbanus II. 10.
 Urbanus VIII. è Cistello Septimianos
 migrare cogit . 270.
 Ipsis Spinetum largitur . 271.
 Urcla amnis Senis Romam euntibus
 infidus . 267.
Hieronyma Urquina Farnesia Viterbii Cœ-
 nobium Visitationis S. Mariæ eri-
 git . 118.

X

- X Xenodochiorum præcipua cura
 apud Cistercienses . 64.
 Xenodochium Florentinum S. Mariæ
 Novæ Bernardo à Voltâ regendum
 committitur . 169.

FINIS.

21413





005646*81

